

ENN VETEMAA



**VÄIKE
ROMAANIRAAMAT**

Monument
Pillimees
Munad hiina moodi

Eesti keelest tõlkinud
AMIRAN KALADZE

KIRJASTUS „GANATHLEBA“
TĦBILISI — 1988

ენ
ვეტიანა



კვერცხები
ჩინუალ

ესტონურიდან თარგმნა
აშირან კალაქაშ

გამომცემლობა „განათლება“-
თბილისი — 1988

წინამდებარე კრებულში წარმოდგენილია ცნობილი ესტონელი მწერლის ენ ვეტემაას სამი რომანი: „პილიმეისი“, „მონუმენტი“ და „კვერცხები ჩინურად“.

პიროვნება და მისი ცხოვრებისეული პოზიცია, ინდივიდის თვითმყოფადობა და არჩევანის თავისუფლება, ზნეობრივ ფასეულობათა ანალიზი და წარმოსახვითი ზღვარი ბოროტებასა და სიკეთეს შორის — აი. მწერლის აქტიური კვლევის საგანი.

ენ ვეტემაას რომანების ერთი შეხედვით გულახდილი, სააღსარებოდ განწყობილი გმირები სინამდვილეში ძალზე რთული, მრავალმხრივი, ერთმანეთისაგან მკვეთრად განსხვავებული პიროვნებები არიან.

მხატვარი ა. თოდრია

4702000000 — 381

B ————— 321 — 88

M — 602(08) — 88

© „Eesti raamat“, Tallinn, 1968

© ქართული თარგმანი

გამომცემლობა „განათლება“, 1988

I SBN № 5 — 505 — 00597 — 7

ცნობილი ესტონელი მწერლის ენ ვეტემას წიგნისათვის ამ მცირე წინასიტყვაობის დაწერა არც ისე იოლი გამოდგა. მისი მრავალწახნაგოვანი შემოქმედება და ცხოვრებისეული გზა იმდენად სიმბიოზურია, ისეა გადახლართული ერთმანეთში, რომ ცალ-ცალკე განხილვას არ ექვემდებარება. დღეისათვის უკვე ცნობილმა მწერალმა საკუთარ თავთან ზუსტად იმდენი იომა და იდავიდაარაბა, რამდენიც მის ასე საინტერესო მწერლად ჩამოყალიბებას სჭირდებოდა. თავად განსაჯეთ — ჯერ იყო და ცნობილი ტალინელი არქიტექტორის ოჯახში აღზრდილმა, პოეზიაზე შეყვარებულმა ჭაბუკმა ტალინის პოლიტექნიკური ინსტიტუტი დაამთავრა და ცელულოზის ქარხანას მიაშურა, რათა ინჟინერ-ქიმიკოსის ამპლუაში გამოეცადა თავი. მერე კი, როგორც იტყვიან. არც აცია და არც აცხელა — ტალინის კონსერვატორიაში ჩაირიცხა. ეს ის დროა, როცა მომავალი მწერალი ქიმიასა და პოეზიას ერთ ტაბულაში ვერ ათავსებს და გამოსავალს კომპოზიტორობაზე ოცნებაში ხედავს: კონსერვატორიის დამთავრების შემდეგ წერს რამდენიმე სიმღერას, კამერულ ნაწარმოებს, სიმფონიას... და აი, აქ დასრულდა კიდევ ენ ვეტემას ბრძოლა საკუთარ თავთან! გადაწყდა — 60-იან წლებში სწორედ მისი ე. წ. მოკლე რომანებით უნდა გამდიდრებულიყო ესტონური პროზის ჯერაც კალამდაუკარებელი თაბახები. 1964 წლიდან მოყოლებული ზედიზედ გამოაქვეყნა „მონუმენტი“, „პილიმეესი“, „რეჟიემი...“, „კვერცხები ჩინურად“ და სხვ. ასევე ნაყოფიერად გადააბიჯა 70-იან წლებშიც — სხვადასხვა თეატრში წარმატებით დაიდგა და ცალკე წიგნებად გამოიცა მისი ორიგინალური პიესები: „ვახშამი ხუთ სულზე“, „ისევ ვაი ჭკუისაგან“, „წმინდა სუზანა, ანუ სკოლა ოსტატთათვის“, „ვარდების ბალი“.

სულ ახლახან კი მისი შეუდარებელი ნიჭი ახალი წახნავით გამობრწყინდა და ზედრზედ გამოსცა მახვილგონივრულად დაწერილი ისეთი ნაწარმოებები. როგორცაა: „მამ ასე...“. „აბა როგორ!!!“... „ესტონელი ქალების სქესობრივი სარკვევი“ და სხვ., რომლებშიც ძირითადად ცრუმეცნიერები და ცრუინტელექტუალებია პაროდირებული.

რაც შეეხება ენ ვეტემასა შემოქმედებისა და ცხოვრებისეული გზის სიმბიოზურ კავშირს. კრიტიკოსი იური ოკლიანსკი სამართლიანად შენიშნავს: „...ვეტემა რომ პოეტი არ ყოფილიყო. შესაძლოა კომპოზიტრობაზეც არ ეოცნება... არც მისი რომანების ციკლი შეიქმნებოდა, კომპოზიტრობაზე ადრე ინეინერ-ქიმიკოსობაში რომ არ გამოეცადა თავი...“

წინამდებარე კრებულში ენ ვეტემას საში რომანია წარმოდგენილი: „მონუმენტი“, „პილიმეესი“ და „კვერცხები ჩინურად“. პიროვნება და მისი ცხოვრებისეული პოზიცია. ინდივიდის თვითმყოფადობა და არჩევანის თავისუფლება. ზნეობრივ ფასეულობათა ანალიზი და წარმოსახვითი ზღვარი ბოროტებასა და სიკეთეს შორის — აი, მწერლის აქტიური კვლევის საგანი.

აღსანიშნავია, რომ სამივე რომანის ერთი შეხედვით გულახდილი, სააღსარებოდ განწყობილი გმირები სინამდვილეში ძალზე რთული, მრავალმხრივი, ერთმანეთსგან მკვეთრად განსხვავებული პიროვნებები არიან.

„...შემგუებლობა გახლავთ ის საიმედო ჩარალი, რომელიც თქვენს ხელთაა.“

„...მე ოღონდ ისეთ თემებზე მალაპარაკე, როგორცაა პარტიულობა ხელოვნებაში. ბერლინის საკითხი. პიროვნების კულტი... და მთელი დღე რომ ვიყბედო. არ მომწყინდება. პირდაპირ ვირტუოზულ ერუდიციას ვამყლავნებ, რომელსაც ორპირიანი, ჭარისკაცული დანა-ჩანგალივით ვიყენებ — მინდა შევკამ, მინდა შევუტკობ!“

„...მე პარტიის წევრი ვარ! — აინი კი — არა... მამ, რაღა მაინცდამაინც იმას მიანდეს მთავარი როლის შესრულება? ე. ი. მე სულ ტყუილად შევსულვარ პარტიაში. რახან მას ჩემთვის არავითარი სარგებლობის მოტანა არ შეუძლია...“

აი, რა ფიქრები უტრიალებს თავში „მონუმენტის“ ცენტრალურ პერსონაჟს ვოროეს.

სულ სხვაა „პილიმეესის“ მთავარმოქმედი გმირის განსჯის საგანი:

....კაცმა თუ ქერზე თავი ჩამოიკონწიალა. ხელი უნდა გამტყუნო -- თოკი რად გადმოვიდამო? თვალი დადანამაშულა -- ლურსმანს რად მიაგნო და ტანაც - თოკი რად დაკომპო? ყველა ერთადაა დამნაშავე. ცალ-ცალკე კი არც ერთი... ასე. რომ ხალხიც ერთადაა დამნაშავე..."

.....მეც მაქვს გული. ხნოერი გული. მისი ქსოვილოვანი პერანგი ისე შესქელებულია, ბევრი რამ ველარც შეაღწევს. ალაგ-ალაგ კი. პირიქით. ისეა გაცრეცილი. რომ გულის კარს უღებს ათასნაირ ზედმეტობას... გული ჩვენთვის მუშაობს. არც თვალები აქვს. არც გონება. არც უწყის -- ვინაა მისი მფლობელი...

გულს არც სინდისი გააჩნია.

გული უგულოა!"

სევდამორეული ფიქრობს დაღლილი პოეტი რუბენ ილიმე. ეს ის ტრაგიკული პიროვნებაა, რომელსაც. ესტონელი კრიტიკოსის ი. ვიდიინგის მოსწრებული თქმისა არ იყოს. ახალგაზრდობაში ავბედითი მოვლენების შესაკავებლად არ ეყო ძალა. ხანდაზმულობაში კი აწ გარდასულის გადასატანად.

„მაინც რა კვიანი ხალხი ყოფილან ის ჩინელები. მიწაში დაფლულ კვერცხებს რომ შეექცეოდნენ და ისედაც ვიწრო თვალებს სიამოვნებისაგან კუტავდნენ -- ისინი ხომ თვით მძლეთამძლე დროით იტყბარუნებდნენ პირს!..“ — სევდიანად ქირქილებს ახალგაზრდა ქიმიკოსი იაანი და ულმობელ დროს დუელში იწევს.

თავის დროზე ესტონურ პროზასა და, კერძოდ. ენ ვეტემას შემოქმედებას მაღალი შეფასება მისცა ქართველმა კრიტიკოსმა გურამ ასათიანმა. და ეს იმ დროს. როცა „ლიტერატურნაია გაზეტას“ მრგვალ მაგიდასთან ზოგიერთმა ლიტერატურისმცოდნემ 60-იანი წლების ესტონური ახალგაზრდული პროზა ლამის საექვო მიმდინარეობათა ანარქლად მიიჩნია.

ქართველი მკითხველისათვის უთუოდ მრავლისმეტყველი იქნება თვით ენ ვეტემას აზრი ზემოთ აღნიშნულ დებატებში გურამ ასათიანის მონაწილეობის შესახებ:


„სიამოვნებით ვიგონებ. თუ რა განსაკუთრებულ ინტერესს იჩენდა ჩვენი ქართველი მეგობარი გურამ ასათიანი ესტონური პროზის მიმართ. მახსოვს მისი გონებამახვილური მოსაზრებანი „ლიტერატურნაია გაზეტას“ მრგვალ მაგიდასთან. მაშინ გურამმა მისთვის შესაფერისი პრინციპულობით დააყენა საკითხი: „ზოგჯერ კრიტიკოსები აღნიშ-

ნავენ, ესტონური პროზა შედარებით ახალგაზრდააო... უფრო მეტიც — ლოკალური, ნერვული, გროტესკული, პატრიოტულ თემებს მოკლებული პროზააო... გაცემული კითხულობენ, რატომააო ესტონური პროზა ასე ძალიან ესტონური და ა. შ. ჩემის აზრით, — დასძინა გურამმა, — საკითხის ასე დაყენება არ მგონია მართებული იყოს. მე სწორედ ის მხიბლავს, რომ ესტონური პროზა ესტონურია და პირველ რიგში სწორედ ამითაა იგი ჩემთვის საინტერესო...

გურამ ასათიანი მართლაც ამაღლებული სულის ადამიანი იყო. ეს დიდებული კაცი სიკვდილსაც ღირსეულად და არისტოკრატიულად დაუხვდა“.

წინამდებარე კრებულში წარმოდგენილი ენ ვეტემას პროზა წმინდაწყლის ესტონური პროზაა. იგი, რა თქმა უნდა, გროტესკულიცაა, ნერვულიც და ლოკალურიც (ამ სიტყვის საუკეთესო გაგებით), ხოლო რაც შეეხება მწერლის პოზიციას, სტილსა და თემათა აქტუალობას, დაე ეს თვით მკითხველმა განსაჯოს.

ამირან კალაძე



მისი უდიდებულესობის ტყეებში სეირ-
ნობისას ნადირის საველ ბილიკებზე მახეებს
ვაგებდი, ხოლო ტბის სანაპიროზე ნებიერ-
ობის ეამს წყალში ანკესებს ვისროდი.

ა. დიუმა „სამი მუშაბერი“

I

სიგარეტს მოვუყიდე, სავარძელში მოხერხებულად ჩავეფლე და ასე ნეტარე-
ბით მისვენებულმა თვალები მივლულე. მგონი, ხმამალლაც ჩავილაპარაკე:

„და სძლია იელოვამ იაკობს და ალაპყრნა იგი სხვათა თავსა ზედა. დიდება
შენდა ყოვლისშემძლე იელოვა! ამინ!...“

სიგარეტმა სასიამოვნოდ გამაბრუა, რადგან აგერ უკვე ორი საათია, სანამ
ოთახში იატაკის მხეხავები ჩალიჩობდნენ, მე ბავშვური ეჩინანობით ვიკავებდი
თავს მოწვეისაგან. იმთავითვე გადაეწყვიტე, რომ ჩემს ახალ ბინაში მხოლოდ
მარტო დარჩენილს ჩამეყოლებინა გემო პირველი ნაფაზისათვის. ჰოდა, ავი
ასეც მოვიქციე.

ტორშერი გამოვრთე. ქუჩიდან შემოსული რეკლამის შუქი ფანჯრის ფარ-
დებს ელაციცებოდა და ხან წითელღვინისფრად, ხანაც მწვანევაშლისფრად ანა-
თებდა. ბოლოს და ბოლოს, რა ამ ფერების ბრალია, თუ ახლა ისინი არცთუ
ისე პოეტურ მიზანს ემსახურებიან და ჩვენ, უკაცრავად და, ჩიტირეკიებს. და-
ეინებით მოგვიწოდებენ, რათა გონს მოვუხმოთ და ფული შევიანახოთ შემნახველ
სალაროში!

ქვემოდან. თითქოს ნატვრაზეო, ხმადაბალი საცეკვაო მუსიკა მოისმოდა...
თრთოდნენ საფორტეპიანო აკორდების მსუბუქი ჰორიზონტები! არ ვიცი, სი-
ზარმაცით მოსდიოდა და არ ვიცი დადლილი იყო — საქსაფონისტი ცნობილი
ვალსის მელიოდისა უხალისოდ, ჩახრინწული ხმით ადუღუნებდა. ჰერისკენ დაძ-

რული კვამლის რგოლები საღამოს ბინდბუნდში ირეოდნენ წითელღვინისფრად... მწვანეკაშისფრად... ფერთა ლიკლის მილულული თვალებით კვკერტდი და სწორედ რომ ბუხრის პირას მთვლემარე კატასავით ენებივრობდი. არა. ღმერთმანი. დასანანია, რომ ამქვეყნიურ სიამოვნებათა სრულად განსაცდელად ჩემი შორეული წინაპრები საერთოდ არ იცნობდნენ კრუტუნის ხელოვნებას.

დიახ, გამოდის. რომ მე, ასე თუ ისე, მაინც მივალწიე რაღაცას. შესარჩევი ტურები დასრულდა. დასრულდა წარმატებით! ყოველ შემთხვევაში მე ახლა ყველა უფლება მაქვს უზრუნველად წამოვკოტრიალდე და ხმამალა განვაცხადო: მშვიდობით, ჩემო სტუდენტურო ცხოვრებავ, საერთო საცხოვრებლის ფეხმორღვეულო და კრაქუნა საწოლებო! მშვიდობით, დახრუჯულო ტაფის სუნო! მშვიდობით, საერთო ხელსაბანო და სტუდენტურო ღრიანცელო... შენც კარგად მეყოლე, ჩემო სამსაწოლიანო საასპირანტურო ოთახო და იაფფასიანო კარტოფილის პიურეე!

ო, რა საყვარელნი ხართ!... ოღონდ მოსაგონებლად, ოღონდ შორიდან, ჩემო ძვირფასებო... დღეიდან ჩემი ცხოვრება იღებს ახალ სტარტს „ნაცად ოსტატებთან“ საასპარეზოდ... ხოლო სასტარტო იმედები იმდენად ნათელია, რომ ძნელია მათი გამოშვებების ცდუნებას გაუძლოს კაცმა!

ვარ ოცდაათი წლის (არადა, რაც უნდა დამაკვირდეთ, ჰა და ჰა, ოცდახუთისა თუ მეთქმის).

ვარ დიპლომიანი მოქანდაკე... და რაც მთავარია, არქიტექტურის კანდიდატის წოდებით!

უკვე სამი წელია ვარ პარტიის წევრი...

ეცხოვრობ აი. აქ, მხატვართა ახალაშენებულ სახლში.

და მადლობა ღმერთს! — ვარ უცოლო.

ახლა კი უფრო მთავარზე გადავიდეთ: თქვენ ხომ არ გგონიათ, მე აქ იმიტომ დავბინავდი, რომ დილიდან საღამომდე ფერად-ფერადი რგოლები ვაბურაქო? არავითარ შემთხვევაში! ამ კედლებში უნდა დაიწყოს ჩემი ახალი ცხოვრება და მოღვაწეობა! დიახ, სწორედ აქ. ალორძინების ეპოქის ამალღებულ სტილს თუ მოვიშველიებთ, ფრიად პატივცემული სტუმრები — პატივი და ღიღება უნდა გვეახლონ!

ჰმ! „ნაცად ოსტატებთან ასპარეზობა...“ „ფრიად პატივცემული სტუმრები“... როგორია, ჰა? შეიძლება ახლა, ამ წუთში, ყველაფერი ეს უსუსურადაც კი ჟღერდეს. მაგრამ თვალშეუდგამ მწვერვალიდან რომ გადაიხედავ, უმალ აღმოტურად ლურჯი სურვილი გებადება, რათა დაიყვირო: „ოღეს ღრუბელთა სიმაღლიდან გავყურებ არეს...“ და ა. შ.

სახეზე უთუოდ ღიმილი დამთამაშებდა, როცა დღევანდელ გადმობარგებასთან დაკავშირებული აურზაურის შემდეგ დაღლილობამ თავისი გაიტანა და ჩამეძინა.

თვალი რომ გავახილე, კარგა მაგრად ბნელოდა. საათის ფოსფორიანი ისრები უღვაშებივით გადაპრეხილიყვნენ, ანუ თერთმეტის ათი წუთის საკადრისად განლაგებულიყვნენ. სინათლე ჩავრთე და ოთახი კიდევ ერთხელ შევათვალიერე. ერიპა! ჭერ სადა ხარ... ყველაფერი-ყველაფერი და ახალი ავეჯის შექმნა, უბრალოდ, აუცილებელია!

კედლიდან ფრაგონარის* „თავადის ასული“ მითვალთვალებდა. მის და-
ნახვარზე ტანში თბილმა ქრუნტელმა დამიპრა და კარგი ვკენი, თან რომ წამო-
ვიღე-მეთქი. გავიფიქრე. იქ, საერთო საცხოვრებლის ღრიანცელში ჩემზე უფ-
რო, რა თქმა უნდა, ამ გალელ ასულს უკირდა გაძლება. როკოკოს მინაზე-
ბულ სტილში შესრულებული მისი ბუდუარული პორტრეტი მუდამ ჩემს თავ-
თით ეკიდა. არადა, ამ რეპროდუქციის გადამკლდე, ვინ მოთვლის, რამდენჯერ
გავმხდარვარ დაცინვისა და ქირქილის ობიექტი... აცვენილ ახალგაზრდა მხატ-
ვრებს ვერაფრით ვერ გაეგოთ, თუ მე, ასე თუ ისე ნორმალურ ტიპს, რით მა-
ჯადობდნენ ეს მაქმანები... მათ საწოლებთან მეტწილად შავი და წითელი
ფერების მკვერმეტყველურ ნახავში აყირავებული გალაქტიკები ინგროდნენ.
უფრო ხშირად კი იმგვარი ვნებათაღელვანი ბობოქრობდნენ. ახალგაზრდა პო-
ეტების თავისუფალ ლექსებში რომ ვხვდებით... ამგვარი სურათებით ხანდახან
ვერთობი კიდევ. მართალია, ისინი ბაზრის ქოთქოთა ბებრუხანებივით გაბეზ-
რებენ თავს (რაც ჩვეულებრივად ახალგაზრდებს აფრთხობს). მაგრამ საკმარი-
სია მციროდენი მოთმინებით აღიკურვო, და უმალ თავისთავად დაცხრებიან.
ბობოქრობას შეწყვეტენ. საკმაოდ სულელურად დადუმდებიან... ეს ჩემი „თა-
ვადის ასული“ კი ბევრად უფრო ეშმაკუნა ვინმე გახლავთ: მის ღმილში ერთი
შეხედვით გულლია კეკლუცობა კი გამოსკვივის. მაგრამ იმის მიღმა იმდენი
რალაცეობია!... მოითმინეთ. ყმაწვილო, მოითმინეთ! ახალგაზრდა საბჭოთა მხატ-
ვრის როკოკოთი აგრერივად გატაცება ხომ. რბილად რომ ეთქვათ. მეტად უც-
ნაურია! არა, რაც მართალია. მართალია, ამ დღეებში მშობლიურ — ჩრდილოურ
სტილში შესრულებული რამდენიმე სურათიც უნდა დაიკიდოს კედელზე. თავი
და თავი მაინც პირქუში გალწრფელობაა.

სრულიად მოულოდნელად გამახსენდა, რომ ჭერაც არ მიეახშმია. სასწრა-
ფოდ წამოვდექი და იმის იმედით, რომ სადმე წახემსებას კიდევ მოვასწრებდი
ტანზე გადავიცვი.

ძველი ტალინის დაბინდულ ქუჩებს მიეუყვებოდი და ცოტა არ იყოს უც-
ნაური გრძნობები მეუფლებოდა. მე ხომ ემოციათა გონიერულად ხარჯვის
მიზნით ჭერ კიდევ როდის გადავწყვიტე თავიდან ამომგედო და გადამეტებული
მნიშვნელობა არ მიმენიკებინა რაციონალიზმის ეპოქისათვის შეუფერებელი იმ
უსარგებლო ცნებისათვის, როგორცაა „მშობლიური ქალაქი“ და მიუხედა-
ვად ამისა, მაინც ძირტბილას სუნდაკრული შეგრძნება მეუფლებოდა ძემეც-
დომილისა... რაც იქნება, იქნება! თუ სენტიმენტალობაა, სენტიმენტალობა
იყოს, — გავიფიქრე და მშობლიური ზღვიდან მონაბერი ჰაერი ხარბად შევი-
სუნთქე.

მოსკოვში გატარებული ბოლო შვიდი წლის შემდეგ ტალინის გვიანდრო-
ინდელი ტლანქი გოთიყა, რომელსაც ერთ დროს უსუსურ ცინიზმს არ ვაკ-
ლებდი, ახლა ისევ საყვარლად და მიზიდველად გამოიყურებოდა... ეს ძველ-
თაძველი, ხორკლიანი კედლები რალაც სათუთს და ნაზს მაგონებდნენ. ლი-
რიული განწყობილებით მავსებდნენ... რატომღაც ბეტი ალვერის** ლექსი
მომავონდა, რომელშიც ვირის მერხის უკან ეშმაკი ზის და გაბურძგნული წვე-

* ფრაგონარი — ფრანგი მხატვარი (1768 — 1830).

** ბეტი ალვერი — ესტონელი პოეტი ქალი.

რებზე თივამიყრილს ხელში შავი ლაქებით გათხერილი ქალაღი უჭირავს.

„გლორიას“ კარებზე აბრა გამოეკრათ: „თავისუფალი ადგილი არ არის!“ მკაცრად გვაუწყებდა წარწერა. კიბეზე სამი ნირწამხდარი ბიჭი იღგა. ბიჭები სწორედ იმ ასაკისანი ჩანდნენ, როცა თავს დაკაცებულად თვლიან, თუნდაც იმიტომ, რომ ამაზე საერთოდ აღარ ფიქრობენ (შენიშვნა: ვინ იცის, იქნებ ამ ფრაზაში სიბერის 'საწინააღმდეგო რეცეპტიც იმალებოდეს!) რესტორნის კარებზე გამოკრულ აბრას ბიჭები, რა თქმა უნდა, შორიდანვე შეამჩნევდნენ, მაგრამ უთუოდ იხტიბარი არ გაიტეხეს და ისეთი სიფათები მიიღეს, თითქოს ეს გაფრთხილება მათ გარდა ყველას ეხებოდა. ინსტინქტებს მინდობილი ბიჭები ციხე-სიმაგრის შემინულ კარებს ფორსირებული მარშით კი უტევენდნენ, მაგრამ სწორედ რესტორნის კარი გახლავთ ის შეუტნობელი წინააღმდეგობა, რომლის წინაშეც ნიუტონის კანონი მასის, სიჩქარისა და ძალის შესახებ ერთბაშად წყვეტს ხოლმე თავის მოქმედებას!

ფიქრში წასულმა ნაბიჯი შევანელე, დღეს ხომ შაბათია, მაშასადამე, ყველგან ასეთი აბრები ექნებათ გამოკრული... სხვა გზა არ იყო, სასწრაფოდ თავდაჯერებული კაცის გამომეტყველება უნდა მიმელო, რათა ბიჭების წინ მშვიდად გამევილო.

— თქვენ უკვე გელოდებიან! — მომახსენა კარისკაცმა და კარი თავაზიანად გამიღო.

მოყურადებული ბიჭები კიბეზე დაეშვნენ და ღამის ბინდში გაუჩინარდნენ. ამ მოტყუებულ სამეულთან ერთად, რატომღაც საკუთარი თავიც შემეცოდა.

იმათ თუ უარი სტყიცეს, მე რად გამიშვენ? არა, აქ მარტო ტანსაცმელში როდია საქმე. კარისკაცი იმასაც ხომ უნდა მიმხვდარიყო, რომ მაინდამანც „გლორიაში“ დასათრობად თავგამოდებული ამ ლაწირაკებისაგან უფრო მეტ გადასაკვრელ ფულს მიიღებდა, ვიდრე ჩემგან. და მაინც... ეტყობა, სწორედ წითელ-მწვანე ფერთა ლაციცმა და სავარძელში ნებივრობამ დამმუნტა იმგვარი ენერგიით, რომლის წინაშეც მთელი მსოფლიოს კარისკაცები დაყრიდნენ ფარ-ხმალს.

დაკვირვებული ვარ — კარისკაცებთან ურთიერთობისას წმინდაწყლის იდეალისტი ვხდები ხოლმე. ჩემი ღრმა რწმენით, ისინი სრულიად განსაკუთრებულ მეექვსე გრძნობას უნდა ფლობდნენ! ხანდახან კი ასეთი რამეებიც მეჩვენება: აი, თითქოს მე იმ უზარმაზარ მაგიდას ვუზივარ, სადაც საყოველთაო განკითხვის დღე უნდა დაინიშნოს... ხოლო ღვინით გატიალებული არბიტრი უბრალო კარისკაცის კი არა — ყოვლად უზენაესის თვალებით შემომყურებს! ჰოდა, რა გზა გვაქვს — მისი უნეტარესობის თანდასწრებით იმ თავდაცვითი ტირადების ამაოებაშიც ვრწმუნდებით, რაშიც ასე მაგრად გვეგონა საკუთარი პერსონა გამოქეკილი. ბრტყელ-ბრტყელ სიტყვებს ჩვეულებრივად უამრავი დრო მიაქვს ზეციურ სამართალმცოდნეობაში! ვიმედოვნებ, უზენაესი არსთაგამრივე მსგავს მოსაზრებებს ერეტყოსობაში არ ჩამოგვართმევს, რამეთუ მისივე ალიკვალი მიწიერი განმგებელნიც არ იწვევენ ჩემში მაინცდამანც დიდ აღფრთოვანებას.

რესტორანში ორი მაგიდა აღმოჩნდა თავისუფალი. რატომღაც ისევ წითელ-მწვანე კვამლის რგოლები გამახსენდა... ისევ ღიმილგარეული ფიქრი მი-

ვადევნე მოგონებას: „და ცეცხლოვანი ასოებით მივაწერდი ცის კაბადონზე დაპმორჩილდი, მოკვდავო, შენის წარმავალის დიდებითა რესტორნისა კარსა!“

ცხარე საკმელებზე თავის არიდების მიზნით „კიევერი“ ქათმის კატლეტი მოვატანინე და გემრიელად გეახელით. მერე კი ყავაც შეეუკვეთე. მაინც არსად არ მეჩქარებოდა და ვიფიქრე, თვალს წყალს დაეაღვივებ-მეთქი.

რა დასამალია და ჩვენ მართლაც ლაზათიანად გვეხერხება ხოლმე რესტორნების მოწყობა. მარტო კედელზე მიხატული მუსიკოსები რად ღირს --- არქაული და ულტრათანამედროვე ინსტრუმენტების შეხმატებლებით მშვენიერ რუნებს* რომ აღულუნებენ, არადა, მათი დაელმბული თვალები იმასაც მეტყველებენ, რომ არც ესენი უნდა ღალატობდნენ ძველთაძველ ტრადიციებს ხშირ-ხშირად გადაკერის დარგში. და ფრიად საეკვოა ეს ტრადიცია რამემ შეცვალოს.. ამ მხრივ ჩვენ გამოუსწორებელი კონსერვატორები ვართ!

ჩემი ყურადღება იმ გრძელმა მაგიდამ მიიპყრო, რომელსაც მხოლოდ ქალები უსხდნენ. მგონი, რომელიღაც დაწესებულების იუბილეს აღნიშნავდნენ. დროგამოშვებით ქალებს გვარიანად შეზარხოშებული კაცები ეახლებოდნენ და შეძლებისდაგვარად მოწესრიგებულნი საცეკვაოდ იწვევდნენ. მობარბაცეთა თვალთვალში მშვენივრად ვერთობოდი... დიახ, ტემპერამენტისა და ნაკითხობის შესაფერის პოზაში დაქვრილ სახის ნაკეთებს უნდა წარმოეჩინა ახლა მათი მამაკაცური მომხიბვლელობა. ჩემი აზრით, ქალები, რომლებიც მამაკაცებს საკუთარი გარეგნობისადმი გულგრილობაში გვდებენ ბრალს, საკმარისია ახლა ამ მობარბაცე ჩენტლმენებს დაკვირვებოდნენ და თავიანთ ბრალდებას, ღმერთმანი, უკანვე წაიღებდნენ.

თანამეინახე ქალთა ნახევარზე მეტი ჩემკენ იჭდა. უმრავლესობას შუა ასაკის ფინიშამდე მიეღწია. მათი ჩაცმულობა და უაღკოპოლო მხიარულება კი იმის ნიშანი იყო, რომ ისინი სავსებით ზნეცეთილი მეოჯახე ქალები იყვნენ.

(ამათი ქორაობა ხვალ უნდა გენახა: „მაგარი დრო გვატარეთ გუშინ, ჰა? ყველაფერი გადასარევედ მიდიოდა, ბოლოში რომ კ-ს არ აერია!“)..

მხოლოდ სამნი გამოიყურებოდნენ ახალგაზრდულად. გვერდივერდ ჩამომსხდარი ეს ქალიშვილები საოცრად არ ჰგავდნენ ერთმანეთს. ერთ-ერთ მათგანს მხოლოდ ცეკვებს შორის თუ მოჰკრავდი თვალს. ეს იყო მკვირცხლი, ლამაზი, შავგვრემანობის წყალობით ოდნავ მოიტალიურო ტიპი, რომელმაც თავისი გარეგნობის ყველა სიკეთე, რა თქმა უნდა, ზუთი თითივით იცოდა. ამნაირ ქალებზე რესტორნებში ჩვეულებრივად „დიდი მოთხოვნილებაა“. ცეკვებს არც მეორე იკლებდა, აი, ის, მარჯვნივ რომ იჭდა, ეს იყო ქერათმიანი, სიმონა სინიორეს მიხვრა-მოხვრის ქალიშვილი, რომელსაც სახეზე ხაზგასმული თავშეკავება აღბეჭდვოდა. ლილისფრად ამოღებილი მისი ქუთუთოები განსაკუთრებით ოფიცრებს ატყვევებდა. ცეკვის დროს იგი მოხერხებულად კი აეკვრებოდა პარტნიორს, მაგრამ მისი თვალები სადღაც შორს, დასაკარგავში იყურებოდნენ... და იყო ამაში რაღაც ტიპიური.

ჩემი ყველაზე დიდი დაკვირვების ობიექტი მათ შორის ჩამჭდარი ქალი-

* რუნები — ესტონურ-ფინური ხალხური სიმღერები ალიტერაციული ლექსით.

შვილი გახლდათ. ეს გაწრიბული გოგო, დიდი-დიდი, თვრამეტი წლისა თუ იქნებოდა.

პირველი, რაც თვალში მომხვდა, ეს მისი ამაღლებული კუდაპრეხილი კიკინები და ტანზე გემოვნებით მორგებული კაბა იყო. მაგრამ ჭერ თურმე სად ვიყავი! მერე და მერე იმასაც ჩავხვდი, რომ ჩემ წინაშე ყოველად გამოუსწორებელი კაცთმოძულე იჭდა... მართლა, მართლა! არადა, გული დაგწყდებოდათ, რომ მისი ბავშვური სახე, რომელსაც ზიზლის გამოსახატავად არც ერთი ნაკეთი არ ემორჩილებოდა, მაინცდამაინც საამისოდ ირგებოდა. ამ გოგოს დაუნდობლად განმკითხველ თვალთაგან ახლა მთელი რესტორანი იყო მსჭაგრდალებული! მისი რისხვა იფრქვეოდა ირგვლივ, ვერტიკალურად, ჰორიზონტალურად... ეს ვილაცაა მაგარი ვინმე დადგება! ადვილი შესაძლებელია სულაც კოსმონავტი გახდეს!... აი. მომავალმა კოსმონავტმა უკვე მესამედ სტიცა უარი ეგოისტ, ლაზლანდარა, მოდებილო და მდულარე კუპრში ამოსაწყვეტ კაცებს! მობარბაყე ჭენტლმენებმაც სწორი დასკვნები გამოიტანეს, სათოფვეზე აღარ ეკარებოდნენ და ეს ახალგამოჩენილი ბრალმდებელი უკვე მოთმინებადაკარგული ელოდა ახალ მსხვერპლს. თქვენ წარმოიდგინეთ, ერთი-ორჯერ მეც კი გამომხედა. ეტყობა, მიხვდა, რომ აწი არავინ თხოვდა, მეცეკვეო. კაცების მოსაგერიებელ, ზიზლში ნალეს იარაღს უმოქმედობისაგან ჟანგი ეკიდებოდა.

ამ ქორფა დიანასთან ცეკვაში ახლა რას არ მივცემდი! წარმოდგენილი მაქვს, როგორ აელურტულდებოდა... თუმცა ცდებისა და უპერსპექტივო ილუზიების დრო სადღა მქონდა! ავდექი და ისევ მისი ქერათმიანი მეზობელი გავიწვიე საცეკვაოდ.

ადამიანების შორიდან შეფასება რა ადვილია, არა? მე ხომ სტუდენტური წლები საკმაოდ ასკეტურად გავატარე... ხოლო ის პატარა-პატარა „ცოდვები“, როცა შურით დამწვარი ბიჭები ოთახს მითმობდნენ, თვითონ კი ერთ ლოგინზე იძინებდნენ. აქ რა მოსატანია! მას შემდეგ, რაც დამოუკიდებელი მარტოხელა გავხდი, სხვადასხვა მიწიერ პირობითობათა შორის, ჩემმა სულიერ-არისტოკრატიულმა თავშეკავებამაც მოგვამა ჭირი.

ჩემი აზრით, დიდი ცოდვაა კაცების ბუნებრივ ინსტინქტებს უბრალოდ პრიმიტიულს ვუწოდებდეთ! ქერათმიანი პარტნიორი პირველივე ცეკვის შემდეგ საოცრად ინტელიგენტურ არსებად მეჩვენა. მე უკვე მასში ღრმად მიჩქმალული მრავალი ღირსების აღმოჩენაც მოვასწარი... ცეკვას ხომ ნუ იკითხავთ! — ქერათმიანი მართლაც გადასარკვევად ცეკვავდა. სინდიოფალასავით მწყაზარი სახის ნორჩი კაცთმოძულე, რა თქმა უნდა, დაუფთარავი ზიზლით გვითვალთვალებდა, მაგრამ ახლა იმისთვის ვის ეცალა!

ახალი ბინის ქერქვეშ შემნახველი სალაროს ნეონური ნათება და ფრაგონარის პაწაწინა რეპროდუქცია, ეტყობა, ჩემზე დოპინგივით მოქმედებდა. ყოველ შემთხვევაში მათი გახსენებისთანავე ახალგაზრდულ ნაკრებში ახალჩარიცხული მოკრივის თავდაჭერება და სახელმოხვეპილი კრიტიკოსის მკვერმეტყველება მეუფლებოდა. რაღა ბევრი გავაგრძელო, ჩემი ქერაკულულებიანი პარტნიორი ყოველგვარი უხერხულობის გარეშე ახლასახლობაზე მივიპატიე. აჰ, არაო... როგორ შეიძლებაო... გაინაზა. რა თქმა უნდა, ორი ცეკვის შემდეგ კი მხოლოდ ორიოდე წუთით შემოვლანზე დამყაბულდა... ეტყობა.

ჩვენს საზოგადოებაში ჯერ კიდევ ვერ გამოიღო სასურველი ზნეობრივი რეზონანსი „ნოორტე ჰეალში“ დაბეჭდილმა ისეთმა სტატიებმა, როგორცაა: „სწორად მოიქცა იმბი?“ ან „რამ დააყენა ფუქსავატობის გზაზე ლეა?“

მომტანს ერთი ბოთლი „პერნოსა“ და შოკოლადის შეხვევა ვთხოვე. ამ კბილებდაკრეკილმა ვირისოვმა, რასაკვირველია, ყველაზე ძვირიანი შემირჩია. მეც ავდექი და მაშინვე იაფფასიანი შოკოლადით შევაკვლეინე. ამით მომტანსა და ქერათმიანს ერთდროულად ვაგრძნობინე, რომ გამოუსვლელ ხიხოსთან არ ჰქონდათ საქმე.

დარბაზიდან გამოსულები ქალთა საზოგადოების განმაქიქებელმა მზერამ გამოგვაცილა („მაგარი დრო გავატარეთ გუშინ. ჰა? ყველაფერი გადასარევედ მიდიოდა, ბოლოში რომ კ-ს არ აერია!...“)

11

ჩემი ქერაკულულებიანი სტუმარი დილის რვა საათამდე გაუჩინარდა. სხვა რა ჩარა იყო. ოთახში დარჩენილი სუნამოს მძაფრი სურნელება ხარბად შევისუნთქე („Белая ночь“ — ფლაკონი 75 კაბ.). წაერგე თავი ბალიშებში და დამატებითი მამაპაპური ძილი გამოვაცხვე.

თერთმეტის ნახევარზე გვარიანად გამოძინებული წამოვდექი. გადავწყვიტე ახალ ბინაში გათეული პირველი დამის აღსანიშნავად დილის გამამხნევებელი ვარჯიშები შემესრულებინა, ე. ი. გამეყეთებინა ის, რასაც მე ჩვეულებრივად მეორე დღისათვის გადავდებ ხოლმე. რამდენიმე წუთის შემდეგ საკუთარი ენერგიულობით აღფრთხვანებულმა აბაზანაში ნებივრობაც არ დავიკელი. რათა სადღეისო გეგმები სასიამოვნო განცხრომაში დამეწყო.

გადაწყდა! ტრონელტის ნახევარ დღეს წყალი არ გაუვა. გუშინ არ იყო, ამ „ფესვდამწვარმა პროფესორმა“ (ბოდიშს კი ვიხდი. მაგრამ ეგ სახელი თვითონ დაირქვა) ქუჩაში რომ შემაჩერა და აუცილებლად მესტუმრეო, მიბრძანა! რა უნდა ნეტავი? იქნებ სამუშაოც შემომთავაზოს. ა? კი ბატონო, რატომაც არა. ერთი სიტყვიტ. ტრონელთან კარგი ურთიერთობა უნდა დავამყარო. ჩემთვის ასე აჯობებს. ჰმ! მოდი და ნუ გაოცდები — ამდენი ხნის შემდეგ ისევ უნდა შევხვდე იმ ცოცხალ კლასიკოსს, ვისზედაც აქ უამრავ ანეკდოტს ჰყვებიან. უფრო სწორად, ეს იქნება ჩვენი პირველი შეხვედრა პირისპირ! აბა ის როდის იყო — მაშინ ხომ ცხვირ... ზოგჯერ ღლაპი ვიყავი. ტრონელტი რომ ტალინის სამხატვრო ინსტიტუტში ლექციებს მიკითხავდა პირველ კურსზე... მერე მოსკოვში წასვლის ვარიანტიც გაიჩინა (რესპუბლიკის ლიმიტი!) და მშობლიური ქალაქიდან შეიდი წლით გავემგზავრე სასწავლებლად. სწორედ ამის გამო იყო, რომ ტრონელტს ძალზე იზვიათად ვხვდებოდი და ისიც სამეცნიერო სესიებზე, გამოფენებზე და ა. შ. ერთი-ერთზე კი არასოდეს შევხვედრავარ. ნეტავ რა შთაბეჭდილებას მოვახდენ მასზე? უნდა ვცადო! ამ კაცზე ხომ სამომავლოდ ბევრი რამ არის დამოკიდებული... თუ საქიროებამ მოითხოვა, იმასაც უნდა მივმართო, რასაც ზოგჯერ „პაღბალიმაქს“ ეძახიან. თანაც ისეთი

* ესტონური გაზეთი („ახალგაზრდობის ხმა“)

კულტურული და დახვეწილი ფორმებით უნდა „ვიპადხალიმო“, რომელიც ჩვეულებრივი შემგუებლობის ჩარჩოებს არ გასცდება.

სასაცილოდ გაჩაჩხულ ფეხის თითებს ვაკვირდებოდი და შემგუებლობის პრობლემებზე ვფიქრობდი. კანტი არ იყო, რომ ამტყიცებდა, ინტელიგენტურობა სხვა არაფერია, თუ არა შემგუებლობის ნიჭიო?!... — მოდი და ნუ გაოცდები: კაცობრიობამ ხომ მრავალსაუკუნოვანი გარჯა მოანდომა მლიქვნელური შემგუებლობის დიდ ინტელექტუალურ ხელოვნებად გარდაქმნას და ახლა რა? — თავის პირშმოს ზიზლით უნდა მოეკიდოს?! ისე გამოდის, რომ გაბედულ რისკზე, ცინცხალ ფანტაზიასა და ღრმა განსწავლულობაზე დაფუძნებული ქცევის ნორმები თითქოს რამეში ჩამოუვარდებოდნენ არსებობისათვის ჩალიჩის სხვა ფორმებს. ამ საქმეში ჩაუხედავ ადამიანებს ის უფრო ემარჯვებათ, კონკურენტი ლამის ძვლებიანად და საზამთრო ქურქიანად შეახრამუნონ, ვიდრე დამაჯერებელი წარმატების გასანადღებლად შედარებით მსუბუქსა და ჰუმანურ მეთოდებს მიმართონ. მაგალითად: მოხერხებულად იმპროვიზებულ გულაჩუყებას, ხბოს ალტაცებას, ენით გამოუთქმელი გულწრფელობის ფონზე საკუთარი თავის გამათრახების სეანსებსა და ა. შ. არა, მართლა შტერი უნდა იყო, ადამიანური სისუსტეები რომ ვერ გამოიყენო! ბოლოს და ბოლოს, კომუნისტურში კი არ ვცხოვრობთ! შემგუებლობას შეიძლება უკეთილშობილესი მიზნებიც ამოძრავებდეს! ერთი სიტყვით, შემგუებლობაა მეცნიერება, სპორტი და ხელოვნება ერთად აღებული...

თუ არ ვცდები, დაახლოებით ასე უნდა იწყებოდეს ერთი ჩემი ძველი ტრაქტატის ხელნაწერი. ჩვენ ხომ, გარკვეულ ასაკში, კაცობრიობის კკუათხელი ნაწილის ბეჭდვითი სიტყვით განათლებას ვისახავთ მიზნად! საკუთარი ტემპერამენტის საკადრისად ვწერთ ქალებზე (სადარბაზოში კონცანობაზე... ხშირად ალიყურზეც, რომელიც უფრო დასამახსოვრებელია!) ანდა ასევე ბუნდოვან დროსა და სივრცეს ვაანალიზებთ, და თქვენ ვერ წარმოიდგენთ, რა სიხარულით ვიგონებ იმ დროს, როცა სრულიად ხელუხლებელი თემა აღმოვაჩინე! ავდექი და მლიქვნელური შემგუებლობა რამდენიმე სახეობად დავანაწილე. თანაც ამ საქმეს სრულ სერიოზულობით, ანუ პატარა ფილოსოფოსისა და დიდი ბულალტრის პედანტურობით მივუდექი.

ამ კლასიფიკაციაში შედიოდა: პარტნიორის სისუსტეთა მოსასინჯი „ანალიტიკური შემგუებლობა“, ხელსაყრელ მომენტში გამოსაყენებელი, შენი პიროვნების შეფასებაში თავგზის ამბნევი „მადუზორიენტირებელი შემგუებლობა“, ამას დავუმატოთ ე. წ. „სარკისებური შემგუებლობა“, ე. ი. როცა პარტნიორს შენივე ნებით „ეხსნები“, ოლონდ აგრძნობინებ, რომ ეს „გახსნა“ წინასწარაა გათვლილი. ამ დროს ორ გონიერ ადამიანს საშუალება ეძლევა ღირსეულად გაუგონ ერთმანეთს; შემდეგ მოდიოდა საკუთარი პერსონის გამამხიარულებელი, ე. წ. „ესთეტიზებული შემგუებლობა“ და ბოლოს მლიქვნელური შემგუებლობის ტექნიკის სავარჯიშო, საგანგებოდ დამუშავებული „სპორტული პოდხალიმაქი“;

მთელი ეს კლასიფიკაცია, თუ არ ვცდები, ოც კატეგორიად მქონდა დაყოფილი და თითოეულ მათგანს შესაბამისი მაგალითებით დახუნძლული ცალკე ქვეთავი ეძღვნებოდა. ახლაც თვალწინ მიდგას ტრაქტატის შემაჯამებელი სტრიქონები, რითაც იმხანად დიდ ვინმედ მომქონდა თავი:

„...ასე და ამრიგად, ჩვენ დავამტკიცეთ, რომ შემგუებლობა გახლავთ ის პრაქტიკული უხილავი და საიმედო იარაღი, რომელიც, ჯერ ერთი, მუდამ თქვენს ხელთაა და მეორეც — თავის ძლევა მოსილებით ბევრად აღემატება ნებისმიერ სხვა იარაღს (ბაქტერიოლოგიურს, თერმობირთულსა და სხვ.). მიუხედავად იმისა, რომ ეს ფილოსოფიას სულაც არ ეხება, მაინც მინდა საბოლოო დასკვნის სახით შემოგთავაზოთ შემდეგი შეგონება: დაე, ვირტუოზ შემგუებელთან არ დაევიწყებინოთ ეთიკა, დაე, ისინიც ჭოლოდ იქითენ ისწრაფოდნენ, რომ კიდევ უფრო ბედნიერი და ლამაზი გახდეს ცხოვრება ჩვენს პლანეტაზე!“

მაგარია, პა? რას იტყვი!

მახსოვს. მაშინ შემგუებლობის შესწავლის მიზნით ამოცანების შედგენასაც მივყავი ხელი, მაგრამ ბოლოს სიკვდილის შემდგომ დიდებას მაინც დღევანდელი კვერცხი ვარჩიე და დაუშთავრებელი ხელნაწერი საწერი მაგიდის უკრაში ჩავმალე.

დღეს, რა თქმა უნდა, ამის გახსენება სასაცილოა. მაგრამ მაშინდელ ნაცოლვილარს ტენის ქყლეთად სულაც არ ვთვლი.

ახლა კი დროა თეორიებიდან პრაქტიკაზე გადავიდეთ-მეთქი, გავიფიქრე და აბაზანიდან ამოსულმა ტანსაცმლის კარადას მივაშურე, რათა ჩემი ავლადიდებისათვის კიდევ ერთხელ გადამეცლო თვალი. მერე რა, რომ ჩემი გარდერობი ჯერჯერობით ღარიბულად გამოიყურება; სამაგიეროდ, საპასუხისმგებლო ვიზიტებისათვის შესაფერისი შავი კოსტუმი გვაქვს! თუმცა, არა, ტოონელტმა რომ ასე გამოპრანკული დამინახოს, ნაღდად გამამასხრებს. თინით გათხერილი სპეცტანისამოსით რომ ვეახლო? არა, ეს ნამეტანი გამქვირვალე სვლა იქნება — ტოონელტი უმალ უსუსურად პრიმიტიულ მლიქვნელს დაინახავს ჩემში...

მაინც შავ კოსტუმში გამოვიპრანკე და კოხტად დაკეცილი, არცთუ ისე ქაბუკათა ცხვირსახოცი პიჯაკის გულის ჯიბეში ჩავიკოკრე. ორიოდე წუთის შემდეგ სარკიდან სასიძოლავით გამოპრანკული ჩენტლმენი შემომცქეროდა. ნამეტანი დენდის შთაბეჭდილება რომ არ დამეტოვებინა და პიჯაკის სამკლავებზე ოდნავი ნაოკები მაინც დამემჩნია, მხარმკლავის მოძრაობით სახელდახელო სეანსი ჩავიტარე. ბოლოს კი საკმაოდ მოძველებული ნაცრისფერი პალტო ჩავიცვი და სახლიდან გავედი. კი ბატონო, იქირჩილოს ტოონელტმა, დამცინოს რამდენიც უნდა, იმხიარულოს... ძალიანაც კარგი! მლიქვნელობის ამგვარ კატეგორიას თავის დროზე, მგონი, „სასაჩუქრო შემგუებლობა“ დავარქვი. ერთობ ჰუმანური კატეგორიაა, ჩემმა მზემ!

უზარმაზარი მუხის კარის წინ ვიდექი და მიხაროდა, რომ ცოტა არ იყოს, მართლაც ვდელავდი: ხუმრობა საქმე ხომ არ იყო, ბოლოს და ბოლოს ამ კარს იქით ცხოვრობს ის კაცი, რომლის დონესაც მე ორი ათეული წლის შემდეგ თუ მივალწიე, დიდი ვეჟაკობა უნდა.

კარზე დავაკაუქნე.

— შემოდი, რისი გემინია? — ეგრევე მომახალა თითქმის ორ მეტრზე აწოწილმა, სანახევროდ გახდილმა გიგანტმა. დათვივით გაბანჯგელულ მკერდზე ოფლის მარგალიტები ასხდა, მომიახლოვდა, სავარჯიშო ორიბირთულა კი-

ლობზე დააგორა და უზარმაზარი მარჯვენა ისე ღონივრად ჩამომართვა, გული შემეიქანდა --- ეს რა პაწაწინა ხელი მქონია-მეთქი. ღმერთო ჩემო. აი ნაწდევილი საშსონი! რაღა ბევრი გავაგრძელო, ჩემ წინაშე მთელი თავისი მონუმენტურობით იდგა ესტონური ქანდაკების ერთ-ერთი ფუძემდებელი.

--- ვვარჯიშობ ცოტ-ცოტას... არ ვნებდები სიბერეს!

ჰმ! ტრონელტი და სიბერე? ჯერ ერთი. ლერი. თმაც არ გათეთრებია და სამი ჩემისთანაც ვერაფერს დააკლებს...

--- საშა როგორ არის. საშა! შჩერბაკოვი... ხომ არის კენკივით!...

პროფესორი შჩერბაკოვი კარგად ბრძანდება და... დიდ მოკითხვას ვითვლით-მეთქი, ავლულულული მე. ასეთი აქტიური მიღებით ნირწამხდარმა მეტის თქმა ვერც მოვახერხებ.

--- გადასარევი კაცია საშა, მაგრამ რად გინდა! --- როგორც მოქანდაკე. ღორს რომ უყვარს. იმნაირია... --- თქვა და ოდნავ მოშწვანო, უცნაურად მოციმციმე ბუს თვალებით (რაღაცით პანსოს* თვალებს რომ მოგაგონებდა) თავით ფეხამდე შემათვლიერა. დაფანჩულ წარბებქვეშ წამით მაღლური ღიმილისნაირი რაღაც გაუკრთა.

ჩემი კოსტუმისადმი დამოკიდებულება ტრონელტს გადაკრულადაც არ გამოუხატავს. ერთბაშად იმის გაფიქრებამაც კი შემეკრთო, რომ ამ კაცის თვალისათვის ჩემში არაფერი არ იყო დაფარული.

--- რა, არ მეთანხმებით, თუ?

რა უნდა მეპასუხა. ხმა არ დამიძრავს.

--- მართალს ვამბობ, მაშ! კაცი რომ ორბირთულებით არ ივარჯიშებს, სათევზაოდ არ ივლის და თავის დღეში თოფს არ გაისვრის, ის რა მოქანდაკე უნდა იყოს! --- თქვა და დათვივით გაბანჯგულული მკერდიდან გულიანად ამოიხარხარა.

--- ერთი წუთით გავალ და რამეს გადავიცვამ, თორემ, ვინ იცის, სოფლელ ტეტიდაც მომნათლოთ. აჰა, ჩემს მოსვლამდე აგერ წიგნებით გაერთე, --- მითხრა და კედელზე ჩამოშვებული ფარდა გადახსნა... ოო, აქ მუხის უზარმაზარი თაროები ყოფილა ოთახის ერთი კუთხიდან მეორემდე, იატაკიდან ჰერამდე, ირგვლივ. ყველგან... მხატვრული ალბომები, ჟურნალები, წიგნები...

--- აი ეს დაათვალიერე. გუშინ ვიწოვნე! --- მითხრა და მაგიდაზე სქელტანიანი ჟურნალი მოისროლა. ფრანგული ალმანახი აღმოჩნდა... და მე, კაცი, რომელიც ყოველი ფეხის ნაბიჯზე ფრანგული ენის ცოდნას ვიკვებნიდი, ბოლოს და ბოლოს იძულებული გავხდი გამოვმტყდარიყავი, რომ სურათებს კი ვხედავ, მაგრამ ნაწერს ვერ ვგებულობ-მეთქი...

--- არა უშავს, სხვათა მაქვს.

რამდენიმე წამიც და ჩემს ხელში იმავე ალბომის იტალიური კამოცემა აღმოჩნდა! ხმა არ გამოიღია... მრავალრიცხოვან გრიფებს, სფინქსებსა და კენტავრებს დაყურებდი და ზოგი მათგანი ალბომის პატრონს მაგონებდა...

ტრონელტი ჩასაკმელად გავიდა. თქმა არ უნდა, ამით სულის მოთქმის საშუალება მომცა. საოცარი კაცია ტრონელტი! საკმარისია ერთი შემოგხედოს და თავს გასრესილ მუშლად წარმოიდგენ... ოო, ამასთან თვალთმაქცობი-

* ვოლდემარ პანსო... ცნობილი ესტონელი რეჟისორი.

საგან ღმერთმა დამიფაროს! აქ ისევ სიმორცხვეგარეული საქციელი დალოცოს ღმერთმა! მე შენ გეტყვი, ამის გათამაშება დაგჭირდება, თუ რა? თანაც, რახან სტუმრების მიღება მაინდამაინც ამგვარად ეხერხება — მორცხვები ჰყვარებია და ეგ არის!

— მოდი, აქ დაესხდეთ! — მომესმა ცოტა ხნის შემდეგ მეორე ოთახიდან.

მომცრო, ნახევრად ჩაბნელებულ ოთახში შევედი. ფანჯრებზე სქელი ფარდები ეკიდა. მაგიდაზე ძველებური წითელაბაჟურიანი ლამპა ციმციმებდა. მოჩუქურთმებულ, მაღალსახურგიან სავარძელში ჩაფლულმა ტრონელტმა თერმოსს თავი მოხსნა და პაწაწკინტელა ფინჯნები ცხელი ყავით შეავსო. საშინაო, ლილისფერ ქურთუკში გამოწყობილი ტრონელტი ახლა ცბიერსა და ბრძენ აღმოსავლელ მბრძანებელს ჰგავდა. ოთახის მკრთალ განათებას თვალი შეეაჩვიე თუ არა, კედლებზე გამოკიდებული ფრინველთა ფიტულები შევნიშნე. ეს ყველაფერი, ერთი შეხედვით, ჯადოსნურ სამყაროს ჰგავდა: ფიტულების შუშის თვალები ისეთი იდუმალებით ციმციმებდნენ, თავს ძალად ხომ არ იმკვდარუნებენ-მეთქი, გავიფიქრე. ვაითუ ყველაფერი მშვენიერად ესმით და ჩემი სიტყვების დამახსოვრებას ცდილობენ-მეთქი....

...და ფიტულების ჩუმად თვალთვალში,

ვით მზიან დარში მუხის გავარდნა,

ო, რა საშინლად თავზარდამცემი

მეწვია ფიქრი დაუკითხავად; —

გრძნეულთა ხელით გამოშიგნულ

ამ ფრინველებში

ვაითუ კაცნი იყვნენ-მეთქი

გამომწყვდეულნი,

მაგიის ძალით

სამუდამოდ დატყვევებულნი!...

გამახსენდა სტრიქონები „Atta Troll“-იდან და ამ პარალელის მოხელთებამ, რა თქმა უნდა, ღიმილი მომგვარა.

ყავა მოვსვი. მწარე იყო და სურნელოვანი. ტრონელტი ისევ ქვეშქვემად მითვალთვალებდა, რის გამოც დირექტორის კაბინეტში გამოძახებულ მოსწავლესავით ვგრძნობდი თავს. ბუხრის თაროზე ძვლისაგან გამოთლილი ფიგურები შევნიშნე... აქაურობა და ორბირთულები ახლა დიდ კონტრასტში იყვნენ ერთმანეთთან. ჩემდაუნებურად ტრონელტის ქანდაკებები გამახსენდა, რომელთაც არა მარტო ათეული წლების წინათ, სამწუხაროდ, აგერ ახლაც, ორმოცდაათიან წლებშიც კი, ფსევდოხალხურად მოიხსენიებდნენ. „სოფლური სიუხეზე და უბრალოება კი ის ნიღაბია, რომლის მიღმაც პოსტიმპრესიონიზმის შიდა ემიგრანტი იმალება!“ — სრული სერიოზულობით წერდა იმ დროს ერთი გაწიწმატებული და სხვათა შორის არცთუ ისე დოცლაპია ხელოვნებისმცოდნე. მაშინ ხომ სიტყვა „იმპრესიონისტი“ „რეციდივისტზე“ საშინლად ჟღერდა. მიუხედავად ამისა, ტრონელტის წამოკიდება არც ისე იოლი გახლდათ: იგი ჭერკიდევ ოციან წლებში გახდა კომუნისტი. ყველაზე ცუდი კი ის იყო, რომ „ყო-

ლისშემძღვანელთან“ დაახლოებულმა ერთმა კაცმა მას ბალის სამი ქანდაკება შე-
უქვეთა.

როგორც ამბობენ, თურმე ერთ უსაშველოდ გამოტყინებულ, მაგრამ იმ
დროისათვის საკმაოდ ავტორიტეტულ მოსკოველ კრიტიკოსს ჩვენს სამხატვრო
ინსტიტუტში რაღაც სკანდალი მოუწყვია. ეს ჩვენი ტონელტიც ამდგარა და,
არც მეტი და არც ნაკლები, ასე მიუხლია:

„ჩერჩვრობით კრემლს მეეზოვის საშუალებით ჩემთან მოლაპარაკება არ
უცდიათ... კრემლის მეეზოვე უნდა ელაპარაკოს ჩვენი ინსტიტუტის მეეზოვეს!
მორჩა და გათავდა!“

ასეთივე შინაარსის ტელეგრამა გაუგზავნია მოსკოვშიც, აი იმ სამი ქანდა-
კების დამკვეთის სახელზე, და როგორ გგონიათ?! — მრავალრიცხოვან მომურ-
ნეთა გულის გასახეთქად ყურებზე ხახვიც ვერ დაუქრიათ!

— ასე შეკირვებულად რატომ გამოიყურებით? ჩემმა ორბირთულებმა
ხომ არ დაგაფრთხობთ?... — ღიმილით მკითხა ისეე „თქვენობით“ ფორმაზე გა-
დასულმა ტონელტმა, — საოცარი ბედი აქვთ მხატვრებს: საკმარისია რო-
მელიმე მათგანმა ცხოვრება ნორმალურად ააწყოს. რომ ხალხი მაშინვე გაო-
ცებული შეაჩერდება... ზოგი, ჩემო ბატონო, სამ ცოლს არ კმარობს, წვერს
მწვანედ იღებავს და დრამათურის ირგვლივ გაღვმილი დაფოფხავს, მაგრამ შენც
არ მომიკვდე, — არავინ ყურადღებას არ აქცევს!... მე კი საკმარისია დილ-დილო-
ბით მაწონი ვიყიდო და საკუთარ ბაღში ხუთიოდე წუთით წავივარჯიშო, რომ
მაშინვე აქირქილდებიან — დახეთ, ჩვენი პროფესორი კკუიდან აიწია, იაფ-
ფასიანი ეფექტებით პოზიორობსო... თუმცა ჩანდაბას მაგათი თავი! უმჯობესია
თქვენს სამომავლო გეგმებზე ვისაუბროთ.

მე გულახდილად ვაღიარე, რომ თუ რამდენიმე ჩანაფიქრსა და თემას სათ-
ვალავში არ ჩავთვლით, ჭერ განსაკუთრებული გეგმები არ დამისახავს, ვფიქ-
რობ, სათანადო შემზადებაც მაკლია-მეთქი...

— აგერ ახლა სამხატვრო ინსტიტუტში დამპირდნენ. შემოდგომაზე და-
გასაქმებთო და ვნახოთ... — დავძინე ბოლოს.

— შემიძლია ერთი წინადადება შემოგთავაზოთ, — მშვიდად დაიწყო ტო-
ნელტმა, — ქალაქგარეთ, ძმათა სასაფლაოზე, ფაშიზმის მსხვერპლთა მონუ-
მენტი უნდა აიგოს. იმთავითვე ჩემთვის უნდოდათ ეთხოვათ, მაგრამ ერთდრო-
ულად იმდენი სამუშაო მაქვს დაწყებული, ვერაფრით თავს ვერ გავართმევდი.
მოკლედ, ჩვენი დევები, როგორც იქნა, დიდი ჩიჩინის შემდეგ დავიყოლიე,
რომ ეს შეკვეთა საარმასთვის მიეცათ. მართალია, აინი ჭერ მთლად ახალგაზრ-
დაა, სულ რაღაც ერთი წლის კურსდამთავრებული, სამაგიეროდ, უკვე საზრიანი
და ფრიალ ნიჭიერი ყმაწვილი ჩანს. თუმცა რას გიყვებით, თქვენ ხომ მას
შშვენიერად იცნობთ...

თანხმობის ნიშნად თავი კი დაუქვნიე, მაგრამ საარმას შესახებ თითქ-
მის არაფერი ვიცოდი. მხოლოდ გვარი მახსოვდა საიდანდაც, ეს იყო და ეს.

— ამას წინათ ჩემი და აინის საუბარში გაიჩკვა, რომ მონუმენტზე თქვენი
ერთად მუშაობა ყოველმხრივ მიზანშეწონილი იქნებოდა. რაც უნდა იყოს.
ხელოვნებათმცოდნეობის კანდიდატი ბრძანდებით, ასე ვთქვათ, სოლიდური
პირივნება... — ჩაიღიმა ტონელტმა.

შეუძლებელია ამ თითქმის მეგობრული, თითქოს კეთილგანწყობილი და ნახევრად გამქირდავი ლიმილის სიტყვებით გადმოცემა... ყოველთვის. როცა უფროსი თაობის მხატვრებთან ვსაუბრობ. ისეთი გრძობა მეუფლება. თითქოს ჩვენი წლოვანების განმასხვავებელი ყოველი წელი ჩემი ლატარიის ბილეთი იყოს, მაგრამ ასეთი გაღიმება მასწავლა და გეფიცებით, ბილეთების მთელ დასტასაც არ დავიშურებ. — არა, თქვენ ნაუცბათევად ნუ დამყაბულებით, — სიტყვა შემაწყვეტინა ტრონელტმა, — საქმე იმაშია, რომ ამ სამუშაომ შეიძლება მტრებიც შეგძინოთ. არის ერთი საკმაოდ გამოქეპილი ბიძა, რომელსაც თქვენთან და აინთან კონკურენტობა აქვს გადაწყვეტილი, ხელოვნების თვალსაზრისით ის, რა თქმა უნდა, არაარობაა, მაგრამ ისე კი... ეს კაცი გახლავთ მაგნუს ტეე!

— მაგნუს ტეე? მაგას როგორ არ ვიცნობ... ერთ დროს „ლეთის რისხვას“ ვეძახდით, — გავიხსენე მე.

ტრონელტმა ოდნავ შესივებული ქუთუთოები ზემოთ აზიდა და მუქმწვანედ მოკიაფე ორი ლამპა, ანუ გამკოლი მზერა მომპაყრო. ახლა იგი იმ მოხუც მომთვინიერებელს ჰგავდა, რომლისგანაც შეიძლება ასეთი რამეც გაიგონო: „ეს კობრა არც ისე საშიშია, მართალია, მან უკვე ორი კაცი იმსხვერპლა და ჩემი უმცროსი ვაჟიც მოშხამა, მაგრამ მასთან გამკლავება მაინც შესაძლებელია...“

— სხვათა შორის, მთლად გამოუსადეგარი მოქანდაკეც არაა. — გააგრძელა ტრონელტმა, — მაგრამ მას შემდეგ, რაც გზაჯვარდინებზე წამოკვირული მოოქროვილი ირმები და მკლავზე პურის თავთავებგადაწვენილი მანდილოსნები დაანგრის, მაგნუსის ხელოვნებაც გაუუგებარი გახდა თითქოს... ჰოდა, რა ექნა? ისიც ადგა და სულ სხვა ფასეულობათა შექმნას მიჰყო ხელი...

ამისთანა გამანადგურებელი დახასიათების შემდეგ გაცინებაც კი ვერ გავბედე, არც თვითონ იღიმებოდა, იჭდა და თავისი უშველებელი არათითით ცხვირის კეხს ისრესდა, — ასე რომ თქვენ თვითონ აწონ-დაწონეთ ყველაფერი...

ერთი სული მქონდა მეღიარებინა. რომ ამ ყოფილი „ლეთის რისხვისა“ მე სულაც არ მეშინია. რომ მის ჯიბრზე უკეთ ვიმუშაებ... მაგრამ სწორედ ამ დროს ტრონელტი ერთ-ერთ თა.ოსთან დაიხარა და ოთახი მაშინვე ფრინველთა ჟივილ-ხვილით გაივსო. ჰიკიკსა და ტია-ტიას შორის ერთი-ორჯერ ყელგადავადებული ვალობაც გაისმა.

— აბა, ეს თუ იცით, რომელია? — მკითხა ტრონელტმა, — ან აი ეს?

გუგულის ხმის გარდა ვერც ერთი ვერ გამოვიცანი და ჩემი მიუხვედრელობა დაუფარავად ვაღიარე.

— დიდი მელა ხარ შენ! მიწაში რა დევს ის იცი და ჩიტების ხმა ვერ გამოიცანი, ხომ? ვინ ჰამს მაგას! — ისევ გაიღიმა ტრონელტმა.

ჩიტები ჟივილებდნენ, ჰიკიკობდნენ. ვალობდნენ... კედლებიდან კი ისევე ეშმაკურად თავმომკვდარუნებული ბუები მითვალთვალებდნენ...

მაგნიტოფირი დასრულდა თუ არა, ტრონელტი წამოღდა.

— ასე რომ ყველაფერი აწონ-დაწონეთ. სიკაბუჯეში შეცდომების დაშვება საბედისწეროა. შეიარეთ აინთან... და კიდევ აი რა: ესეც მაგნუს ტეეს ეხება — კარგა ხნის წინათ აინს პატარა ინცინდენტი შეემთხვა ე. წ. „ქალთა საკითხში“. ჰოდა, ეს ჩვენი მაგნუსიც დღემდე შემთხვევას არ უშვებს ხელიდან,

მის „მორალურ სახეზე“ რომ არ იმსჯელოს. სხვათა შორის, დღეს ტელეფონით შემატყობინა, რომ ამ დილით თქვენი ბინიდან ვილაც ქალი გასულა... აი, ასეთი კაცი გახლავთ მაგნუს ტეე! და ცხოვრობს იგი სწორედ თქვენს თავზე.

ტრონელტი ოდნავ წინ გადმოიხარა. მისი ღიმილი ახლა „კეთილ ვულკანს“ მოგაგონებდა.

კარის ზღურბლთან ტრონელტი ისევ ტრონელტად იქცა.

— ორფუთიანია! — მიმანიშნა ორბირთულაზე, — ფუთიანიც მაქვს, თუ გინდა, გათხოვებ.

მერე მხარზე ხელი შინაურულად მომითათუნა და კარი ისე სწრაფად მომიკეტა ცხვირწინ, მგონი, ოთახიდან გამოძევებულს ვგავდი....

პატარა ბიჭივით სტეენა-სტეენით მივაბიჯებდი. იქნებ სულაც ტრონელტის მაგნიტოკოლექციაში ჩაწერილ რომელიღაც იშვიათი ჭიშის სკვინჩას ვბაძავდი. რა გადაწვევით? რა და შემოთავაზებულ წინადადებას დიდი სიამოვნებით ვლებულობ! რაც შეეხება მაგნუს ტეეს, ანუ „ღვთის რისხვას“ — მაგასთან უსათუოდ სიფრთხილვა საჭირო! ასეთ შემთხვევაში ზრდილობიანი დამოკიდებულებისა და კეთილი სურვილების გადმოსაფრქვევად მასთან სტუმრად მისვლა პირდაპირ მისწრება იქნება. ჩვეულებრივად მოოქროვილი ქორბუდების შემოქმედნი ერთობ გულწრფელი ხალხია, რომლებთან ურთიერთობასაც მე მშვენივრად ვახერხებ. მთავარია, ისინი თავიანთ ახალგაზრდობაზე აქაქანო, შენ კი ამ დროს პირდალბული მსმენელის პოზა დაიჭირო. ასევე დადებით ეფექტს იძლევა ვითომ რჩევა-დარიგების მიზნით ესკიზების ჩვენებაც. ოღონდ ესკიზები დაუმთავრებელი უნდა იყოს... თუმცა მას შემდეგ, რაც ტრონელტთან ვიბასე, ეს თავისებურად მშვენიერი მეთოდი, ცოტა არ იყოს, გულისამრევად მეჩვენა.

ერთი სიტყვით, ფრთხილად უნდა ვიყოთ! საქმეს კი ნაღდად კარგი პირი უჩანს! და თანაც როგორი!..

საზოგადოებრივ ტულეტში, ანუ „გადაუდებელ საჭიროებათა ჩიჩმაში“ შევედი. დღეს ისეთ კარგ გუნებაზე ვიყავი, „გამარჯვების მოედნის“ ფართე ხელისგულზე ავთვისებიანი მექვივით წამოზრდილი ეს საპირფარეშოც კი სიმპათიურად მეჩვენებოდა. მწვანე კედელზე მიხატული უზარმაზარი უკანალის დანახვაზე უგერგილოდ მეცინებოდა და ვფიქრობდი, თუ რა საოცრად ენათესავენთან ერთმანეთს თანამედროვე თვითნაბად ხელოვანთა და გამოქვაბულში მცხოვრები ადამიანების თვითგამოხატვის მანერობა-მეთქი... ახლა თვითნასწავლ სიტყვის ოსტატებს არ იკითხავთ? — საოცარია პირდაპირ, სულ რაღაც ერთი უბრალო გაუერცობელი წინადადებით ახერხებენ ისინი არც მთლად მსუბუქი ემოციების გადმოცემას... მავანი ავტორისათვის კი ერთადერთი სიტყვაც საკმარისია, და ისიც სახელობით ბრუნვაში!...

არა. ნაღდად კარგ გუნებაზე ვიყავი!

მე თქვენ მიყვარხართ, ქალებო! უთქვენოდ ცხოვრება დიდი საშინელება იქნებოდა. თქვენ რომ არა, ვინლა მოგვამავებდა ესოდენ ძვირფას ინფორმაციებს? აბა რომელი კაცი გაუძლებდა საათნახევრიან ლაილას აინ საარმასა და მის მეუღლეზე, ისიც ფინჯანი ყავის და მარწყვის ნამცხვრის ამარა! ოო, ეს

შეუძლია მხოლოდ და მხოლოდ ანეს. ჩემი ბავშვობის მეგობარს. დიახ, დედამოძივით შეურყეველი პრინციპებისა და ასეთივე ფეხების პატრონ ანეს ეხერხება ეს და ეხერხება მაღალოსტატურად! აი, ახლაც მთელი საუბრის მანძილზე მხოლოდ ერთადერთი ფრაზის ჩაგდება მოვახერხე: როგორც ჩანს, მე და აინს ერთობლივი სამუშაო მოგველის-მეთქი. ეს ის ანეა, თავის დროზე სამხატვრო ინსტიტუტში მოხვედრას რომ ცდილობდა, მაგრამ არაფერი რომ არ გამოუვიდა, გარკვეულ კანონზომიერებათა წყალობით ძალზე ავტორიტეტულ ხელოვნებათმცოდნედ იქცა. ამჟამად იგი ერთ-ერთი გაზეთის კულტურის განყოფილებაში მუშაობს და სხვადასხვა გამოფენის შესახებ სისტემატურად თხზავს მელანქოლიურ რეცენზიებს, რომლებშიც დიდ მხატვრებს შინაურულად, ე. ი. მხოლოდ სახელებით მოიხსენიებს. მაყანს კი ზოგჯერ დამთრგუნველად ალერსიანი უპირატესობითაც თანაუგრძნობს ხოლმე: „...იგი კემმარიტი შემოქმედია“, მერედა როგორ ეხერხებათ კრიტიკოსებს ამგვარი გამოთქმები! თუ მოეპრიანათ, ამ სამ სიტყვაში იმდენ ზიზღს ჩააქსოვენ, რამდენიც ჩვეულებრივ ქიგოს აქვს ხოლმე ჩამქცნარი ოქროცერცვას იმ ქოტებისადმი, რომლებიც იმის ნაცვლად, რომ მზისკენ მიილტვოდნენ. საცოდავად იკლავებიან! მათდამი ზიზღს შიგადაშიგ მკრთალი, გონებაშავილური, ფილოსოფიური, ერთი შეხედვით, კეთილშობილი სვედაც გადაჰკრავს ხოლმე თვით საგნის არსში დაყურსული უსამართლობის გამო: ეს ქოტები ხომ იქ გამოებმებიან, სადაც სულ არ არის მათი ადგილი, თორემ წესით და რიგით განა ქიგოზე არ უნდა იზრდებოდნენ?!

ნეტა რას ვაჭარბებ. ამხელა ლექციისათვის ანეს მადლობასაც უნდა ვეუბნებოდე. ავი მისგან შევიტყუე, რომ აინი მართლაც ნიჭიერი მოქანდაკე ყოფილა, ოღონდ ლეინოში ვერააო მთლად დალაგებული. ანეს აზრით, თურმე იშვიათად სვამს, მაგრამ თუ დათვრა, მერე მოგვამა კირი. – აყალმაყალი. ჰაი-ჰუი და ბოლოს, რა თქმა უნდა. მილიცია... ორი თვის წინ სასტიკი საყვედური აუკიდებია, უკანასკნელი გაფრთხილებით. განრისხებულ მაგნუს ტეეს მხატვართა კავშირიდან მისი გაპანღურება მოუთხოვია... ბოლოს, დიდი დავიდარაბის შემდეგ, ისევე ტონელტს გადაურჩენია...

გარდა ამისა, აინს თურმე იოტისოდენა პრაქტიციზმიც არ ჰქონია. მაგალითად, რამხელა დოყლაპია უნდა იყო, რომ ყოფილ მოდელიორს, თანაც არქიტექტორ კომეცის საყვარელს თავი გაამასხარაუებინო!... არადა, ეს კლანკებდალესილი კალკულატორი „შესახედავად მაინც ჰგავდეს რამეს!...“ გაუთხოვარ ქალებთან საუბრის დიდი გამოცდილების ბრალი თუა. რომ ანეს ამ ბოლო ფრაზას სრულებით არ გავუოცებია. შინაბერების გაერცელებული აზრით ხომ მთელი ქვეყნის მამაკაცებს პირი აქვთ შეკრული და კვიციან ლამაზმანებს იმიტომ გაურბიან. რათა პათოლოგიურ მახინჯებზე დაქორწინდნენ...

ანეს კომენტარები დამახსოვრებით კი დავიმახსოვრე, მაგრამ მათი გულთან მიტანაც არ ღირდა. მე ხომ აინთან და მის ცოლთან სამეგობროდ ვემზადებოდი. ზოგჯერ ადამიანებისა და საგნების ძირის-ძირამდე ცოდნა არცაა საჭირო. მაგალითად, ბავშვობაში ლოყების გამლავდაეებულ ჰემატოგენზე მანამდე ვგიჟდებოდი, სანამ ერთ მშვენიერ დღეს ამ სამკურნალო ნუგბარის დამზადების ტექნოლოგიას არ გავეცანი!

ნასადილევს მე უკვე საარმას სტუმარი ვიყავი, ამისათვის მხოლოდ კიბის ოცდაოთხი საფეხურის ავლა შეიქნა საჭირო — ჩვენ ხომ ყველა ერთ სახლში ვცხოვრობთ...

ევა საარმა ერთი კოპწია, საკმაოდ პირმშვენიერი ქალი გამოდგა, ვნებიან ტურებთან ერთად თითების მოუსვენარი მოძრაობითაც რომ გეცემოდით თვალში. მისი თითები მხოლოდ ამა თუ იმ ფრაზის ბოლოს ქვავდებოდნენ თეატრალურად, რათა მომდევნო ფრაზაში ისევ ნერვიულად ატოკებულყვნენ. აღზნებული ექსტიულაციით დამუხტული ახალი ფრაზა კი უმრავლეს შემთხვევაში ასე იწყებოდა: „როგორც მე და აინმა გადაწყვიტეთ...“ ევას ნაცრისფერი, მკაცრად კორექტულ თარგზე გამოჭრილი კოსტუმი მის მაღალ გემოვნებას სულაც ვერ ადასტურებდა. მართალია, ერთი შეხედვით, საზრიანი ქალის შთაბეჭდილებას კი ტოვებდა, მაგრამ მისადმი დიდი ალტაცებით განვეწყვე-მეთქი, რომ ვთქვა სწორი არ ვიქნები, და ეს ანეს კომენტარების, ან ევას ლაპარაკის მანერის ბრალი არ გეგონოთ, რომელშიც ერთ სიტყვასაც ვერ ჩაურთავდით. ევა ხომ ახალ-ახალ ფრაზებს ოქროს სამკაულებივით გთავაზობდა, თანაც თვალსაჩინოების მიზნით დამლითა და სინჯით ზეამობრუნებულს... არა, ყველაფერი მოგონების ბრალი იყო. მე მაშინ ჩვიდმეტი წლისაც არ ვიყავი...

სამწუხაროდ, ეს მოგონებაც პიკანტურთა რიგს განეკუთვნება.

ერთხელ სასკოლო არდადეგებს ჩუდის ტბის სანაპიროზე ვატარებდი. ჩვენი ბანაკის ხელმძღვანელი ერთი ახალგაზრდა, ოცდაათ წელს მიტანებული ქალი იყო, რომელიც ახლა რომ ვადარებ, ევას ჰგავდა ძალიან. საშინლად მკაცრი ვინმე იყო: ვარჯიშის, საუზმისა და სადილის გრაფიკს მუდამ განუხრელად იცავდა ხოლმე. „მკვდარი საათის“ შემდეგ კი ჩვეულებრივად „კულტურულ-ალმზრდელიობითი“ ხასიათის გართობებით ვყავდით დაკავებული. მისი ხმა ორად-ორი რეგისტრისაგან შედგებოდა, პირველი: ხანგასმულად გამამხნევებელი, გულსამრევად კეთილგანწყობილი და შინაურული — „მე თქვენ, ბავშვებო, სიურპრიზი მოგიშადეთ. დღეს ჩვენ ჩავატარებთ რას? — ვიქ-ტო-რინას! რაში? — რუსულ კლასიკურ ლიტერატურაში!“ და მეორე: დაუნდობელი, სკალპელივით ცივი: — „დღეს თქვენ პიონერულ მწკრივზე მთელი სამი წუთით დააგვიანეთ!“ ორივე რეგისტრი იმდენად საზიზღრად ჟღერდა, რომ ჩვენი ბანაკი სასკოლო კი არა (თუმცა აქ მოსწავლეებთან ერთად ჩვენზე ბევრად უფროსი ხალხიც ისვენებდა), სამხედრო ყაზარმას უფრო ჰგავდა.

გამოსათხოვარი საღამოს აღსანიშნავად დიდი კოცონი ავაგიზგიზეთ. კაცებმა სოფლიდან მთელი კასრი ლუდი მოაგორეს. ერთი სიტყვით, ყველაფერი ისე აეწყო, რომ დღეს „ლუდკულტურული გართობა“ არ აგვცდებოდა. უცნაური კი იყო, მაგრამ ჩვენს ტირანს, საყვედურიც არ დასცდენია. ალბათ, დამლევი რომ ბევრი იყო და კასრი პატარა, იმიტომ. ასე იყო თუ ისე, გადაწყვიტე დღეს ჩემი ხელმძღვანელის ჯიბრზე დავმთვრალიყავი. მერედა რა ადვილი აღმოჩნდა ეს — სასმელი თვალის დახამხამებაში მომეკიდა. გაცოფდა, მაგრამ რა გაცოფდა ჩვენი ტირანი! კაცები სულ ლანძღვა-გინებით აიკლო, ეგ რა გიქნიათ, მკირაწლოვანი ვაგიბრიყვებიათო (NB!) და იქაურობას დაუყოვნებლივ გამარიდა. ტირანმა ბანაკის ბოლოში მისთვის საცხოვრებლად დადგმულ ერ-

თადერთ ხის ფარდულში შემამწყვდია და კარს გარედან ბოქლომი დაადო. თვითონ კი მოზიჟე კოკონთან დაბრუნდა. მაშინვე მკვდარივით ჩამეძინა. ღამის ორ საათზელა გამომღვდია და მთვარის შუკით განათებულ ოთახში გულამოვარდნილი შეეყურებდი, თუ როგორ იხდიდა ჩემი ტირანი...

ის ღამე, რასაკვირველია, თეთრად გავათენე. ხოლო მეორე დღეს, დილის რვა საათზე (დღესასწაულთან დაკავშირებით ერთი საათით გვიან) მე უკვე მოვარჯიშეთა საერთო მწკრივში უძილობით თვალბზასისხლიანებული ვიდექი და სკალპელივით ცივი ხმის გაგონებაზე ტანში ჟრუანტელი მივლიდა: „გავშალოთ ფეხები, ერთი-ორი! შევაერთოთ, სამი-ოთხი! გავშალოთ! შევაერთოთ! ერთი-ორი, ვოორე, რატომ არ შლით ფეხებს! სამი-ოთხი...“ და არც ერთი ალერსიანი თვალის გადმოკვრა!

დილის ათ საათზე მე უკვე ბანაკიდან სახლისაკენ მიმავალი ავტობუსით მივჩაყაყაყებდი. მახსოვს, ფერდაკარგულსა და ქანცაწყვეტულს გულზე მაზიდებდა და მთელი ქვეყნის ქალები თავბრუდამხვევ მორევად მეჩვენებოდა. მართალია, მას შემდეგ მოხმარების საგნად არავის არ გავუხდივარ, მაგრამ როგორც კი იმ ჩემს რომანტიულ პირველ ღამეს გაეხსენებ, ბოლმა მალჩობს! კაცი ვერ იტანს, თუ ქალი ისე მოექცა, როგორც თვითონ ექცევა ხოლმე ქალს! სხვათა შორის, ის ქალბატონი ამჟამად უზარმაზარი ფიგურა გახლავთ ტურიზმის დარგში (არა, მე იმის თქმა კი არ მინდა, თითქოს კარიერისტების, დაუძინებელი მტერი ვიყო, უბრალოდ, სტანდარტულად ტიპიურ კარიერისტებს ვერ ვიტან). ევას ლაპარაკი და მანერები საბავშვო ბაღის იმ ვინეგრეტს მაგონებდა, რომლისგანაც ბავშვობაში ისევე და ისევე ჩემი ღორმუცელობის გამო მოვიწამლე.

— უსუსური ლოთების ჯოგი! — აი, ასე მოკლედ დაახსიათა ევამ ახალგაზრდა მხატვრები, — გადაყურწავენ ას გრამს და გიყვარდეს! მოჰყვებიან ქაქანს თავიანთ გეგმებზე. ორას გრამზე მშობიარე ქალის ტკივილებს ალიბეკდავენ სახეზე, ხოლო სამას გრამზე უკვე ყველაფერი იციან! (თითები წამით ეფექტურად ქვედებიან). მათ უკვე მიაგნეს იმ ერთადერთ ხაზს, რომელსაც მთელი ცხოვრება ეძებდნენ! იმ ხაზს, რომელიც სურათს სურათად აქცევს და ა. შ. ისინი ახლავე, ახლა კი არა, ამ წუთშივე თავიანთ სახელოსნოებს მიაწყდებიან და დაწყებულ სამუშაოს გააგრძელებენ... მაგრამ შემდეგ კიდევ ასი გრამი მოდის და ისინი მართლაც მიდიან, ოღონდ ამჯერად მამალმიხატულ კარებისაკენ! და ნახევარი საათი არწყევენ. მეორე დღეს ყველაფერი თავიდან იწყება: ისევ ძველი ბაიათები, ისევ ბობოქრობენ, ეძიებენ, ჰპოვებენ და ბოლოს, რა თქმა უნდა, ისევ უნიტაზთან მთავრდება ყველაფერი!

ანესაგან მიღებული ინფორმაციის შემდეგ, რომელიც აინის სიმთვრალესაც შეეხებოდა, ევას პოზიცია მეტად უცნაურად მეჩვენებოდა. ოო, ქალბატონო, თქვენ შემთხვევით მორალურ-აღმზრდელიობით სეანს ხომ არ გვიტარებთ? ამოდ ირჩებით, გეთავყა. უნდა მოგახსენოთ, რომ მათობელა სასმელებს ჩვენ ზედმიწევნით ზომიერად ვღებულობთ! ახლა აინს არ იკითხავთ? იგი თავისთვის იჯდა და ცოლს თვალბზაში შესციცინებდა. დიახ, კი არ უსმენდა — შესციცინებდა. და, ცოტა არ იყოს, ქმრისთვის შეუფერებელი აღტაცებითაც კი შესციცინებდა. ღმერთმანი, კარუსელის წინ დაყუდებულ სოფელ მეთევზეს ჰგავდა. კი, აინს მე განსაკუთრებული ცნობისმოყვარეობით ვუთვალთვალებდი: იშვია-

თად, ძალზე იშვიათად თუ შეხვდებოდით ასე შეუხედავ, უფრო სწორად, ასე უფერულ ადამიანებს. წარმოიდგინეთ პატარა ტანი, ჩავარდნილი კისერი და ზედ შემოდებული არაპროპორციულად უზარმაზარი თავი. ძალზე დაბალზე შეკრეპილი (უთუოდ ევას ბრძანებით) შეთხლებული ქერა თმა და ... ნეტავ არ დამენახა! — ფეხსაცმელზე გადმოპოწილებული ნიფხვის საკოქური! ყოველივე ამის შემდეგ აინი ჩემდაუნებურად იშვიათ ეგზემპლართა სიაში ჩავეუშვი. საოცარია პირდაპირ — მაგანი მხატვრისათვის გონჯური სიფათი ერთგვარი პრივილეგიაა კია! საკმარისია ასეთმა ტიპმა არაუშავს, ისეთი რამე შექმნას, რომ ეგრევე განუმეორებელ ტალანტად მონათლავენ. ნათლიებად კი, როგორც წესი, ხელოვნებისაგან ძალზე შორს მდგარი ადამიანები მოგვევლინებიან.

ასეა თუ ისე, აინ საარმა, ეტყობა, მართლა ნიჭიერი ბიჭია. ტონელტი მაინც არ შეცდებოდა. ყველაფერს რომ თავი დაეანებოთ, ინსტიტუტის დამთავრებისთანავე ასეთ სოლიდურ შეკვეთას ბარეორი ვერ ელირსება!

ნეტავ დღემდე რა აქვს გაკეთებული-მეთქი, სულ ეს კითხვა მიტრიალებდა თავში. მე ხომ მოსკოვში ცხოვრების პერიოდში ესტონელ მხატვართა ცხოვრებას მთლიანად მოწყვეტილი ვიყავი. მართალია „Sirp ja Vasar“-ი* კი მქონდა გამოწერილი, მაგრამ, ათასგვარ გამოფენებზე სირბილისა, უცხოური ჟურნალების თვალთვრებისა და სტუდენტური ცხარე კამათების შემდეგ ესტონური პრესისათვის აღარც დრო მრჩებოდა და აღარც სურვილი. რა დასამალია და, ესტონეთი უკვე შორეულ პროვინციად მეჩვენებოდა.

— დიახ... — არ ცხრებოდა ევა, — დიუმამ, სამასი რომანი დაწერა, ჰაიდნმა ასზე მეტი სიმფონია... ამის გაფიქრებაზე ხომ უნდა წითლდებოდე, არა? ისეთი შთაბეჭდილება იქმნება, თითქოს ჩვენი საუკუნის ათინას მუზარადის ნაკვალად ხელში კოქტილით საევე კიქა უქირავსო... ამგზნები აბე-ბით ჭიბეგამოტენილი ჩვენი ეროსი კი, მამატიეთ და, მამაპაპურად ხვრინავს... უძლურება, ბუზლუნი, სეკსისისი...

„ხოლო ელექტროლუმელთან მოკალათებული ჩვენი კერიის გამღვივებელნი შავი ყორნებივით დაგეჩხავიან და სულ მუდამ გაკაპასებულნი სრულ უძლურებას გვიწინასწარმეტყველებენ“. აი, რისი თქმა მინდოდა, მაგრამ უმაღ კვერი დაუეკარი.

— ქეშმარიტად ასეა! ვაი, რომ ბუნებრიობა და ძალისხმევა ახალგაზრდებს მართლაც გვაკლია. ეს ყველაფერი თავზე გადამდის-მეთქი, სამწუხაროდ ვერც მე დაკვივებნი, თუმცა ყველაფერზე მალლა სწორედ მათ ვაყენებ... ის კი არა, ბუნებრიობის უპირველეს კრედოდ აღიარების გამო ზოგჯერ დაცინვის საგანიც კი ვიქმნებოდა. საერთო საცხოვრებელში, მაგალითად, ჩემი საწოლის თავით მუდამ აკორავებული გალაქტიკები და დაუცხრომელი ვნებათაღელვანი ეკიდა. ზეაში შესრულებული, რასაკვირველია. ეს გალაქტიკები იქნებ წითელი და შავი ფერების გულუბრყვილო ნაზავის გამო ილუპებოდნენ, მაგრამ...

— მაგრამ გულუბრყვილობის ფასი რა უნდა იყოს ამ ქვეყანაზე! — სხარტად მომიკრა ევამ.

— დიახ, — მაშ-ნვე დავეთანხმე მე, თუმცა იმ წუთში სულ სხვა გულუბრყვილობას ვგულისხმობდი, — მეამაყება, რომ კობტაპრუწობას ჭერ კი-

* ესტონური გაზეთი.

დევ სტუდენტობისას ვერ ვიტანდი. სხვათა შორის იქ, ჩვენთან. მოსკოვში რო-
კოკოთი გაგიყვებულნი სნობებიც იყვნენ. აი ისეთები. ფრანგონარსა და მის
მსგავს ვაჟბატონებზე რომ ირევიან, ზოგს თავის საწოლ ოთახში ყვევილებისა
და მაქმანების მთელი გამოფენა ჰქონდა მოწყობილი. თანამედროვე მხატვარმა
ეს უნდა იკადროს? პირველ რიგში განა პირქუში გულწრფელობა არ უნდა
იღვეს?!

— ო, როგორ მიხარია, რომ თქვენ და აინმა ერთად უნდა იმუშაოთ. რამ-
ხელა ბედნიერებაა, არა?

— დიახ, საოცრად კარგია, — აღტაცებით დავეთანხმე მე.

— საოცარია, — დაგვეთანხმა აინიც.

— დიახ, ნამდვილად საოცარია და კარგი რამაა! — წერტილი დაუსვა ევამ
და ჩვეულებისამებრ გაირინდა.

ერთი გადახარხარება ქვეყანას მერჩია, რომელიღაც პერსონაჟი გამახსენ-
და (მგონი, ტამსაარედან*). ერთთავად „მართალია, მართალია! კი, ნამდვილად
მართალია!“-ს რომ გაიძახის.

— თქვენ აქ ცოტა ხანს ხელოვნებით წაიხემსეთ, მე კი, გულზე რომ არ და-
გადგეთ, იქნებ ყავა მოგიხერხოთ, — ომხიანად გამოგვიცხადა ევამ. მსგავსი
განცხადებები, ეტყობა, მათი ყოველდღიური ცხოვრების წესიდან გამომდინა-
რეობდა. მერე ხელში რაღაც ალბომი მომაჩეჩა და სამზარეულოში გავიდა.

— სტუდენტური ნაცოდვილარებია, სანახავედაც არ ღირს! — ჩაიდულ-
ღუნა აინმა და თმაზე ხელი გადაისვა, მაგრამ, შენც არ მომიკვდე, მოკლედ
შეკრეპილი თმა ისევე ყალყზე დადგა.

აინ საარმას ქანდაკებათა ფოტოსურათებს გადავხედე თუ არა, პირველი-
ვე ნამუშევრებმა გამოაცა.

ყოველი ეპოქა საკუთარ ნოვატორულ ფორმებს კი წარმოგვიჩენს, მაგრამ
რით განისაზღვრება შემდგომში მთელი ეპოქის სახე, ეს სხვა თავსატეხია... ექვს
არ იწვევს, რომ თუ მუშაობას იმთავითვე ძველი არსენალიდან ნასესხებ, ნა-
ცად მანერებზე დაყრდნობით დაიწყებ, მეტ-ნაკლებად გათვითცნობიერებულ
წრეებში იქნებ ნიჭიერის სახელიც კი დაგანათლონ. მე პირადად მოდურების
საკითხი უფრო მაინტერესებს... Даже неизвестный мне известен! ახლა ხომ
ახლაგაზრდა, მოდურ მოქანდაკეთათვის დეკორატიულობა, ფაქტურის განზრახ
გაუხეშება და თავისებური ნეოკუბიზმი და მახასიათებელი. აინის ალბომს ვა-
თვლიერებდი და თვალნათლივ ვგრძნობდი, რომ იგი საყოველთაო და საერ-
თო მდინარებას განზე გასდგომოდა, სწორედ იმ მდინარებას განრიდებოდა,
რომელთანაც პირადად მე, გარკვეული მიზეზების გამო, მყარი შეხების წერ-
ტილები მაკავშირებდა. მისი ალბომიდან გულჩათხრობილი, გაავებული, ერთი
შეხედვით, სახეგადაყინული პორტრეტები მომჩერებოდნენ. დეკორატიულობა
რა სათქმელია — აქ უმეტესად მორიდებულობა იგრძნობოდა...

ბოლოს, სადილომო ნაშრომსაც მივადექი. ამ ყოვლად უცნაურ ნამუშე-
ვარს სათაურიც უცნაური ჰქონდა: — „ხბოსმკვლელი“.

მიწაზე ფეხებშებორკილი, გაძვალტყავებული ხბო იდგა, რომელსაც ასევე
გაძვალტყავებული და სახეგამეხებული, მაღალყელიან ჩექმებში გამოწყობი-

* ანტონ-ჰანსენ ტამსაარე — ესტ. კლასიკოსი მწერალი.

ლი, დანამომარჩვებული ბიკი წასდგომია თავს... ხბო — შიმშილით გაძვალ-
ტყავებული, ბეწვებგაცენილი, იქნებ ქეციანიც... ბიკი — შიმშილით გაძვალ-
ტყავებული, თმაგაცენილი, იქნებ ქეციანიც... საშინელი თემის საშინელი გა-
დაწყვეტა! უფრო ამაზრზენი კი ისაა, რომ ამ უცნაურ ნახატში ხარვეზების
გვერდით დაკვირვებული თვალი მოულოდნელ კანონზომიერებასაც აღმო-
აჩნეს: — საკმარისია მასში რამე ოდნავ შეცვალო, ან შეასწორო, რომ ყველა-
ფერი ერთბაშად გაუფერულდეს, თავდაყირა დადგეს! იცოდეს მაინც ამ ბე-
დოვლათმა, რა მაგარი რამე გამოსვლია-მეთქი, გავიფიქრე და ჩემდაუნებურად
თვალი მისკენ გავაპარე.

— მე... გავალ ერთი.. ფინჯნების მოტანაში წავეუკრავ ხელს... — ისევ
დაბნეულად წაიბუტბუტა აინმა, მერე მთელი ტანით ჩემკენ შემობრუნდა და
განსაცვიფრებლად ალალი ღიმილით მომმართა: — იცით, მე ჯერ კიდევ უხერ-
ხულობა მეუფლება ხოლმე. როცა ჩემს ნამუშევრებს ჩემივე თანდასწრებით
ათვალიერებენ... — მოულოდნელად აინის სახეზე ალალი ღიმილის ნაკვალევი
გაქრა — სად დაიკარგა ამდენ ხანს ეს ქალი! — თქვა და სამზარეულოს კარებში
გაუჩინარდა.

ფოტოსურათებით ნამდვილი ქანდაკების აღქმა ძნელი კია, მაგრამ მე მა-
ინც ვათვალიერებდი... ვათვალიერებდი და ვფიქრობდი: გარეგნულად აქ ყვე-
ლაფერი პრიმიტიული რეალიზმის ფარგლებში იყო მოქცეული, მაგრამ ამ მოჩ-
ვენებითი სანახაობის მიღმა მესამე პლანის მაჩისცემა იგრძნობოდა.. ლაქს-
ნესის „დამოუცილებელი ადამიანები“ გამახსენდა. ამგვარი ასოციაციის გა-
მომწვევი მიზეზები აქ უთუოდ არსებობდა. იყო რაღაც სხვაც... და რაც უფრო
მეტს ვფიქრობდი, მით უფრო მებნეოდა თავგზა. წამით, ისიც კი დავიჯერე,
თითქოს აინი, ის დანამომარჩვებული ბიკი და ხბო — დიახ, თქვენ წარმოიდგი-
ნეთ ხბოც კი! — ისეთ ერთადერთსა და შთამბეჭდავ რაღაცაშია განსხეულე-
ბული, რისი გააზრებაც მე მხოლოდ ბუნდოვნად შემიძლია-მეთქი... ღმერთო,
შენ გვიშველე! ვითომ საგნები თავისთავში?... კარგი ერთი, მეც რას ვაზვია-
დებ!

როგორც სახელდახელოდ ავხსენი, ამ ნაწარმოებში იგრძნობოდა პრო-
ტესტი რაღაც უკიდვგანოსა და მარადიულის წინააღმდეგ, მაგრამ კონკრეტუ-
ლად რის წინააღმდეგ, ამის მოაზრებას ვერ ვახერხებდი. არა, მაგარი ნამუშე-
ვარი როა, აქ ორი აზრი არ არსებობს! ის კი არა, აინის მიმართ შურიც კი ვიგრ-
ძენი. ვაითუ მოდურ ლაკონიზმს სულ ტყუილად ვებლაუქები-მეთქი, გამიელვა
თავში?

ცოტა ხნის შემდეგ ახალი თავსატეხით აფორიაქებულმა ალბომი კიდევ
ერთხელ გადავთვალიერე და საბოლოოდ დავრწმუნდი, რომ აინისა და ჩემი
ერთად მუშაობა არაფრით არ გამოვიდოდა. ამნაირ მოქანდაკესთან ერთად ამ-
ხელა შეკვეთაზე მუშაობა ერთგვარ რისკთანაც იყო დაკავშირებული. მარტო
ის რად ღირს, რომ მოოქრული ქორბულების ავტორები დაუნდობელ კონ-
კურენციას გიცხადებენ. აინის პირქუში ქანდაკებები გამოფენებისთვის კიდევ
ჰო! ჰო კი არა — ნაღდად გამოდგება! მაგრამ აინი და მონუმენტი?! ის მონუ-
მენტი, რომლის ესკიზებმაც დამტკიცებამდე უამრავი ინსტანცია უნდა გაი-
აროს?! არა, ძმაო, მონუმენტი შენ ხუმრობა არ გეგონოს. აქ პირველ რიგში მა-

სიური მაყურებლის გულამდე მისასვლელი გზაწერილებია საძებარი. მონუმენტი უნდა იყოს ოდნავ დეკორატიული, ოდნავ პათეტიური და, რაც მთავარია, არაორაზროვნად მებრძოლი!... ე. ი. ისეთი, როგორც აინის ნამუშევრებშია წარმოდგენილი. მოულოდნელად მისი გულუბრყვილო, ცისფერი თვალები და არაპროპორციული ვეებერთელა თავი წარმოვიდგინე, მერე მის შესახებ ანეს მონათხრობიკ გავიხსენე და ვიგრძენი, რომ ველავდი. ეს ბიჭი ისეთი კერკეტი ვილაცა ჩანს. არაეის არაფერს დაუთმობს... ტონელტს მაინც რისი იმედი აქვს? თუმცა გასაგებია, შეუდრეკელი ტონელტი ხომ მთელი ცხოვრება რისკზე მიდის... მე კი ასეთი რამეებისაგან ღმერთმა დამიფაროს!

და რაც მთავარია — ჩვენ ხომ, როგორც მოქანდაკეები, სრულიად განსხვავებული ხელწერის ხალხი ვართ. როდის იყო, ორი მზარეულის ხელში გემრიელი კერძი გამოდიოდა! არა, ჩვენი ერთად მუშაობა ვერ წარმომიდგენია! ფუნქციებიც როგორ უნდა დავინაწილოთ ნეტავ!...

აინმა ყავადანი და ორაგულის ნაჭრები შემოიტანა.

— ყოჩად შენ! სადიპლომო ნამუშევარი მაგარად გამოგვლია, — შევეცადე ორ სიტყვაში მომექცია მთელი ქება-დიდება.

— სოფლელი რომ ვარ, იმიტომ თუ გამომივიდა ასე ბუნებრივად, — მომიგო ჩემი გადაუქარბებელი ქებით აშკარად ნაამებმა აინმა.

ამ დროს ევაც შემოვიდა.

— სანაძლეოს ჩამოვიფარ, თუ თქვენ ალებასტრიდან გამომზირალ ჩემ მშვენიერ ფიზიონომიას ეს სადიპლომო საზიზღრობა არ გერჩიოთ! არა, ყველა ასე ერთნაირად გულქვეები როგორ ხართ მაინც!... ეხ, კაცებო, როგორ გაკლიათ გალანტურობა! — დავეიცახანა ევამ.

— თქვენს პორტრეტს როგორღა შევნიშნავდი, როცა ასლი ასე თვალში-საცემად ჩამორჩება ორიგინალს! — ჩავაბულბულე საუკუნის ყველაზე გაცეთილი ქათინაური.

— გაიგონე, აინ? უსმინე და დაიმახსოვრე! თქვენა ხართ ერთადერთი მოქანდაკე ამქვეყნად, ვისაც მე თავზიანობა შევნიშნე, ამიტომ ნება მიბოძეთ, ჩემი ხელით ყავაც დაგისხათ და შაქარიც ჩაგიყაროთ. დღევანდელი ახალგაზრდები ხომ სულ ტონელტის ნამოწაფრებია, მაგათი მძიმე ქათინაურები მხოლოდ მარმარილოს სამტერევეად თუ გამოდგება! ჰო, მართლა, ის თუ იცით, ტონელტმა ცოლი როგორ შეირთო?

— არა, მე ეს არ ვიცოდი და, ცხადია, სმენად ვიქვეცი. თანაც ალბომიდან ევას სურათი ამოვიღე და მოჩვენებითი ყურადღებით შევთავალიერე. საკმაოდ უღიმღამო პორტრეტი იყო. მას აკლდა ის, რამაც დანამომარჯვებული ბიჭი და ხბოთითქმის შედევრად აქცია, ანუ ის, ურომლისოდაც აინი უსუსურ დილეტანტად გამოიყურებოდა.

— იმ წლებში ტონელტი თავის სახელგანთქმულ „მეკარტოფილეებზე“ მუშაობდა, — დაიწყო ევამ, — აი, ის ორი წინწახრილი ქალის ფეგურა, გახსოვს ალბათ. ჰოდა, მათ შორის უფრო ახალგაზრდის გამოსაქანდაკებლად მოდელიორს რომ ეძებდა, ბევრი ეძება თუ ცოტა ეძება, კაფე „კულტასში“ თავის მომავალ შარლოტას გადაეყარა. ასე არ ეძახიან მოქანდაკეები თავიანთ ცოლებს? მეც შარლოტა ვარ, სხვათა შორის. მოკლედ, როგორც კი ტონელ-

ტმა ამ უცნობ ქალიშვილს თვალი მოჰკრა, არც აცია და არც აცხელა, პირდაპირ მის მაგიდას მიაშურა და გვერდზე გაიხმო.

„მე თქვენ მკირდებით, ქალიშვილო“, — ეუბნება ტონელტი.

„მე?!“ — ეკითხება გაოცებისაგან თვალგაფართოებული ქალიშვილი.

„თქვენ კი არა, უფრო სწორად, თქვენი კეფა და საჯდომი მკირდება“. ვითომც აქ არაფერიო, პასუხობს ტონელტი. ამის გამგონე ქალიშვილს რა დაემართა. მემბრანე დუმს, — ევას ხელები წაიფერად ქვაფეხიან, — ბევრი რომ არ გავაგრძელოთ, ახლაც არაფერ იცის, თუ როგორ დაითანხმა ტონელტმა ის ქალიშვილი პოზირებაზე. ქანდაკებაზე მუშაობა რომ დაუმთავრებია, მანქანის ხელები შეუწყმენდია და ასე ამოუშაქრავს: „ესეც ასე. მართალია, აწი მე ესენი არაფერში მარგია, მაგრამ ჩემი სურვილია დარჩნენ აქ!“ — ხელის თხოვნის რა ორიგინალური ფორმაა, არა?

— საინტერესოა, აინმა როგორ შეირთო თავის შარლოტა, ჰა? — შეეძახე მე სიცილისაგან ჩაბვირებულმა. მართალია, ეს ამბავი პირველად მესმოდა, მაგრამ რაკი ტონელტს ეხებოდა, მისი დაჭერება არც გამჭირვებია.

— აინ საარამმ როგორ შეირთო თავისი შარლოტა? როგორ და ძალიან უბრალოდ. ერთ მშვენიერ დღეს თავის ქარვასლაში შეიტყუა და მერე აღარ გამოუშვა. ეს იყო და ეს.

ევას სიცილი სულ არ უხდებოდა. ასეთ ხალხზე, რბილად რომ ვთქვათ, ხანდახან ევას თვალებიც იცინოდნენ, ოღონდ ისეთი შთაბეჭდილება იქმნებოდა, თითქოს მათ უძრავსა და გაუცინარ სიღრმეში რაღაც მექანიზმი ჩაუდგამთო. ძნელი წარმოსადგენია, რასა ჰგავდა ეს, პედანტურად ზუსტ გამომთვლელ მანქანას თუ რაღაც ამგვარს, ერთი სიტყვით, ბავშვების ტერმინოლოგიას თუ მოვიშველიებთ, ევას თვალები „ვითომ“ იცინოდნენ. ტონელტის ფიტულებიც „ვითომ“ მკვდრები არ იყვნენ?

ჩემს მასწავლებელთან გუშინდელი შეხვედრა გამახსენდა, ჩვენ ხომ ნახევარი საათი კაფეში ვისხედით; ვსვამდით ყავას; ეხარობდით მთელი არსებით; ვიხსენებდით მოსწავლეობის „ბედნიერ ხანას“ და ა. შ. მე კი თვალწინ სულ ის მკვდარი ვირთავა მდგა, „ბედნიერი ხანის“ ერთ მშვენიერ დღეს ჩვენი „მეორე დედის“ რედიკიულში რომ ჩავძვრინე. იმ ვირთავას სუნის ახლაც კი მცემს! ალბათ ჩემს მასწავლებელსაც...

დღევანდელ ჩვენს საუბარსაც მოჩვენებითი გულახდილობის ელფერი დაჰკრავდა, ოღონდ ხატზე დავიფიცებ, რომ არც ახლა და არც შემდეგში ამ ოჯახის წარმოსახვით რედიკიულში წარმოსახვითი ვირთავის ჩასმაც კი არ მიფიქრია!

ევამ უთუოდ დროებით ჩამოვარდნილი უხერხულობა იგრძნო. აინი სამზარეულოში გაიხმო და რაღაც დეველება მისცა. აქეთ მე დამარწმუნა, ორიოდე წუთით სასწრაფო ტელეგრამის გასაგზავნად გაიქცაო. ბოლოს მაინც მივხვდი. რაშიც იყო საქმე. თურმე სახლში ერთი წვეთი დასალევი არ ჰქონიათ.

მე და ევა ცოტა ხნით მარტო დავრჩით და გაურკვეველი მიზეზების გამო თავი ოდნავ თავისუფლად ვიგრძენით.

დღევანდელი საუბარი დახვეწილად, მაღალი საზოგადოების მანერებით წარმართეთ-მეთქი, ვფიქრობდი მე. აწი რაღა დარჩა, დარჩენილ დროსაც სი-

ცილ-კისკისით ჩავამთავრებთ და განშორებისას თუმცა კი შვებით ამოვისუნთქავთ, უახლოეს დღეებში თავშეყრას მაინც დაეთქვამთ, რამეთუ დღევანდელი ერთად ყოფნით ასე ძალიან, რაკიხარეთ და ა. შ.

და ამ დროს ჩემს თავშ. კოჰეიტედა იდეა, რომელიც ეგრევე დავახეთქე:

— თქვენ ვერ წარმოიდგენთ. რა ნიჰიერია აინ! ისეთი ნიჰიერია, ისეთი, რომ ცოტა არ იყოს, მებრალუბა კიდევ, — წარმოეთქვი და წამიერი პაუზა დავიკირე, რათა ევას რეაქციებით დავმტკბარიყავი, — დიახ. საუბედუროდ. ისე ხდება, რომ ნიჰიერი ხალხი უმრავლეს შემთხვევაში ფრიალ მოუქნელნი არიან, თანაც იქ, სადაც ეს თითქმის დამლუპველია. მთელი უბედურება იმაშია, რომ მონუმენტი საგამოფენო ნამუშევარი არ არის, ჩემი ღრმა რწმენით, ამისთანა საშური შეკვეთის ხათრით აინმა მთლიანად უნდა შეიცვალოს თავისი ხელწერა. მონუმენტს ცოტ-ცოტა ყველაფერი სჭირდება: დეკორატიულობაც, პათეტიურობაც, საზგასმული იდეურობაც...

— ე. ი. თქვენ ამბობთ, რომ საჭიროა წახალტურება, არა? — კატეგორიული ტონით შენიშნა ევამ.

— არა. რამდენადაც მოგვიხერხდება, ხალტურას უნდა ვერიდოთ. მთავარია, ეს ჩვენი გრანდიოზული შეკვეთა პირველი და უკანასკნელი არ გამოდგეს... მონუმენტი თავისთავად საზიზღარი ეანრია. ვფიქრობ, ასი წლის შემდეგ მათ წამოკომვას სრულებით შეწყვეტენ. ბოლოს და ბოლოს, ალბათ დარწმუნდებიან, რომ სულის სიღრმეში მთრთოლვარე გრძნობათა მოედნებზე გამოჯგიმვა-გამომზეურება მიუტკევებელი უმეცრებაა. საშინელი უტაქტობაა! ანასობაში კინალამ ყველაზე მთავარი დამავიწყდა: ჩვენი კონკურენტი იქნება მაგნუს ტეე!

— მაგნუს ტეე?! — გაფაციცებული, ზიზღნარევი ხმით ჩამეკითხა ევა.

— დიახ. მონუმენტის ეანრში მასთან პაექრობა ძალზე სახიფათოა. რაც უფრო თავბრუდამხვევ, ანუ საკამათო გადწყვეტაზე შეეჩერდებით ჩვენ, მით უფრო ხელსაყრელი იქნება ეს მისთვის!... აი, ამაშია საქმე.

— ღმერთო ჩემო, ხელოვნების და პოლიტიკანობის აღრევა ხომ საშინელებაა! საზიზღრობაა! ხელოვნება თავისუფალი უნდა იყოს! — არც მთლად დაუეჭვებლად წამოიძახა ევამ, ჩემი მოსაზრებები იმდენად კეთილგანწყობილი კილოთი და დამაჯერებლად გამოეთქვი, რომ ხეირიანად აღარც კი იცოდა, რა ეფიქრა.

— ჩემი აზრით, ხელოვნება ჩვენში საკმაოდ თავისუფალია, — წამოვიწყე მე. — აი თუნდაც „ხბოსმკვლელი“ ივილოთ. ეს სადიპლომო ნამუშევარი ავი შეისყიდეს (გამოვიყენე ანესაგან მიღებული ინფორმაცია)-რატომ? იმიტომ, რომ საგამოფენო ნამუშევარი სხვაა და მონუმენტი სულ სხვა. მონუმენტებს ჩვენ სახელმწიფო გვიკვეთავს, ასე რომ საესებით ბუნებრივია, თუ ეს შეკვეთა მასიურ მომხმარებელზეა გათვლილი. მონუმენტის ამოსავალი წერტილი მისი სარგებლიანობის ფაქტორით განისაზღვრება. ეს კი თავისთავად განსაკუთრებულ უბრალოებასა და მიმხვედრელობას მოითხოვს მოქანდაკისაგან. ასე იყო და იქნება ყველგან და ყოველთვის!

მე ოლონდ ისეთ თემებზე მალაპარაკე, როგორიცაა პარტიულობა ხელოვნებაში, ბერლინის საკითხი, პიროვნების კულტი... და მთელი დღე რომ ვიყებე-

დო, არ მომწყინდება. შედარებით მოუშზადებელ თანამოსაუბრესთან თავს ისე ვგრძნობ, როგორც თევზი წყალში. პირდაპირ ვირტუოზულ ერუდიციას ვამქლავებ, რომელსაც ორპიანი, ჭარისკაცული დანა-ჩანგალივით ვიყენებ: — მინდა შექვამ, მინდა შეუურქობ!

„მე არა ვარ იმით მხარეზე. ვინც ხელალებით უარყოფს სტალინის ეპოქას!“ — მიყვარს ასეთი გამოთქმები.

„საგანი ვარე სამყაროსთან კავშირში, ანუ მთელი თავისი სიგრძე-სიგანით უნდა განეკვრიტოთ. მე ვერ დაედგები იმით მხარეზე, ვისაც ჰგონია, თითქოს ბედგამწარებული ადამიანების ვაებისა და ამოდ გალებული მსხვერპლის გამართლება მხოლოდ ქვანახშირის ამოღების ზრდით, ანდა ახალი მარკის კომბანით შეიძლებოდეს!“ — ასეთი რამეების დახვევაბაც მიყვარს ხოლმე.

— დღემდე აინის ნამუშევრებს ქება არ მოჰკლებია... — ჩაილაპარაკა ევამ.

— მომავალშიც ასევე იქნება! მთავარია, ეს მონუმენტი გამოგვიდეს და მერე ჩვენს ბედს ძალი არ დაჰყვებს... ოღონდ ერთი გარემოება გასათვალისწინებელი: დღემდე მე და აინს ახალგაზრდა მოქანდაკეებად გვთვლიდნენ, ე. ი. გვექცოდნენ, როგორც ბავშვებს... ბავშვი კი შეიძლება ტალახიანი ფეხებით დივანზე ან მაგიდაზე აბობლდეს, მაგრამ არაფერი. დაუტატანებენ, დაუყვავებენ და გაიცილებენ. ჩვენ ეს შეკვეთა იმიტომ მოგვანდეს, რომ უკვე ჩამოყალიბებულ მოქანდაკეებად გვთვლიან, ე. ი. ამიერიდან სულ სხვა მოთხოვნებს წამოგვიყენებენ... ხოლო თუ ჩვენ გავკადნიერდებით და ამ მოთხოვნებს არ შევასრულებთ, მათ შეუძლიათ საჭიროებისამებრ მთელი წარსული შეგვახსენონ... სხვათა შორის ბალობაში მაგიდაზე აფოფებაც! (მე ვლაპარაკობდი გამართულად, ძალდაუტანებლად, სიამოვნებით).

ყურადღებად ქცეულმა ევამ დახვეწილ მანერებსა და გადაპრანჭულ თავაზიანობას თავი ანება და ახალ გამომსახველობით ფორმებზე გადაერთო... ერთი სიტყვით, ჩემ წინაშე სულ სხვა, მანამდე ბუნდოვნად წარმოსადგენი ევა იჯდა. ვგრძნობდი, რომ ახლა მე ტიპური ფარისეველი ბუნების ის ქალი მომჩერებოდა, რომელსაც ოღონდ ვერნისაჟის გახსნაზე ლენტი გააქრევიონ და მეტი არაფერი უნდა. ამას კი დროზე თუ ვერ მოესწრო, თვალის უბებთან რომ ნაოქები დაეტყობა, მერე რალა ფასი აქვს! აი რატომაა ასე ჩანმანშემართულივით ევა. წამით მომეჩვენა, რომ მე და ეს ქალი მშვენიერად გავუგებდით ერთმანეთს... ამის გამო თუ იყო, რომ ახლა იგი გარეგნულადაც უფრო მესიმპათიურებოდა. ქეშმარიტად, ყველას თავისი საქმიანობა უხდება — მეწალესაც და დირიჟორსაც! ასე არ არის? თანდათან დავრწმუნდი, რომ ამ ქალთან სიმორცხვე და მისთანანი სულაც არ იყო საჭირო... მართალია, კაფეში, მეგობრებთან საუბრისას იგი აინის ექსპერიმენტების გამართლებაზე გამოიდებს თავს, არადა, ქმრის მთელ საქმიანობაში, ცხადია, მარტოდენ ის აინტერესებდა, რაც დაუყოვნებელ აღიარებას მოუტანდა... ხომ არიან პაწაწინა, ე. წ. კიჭკინა ლოცმანები, რომლებიც გოლიათ თევზებს გემრიელი ლუკმის პოვნაში ეხმარებიან და ამის წყალობით თვითონაც უდარდელად გრძნობენ თავს... და აი, ეს წუთია ამ მშვენიერმა ლოცმანმა არაჩვეულებრივი ინფორმაცია ჩაყლაპა. ახლა მხოლოდ ყველაფრის მისხალ-მისხალ აწონ-დაწონვა, ანუ ბოლომდე გათვლაა საჭირო და მორჩა! „მე თვითონ როგორ ვერ მივხვდი! — მკაფიოდ იკითხებოდა

მის თვალბეჭდში, — ღმერთო ჩემო, თურმე რამხელა გამოუსწორებელი შეცდომების დაშვება შეიძლებოდა!..“ ევას თვალში ელვის სისწრაფით ვმალდებოდი. მისგან მომავალშიც ბევრ მადლობას უნდა ველოდე. ევასთანებმა რა ხანია პროფესიონალურად აითვისეს სიკეთის სიკეთით გადახდის მეცნიერება. ამიტომაც, რომ ეგეთები უმრავლეს შემთხვევაში პატიოსანი საქმოსნები არიან... დიახ, დიახ! უფრო პატიოსანი, ვიდრე ჩვენ გვგონია.

— გამადლობთ, — საოცრად გულში ჩამწვდომი უბრალოებით მითხრა ევამ, — ამ დღეებში მე და აინი მოვითათბირებთ. ვეცდები კარგად აეუხსნა საქმის ვითარება, ოღონდ მის სწორ გზაზე დაყენებაში თქვენც უნდა დამეხმაროთ...

— ვეცდები... მაგრამ აინიც უნდა დამეხმაროს, — გალანტურად გადავედი თავდაცვაზე, რადგან უკვე ღრმად ვიყავი დარწმუნებული, აინს სწორედ ისე ავამუშავებდი, როგორც საქმეს მოუხდებოდა.

ჩემი წამხდარი გუნება-განწყობილების აღწერა აქ რა მოსატანია, მაგრამ რას წარმოვიდგენდი, თუ თავბრუდამხვევი წარმატების მწვერვალზე ასეთი მწარე ქინაქინათი გამიმასპინძლებოდნენ:

— კარგი ერთი, თქვენ რა დახმარება გქირდებათ, ისედაც მშვენიერად გაართმევთ თავს. თქვენ ხომ არც ისე რთული ამოცანა გაქვთ გადასაწყვეტი. კვარცხლბეკის გაკეთებას რა უნდა! მით უმეტეს ამ თემაზე ჭერ იყო და სოლიდური გამოკვლევა გამოაქვეყნეთ. მერე კი საკანდიდატოც დაიცავით... რაც შეეხება გვერდებზე გასაკრავ ორ ჭგუფურ ბარელიეფს, ამის გაკეთება თქვენთვის ალბათ ყველაზე ადვილი რამაა. ბარელიეფში ხომ მეტი გასაქანია, უფრო თავისუფლად და პირობითად შეიძლება გადაწყვეტოთ ყველაფერი... განა ასე არ არის? მე გმონი, ასეა...

ცოტა ხნის წინ გადასანსლული ორაგული კუჭიდან ყელისკენ დაიძრა!.. გამოდის, რომ ტრონელტს როლები უკვე გაუნაწილებია! ახლა მთავარია, ევა არ მიხვდეს, რომ ყველაფერი ეს ამ წუთამდე არ ვიცოდით... არ მიხვდეს! არ მიხვდეს! არ მიხვდეს! გადავჩიო! ევა ვერაფერსაც ვერ მიხვდა, თორემ ერთობ იდიოტურ მდგომარეობაში აღმოჩნდებოდი.

მისი ყურადღების სხვა რამეზე გადატანის მიზნით პიჯაკის კალთაზე ორაგულის ნაჭერი დავიგდე და ავწრიალდი.

— ნუ გეშინიათ, არაფერი არ დააჩნდება, გაყინული ორაგულია, — დამამშვიდა ევამ.

ესეც შენ! ე. ი. რა გამოდის — ამ სოფელი ბიჭების მონუმენტებისათვის მე მხოლოდ „საკმაზი“ უნდა შევანელო და მეტი არაფერი, ხომ? თანაც თანამედროვე კულინარიული ხელოვნების დონეზე! კარგია, გადასარევი ღვეზელი გამოვა, ჩემმა მზემ!... ტრონელტმა მეტის ღირსად არ გეცნო!.. მე კი სწორედ მეტის იმედი მქონდა. ისე გამოდის, თითქოს მე მოსკოვიდან იმიტომ ჩამოვედი, რათა ჩემზე უმცროს მოქანდაკეებს აქ კვარცხლბეკების პროექტებით მოვემსახურო! როგორია, ჰა? აგერ, ახლაც გულდათუთქული სამარტელივით წამოვმჭდარავარ აქ და ვილაც ევას გათვითცნობიერებას ვაკლავ თავს!... მერედა ვის რაში სჭირდება ეს?..

მონუმენტზე საუბრის გაგრძელება უკვე საშიში იყო. ვაითუ ევას ქალური გუმანისათვის ჩემი ავბედიითი ფიქრები ზედმეტად გამკვირვალენი გამხდარიყ-

ენენ... უცებ ბაგირზე წონასწორობადაკარგული ჯამბაზივით ნაძალადევად გავი-
ლომე და მის დასადასტურებლად, ვითომ ყველაფერი გადასარკვეად მიდის-
მეთქი, კედელზე გაკრული ხალიჩის დამაშვილებელი ჩალისფერი „შევაქე, ასე-
თის შოვნა სად შეიძლება-მეთქი, დავინტერესდი და ა. შ. „დამაშვილებელ“
ხალიჩას კი, ჩვენ შორის დარჩეს და, ზუსტად ბავშვის განავლის ფერი ჰქონდა.
ჩემი თვითგვემა დიდიხანს არ გაგრძელებულა, რადგან ამასობაში სამეცარს-
კვლავიანი სომხური კონიაკით ხელდამშვენიებული აიხივ დარჩნდა.

მის შემდეგ, რაც სასმისები შევავეთ და ერთმანეთს დიდი წარმატებები
ეუსურვეთ, ევამ შეთქმულებით ფრთხილად გადმოიხედა და მეორე ოთახში
გაუჩინარდა, რათა კაცები ერთი-ერთზე სათათბიროდ დავეტოვებინეთ. ყველაზე
სამწუხარო კი ის იყო, რომ მოსალაპარაკებლადაც არაფერი დავერჩინოდ. ტო-
ნელტს ხომ ყველაფერი წინასწარ ჰქონდა გადაწყვეტილი: აინი ქანდაკებებ-
ზე იმუშავებდა. მე კი კვარცხლბეკი და ბარელიეფი უნდა მომეფიქრებინა...
ხალხის მოთმინების თემაზე!

აინის დაყენებულ თხონას ყური არ ვათხოვე და ჩემი მეგობრული ვიზიტ
დასრულებულად გამოვაცხადე. ზოგ სხვა რაშქსთან ერთად, დღეს ანეს ინფორ-
მაციების გადამოწმებაც მოვასწარი: აინს მართლა ჰყვარებია დალევა. თავისი
წილი კონიაკი ახლაც სულმომუთქმელად გადახეხა და ლაპარაკის საღერლელოც
აქმალა. მე კი მისი მოსმენის თავი არ მქონდა.

კიბებზე რომ ვეშვებოდი, წამით შევჩერდი — რამე სიმბოლური არ იქონ
ამ დაშვებაში-მეთქი, გავიფიქრე.

ოთახში შევედი თუ არა, ტახტზე ცოცხალმკვდარივით დავეხეთქე.

თვალეში სულ აინის „ხბოსმკვლელი“ მებლანდებოდა. რა არ ვეცადე.
მაგრამ არ იქნა და თავიდან ვერ ამოვიგდე, რატომღაც სულ ჩემს სადალომოდ
ნამუშევარს „მკვდლებს“ ვადარებდი. იმ „მკვდლებს“, რომელიც ამჟამად
ჩვენი ქვეყნის ერთ-ერთი უდიდესი ავტოქარხნის დასასვენებელ პარკს ამშვე-
ნებს. ერთი რამ ცხადია — კულტურა და არტისტიზმი მე უთუოდ მეტი მაქვს:
ჩემი „მკვდლებს“ კუნთები ხომ ჰიმნის ომახიან დაგუგუნებასა ჰგავს... ოღონდ
რატომ და რისთვის გუგუნებენ ეს კუნთები, ეშმაკმა დალაზვროს. დღემდე მე
თვითონ ვერ გამოვიგია. ვითომ მარტოოდენ პლასტიკური ანატომიის ცოდნის
გამომჟღავნებას ვესწრაფოდი? თუ ასეა, გავწყრომი მაშინ და ეგ არის... რა
არ ვიფიქრე, საიდან არ მივუღდე, მაგრამ ბოლოს და ბოლოს მაინც იმ დას-
კვნამდე მივედი, რომ აინის დანამომარჩვებული ბიჭი ჩემს მკვდლებს რაღაცით
ჯობნიდა. მაგრამ რით? როგორ? სად არის ძაღლის თავი დამარბული?!

იქნებ სულაც ეროვნულ თვითმყოფადობასთან გვაქვს საქმე? რაღაც არა
მგონია. რაც მართალია, მართალია, მე ხშირად, ძალიან ხშირად (ჩემი აზრით,
სავსებით ამომწურავადაც კი) გამიანალიზებია ესტონური თვითმყოფადობა.

ჩვენი ხალხური პოეზია ბლანტია და თმაგაწეწილი; მოჯამაგირის სიზმარი-
ვით უფერული ჩვენი რენები კვანტიდან კვარტოზე გადარბიან... ცეკვებიც
დუნე გვაქვს, რაღა თქმა უნდა, ხოლო ბუმრობა, ხუმრობა რუსული ნაჯახივით
მძიმე და მოუქნელი... ახლა ჩვენს ეროვნულ საკმელებს არ იკითხავთ? — ქარ-
თველებს შიშხინა მწვადი აქვთ. უნგრელებს პილპილი, ფრანგებს ათასგვარი
დელიკატესი... ჩვენ კი, ჩვენ „კაერაკილე“ — კამაგარული ლაბა, ანუ თავ-

ფების ნახარში შეზავებული ოქროცერცვასა და შერიის სალაფავი. უგემურობა და ხელმოკლეობა! მოვეშვათ საქმელებს. ამ ბოლო ხანებში, ეტყობა, ჩვენს ეროვნულ თვითმყოფადობასაც „კაერაკალათი“ აქვს პირი გამოტენილი!... საქმე იმაშია, რომ ყველაფერ ამას მე თავისებური გამართლებაც მოუვანხე.

ფიზიკის კანონების თანახმად ნივთიერება გარეგანი გარსის წარმოსაქმნელად უზარმაზარ შინაგან ენერგიას ხარჯავს ხოლმე. ხალხის ენერგიაც უთუოდ ამ დღეშია! ჩემი ხალხის მთელი პოტენცია საუკუნეების მანძილზე ფიზიკურად თავის გადარჩენას ემსახურებოდა... განა ეს ტრაგედია არ არის? თუმცა შიშველ ყოფასაც რა აზრი უნდა ჰქონდეს. ანდა რა სიკეთეს უნდა მოელოდე ორ სახელმწიფოს შორის გაჩხერილი ძუნწი, ჭიუტი და გამოფიტული მიწისაგან... რა ხანია გერმანელებში ან რუსებში თოვლივით უნდა გავმდნარიყავით...

ერთი შეხედვით, სად „ხბოსმკვლელი“ და სად ეს აზრები, მაგრამ რალაც უხილავი კავშირი მათ შორის ალბათ მაინც არსებობს. მე ხომ მოსკოვში სწავლის გასაგრძელებლად იმიტომ გავემგზავრე, რათა ჩემს შემოქმედებაში ყოველგვარი ვიწრო ესტონურისაგან განვთავისუფლებულიყავი... და ნუთუ შეეცდი?

რა აზრები არ მომდიოდა თავში და ყველა ერთნაირად გულშემოსაყრელი. მე პარტიის წევრი ვარ; ტოონელტიც! — აინი კი არა! მაშ რალა მაინცა-დამაინც იმას მიანდეს მთავარი როლის შესრულება? ე. ი. მე სულ ტყუილად შევსულვარ პარტიაში, რახან მას ჩემთვის არავითარი სარგებლობის მოტანა არ შეუძლია?! სტალინის დროს სულ სხვაგვარად იქნებოდა...

მე ხომ პარტიაში შესვლა-არშესვლის საკითხი იმთავითვე საფუძვლიანად გავანალიზე!

მე არასოდეს არ მქონია მიდრეკილება დაჯავშნული მსოფლმხედველობისადმი. რკინის აბჯარი, ჭერ ერთი, მოძრაობაში გვიშლის ხელს და მეორეც, მოქნილობის უნარს გვიჩლუნგებს. კომუნისმის მიმართ, ცოტა არ იყოს, გულგრილად ვარ განწყობილი: — სიკეთე მოთხოვნის მისხედვით კი არა, შესაძლებლობის მიხედვით უნდა განაწილდეს... მე რომ მეჯობრებიან, ისეთები თუ ბევრად ჰარბობს, ვისაც მე ეჯობრები, ასეთ პირობებში თანასწორუფლებიანობას ნეტავ რა თავში ვიხლო! ეს ყველაფერი პრობლემის ერთი მხარეა, ხოლო მეორე მხარე კიდევ უფრო მნიშვნელოვანია.

როგორც ისტორია გვასწავლის, ჩვენს საუკუნეში უკვე არავის ძალუძს დარჩეს აპოლიტიკურ პიროვნებად... ინგრევიან ციტადელები... ხოლო პროგრესი ინდივიდებზე კი არა, მთლიანად კოლექტივზეა დამოკიდებული, ამის საილუსტრაციოდ რა საჭიროა აინშტაინის, ბრეხტის ან ფოიხტვანგერის ბიოგრაფიების დამოწმება, თუკი ცხვირწინაც უამრავი მაგალითი გვიდევს. ორი დიდი ბანაკიდან აუცილებლად ერთ-ერთს რომ უნდა ეკუთვნოდე, ამას წყალი არ გაუვა! მაგრამ რომელს?..

მამაჩემი გერმანელების მხარეზე იყო, ბიძაჩემი კი საბჭოთა არმიამი იბრძოდა. ორივე ძმა ფილოლოგი იყო, ორივე სქელმშუმიან სათვალეს ატარებდა და გაჭრილი ვაშლივით ჰგავდნენ ერთმანეთს. ომი ორივესათვის ერთნაირად გაუგებარი იყო. სახლში გამოგზავნილ წერილებში ორივე აღნიშნავდა

ჯარისკაცური ეარგონით დაინტერესებას... ორივეს სიცოცხლე ომმა შეიწირა, ასე რომ, თავიანთ საწერ მაგიდას ვერც ერთი ვერ დაუბრუნდა.

ესენი რომ მამაჩემი და ბიძაჩემი არ ყოფილიყვნენ, შეიძლება ისიც კი მეთქვა ბედისწერასაც თავისებური იუმორის გრძნობა ჰქონია-მეთქი.

მე სქელშუშინანი სათვალის გარეშე ვცხოვრობ და დიადი სპექტაკლის ფაბულა უფრო მაინტერესებს, ვიდრე მოქმედ პირთა ლინგვისტური დახასიათება. მაინტერესებს, თუ რით დამთავრდება ყველაფერი ეს... მე ხომ თავსატეხ კითხვებზე პასუხს (ჯერ კიდევ საშუალო სკოლაში) მარქსის, შპენგლერის, კაზანოვა-კალერისა და ლენინის შრომებში ვეძებდი. ვეძებდი, ვეძებდი და მივხვდი, რომ კომუნისტურ პარტიაში შესვლა იყო საჭირო!

ჩემი გადადგმული ნაბიჯით დღემდე კმაყოფილი ვიყავი... ჩემს არჩევანს არასოდეს არ შევეუვიწროებოვარ... დღეს უკვე საკუთარი გამოცდილების წყალობით ვიცი, რომ საქმეები შეიძლება შეიცვალოს სიტყვებით, რომ რკინის აბჯარი ტანზე კი არ უნდა გადაიცვა. არამედ უნაგირის წინა მხარეზე უნდა დააკრა. რათა ფარის მაგივრობაც გავიწიოს და მანევრირებაშიც არ შეგიშალოს ხელი... მაგრამ რატომ ვერ დამიცვა ამ ფარმა აინისაგან? რატომ? რატომ?..

ო, რა გულისამრევი ფიქრებით მქონდა თავი გამოტენილი! აბჯარი, ფარი, სტალინის დრო... ღმერთო ჩემო, ნუთუ ასეთი უსუსური და უნიჰო ვარ!

შხაპი მივიღე და ლოგინში ჩავწექი. ამასობაში თავი იმით დავიშმედიე, რომ კვარცხლბეკის და ბარელიეფის დაპროექტება არც ისე სამარცხვინო საქმიანობაა. ანაზღაურების მხრივ უფრო მომგებიანიც კია და ა. შ.

არც ამან მიშველა. ძილი არ მომეყარა და ღამე თეთრად გავათენე.

IV

კვირა დღეა. ერთი ახალგაზრდა კაცი მხატვართა სახლის კიბეებს აუჩქარებელი ნაბიჯით მიუყვება:

Magnus Tee sculptor

ღალადებს № 8 ოთახის კარებზე გაკრული სპილენძის ფირფიტა.

სვენ ვოორე წამით ჩერდება, კიბის მოედანს თვალს ავლებს და ეცინება, რადგან აგერ, ნახევრადჩანძვლებულ კუთხეში, თითქოს მის შესახვედრად გამოსულაო, მტკერში ამოვანგლული თაბაშირის მეომარი დგას. მეომარი შუბლშექმუხნულია, რადგან მის ცალ სამხრეულზე წითურ კატის კნუტს მოუყალათებია და არხეინად ამთქნარებს. ამ თავზედ კატაზე ფიქრების უკუსაგდებად თაბაშირის მეომარი ყაზარმას იგონებს. ყაზარმაში ყველანი მხედრულად დააბიჯებენ და მისალმებისას ქუსლებს ერთმანეთზე უბაკუნებენ. ყაზარმის ეზოში ხეივანია. ხეივანში თუნუქის ფირნიშებია ჩამწყკრივებული.

Орудие любит ласку, чистку и смазку!

აწერია ერთ-ერთ მათგანზე.

წითური კნუტი კი ნებიერად ამთქნარებს. ამთქნარებს და იზმორება შეძლებული ოჯახიდან გამოსული ეს ტიპიური მუქთახორა, რომელსაც არავითარი იდეალი არ გააჩნია.

სვენ ვოორე ელექტროზარის ღილაკს აკერს თითს და მის გამახვილებულ სმენას მაშინვე პარკეტოზე მოკრიალე ჩექმების ხმა სწვდება.

— ოო. ახალგაზრდობა! ხელოვნების ხვალისდელი დღე! — კარის გაღების-თანავე გაისმის მაგნუს ტეეს მჭეკარე ხმა.

მართლა ჩექმები აცვია (ოთახშიც კი!). გუნებაში ეცინება სვენს. ალბათ ასე უნდა გამოიყურებოდნენ კვირა დილაობით თადარიგის გენერლები...

— გაბედულად, გაბედულად, ყმაწვილო! — მაგნუს ტეე ზმნებთან მწყრა-ლადაა და მათ მაგივრად ეესტებს იშველიებს ხოლმე. — მაშ ერთ კერქვეშ, არა? აბა სიახლეები, იდეები, ესკიზები, შეკითხვები, ყმაწვილო!..

მაგნუს ტეე სტუმარს მხარზე ხელს უთათუნებს და ტახტისაკენ მიუძღ-ვება. ტახტია ძველებური, სპარტანულად მაგარი, რომელიც „ხელოვნების ხვა-ლინდელი დღის“ სიმძიმის ქვეშაც კი არ კრიალებს. მაგნუს ტეეს სკამი მო-აქვს, სტუმრისაგან ზუსტად ერთ მეტრზე ჯდება და სახეს ისე დათაფლულად ალაგებს, საუბრის ყოველგვარ ხალისს რომ დააკარგვინებს კაცს.

— მამატიეთ, რომ გაწუხებთ... თქვენთვის ხომ ყოველი წუთი ძვირფასია, ეს მე ვიცი... — ლულულულით იწყებს სვენ ვოორე და მაგნუს ტეეს ისეთი თვალებით უყურებს, გეგონება, ახალდაბადებული ხვლიკი თავის უზარმაზარ ნათესავს, ნიანგს აკვირდებოა.

— ახალგაზრდობისათვის განკუთვნილი დრო ყოველთვის ჩვენს ხელთაა!.. ჩვენ ძველი გვარდია, თქვენ — ახალგაზრდა გვარდია!.. ხომ? — ეტყობა. სვენ ვოორემ თავიდანვე სწორ ტონს მიაგნო, რადგან „ღვთის რისხვის“ ნახევარ-მთვარისებური, წითელ-ყვითელ ფერებში შეყუყული ცხვირპირი საგულდა-გულოდ მომართული მექანიზმივით მოძრაობს. „ლიმილისათვის მოვემზა-დით!“ აი იშვიათი ბრძანება, რომელიც ეს წუთია მკაცრად მოთირილულმა ნა-ოქვებმა მიიღეს. მაგნუს ტეე ფეხებს ჰიმავს და გაპრიალებული ჩექმების კრა-ქუნიც გაისმის, სვენ ვოორეს კი რატომღაც ეჩვენება, თითქოს ეს კრაქუნის თვით მეესტროს შიგნულშია გამოსცა... ორივე გვარდიელი დუმს.

— იცით, თქვენი შეწუხება მხოლოდ იმიტომ გავებდე, რომ... როგორ გითხრათ... თქვენი რჩევა-დარიგება მჭირდება ძალიან... მე ხომ სულ ახლახან დაებრუნდი მოსკოვიდან და...

— ოო, მოსკოვი, მოსკოვი! ჩვენი სამშობლოს დედაქალაქი! — გუგუნებს ამხ. მ. ტეე.

— დიახ! სულ ახლახან დაებრუნდი ჩვენი სამშობლოს უმშვენიერესი დე-დაქალაქიდან (სწორედ რომ სასკოლო გრამატიკის სახელმძღვანელოდან ამო-ლებულ სანიმუშო წინადადებასავით ეღერს!) და აი, ჩამოსვლისთანავე ერთი პრობლემის წინაშე აღმოგჩნდი... — სვენი თავს დაბლა ხრის და მორცხვად ილიმება, — იცით, ამ დღეებში პროფესორმა ტრონელტმა აინ საარმას მონუ-მენტისათვის კვარცხლბეკის დაპროექტება შემომთავაზა... მეც დავეთანხმე, მაგრამ ხომ არ შევცდი-მეთქი, ვფიქრობ...

— აინ საარმა? ახალგაზრდა მოქანდაკე, ხომ? — რომოტის გულითალო-ბით კითხულობს მეესტრო.

— დიახ, ახალგაზრდა მოქანდაკეა, სხვათა შორის საკმაოდ ნიჭიერიც, თუმცა... (პაუზა, ნერწყვს ყლაპავს) ამას წინათ მისი ნამუშევრები დავათვალიე-რე და მომეჩვენა, რომ მათში ბევრი რამაა სადავო...

— ბევრი რამაა სადავო! — სიამოვნებით იმეორებს მაგნუს ტეე და წამით მის თვალბეჭდებში კმაყოფილების ნაპერწკალი კიაფობს, მაგრამ მალევე ქრება და მის ადგილს უმაღლ უფროსი ამხანაგის პედაგოგიური მზრუნველობა იკავებს.

— ჩემი აზრით, მის ქანდაკებას ოპტიმისტური ცხოველმყოფელობა და ახალგაზრდული აღმაფერენა აკლია... მონუმენტი ამალღებული ჟანრია!.. მონუმენტები საუკუნეებს უძლებენ!.. ისინი ხალხის საკუთრებას წარმოადგენენ. და ბოლოს, მონუმენტი ხომ იდეოლოგიური იარაღია... მე კი ეკვი მებარება, რომ აინ საარმა უკვე ასეთი საპასუხისმგებლო შეკვეთისათვის იყოს მომწიფებული... როგორც ჩანს, მე და საარმას სხვადასხვანაირად გვესმის ხელოვნების დანიშნულება... და სწორედ ამიტომ მჭირდება თქვენეი რჩევა-დარიგება, რამდენად სწორად მოვიქციე, ტონელტს რომ დავეთანხმე...

„ამალღებული ჟანრი“, „იდეოლოგიური იარაღი“, „შეკვეთისათვის მომწიფებული“... — ყველაფერმა ამან ერთობ გულისამაჩუყებლად იმოქმედა მხ. მ. ტეეზე. აი იგი განჭინასთან მიდის, იქ კარგა ხანს იქეძება და ბოლოს თეფშზე ორცხობილებს ალაგებს. „უსათუოდ ნაფტალინის სუნი ექნება!“ — ფიქრობს ვოორე, მაგრამ ერთ ორცხობილას მაინც იღებს და მორიდებულად კვნეტს, — არც ასეა საქმე. — საქმოდ გემრიელი ორცხობილა ყოფილა!

სვენ ვოორე ორცხობილას ჭამს და იმასაც ამჩნევს, თუ რა მამობრივი მზრუნველობით მისჩერებია მას მაგნუს ტეე. მადლობა ღმერთს! სვენი უკვე მეხუთე ორცხობილას შეექცევა და გაფაციცებული ყურადღებით უსმენს ტეეს. მის სიტყვებში თანდათანობით გამორეულ ზმნებს ფრაზები. ისე ხარბად ისრუტავენ. როგორც გამოგვალული მიწა ისრუტავს ხოლმე მონატრებული წვიმის ნაჟურს. მაგნუს ტეე ლაპარაკობს ძალდაუტანებლად, სიამოვნებით, ცოცხლად.. „აყვადებიან უდაბნოში თეთრი ვარდები...“ იგონებს რომელიღაც პოპულარულ სიმღერას სვენი და „ბუნების საოცარ ფერიცვალებას“ ყურადღებით აკვირდება. აკვირდება და მაგნუს ტეეს აზრებით, ცოტა არ იყოს. ერთობა კიდევ და ბოლოს, იმასაც ხვდება, რომ ტეეს ყველაზე მეტად მუშფავში გატარებული სიქაბუჯის წლების მოგონება უყვარს.

„ღმერთო ჩემო, თურმე რა ადვილი ყოფილა ამისთანა მაგნუსებთან საქმეების მოგვარება, — ასკენის სვენ ვოორე, — ეგოისტი ნამდვილად არ ჩანს. ვერც თვალთმაქცობას დასწამებ მაინცდამაინც. ერთი სიტყვით, არც ისე ცუდი კაცი ყოფილა, ხოლო რაც შეეხება გარიცხვებსა და სასტიკ საყვედურებზე ხელის აწევას...“ და უცებ ახალგაზრდა გვარდია ხვდება, რომ მაგნუს ტეე ის გამრჩე მებაღეა, რომელიც სიბერის დროსაც კი ძველებური მონდომებით უვლის ყვავილნარს, თავის დროზე შეაქვს ნაკელი, თბრის სარეველებს და ა. შ. ოღონდ ეგაა, რომ სიბერისას თვალს დააკლდა, არა, მაგნუსის ასე ობლად მიტოვება ახალგაზრდობას ნამდვილად არ ეკადრება! სასწრაფოდ მორიგეობის გრაფიკი უნდა შედგეს და ვაი იმას, ვინც თავის მორიგეობას გააცდენს! ერთი სიტყვით, მაგნუსის ხშირად უნდა ვეწვიოთ, ვაჩვენოთ სტუდენტობისდროინდელი ესკიზები მაინც, მივართვათ წითელი ყვავილები სახელმწიფო დღესასწაულებზე და ა. შ. ხოლო თუ ეს ჩვენი ვეტერანი რამეს გამოჩოკნის — მისი ნაცოდვილარი მასხრად კი არ უნდა ავიგდოთ, პირიქით, წახალისების მიზნით მოვუწონოთ, სადმე დავადგმევიოთ... მაგალითად, პიონერთა ბანაკში, ე. ი.

ქალაქიდან შორს. თანაც ძეგლის გახსნის ცერემონიალზე სასულიერო ორკესტრისა და პენსიონერთა შერეული გუნდის მოწვევაც არ უნდა დაგვაიწუდეს. ძველებური სიმღერები და დოლ-გარმონი. ვინ იცის, როგორ ეამება... ასეთი ტუბილი ურთიერთობების წყალობით კი ქანდაკება თუ არა, მოქანდაკე მაინც დარჩება მოგებული. მაგნუსი ხომ სწორედ ის ბიძაა, ვინც მოსკოვში უნდა აფრინო მხატვართა ფონდის ფულის სათხოვნელად... მამ! რამდენი რამე გვაქვს დაკარგული... ამდენ ხანს მაინც სად გვეძინა!" -- ფიქრობდა თავისთვის სვენ ვოორე.

მაგნუს ტეე კი ისე დაიქოქა. ენას არ აჩერებდა. აი იგი თავისი ვაჟიშვილების ფოტოსურათებს უჩვენებს სვენს. ორივე შვილი. რასაკვირველია, ოფიცერი ჰყოლია. ვიქტორი სამამულო ომში დაღუპულა. იგორი კი ამჟამად ფორტიფიკაციის კურსს კითხულობს სამხედრო აკადემიაში.

ერთ-ერთ ფოტოზე ახალგაზრდა არსება ილიმება მორცხვად. ეს მაგნუსის მეუღლე ტანიუშა ყოფილა, რომელიც თურმე, მეორე ვაჟიშვილის მშობიარობას გადაჰყოლია. (ცოტა არ იყოს მკრეხელურად კი ჟღერს, მაგრამ) ასეთ ქალს სწორედ მშობიარობაზე გადაყოლა შეენისო, ფიქრობს სვენი. ერთ სურათზე მაგნუსი და ცისფერთვალეა ტანია ერთმანეთის გვერდიგვერდ დგანან. ტანიუშა ქმარს ბეჭებამდეც ვერ წვდება. მაგნუსს მარცხენა ხელი ცოლის მხარზე უდება. მარჯვენაით კი მზადყოფნის ნიშნად რევილვერის ბუდე აქვს ჩაბლუჭული. ტანიუშას მინდვრის ყვავილების უშველებელი თაიგული აქვს გულზე მიკრული... ცოლ-ქმრის ზურგს უკან სამოქალაქო ომისდროინდელი. ჭერაც „ტვირდი ზნაკებით“ აჭრელებული ღოზუნგი ფრიალებს... ეს სურათი ნამეტანი სევდისმომგვრელია და სვენ ვოორეს ლამის შეებრალოს ამხანაგი ტეე.

ბოლოს „ღვთის რისხვა“ საკუთარ ესკიზებს უჩვენებს სვენს. ესკიზები, რა თქმა უნდა, თარიღის მიხედვითაა დალაგებული, რის გამოც ვოორეს შინაარსი ფიქრი ეძალება. — ნუთუ ეს კაცი დღე და ღამე ჯოჯოხეთურ შრომაშია?!

ვიზიტის დასასრულს, როგორც მოსალოდნელი იყო, საუბარი ისევ მონუმენტს უბრუნდება. მაგნუს ტეეს ღრმა რწმენით სვენმა კვარცხლბეკიც უნდა დააპროექტოს და აინ საარმაზეც უნდა მოახდინოს გავლენა. როგორმე უნდა დაეხმაროს. აუხსნას, შეაგნებინოს, რომ მონუმენტი ესაა... ესაა იდეოლოგიური იარაღი და ა. შ.

და აი, სვენ ვოორე თანდათან ხვდება, თუ რატომ ჩაება მონუმენტზე გამოცხადებულ კონკურსში თვით ტეე. პირდაპირ საოცარია. ტონელტი როგორ ვერ მიხვდა ამას. აქ ხომ არავითარ ანგარებასთან და პატივმოყვარეობასთან არა გვაქვს საქმე... უბრალოდ, მაგნუს ტეე გრძნობს, რომ საბჭოთა ხელოვნების დასაცავად უნდა დადგეს! ეს არის და ეს. მან კი, რასაკვირველია, ზედმიწევნით კარგად იცის, თუ როგორ უნდა გამოიყურებოდეს ნორმალური მონუმენტი... კი, შეიძლება მისი ესკიზები არც მოიწონონ და არც მიიღონ, მაგრამ მაგნუსი ხომ თავის ვალს პირნათლად მოიხდის! ე. ი. ყველაფერს გააკეთებს მხოლოდ სინდისის კარნახით... სხვათა შორის, არბიტრებსაც მეტი არჩევანი ექნებათ.

„ეჰე, მაგნუს ტეე! შე საბრალო „ღვთის რისხვა!“ — რიტორიკულ ფიქრებში ეფლობა სვენ ვოორე, — რა დანაწარმებული ფორდივით რახრახებ. შე ძველო... თუმცა არა, ფორდივით კი არა, ჩვენი სამამულო მანქანათმშენებლო-

ბის პირშოსავით ძაგძაგებ. აი, დგახარ და კომფორტაბელურ „ვოლგებსა“ და „ჩაიკებს“ გულდაწყვეტილი მზერით მიაცილებ. ამ მანქანებს არც რადიო აკლიათ და არც მოდური სალონი... აბა მაგათ რას დაეწევი! დაწევა კი არა, ერთავად მტერის კორიანტელის პირისპირ რჩები, რადგან სისწრაფე აუცილებლად მტვერსა და ბულს აყენებს ხოლმე. მტვერი კი ცალკე ზველებით გახრჩობს, ცალკე შუქფარებზე ეფინება და წინ გახედვას გიშლის. შენ ბორგავ და მთელი არსებით ცდილობ კაცობრიობის ხსნას. ამიტომაცაა, რომ აქეთ-იქით აწყდები და ხელს უშლი მოძრაობას, რომლის მიმართულედაც შენთვის უკვე უცნობია... ესეც შენი იდეურობა ეგოიზმის გარეშე! აი რა ამბები ტრიალებს შენს თავს, ვეტერანო!”

სიბერე ქემშარიტად უცნაური რამაა და ტრონელტისებურად ბევრი ვერ ახერხებს ამ უცნაურობაში გადასვლას... დროა თანდათანობით მეც დავეუფლო ამ დაფარულ სიბრძნეს! — ასკენის საბოლოოდ სვენ ვოორე.

გამომშვიდობების წინ ვოორე პირობას დებს, რომ სულ მალე ისევ შემოვივლის. გახარებულ მაგნუს ტეეს, რა თქმა უნდა, სჯერა მისი. იგი, ბოლოს და ბოლოს, ისეთ ახალგაზრდასთან შეხვედრას მოესწრო, რომელსაც სწორად ესმის ცხოვრება... განშორების წუთებში მაგნუს ტეე „ღვთის რისხვას“ კი არა, მოსეს უფრო ჰგავს. დიახ, სწორედ იმ მოსეს, რომელიც ნათელს აფრქვევდა.

V

ყოველდღიურად, დაახლოებით დილის ცხრა საათისათვის ორი ცხვირჩამოშვებული კაცი სახელოსნოსაკენ უხმოდ მიემართება...

დღემდე ვერ გამიგია, რომელმა ჰკუთამყოფელმა დააგდო ხმა. ხელოვნების ხალხი პოეტური ბუნებისანი არიანო. კარგი ერთი, თუ ღმერთი გწამთ! ხელოვნებით წვა და დაგვა მარტოოდენ უხეირო ფილმებში გამოიყურება მიმზიდველად. სხვათა შორის, მეც მახსოვს ის ფილმი, რომელშიაც სახელდახელოდ ფერმიხდილი მთოვარეს იდილიურ ნათელში ბეთჰოვენი უზენაესი შთაგონებით თავის „მთვარის სონატას“ ქმნის... ნეტავ მართლაც ასე ყოფილიყო!

შემოქმედება ერთი გაუთავებელი წამებაა და ბედნიერ აღმოჩენათა წამებს ათასში ერთხელ თუ ელირსება კაცი. საკუთარ წვალებას კიდევ ჰო, გაუძლებ როგორმე, მაგრამ სხვისი ტანჯვის ცქერა ნამდვილად აუტანელი რამაა.

ტრონელტის მიერ განაწილებული სამუშაოებით დაბოღმვას კი მოვერიე, მაგრამ ჯერ თურმე სად ვიყავი! — აინთან ერთად ერთ სახელოსნოში გაძლებაც არანაკლებ ძნელი აღმოჩნდა. ნერვები დამაწყვიტა ამ თავქარიანმა!.. საქმე იქამდე მივიდა, რომ 25-კაპიკიანი ფილტრიანი მუნდშტუკი შევიძინე და დღეში ორ კოლოფ „შიპკას“ ვაბურაქებდი. ნიკოტინის ცხელ კვამლს მადიანად ვახრჩოლებდი და უჩვეულოდ გულაჩუყებული მოსკოვის იმ სკვერებს ვიგონებდი, სადაც უზრუნველი კვიცივით დაკუნტრუშებდი ხოლმე. სიძნელები, რა თქმა უნდა, იქაც შემხვედრია, მაგრამ ასეთი?!

დილა მოსკოვერ სახელოსნოში: მახსოვს კოსტია... ეს ნიჭიერი, მაგრამ ზარმაცი ციმბირელი ყოველ სამუშაო დღეს ჩვეულებისამებრ საათის მომართვით იწყებდა, მერე ცელოფანის მომცრო პარკს ფილოსოფიური სიმშვიდით

გაბერავდა და რომელიღაც თაბაშირის მოაზროვნეს თავში წაუშენდა... ანდა იმას რა დამავიწყებს ჭგუფში ერთადერთი ქალიშვილი, მაცუალივით შავკი-კინებიანი ლიუდმილა თიხის ასაღებად რომ დაიკუზებოდა, ყველანი მის ქათ-ქათა ბარძაყებს მივალენჩადებოდით... ის კი არა, ახლა უადგილო ადგილზე თიხის მიგდების გამო ვულკანივით ცეცხლის მფრქვეველ დეიდა ფროსიასაც კი მზრუნველ დედასავით ვიგონებ ხოლმე... ერთი სიტყვით, მთელი ჩემი წარ-სული სკვერის ფარნებით იყო გაჩახახახებული.

ახლა კი რა გამოვიდა! აქ, ესტონეთში, ანდა როგორც მას რომანტიკო-სები უწოდებენ — ქალწული მარიაამის დანისლულ მიწაზე ამ ბუდეაშლილ კრუხივით დაბნეულ კუნძულელთან ერთად უნდა ვიცოდელიო?!... არადა, ამ საბრალოს დანახვაზე გულიც რომ მეკუმშება?!... ფაქტი ფაქტია და გამოსავალიც არ ჩანს: — მე და აინი უკვე იმ ინდივიდუალური სექტორის უკანასკნელ მოპიკიანებს ვეკუთვნით, რომლებსაც არსად ჩივილის უფლება არა აქვთ ... დი-რექტორსა და სამუშაოთა მწარმოებელსაც კი ვერ დააბუზღებენ...

რაც მართალია, მართალია — აინს ძალიან უჭირდა მუშაობა. მოსამზა-დებელი სამუშაოც კი, რომელსაც მოქანდაკეთა უმრავლესობა განსწავლული ხელოსნის მომხიბლავი ელეგანტურობით ართმევს თავს, აინისათვის ენით გა-მოუთქმელი წამება იყო. გაჭიურებული ინსტრუმენტი არა და არ ემორჩი-ლებოდა მის ხელს... და მე, ყოველდღიურად ამ საშინელების მხილველი, ვითომ რა გუნებაზე უნდა ვყოფილიყავი?

აინმა ოცამდე სხვადასხვა ესკიზი შექმნა, მაგრამ საბოლოოდ ყველას თიხის საყრელ ურნაში უკრა თავი. თიხა ხარ და თიხადვე იქცევი!... თვითონაც არ ვიცი რა მინდაო, გამომიტყდა ერთ დღეს. ვერც ვერასოდეს გაიგებ-მეთქი, გაეფიქრე. მისი ხელმოცარული მუშაობის შემხედვარეს ნეტავ სხვა რა უნდა მეფიქრა. მართალია, ამ გაძვალტყაყებულ ბავშვებზე, მოხუცებზე, მუშტებ-მოღერებულ კაცებზე და დედა-შვილობის სხვადასხვა ვარიანტებზე „დედა, ეს რა ვნახეო“ — ვერ იტყოდი, მაგრამ სანაძღეოს ჩამოვდივარ, ყველა მათგანიდან გამოვიდოდა რამე, საქმე რომ ბოლომდე მიეყვანა.

ამგვარ სიუჟეტებში ან კი რა უნდა თქვა ისეთი, შენიც რომ იყოს და ორი-გინალურიც? კაცობრიობამ ხომ მონუმენტების ნახევარზე მეტი თავისი ბნელი საქმეების უკვდავსაყოფად აღმართა... და აი, ვილაც საარმა აქაც საკუთარი სიტყვის თქმას ცდილობს! ნუთუ დღესაც არსებობენ შეურყვნელი იდეები?.. რალაც არა მგონია, აკი ჭერ კიდევ მოხუცმა სოლომონმა გვიქადაგა, მზისქვე-შეთში არაფერი არ არის ახალიო...

ამდაგვარ შეგონებებს შიგადაშიგ აინსაც ვჭურთავდი ხოლმე, მაგრამ რა! — უნ, მგონი, მართალი ხარო, უმალ კვერს დამიკრავდა და სულ ერთიანად აქ-ომინებული ისევ თავისას მიერეკებოდა. — სულო ცოდვილო! ერთი პირობა იმასაც ვფიქრობდი, ჩემს ჯიბრზე ხომ არ იქცევა ასე-მეთქი. თუმცა ამ წამიერი ფიქრის აბსურდულობაშიც მაშინვე ვრწმუნდებოდი. მე და აინი შუშის ქილაში დამწყვდეულ ორ ხოქოს ვგავდით... და ასეთ პირობებში ადამიანური ლოგიკით რას გააწყობ! მერე და მერე იქნებ ფსიქოლოგიის ისეთი „გეი-ლუსაიცი“ გა-მოჩნდეს, რომელიც ინდივიდუალური შემეცნების, ლოგიკის, სულიერ-პარცია-ლური წნევისა და ემოციათა ტემპერატურის შორის არსებულ ურთიერთკავ-შირსაც აგვიხსნის... დღეისთვის კი ჩვენი პარციალური წნევა სულ უფრო და უფრო მაღლა იწევს...

მოსკოვში, სახელოსნოში მუშაობის დროს ყველანი ლაყბობას ვიყავით მიჩვეულნი. საყოველთად ცნობილია, რომ ენითა და ხელებით ერთდროულ მუშაობას არავითარი ზიანი არ მოაქვს. ვმუშაობდით, ანელოტებს ვყვებოდით, ლიუდმილას ველაზლანდარებოდით და ა. შ. აინს კი, შენც არ მომიკვდე, ვერაფრით ხმას ვერ ამოალებინებდი, ის კი არა, ყველაზე ეფექტურ ანგლოპაზეც დიდი-დიდი ორიოდ სიტყვა ამოეღერლა: „ჰო-ო?“, „რას მელაპარკები!“ და ა. შ. სამაგიეროდ, ზუსტად ყოველ ორმოცდახუთ წუთში, დიახ, ისე ზუსტად, რომ კაცი საათსაც გაასწორებდი, აინი ნამუშევარს კარგა მანძილზე მოშორდებოდა, სახელოსნოს კართან დადგებოდა და თითებს რატომღაც სამჯერ შეუბერავდა სულს. მერე ცხვირს ერთი ლაზათიანად დაირეკავდა და ისევ საქმეს მიუბრუნდებოდა.

ჭირი და ლხინი ამხანაგებიანო, რომ ამბობენ, მართალი ყოფილა. ის იყო ნერვიულობით გამოწვეული ქავილი ქეცში უნდა გადაზრდოდა, რომ მოულოდნელად, როგორც იტყვიან, მზემ გამოანათა.

ფეიქრობ, არავის არაფერი არ უნდა ჰქონდეს საწინააღმდეგო, თუკი მე ჩემს ფანტაზიას ძუენა ძაღლს შევადარებ. სამუშაოს დასაწყისი ატეხილობის პერიოდსა ჰგავს: აი, მშვიერ-მწყურვალი, გამოსავათებული ფანტაზია მოგონებათა ქალაქის დაბინდულ უბნებში დაწანწალებს და მანამდე ვერ მოისვენებს, სანამ მოხდება ის, რაც უნდა მოხდეს, ანუ სანამ წამოსაგებზე წამოეგება...

უეცრად ორი-სამი ისეთი მზიანი დღე გამოვიჩინათება, ისეთი, ისეთი, რომ სიხარულით მეშვიდე ცას ეწევი. ამ დროს სამუშაო გავიწყდება. ვალებიც და ვალდებულებანიც. ასე უზომოდ აცეტებული ქუჩა-ქუჩა დაეხეტები და არა თუ „ცოცხალ კლასიკოსებს“, უკვე მათ ცოლებსაც ვერ ამჩნევ, რითაც ძალზედ დიდ ხიფათს უმზადებ საკუთარ თავს. გზადაგზა იმასაც ხვდები, რომ იდიოტურად იღრიკები. მაგრამ რას იზამ! ასეთ დღეებში ხომ შენს თავს არ ეკუთვნის. და ეს ყველაფერი განა გაღიზიანებს, პირიქით — გეამაყება კიდევ. მაგრამ ასეთი დღეები, სამწუხაროდ, ელვისებური სისწრაფით გარბიან და ესკიზის დამთავრებისთანავე უკვალოდ ქრებიან...

მეორე დღეს შენს ნახელავს სალი თვალთ რომ დააკვირდები, გულზე შემოგეყრება და, ეს რა ჯოჯოხეთის მამხალა გამოიკეთებიაო. გაიფიქრებ.

მაგრამ მერე და მერე ნამუშევრის მიმართ თანდათანობით მშობლიური გრძნობა გეუფლება, გადასადგებად ვერ იმეტებ და შვილივით ინახავ. უფრო მეტიც — ამიერიდან მისთვის სულსა და გულს არ იშურებ, საკუთარ სისხლსა და კალკიუმის გლოუკონატსაც კი უნაწილებ... ერთი სიტყვით, იმდენ ხანს კლდეები, სანამ ერთ დროს დაწუნებულ შენს პირშმოს ლოყები გაუკარდათაფერდება.

განა არ ვიცოდი, რომ ბარელიეფის დასრულებულ ფორმაზე თავისტეხვას ისა სჯობდა, აინისათვის დამეცადა, ბოლოს და ბოლოს, ხომ უნდა მენახა, თუ რა ვადაწყვეტას აირჩევდა იგი, მაგრამ ტყუილად ჯდომას ისევ შრომა მერჩია. სხვა გამოსავალი არც მქონდა. სხვათა შორის პრინციპულ საკითხებზე ჩვენ იმთავითვე შევთანხმდით: აინი განწირულთა რამდენიმე ფიგურას გამოაქანდაცებდა, მე კი ხალხის რისხვასა და ვაებაზე უნდა მეფიქრა. ასე რომ, მცირე დამოუკიდებლობას მაინც ვინარჩუნებდი.

როგორც მოსალოდნელი იყო, პირველი კვირა თვალის დახამხამებაში გაერთიანდა. ყველაზე საინტერესო კი ისაა, რომ მას შემდეგ, რაც მე ბანალურად სვედიანი აღმოჩენის ავტორი გავხდი („ჰოჯოხეთის მამხალა!“), ყოვლად უცნაური რამ მომეჩვენა: თითქოს ბარელიეფზე გამოსახულ ხალხს თვით მე არ ვყოფნინდი სასაცილოდ. ამის გამო დარცხვენილმა მზერა აინისკვენ გაუპარე. ო, როგორ მინდოდა მასაც ისე მოსცარვოდა ხელი, რომ ინსტრუმენტები იატაკზე დაეხეთქებინა... შენებრ წაბორძიკებულს რომ ნახავ, ერთბაშად დამშვიდდები კაცო. ჩემი აზრით სწორედ ეს უნდა იყოს იმის მიზეზი, რომ ბადეში მოყოლილი თევზები ერთხანს მშვენივრად გარძობენ თავს.

აინს, მართალია, ჭერაც ვერაფერი მოეფიქრებინა, მაგრამ მაინც შეეცლილი მეჩვენებოდა: ჭერ იყო და მისმა ქესტებმა შეიძინეს მეტი გამბედაობა. მერე კი, სტვენა რომ წამოიწყო, ყური ხომ არ მატყუებს-მეთქი, გაეფიქრე!

ღმერთი გამიწყრეს, მაშინ თუ მისი სტვენის მიზეზი მცოდნოდა! ეს უფრო მისტიკას ჰგავდა. იმ დღეს აინი სხეულის სხვადასხვა ნაწილებზე მუშაობდა. ერთთავად ხელებს, ფეხებს და მხრებს ძერწავდა... რატომ? რისთვის? ამ პირველი კურსის სავარჯიშოებს ნეტავ რა ეშმაკად დაუბრუნდა? ბოლოს იქამდეც მივიდა, რომ სახელოსნოში ძველთაძველი ანატომიური ატლასი მოათრია! მიუხედავად ყველაფრისა, აინი ვერც ერთ გადაწყვეტას გულს ვერ უღებდა და კოდურების ქაოსს კანიალის ალტაცებით უკირკატებდა. ამ ამბით პირდაპირ თავზარდაცემული ვიყავი.

ბოლოს ავდექი და, რას აპირებ-მეთქი, ვკითხე.

— ჭერ არ ვიცი, მაგრამ მალე მეცოდინება. — დღეფოს ორაკულის თავდაჭერებით მიპასუხა აინმა და ჩემს დაუმთავრებელ ბარელიეფს გადახედა. — ყოჩად შენ! მაგრად შეგებერია... — ჩაიბურტყუნა და მთელი თავისი ემოციები ამ ორ სიტყვაში ჩააქსოვა. მერე ისევ ამოჩემებული მელოდია დაუსტვინა და მუშაობას შეუდგა.

მე ხომ მის ადგილზე უფრო სხვანაირად მოვიქცეოდი...

საკუთარ თავში ღრმად დარწმუნებული ადამიანები ყოველთვის პატივისცემას იმსახურებენ. რატომღაც „ხბოსმკვლელი“ გამახსენდა. არა, ეს კაცი რაც შეიძლება მალე უნდა შევისწავლო... რაც შეიძლება მალე!

VI

ერთ საღამოს მე და აინი სუფთა ჰაერზე სასეირნოდ გამოვედით. ჩემი ბარელიეფები სულ უფრო და უფრო სრულყოფილ სახეს ღებულობდნენ. აინი კი ისევ ორკოფობდა, კირვეულობდა, ცხვირჩამოშვებული დადიოდა და ღუმ-და. გული მიგრძნობდა, რომ სწორედ ამ საღამოს ავაწყობდით გულახდილ საუბარს.

ბინდი თითქოს ბუნებრიობისაკენ გვიბიძგებს... მერე და მერე სიბნელეში გამბედაობაც გვემატება და პოზიორობაში გაღეულ დღეს კაბასავით შემოვიფხვრეწთ ხოლმე ტანზე! თანაც ღრმად ვართ დარწმუნებულნი, რომ სხვებიც ასევე იქცევიან. არიან ქალები, რომლებიც მხოლოდ წყვილიაღში ბედავენ თავიანთი ვნებების გამომჟღავნებას... რაც შეეხება გულახდილ საუბარს, კაცებსაც სიბნელე ურჩევნიათ საამისოდ. ჩვენც ქალაქის გაჩახახებულ ცენტრს

ვცილდებოდით და კალამაიას ჩაბნელებულ უბანს ვუახლოვდებოდით. სწორედ იმ უბანს, სადაც ქალაქი მთავრდება და ზღვასთან შესახვედრად ემზადება.

უკვე ბევრი-რამ ვუამბე აინს ჩემს სიყმაწვილებზე, მოსკოვში გატარებულ წლებსა და სასიყვარულო თავგადასავალზეც კი. ახლა ისიც უნდა ალაპარაკებულყო! ამასობაში შეენიშნე, რომ მე თვითონ შემეცვალა ლაპარაკის მანერა. ეს, რა თქმა უნდა, ჩემგან სრულიად დამოუკიდებლად მოხდა და გასაკვირიც არაა — ამ უტყვი თანამგზავრის, ჩაბნელებული გარეუბნისა და აპრილის მოღუშული საღამოს შემხედვარე ვითომ რა კალამბურების გუნებაზე უნდა ვყოფილიყავი?!

აინი ყურადღებით მისმენდა და ჭერაც მიწაზე მიყინულ ქვის კენკებს თავისდაუნებურად გაჰკრავდა ხოლმე ფეხს. ზუსტად ისე, ბავშვობაში რომ „სერობანას“ ვთამაშობდით.

— აბა მე რა მაქვს მოსაყოლი... კუნძულ საარემპაზე დავიბადე და გავიზარდე. ხის გამოთლა-გამოჩქურთმებით ჭერ კიდევ ბაბუაჩემი და მამაჩემი იყვნენ გატაცებული... სკოლაში სიარული რომ დავიწყე, იმ წელს ბაბუაჩემმა ძვლისტარიანი მოღუშული დანა მაჩუქა.. ჰოდა, მეც ავდექი და მაშინვე რალაც-რალაცების გამოთლას შევეუდექი. იმ დროისათვის ეს საქმიანობა მომგებიანიც კი იყო: ერთმა გერმანელმა ოფიცერმა ჩემი გამოთლილი ეშმაკი რომ ნახა, ძალიან მოეწონა და ერთ კილო კარაქში გამიცვალა. მართალია, როგორც შემდეგ გამოირკვა, კარაქში კარტოფილის ფქვილი ყოფილა ბლომად გარეული, მაგრამ ოფიცერს ეს არც ეცოდინებოდა... ჰოდა, ჩემი გამოთლილი ეშმაკი გერმანიაში ცოლს გაუგზავნა — აქაოდა, ნახე, ესტონეთი რა ეგზოტიკური ქვეყანააო...

როგორც შევატყვე, აინი თვითონაც განიცდიდა, არაფერი რომ არ ჰქონდა მოსაყოლი.

— ეს არქაული და ტლანქი მანერა შენი აზრით საიდან უნდა გამოგყოლოდა, ჰა? — კკითხე მე და მაშინვე ვინანე, ნამეტან კორესპონდენტურ სტილში ხომ არ გამომივიდა-მეთქი. არადა, სულ სხვანაირ, უფრო ბუნებრივ საუბარს ვაპირებდი.

— ეს კი ნამდვილად არ ვიცი, რანაირად არცაღე, აი ასეც — თანამედროვეს რომ ეძახიან... არაფერიც არ გამოვიდა! მართლა ასე ტლანქია?

— კი ტლანქია, მაგრამ ნაღდიც რომ არის? შენს მხატვრულ ჩანაფიქრსაც რომ უხდება?!

დილაოგი ისევ გაცივდა. ასეთი მიხვეულ-მოხვეული გზებით აინის გულამდე მისვლა არ მოხერხდებოდა. და სწორედ ამ დროს თავში ამომიცურდა იდეა: მასთან ურთიერთობაში გამომეცადა ჩემი „ბუნებრივი ადამიანის თეორია“.

ათი ზრდადასრულებული კაციდან, რომლებიც მაინდამაინც ადამიანის არსისა და დანიშნულების თეორიებს უყირკიტებენ, ცხრა უსათუოდ იდიოტია (ერთი ნახევრად იდიოტი). ამ სამწუხარო ჰემმარიტებას, რა თქმა უნდა, მეც უყოყმანოდ ვიზიარებ, მაგრამ გამოუვალ მდგომარეობათა გამო იძულებული ვარ ჩემი პერსონაც იმ სასაცილო საამქროს მივაკუთვნო, სადაც მუდმივ ძრავას იგონებენ... ჩემს მრავალრიცხოვან, ურთიერთგამომრიცხავ ოპუსთა შორის ხომ ყველაზე დიდი პრაქტიკული სარგებლობა სწორედ „ბუნებრივი ადამიანის თეორიის“ ეფექტურ გამოყენებას მოაქვს.

ლიახ: უმრავლესობას-მეთქი, ვერ დავიჩემებ, მაგრამ საკუთარი თავის შე-
ლამაზების სურვილი, თქვენ რომ გგონიათ, იმაზე მეტ ხალხს აქვს. ამის დასა-
დასტურებლად რამდენიმე მაგალითის მოყვანაც შემიძლია.

კარგა ხანია ერთი რბილი ხასიათის, ცოტა არ იყოს, ქალწულებრივად გა-
ნაზებულ კაცს ვიცნობ, რომელსაც საკმაოდ დახვეწილი ტენორი აქვს, მაგრამ
ბარიტონით ლაპარაკს კი ცდილობს. ყველაზე საინტერესო ისაა, რომ ეს კაცი
ხელოვნურად მოღუშული სახის შენარჩუნების ცდაშია დღენიადავ. როგორც
ამბობენ, ახალგაზრდობაში ბალეტით ყოფილა გატაცებული. ახლა კი მოტოს-
პორტის გარდა არაფრის გაგონება არ სურს.

როდესაც მსგავსი ხერხებით ამა თუ იმ ნაკლის დაფარვას ვცდილობთ,
ყოვლად შეუძლებელია საკუთარ თავში აღმოჩენილმა ფარისკელობამ არ შეგ-
ვაძრწუნოს. და რა უსაზღვროა ჩვენი გაოცება, როცა ისეთ ადამიანს შევეჩე-
ხებით, რომელიც არათუ არ მალავს თავის ნაკლსა და სისუსტეებს, არამედ
ხმაბლლაც გმობს. (აი, მაგალითად რას იფიქრებდით ისეთ ტიპზე, რომელიც
შემდეგი აღსარებით მოგმართავდათ: „საერთოდ, ცხოვრების უკმაყოფილო არა
ვარ, მაგრამ ქალებს არ მოვწონვარ და ეს მაღარღებს. თუმცა არა, ყველაზე მე-
ტად იმას განვიციდი. კეუა-გონება რომ არ გაიმეტა ჩემთვის ღმერთმა...“)

ასეთ გულახდილ ადამიანებს, ჩვენ რომ გულწრფელსაც ვეძახით ხოლმე,
რაც უნდა ეცადო, ვერავითარ წყენას ვერ მიაყენებ. ამის ცოდნა ყველა-
სათვის სასარგებლოა!

ერთხელ მე და ჩემი მეგობარი რომანი (გამხდარი, წითური გრაფიკოსი)
მართალია, ფულზე ქესატად ვიყავით, მაგრამ საგამოცდო სესიების დამთავრე-
ბის აღსანიშნავად მაინც რესტორან „პრალას“ მივადექით. სანამ მაგიდას მი-
ვუსხდებოდით, მე ყველაზე მრისხანე სახის მომტანი შევარჩიე, გვერდზე გა-
ვიხმე და ყოველგვარი უხერხულობის გარეშე გავანდე: მეგობარო, ჩვენ ამდენი
და ამდენი მანეთი გვაქვს-მეთქი, მთლიანად არ გვინდა შემოგვეხარჯოს.
რადგან „გუმ“-ში გადასარევი ჩინური ავტოკალმები მიუღიათ-მეთქი და ა. შ.
მომტანმა იმწუთშივე დარეხვილად მიმიღო, მაგრამ მე არ დაებნეულვარ და
ახლა იმის ახსნას შევუდექი, თუ რა გადასარევი, რა მოოქრული, რა გამძლე
კალმები აქვთ ამ მუდმივეებს და ფული თუ არ გიჭირს, ერთი ცალი იქნებ შენც
იყილო-მეთქი, ვურჩიე ბოლოს. ყველაფერი ეს ისეთი გულითადობით ჩაუუ-
ქიკიკე, თითქოს ერთმანეთთან მრავალი წლის მეგობრობა გვაკავშირებდა. ახ-
ლა შედეგს არ იკითხავთ? — „ბუნებრივი ადამიანის“ გულითადობით მომტანი
ისე მოიხიბლა, რომ სულ მალე ერთად (!) დაესხედით და ნორმალური პურის
საქმელად რეამანეთ-ნახევარი დავიანგარიშეთ. „არა, შეგვეშალა, რვა-ნახევარი
კი არა, რვა! — დავაზუსტე მე, — შევიცარსაც ხომ უნდა დაეუტოვოთ? მაგათ
პატარა ხელფასი აქვთ...“

თვალის დახამხამებაში ისეთი სუფრა გავციწყევს, ბარე ორ ფულიანსაც
რომ შემუხრდებოდა; აქეთ ცივი ღვინო, იქით საუზმე „à la carte“-ს სტილში.
მოკლედ, ჩიტის რძე არ დაგვკლებია. ბოლოს პაწაწინა კიბორჩხალების მაგვარი
ისეთი გემრიელი დელიკატესიც დაეურტყით, რომ მისი გემო ახლაც პირში
მაქვს.

„ბუნებრივი ადამიანის“ როლი სხვა დროსაც დიდი წარმატებით გამითამა-
შებია. თუმცა „გათამაშება“ რა სათქმელია! — საკმარისია ამ ჰომუნკულუსს

ცოტაოდენი სისხლი გადაუსხა და სული შთაბერო, რომ წარმატებით გათამაშებული როლი უმალ დამაჭერებელი სინამდვილის სახეს მიიღებს.

— იცი რა, აინ... — დეიწყე მე. — შენს გვერდით რომ ვარ, რაღაც მე მართება... სულ ის მეექვსება, ვაითუ საჩემო საქმეზე არ მიცილია ხელი-მეთქი.

— აინი გაოცებით შემომაჩერდა. — ჩემი აზრით, მოქანდაკე სწორედ შენნაირი უნდა იყო! შენ მიწის შვილი ხარ, აინ! მუხლებამდე მასში ჩაფლული... მშობლიურ მიწაში ღრმადა გაქვს გადგმული ფესვები. შენ რომ გიყურებ, ასე მგონია, ბუნება სწორედ შენისთანების პირით ღაღადებს თავის სათქმელს... მე უფრო შარახვეტიას ვგავარ, ერთი შეხედვით თითქოს კულტურულ. მაგრამ მაინც ამჩატებულ შარახვეტიას... მთელი უბედურება კი ისაა, ჩემივე მანკიერი თვისებებით რომ ვიჭვიმები! ახლა ამას ჩემი კრელაქრულა სვიტრები და უცხოური ჰალსტუხებიც დავუმატოთ და... შენ გგონია, მე ვერ ვხვდები, ყველაფერი ეს სასაცილო რომაა? როგორ ვერ ვხვდები, მაგრამ იმასაც ვიმედოვნებ, ჩემს მიხვედრილობას სხვებიც გრძნობენ-მეთქი. რა ვქნა, ძმაო, ესენიც თუ გავიხადე, ჩემგან რაღა დარჩება?... იქნებ სულ სხვა პროფესია უნდა ამერჩია. მახსოვს, სკოლაში მათემატიკით ვიყავი გატაცებული, ერთ დროს დიფერენციალურ გეომეტრიასაც ვაპყუეტდი ტვინს. ახლა ვინმემ რომ მკითხოს, რაღა მაინცდამაინც ხელოვნება ამოირჩიეო. შენ წარმოიდგინე, ვერაფერსაც ვერ ვუპასუხებ... — როგორც შეენიშნე, ჩვენ უკვე ფეხაწყობილი მივადიჭებდით. ეს კარგი ნიშანი იყო! თქვენ თუ გიფიქრიათ ოდესმე, ასე თავგამოდებით რატომ ასწავლიან ჯარში ფეხაწყობილ სიარულს?... — ეტყობა, ჩემს მეცნიერულ მონაცემებს თავის დროზე შესაფერისი რწმუნა ვერ შევამჯავლე, — გავაგრძელე მე. — ჯერ კიდევ მაშინ ვგრძნობდი, რომ ნამდვილი მეცნიერი თავდაუზოგავი და შეუპოვარი უნდა ყოფილიყო... აბა მაშინ რა ვიცოდი, ამ ქვეყანაზე თუ ყველანაირი მეცნიერი ცხოვრობდა! აბა რა ვიცოდი, წყალბადის ბომბის გამომგონებელი ტელერი სონეტებსაც თუ წერდა!... ოპენჰეიმერი ქალების მუსუსი თუ იყო, ხოლო ჰაიზენბერგი გამოუსწორებელი ავანტიურისტი!.. შენ ვერავინ ვერ წარმოგიდგენს საკრეთლისა და თიხის გარეშე, მე კი სრულიად შემთხვევით გავხდი მოქანდაკე...

— მართლა? — სიტყვა ჩამომართვა აინმა, — აბა მე მუხლვაური უნდა გამოვსულიყავი. ხელოვნებაც ძალიან მიზიდავდა, მაგრამ მხატვრებზე თავიდანვე იმხელა წარმოდგენა შემექმნა, ჰალსტუხებისა და სვიტრების გარეშე ვერც ერთი მათგანი ვერ წარმომედგინა. აი როგორც შენა ხარ... — შემომცქერის და იღიმება! — სხვათა შორის ახლაც დარწმუნებული ვარ, რომ ნამდვილი მხატვარი შენა ხარ და არა მე... შეიდწლედის დამთავრებისთანავე საზღვაო სკოლას მივამურე. არ გამიმართლა, მათემატიკაში ჩავიჭერი. ვიფიქრე, საარემასში რა პირით ჩავიდე, იქნებ სხვაგან მაინც ჩავაბარო-მეთქი. ვიფიქრე, ვიფიქრე და ოდესღაც ხის თლაში ვილაცისაგან შეგულიანებული ტარტუს სამხატვრო სკოლაში ჩავირიცხე.

ბაწრის მგრეხავთა ქუჩას მივადექით. მახსოვს, ბავშვობაში არა მარტო ამ ქუჩის, მთელი კალამიას უბნის შიში მქონდა. თანაც ეს შიში უფრო ადრე გამიჭდა ტანში, ვიდრე ამ ქუჩაზე დასახლებული ჯალათებით დამამინებდნენ.

ახლა, რა თქმა უნდა, არავითარი მოჩვენებისა არა მჭერა. თუმცა იმას კი ვგრძნობ, რომ ამ ქვეყანაზე ყველაფერს თავისი სული უდგას. სადღაც წამი-

კითხავს, თურმე ძველ საზღვაო რუკებზე ისეთ ადგილებსაც აღნიშნავდნენ. რომლებსაც გემის კაპიტნები განსაკუთრებით უნდა მორიდებოდნენ. თანაც წყალქვეშა კლდეების შიშით კი არა. ღორი იმიტომ, რომ ამ წყლებში ცურვისას ყველაზე დისკომლი... უღ... შეზღუდვებიც კი უმიზეზო აყალბაყალს ტეხდნენ ხოლმე. რაციონალურ მეცხრამეტე საუკუნეს. ბევრ სხვა რამესთან ერთად, ეს ამბავი სასაცილოდ არ ეყო და მთელი რუკები სასწრაფოდ გადააყეთა. ახლა ისევ დაირხა ხმა ნეირონულ ძალისმიერ ველსა და ტელეპათიურ კავშირზე... ეს ყველაფერი შეიძლება სისულელეც იყოს. მაგრამ, ვინ იცის, ერთ მშვენიერ დღეს, სამყაროს კანონზომიერებათა ახლებურად გააზრებისას იქნებ მოჩვენებანიც კი გაითვალისწინონ. როგორც ენერჯის ნარჩენები... მერე და მერე ეს ნარჩენები იქნებ ხალხის სამსახურშიც კი ჩააყენონ...

სანაპირო სველი თოვლით შემოგვეგება. სახესა და ტანსაცმელზე ფართე ფანტელები გვეფინებოდა. ძველი სახლების სარკმლებიდან შუქი გაღმოდვარა... საღლაც ფანჯარა გაიღო და მამინვე გაანჩხლებული ჩვილის გულსგამაწვრილებელი ღნავილი გაისმა. ასეთი გულახდილი ტირილი მარტოოდენ ჩვილებს ეხერხებათ! საერთოდ ბავშვებს ბევრი სხვა რამეც გამოსდით გულწრ-ყველად. ბავშვის ღნავილი, იღუმალად მოფარფატე ფიფქები, მოწყენილი ფანჯრები... ყველაფერი ეს ყვითელი სიზმარივით ლღვებოდა.

— კი, ასეა... ჩემს მოქანდაკობას ეშმაკს უნდა ეუმადლოდე, — გაისმა ფიქრებში წასული აინის ხმა.

— ვის? ეშმაკს?! — ყურებს არ დაეუქერე მე.

— დიახ, ეშმაკს.

მორჩა, ახლა უკვე არაერთი შეკითხვების მიცემა არ იყო საჭირო. თუ რამე ქონდა მოსაყოლი, ისედაც მოყვებოდა. ლაპარაკის საღერღელი მას სწორედ ახლა უნდა აშლოდა. ეგლა მაკლია, ჩემმა ჰომუნკულუსმა, ანუ ხელოვნურად -- ბუნებრივმა ადამიანმა ამას ენა ვერ ამოადგმევინოს და ლაპარაკის იშტაზე არ მოიყვანოს!

— ყველაფერი ეშმაკით დაიწყო. მამინ მე ხუთი-ექვსი წლის ვიქნებოდი. ერთხელ უთენია გამეღვიძა. ჩემს და-ძმებს ეძინათ. მამაჩემსაც ეძინა. დედაჩემი საბძლის მოღიავებულ კართან იჯდა და ქსოვდა. იმ დღეებში ჩვენს კრიიტს ხბო უნდა მოეგო. ბებერი ძროხა იყო, ზედიზედ მეორე დღეა წვალბდა. ტიხრიდან გარკვევით მესმოდა კრიიტის ზმუილი და ქშენა. ერთხანს ნავთის ლამპით განათებულ ჰერზე უცნაური ღანდების ბორიას ვუთვალავალბდი. ის იყო თვალი უნდა მიმეღულა. ამ მოულოდნელად შორეული ნაბიჯების ხმა ჩამესმა. ეს იყო მონოტონური, მძიმე, გრძელი პაუზებით გამოყოფილი ნაბიჯების ხმა... ეშმაკი! გამიღვრა მამინვე თავში — ეშმაკი დააბიჯებს საღლაც!

თავზე ბალიში წავიხურე... ნაბიჯების ხმა კიდევ უფრო მძიმედ ისმოდა. თვლები მაგრად დავხუჭე და ნათლად დავინახე ეშმაკი. თავზე ცილინდრი ეხურა, ფეხზე მეთევზის ჩექმები ეცვა და დედამიწის კიდეზე სასაცილოდ დააბოტებდა (დედამიწა რომ თეფშივით მრგვალია, ეს უკვე გაგონილი მქონდა), ხოლო თეფშის შუაგულში მეთევზებით დასახლებული ჩვენი სოფელი თვლემდა.

ეს ჩექმებიანი ეშმაკი კი თუფშს კიდე-კიდე მიუყვებოდა. მე თავზარდაცემული ვიყავი, რადგან რამდენ წრესაც შემოუვლიდა, იმდენი უფრო და უფრო გვიახლოვდებოდა.

მთელი ეს მოჩვენება თავში გადაცემული სისხლის პულსაციის ბრალი ყოფილა. ვიფიქრე, ახლავე ავღებები და ყველაფერს დედას მოვუყვები-მეთქი. ის იყო უნდა წამოვმდგარიყავი, რომ კრიტიკის ისეე აზმუვლდა და დედაც მისკენ გაექანა. საბრალო ძროხა ზედ ჩვენს სადგომს მოტმანსოდა, ტყვილებით გაწამებულს ენაგადმოგდებული თავი ჩვენს გამყოფ ტიხარზე გადმოედო და ძალიან უცნაური თვალებით მოგჩერებოდა, კრიტიკის თვალებში ცრემლი კიაფობდა... თუფშის კიდეზე ეშმაკი დააბოტებდა... კრიტიკმა ადამიანის გამოჩენამდა უშველა თავს და მკვდარი ხბო შობა. ხბო იყო სულ მთლად ლორწოიანი, ბლანგაცეენილი, გადასლეპილი... ღონემიხილი კრიტიკი მანამდე ბორჯავდა, სანამ ყელი არ გამოჰრეს... მერე ყველაფერი ერთმანეთში აირია: აქეთ სანთლისფრად გადასლეპილი ხბო, იქით კრიტიკის ცრემლით სავსე თვალები და იქვე ეშმაკი! მე რატომღაც დამნაშავედ ვგრძნობდი თავს — იქნებ ხბო არც კი მომკვდარიყო, მე რომ ეშმაკი არ მეხილა-მეთქი. ბოლოს ისეე დედაჩემმა დამიყვავა, სულელური სიზმარია, ალბათ საბანგადახდილს გეძინაო, მაგრამ მე ხომ ვიცოდი, რომ ეს სიზმარი არ იყო! ნეტავ დედა როგორ ვერ ხედავდა ამას! დროთა განმავლობაში ჩემი თავი დავარწმუნე, რომ ეშმაკის ნაბიჯების ხმა მხოლოდ მე მესმოდა... რომ მე რაღაცით ვგავდი კრიტიკს... კრიტიკს, რომელსაც დედაჩემმაც კი ვერ უშველა...

იმ დღეებში ღმერთს იმას ვევედრებოდი, რათა ეშმაკს გზა-კვალი არეოდა და ჩვენამდე არ მოეღწია, ჩემმა ვედრებამ თითქოს გაჭრა კიდეც — ნაბიჯების ხმა ისე მძიმედ არ ისმოდა. იქიდან მოყოლებული სულ იმას ვცდილობდი, როგორმე ჩემი ბავშვობისდროინდელი გაშეთება გამომეთალა, მაგრამ ყოველთვის რაღაც სასაცილოდ გაჩაჩხული რამ გამომდიოდა... არადა, ის ეშმაკი სულაც არ იყო სასაცილო! და მეც ვთლიდი და ვთლიდი! აი სწორედ ერთი ასეთი ეშმაკთაგანი იყო, იმ გერმანელ ოფიცერს რომ მოეწონა. სამხატვრო სკოლაშიც ეშმაკით მიმიღეს. მერე ტარტუს სასწავლებელი ფრიადოსნის დიპლომით რომ დავამთავრე, ტალინში ჩამოვედი და ტონელტთან მოვხვდი... ჰო, ყველაფერს ეშმაკს უნდა ვუმაღლოდე!

უკვე ზღვასთან ვიდექით. ქარი არ ქროდა. თოვლის ფანტელებიც შეთხელებულიყო. სანაპიროზე ყინულის ტურტლიანი ნალეწები ჩახერგილიყო. რიგრიგობით ციმციმებდნენ შუქურები. ჩვენ გატარუნუ ვიდექით და ზღვის სუნთქვას ვაყურადებდით.

— ახლა შენ მომიყევი რამე...

მისი მეტყველება ისეე დაქუცმაცდა, ისეე თავის თავში გაუჩინარება იწყო. ტანზე პალტო არ ჰქონდა მორგებული, თავზე კი ქული. მე ამჯერად სრულეებით არაფერი არ მქონდა სათქმელი. თუმცა ამას მანამდეც მძაფრად ვგრძნობდი. რა დასამალია და შურით მისკლებოდა გული... მოკუტული თვალებით დანახული შზე, ნაირგვარი სურნელება, ფიქრები ფერთა ლაციცზე და სხვენში მიყრილი გამტვერილი სათამაშოები... ეს იყო და ეს, სხვა რა უნდა მომეგონებინა. აინის მოგონებებთან შედარებით ეს მხოლოდ აბსტრაქცია და უძლე-

რება იქნებოდა! არც ოფლი... არც სისხლი!... მხოლოდ ლიმფა! მხოლოდ შემგუ-
ებლობისა და „ბუნებრივი ადამიანის“ თეორიები...

— სხვა დროს იყოს, ჯერ შენი მონათხრობის შთაბეჭდილებებიდან ვერ
გამოვსულვარ, აინ, — დავიძვრინე თავი მე.

უკან გამოვბრუნდით, შუქურები რიგრიგობით ციმციმებდნენ.

ღმერთო ჩემო, რა გულახდილი ყოფილა! ნუთუ ყველასთან ასე მიმნდობია?
მე მუდამ მისი ერთგული უნდა ვიყო! მე ის ყველგან და ყოველთვის უნდა
დავიცვა!

აინს გავხედე: დაბალ ტანზე შემოდებული არაპროპორციულად უზარმა-
ზარი თავი, რომელშიც, ვინ მოთვლის, რამდენი უცნაური აზრი ფუთფუთებს...

ო, როგორ მინდოდა აინს ჩემს თვალეში ამოკეითხა ის. რასაც ახლა მთელი
სულით და გულით ვნატრობდი: — მოდი, დავმეგობრდეთ. აინ!

VII

მაისის დამდეგს მე უკვე კვარცხლბეკისა და ბარელიეფის საბოლოო ვა-
რიანტები მქონდა დამუშავებული, აინს კი ჯერაც ვერაფერი მოეფიქრებინა.
დღედაღამ ეან ეფელის „სამყაროს შექმნიდან“ გადმოსული ღმერთივით თავის
ჯერაც შეუქმნელ ადამის კიდურებს უკირკიტებდა. ამ ბოლო ხანებში ერთთა-
ვად ხელებით იყო გატაცებული. მისი საცოდაობით გული მეთუთქებოდა, მაგ-
რამ რა მექნა? რით დავხმარებოდი? საკონკურსო ვადები იწურებოდა... ყველა-
ფერი ზაფხულის დადგომამდე უნდა მოგვეკვარებინა. თორემ მერე მხატვარ-
თა კავშირში მკვდარი სეზონი დაიწყებოდა... მთავარია ხელშეკრულების გა-
ფორმება მოგვესწრო და ჰონორარის 25% დაგვეთრია. იქნებ აინს რამეში წაად-
გეს-მეთქი და საღამოობით, მოცალებობის ეამს მეც დავიწყე ჯგუფური ქან-
დაკების ესკიზებზე მუშაობა. თუმცა, სიმართლე რომ ვთქვა, უფრო შორსაც
ეუმიზნებდი.

ერთ დღეს, გახურებულ მუშაობაში რომ ვიყავი, კარზე ზარის ხმა გაისმა.
ეს აინი იყო.

— დღეს რაღაც შეუძლოდ გავხდი... მთელი დღე ლოგინში ვკოტრია-
ლობდი... ჰოდა, ესეც მაშინ მოვარდა...

— ვინ მოვარდა? — დავიბენი მე.

— ახლავე ნახავ!

აინი იდლიაში ამოჩრილი გრაგნილის გაშლას შეუდგა, მე კი რატომღაც
ავი წინათგრძნობა დამეუფლა.

— აჰა, შეხედე! რას იტყვი, ა?

ასეთმა აღგზნებულმა ტონმა ისე გამაოცა, რომ პირველ რიგში გრაგნილი
კი არა, თვითონ აინი შევათვალეირე. იგი იმ პატარა ბიჭივით გაბადრულიყო.
ვინც ეს წუთია საახალწლო ნაძვისხეზე შეუშლელად წაკითხული ლექსის გა-
მო ნანატრი ციგურებით დააჭილოდოვებს...

ახლა ყურადღება გრაგნილზე გადავიტანე, მაგრამ თავდაპირველად ვერა-
ფერი გავიგე: მხრები, უკან გადადებული თავი და ორი ხელი, მთელი გრაგ-
ნილის სიგრძეზე აღმართული ორი უშველებელი ხელი... ნეტავ რას უნდა ნიშ-
ნავდეს-მეთქი, გამიელვა თავში.

— ეს ალბათ ხელებია. ხომ?

— კი, ხელებია.

სიჩუმე ჩამოვარდა.

— წარმოიდგინე: ვაკე ადგილზე ამოზნექილი მომცრო გორაკი... უბრალო დაბალი ბორცვი ყოველგვარი ბარელიეფებისა და სულეულური კვარცხლბეცების გარეშე... მხოლოდ გრანიტის ლოდი და იქიდან ამოშვებული... აი, ესენი? ა? აინს ტანის სიმძიმე ხან ერთ ფეხზე გადაჰქონდა, ხან გეორგზე. ისეთი შთაბეჭდილება იქმნებოდა, თითქოს ერთ ადგილზე ვერ ჩერდებო.

და მოულოდნელად მართლაც თვალწინ წარმომიდგა ყველაფერი ეს!.. საფლავის ქვის კიდეზე დაყრდნობილი მხრები, კისრის გადაწყვეტამდე უკან გადადებული თავი... და ხელები, არაბუნებრივად გრძელი, სიცარიელის მოსახელთებლად გაწვდილი ხელები!

ეს ხელების კივილი იყო!

...აი, თურმე რატომ აკლავდა თავს ხელებს!

ტანში ურუნტელმა დამიარა. მას ხელების კივილი, ხომ? არა, ეს უფრო მეტყარასა ჰგავს! ყოველ შემთხვევაში, მე რომ ნამდვილად მეშუქრებთან, აჰას წყალი არ გაუვა!

— კი მაგრამ, ბარელიეფები?

— რა ბარელიეფები? პოო... მართლა, გამახსენდა... ბარელიეფები არ არის საჭირო! განა მათ გარეშე უფრო შთამბეჭდავი არ არის? ყოველ შემთხვევაში, მე ასე მგონია.

რა უნდა მეპასუხა?

— ბარელიეფების გარეშე ჯობია, აბა რა! ვაკე ადგილი, ვაკეზე ბორცვი. ბორცვზე ხელები და მორჩა!

ისევ დუმილი.

— ჰო, მართლა, შენ... გამოდის, რომ სულ ტყუილად გაისარჩე... ახლა ამაზე ფიქრობ, ხომ? და ფულზეც...

როგორც შევნიშნე, აინი თავისივე მიხვედრილობით გალიზიანდა. თუმცა მალევე გაუარა.

— ფულს... ფულს გავიყოფთ და ის იქნება! ბოლოს და ბოლოს ფული რა სათქმელია... სანახევროდ გავიყოფთ და მორჩა!

— არა, თავიდანვე რომ გეთქვა... საშინელი ხელები უკვე ყელამდე მწვდებოდნენ... მახჩობდნენ, მემუქრებოდნენ!

— კი, მართალი ხარ... უნდა მეთქვა, მაგრამ... — დაიბნა აინი, მაგრამ ხატი-რჭული! თავიდან მე თვითონ არ ვიცოდი. უბრალოდ ვგრძნობდი, რომ შიშველ ხელებშიც იყო, რაღაც... რაღაც ისეთი. რასაც ვერსად ვერ ნახავ... აბა რას წარმოვიდგენდი, შიშველ ხელებსაც თუ შეეძლოთ რამე! გეფიცები, დღეს მივხვდი ამას პირველად...

— ვცდილობ დაგიჩერო... — ირონიულად ჩავილაპარაკე მე, თუმცა აინს ჩემს ნახევარტონებში ჩასალრმავებლად სულაც არ ცხელოდა.

— მიხარია, რომ გჯერა ჩემი, — დაიწყო აინმა, — მაინც რა მაგარი რამე გამომივიდა, არა? არავითარი პოზიორობა და გადაპრანჭული კეკლუცობა! მხოლოდ ხელები და მორჩა, მეტი არაფერი! წამო, სვენ, ერთი მაგრად გამოვ-

თვრეთ! კლუბში წავიდეთ: 'მ ხელებს დასველება მოუხდება... ხუმრობა ხომ არაა, ორი თვე ვწვალობდი და ბოლოს მაინც მივაგენი! ახლა ყველაფერი ფეხებზე მკილია. ახლა მამაპაპურად უნდა შეეუბნო!

ასეთი აინი მე ჭერ ან მენახა... უსაზღვროდ აღტაცებული იყო და მართლაც ახლადაწყვეტილი ქაჩივით ბობოქრობდა.

— არა, იცი... დღეს არაფრით არ შემოძლია.

— წამო, წამო! ნეტა რა საქმე გაქვს ასეთი?

— არა, მართლა არა მცალია. დღეს ჩემთან... — დაბნეულად დავიწყე მე. მოთმინების ფიალა თანდათან მეცხებოდა, — დღეს ერთ ისეთ სტუმარს ველოდები, რომ... შენ წადი და მოგვიანებით მეც შემოგვიერთდები.

— შენც იტყვი, რალა! რა სტუმარი, რის სტუმარი! ამოკარი კიტლაყი და მაშინვე კლუბში წამოდი.

აინი პიჭაკის ღილზე მექაჩებოდა და გასაქანს არ მძლევა.

— ყოველ მიზნზგარეშე გელოდები, იცოდე, შენთვისაც მექნება შეკვეთილი... მე მგონი, ათამდე მოასწრებ... იქ კი მე დავტრიალდები, ღამის ორ საათამდე რომ არ გამოგვეყარონ.

— ევასთან ერთად რომ წასულიყავი? — ახალ-ახალ გზებს ვეძებდი მე.

— ევასთან ერთადო? — ხა-ხა-ხა! ევა მინდა ახლა მე?! ქალების მეტი რაა ამ ქვეყანაზე. ევა ხვალაც მეყოფა, ნაბახუსეგზე რომ წაიღებს ტვინს თავისი კიკიკით... აბა შენ იცი, არ დააგვიანო, იცოდე!

ნაბიჭების ხმა თანდათანობით მიწყდა. სახელოსნოში ისევ მარტო დავრჩი.

ჩაი ავადუღე და, ფინჯანში რომ ვასხამდი, მოულოდნელად საკუთარმა ხელებმა მიიქციეს ჩემი ყურადღება: ეს იყო ამაზრზენად უცხო, მოცახცახე, გრძელთითებიანი ხელები... პედანტურად მოვლილი ფრჩხილები... თუ რამ ღირებული გამაჩნია, სულ ამ თითების ნაძერწია. თუ რამ გამაჩნია... ახლა კი რა, უცხო ხელებისაგან დამფრთხალნი ასე უსუსურად უნდა ცახცახებდნენ?.. კმ! „ყოველგვარი ბარელიეფებისა და სულელური კვარცხლბეკების გარეშე!“ — ასე არ თქვა?

ჩაის ნაყენი ერთობ მწარე გამოდგა და, ცოტა არ იყოს, გამაბრუა კიდევ.

მართალია, ჭერ ცხოვრებაში სერიოზულ წინააღმდეგობებს არ წავეწყდომივარ, მაგრამ პატარ-პატარა სიძნელეებს ყოველთვის ადვილად ვერეოდი და აი, პირველი შავი დღეც გათენდა: ჩემი ნამუშევარი თვალეზზე ჩამოშლილი კულუღივით გვერდზე მოიქნეს... თვითონაც რომ არ მოელოდნენ, ისე! ჭერ იყო და კერძის ნაცვლად საკმაზის შენელება მომანდეს, ახლა კი თეფშოდან მწვანილის ფოთლის ამოყრაც მომინდომეს!... თვითონაც რომ არ მოელოდნენ, ისე!

წამოვდექი, შუქი ჩავრთე. რატომღაც სარკეში ჩახედვა მომინდა. ცხვირის წვერი მურით მქონდა გათხვრილი: ღმერთო, ნუ გადამრევე! — ეს მური მაინც საიდან?! თუმცა რა გასაკვირია... ტრაგედიას ხომ ჩვეულებრივად იქ უნდა მოველოდეთ, სადაც ფორთოხლის ნაფეკქენები ყრია... ხოლო, როდესაც ყველაზე სანდო ძმაცკი შენს ცოლს რესტორანში მიაატუნდრუყვებს, შენ კი ამ დროს გზაჯვარედინზე დგახარ და გალახული ძალივით იმათ არშიყობას უთვალთვალებ. ზუსტად იმხელა ქარი დაუბერავს, რამდენიც სამყოფია იმისათვის. რომ თავზე ქული წაგძვრეს და წუმპეში ჩავარდეს. აი, ასეთია ბუნების კანონები!

ათრთოლებული ხელით ცხვირი გავიწმინდე და ახლა ჩემი თმა შევათვალეირე. ჯერ კიდევ დატალღული ქოჩორი მაქვს. ოღნავ გამეჩხერებული თავის კოკორი ხშირი თმითაა შენიღბული... საკუთარ თავს ვაკვირდებოდი და მთელი არსებით ვგრძნობდი, რომ საკმარისი იყო ახლა ბელურას ნაბიჯისოდენა პოზიცია დამეთმო და მერე მთელი ცხოვრება კუსავით უკან-უკან ბობღვაში უნდა გამეტარებინა... არა! რაღაც უნდა დამიჭდეს, მაგრად უნდა დავდგე, თორემ უფერულ ბრბოში გასალობად ფოკუსიდან ოღნავ ამოვარდნაც საკმარისია...

ჩაი კიდევ დავისხი...

...თანაც როგორაა დარწმუნებული თავის თავში! გამარჯვებულის თავდაჯერება! — აი მთელი მისი გამომეტყველების ანფასი და პროფილი. კი მაგრამ ხომ შეიძლება მის ნამუშევარსაც ჰქონდეს ხარვეზი? შეიძლება, როგორ არ შეიძლება. მაგრამ აინის თავში ასეთი ფიქრი არ გაიჰკაჰანებს. ეძება, მიაგნო და მორჩა! „ფულს გავიყოფთ და ის იქნება!“ ახლა კი ეს ჩვენი აინი, რომელმაც მარცხენა ხელში ჩანგლის დაქერაც კი არ იცის. კლუბში ზის და ჰქექებს ატრიალებს... ამისთანასთან დამარცხება, ღმერთმანი, სირცხვილიც კია! „ბოლოს და ბოლოს ფული რა სათქმელია...“ აბა, ბიჭო, შენ ეგა თქვი!

შვევცადე, აინის ქანდაკება დასრულებული სახით წარმომედგინა. ცადაღმართული ხელები... აკივლებული ხელები... კი. ნამდვილად შთამბეჭდავი სანახაობაა. იქნებ მართლაც უფრო შთამბეჭდავი, ვიდრე მარმარილოს დაფა, ბარელიეფები და ეს „სულელური კვარცხლბეკები“ იქნებოდა... მაგრამ აბა კარგად დავაკვირდეთ! ხომ შეიძლება ეს „აკივლებული“ ხელები პრიმიტიულადაც გამოიყურებოდნენ?! იქნებ სულაც პაციფიზმისა და აბსტრაქტული ჰუმანიზმის მფლავებელიც იყვნენ!... ერიპაა, ეს რა ობიექტური ენით ავკიკიკიდი... რა გაცვეთილი ეპითეტები დავახეთქე, არა? ოოო... ეს ხომ ამხ. მაგნუს ტესს ლექსიკონიდანაა. უეცრად პერ-ლაშეზის სასაფლაოზე აღმართული ფანჯრის მსხვერპლთა ძეგლი გამახსენდა და... მოიცა, მოიცა! ამ საქმეს, მგონი, პლაგიატის სუნიც აუეიდეს?.. თუმცა არა მგონია — ლენინგრადში აღმართულ ფალკონეს „ბრინჯაოს მხედარს“ ხომ მისივე მსგავსი სხვა „მხედრები“ ვერაფერსაც ვერ აკლებენ... ასეთია ქანდაკების ხელოვნება! ყველაფერს რომ თავი დავანებოთ, პერ-ლაშეზის სასაფლაოზე აღმართული ხელები ერთმანეთშია გადახლართული. აინის ქანდაკება კი მთელი თავისი სულით, განწყობილებით, არომპიტითა და ა. შ. სრულიად თავისებური ძეგლია.

ბოლოს და ბოლოს, იმ დასკვნამდე მივედი, რომ ესკიზი კიდევ ერთხელ უნდა მენახა. ჰკვიან კაცს უთქვამს — ეკვიანობის ჰია სხვა ჰიებისაგან იმით განსხვავდება, რომ იგი სულ მუდამ თავის გასუქების ცდაშიაო... ეს თვისებები თურმე სხვა ტკივილებსაც ჰქონიათ!

ისევ ევას შეწუხება ვამჯობინე. ქანდაკების ესკიზები ხომ აინს უსათუოდ სამუშაო მაგიდაზე ექნება მიყრილი. მეც ავდექი და თან წასაღები ჩემი გრაგნილი დავახვიე. აი ის, რომელზედაც აინის „მხარში ამოსადგომად“ ჩემეული ესკიზები მქონდა დაწვეული (თურმე ვის რაში ჰქირდები!) და ოცდაოთხით კი არა, ამჯერად კიბის თორმეტი საფეხურით გავუყევი ზედა სართულისაკენ.

— აინმა შემოგივალათ, ცოტას გავისეირნებო...

ჩემი მოულოდნელი სტუმრობით შეცბუნებული ევა საშინაო ხალათით

გამომეგება. მერე აინის ქაღალდები გადაქეპა და ის გრავნილი გამომიწოდა, რომელსაც მე თვალდახუჭულიც ვიცნობდი.

— ეს არ არის?

— კი, ეგ არის... რა მაგარი რაღაცაა. არა? ნიჭიერი და მოხერხებული ქმარი შემხვდაო, თქვენ უნდა თქვათ სწორედ...

ევამ ჭერ ცერად გამომხედა, მერე კი, დამოუცილებელ გადაწყვეტილებებს მიუჩვეველმა, თანხმობის ნიშნად მეუღლის საკადრისი ღიმილით დამიქნია თავი.

— არც კი ვიცი, როდის მოიფიქრა... ალბათ ახალი ამბავია. დღეს ისე უცნაურად იყო აღგზნებული...

— ძალიან ნიჭიერი ბიჭია, ძალიან! — კვერი დაუუკარი მე.

— ღმერთო ჩემო, რა კარებში გავჩერებულვართ! შინ შემობრძანდით.

— უკვე გვიანია და... მხოლოდ ორიოდე წუთით. თუმცა... — ზომიერი პაუზა დავიჭირე და სახე „ჩვენ შორის დარჩეს“ ღიმილზე გადავწყვე, — მოულოდნელად აინი რომ დაბრუნდეს, რას იფიქრებს...

— ნუ გეშინიათ, ტანსაცმლის კარადაში დაგმალავთ, — გაიცინა ევამ.

— ოო, მაგ კარადაში ჯდომა ბედნიერთა ხვედრია! თქვენი პარფიუმერიის თავბრუდამხვევ სურნელებაში...

— თქვენ რომ ყველაზე გალანტური მოქანდაკე ხართ, ეს მე პირველი შეხვედრისთანავე გამოვიცანი! — აღტაცება ვერ დაფარა ევამ.

სიმართლე რომ ვალიარო, იმ ევას შთამომავალ ევასთან საუბარი სულაც არ მეპიტნავებოდა. თუმცა იმასაც ვგრძნობდი, რომ ეს მსუბუქი სიტყვიერი ფლირტი ახლა დაკარგულ წონასწორობას აღმიდგენდა... და რაც მთავარია, მართო არ ვიყავი!

— მაშ შემესკათ სადღეგრძელო თქვენი საარაკო გმირობისა, რომლის წყალობითაც ადვილი შესაძლებელია ხელოვნების ისტორიაშიც ამოჰყოთ თავი! მგონი, ცოტაოდენი გაღასაკრავი კიდევ მოგვეძევება...

მართალია, ყველაფერი ეს მეგობრულად, უფრო სწორად მინიატურულად, ოდნავ შესამჩნევი ირონიით წარმოითქვა, მაგრამ ჩემს გასალიზიანებლად ესეც საკმარისი აღმოჩნდა. კი, ბატონო, ნამუშევარი მე არ მეკუთვნის და არც არაფერია მასში ისეთი, რასაც ჩემად გავასაღებდი... ოღონდ მთელი უბედურება იმაშია, ეს ევაც რომ სხვის ხარჯზე გასვლას ცდილობს!

— მხოლოდ ერთი ჭიქა... მეტს ვერ დავლევ!

— ნება თქვენია. ახლა იცით, რომელი ანეკდოტი გამახსენეთ? აი ის, რევიზორზე, ერთ ჭიქაზე და ორ დირექტორზე რომაა, — გადაიკისკისა ევამ და წარღვნისდროინდელი ანეკდოტის მოყოლას შეუდგა.

— მართლაც რა სასაცილო ხალხი ცხოვრობდა წინათ, — როგორც იქნა, ჩავურთე მე. — ის კი არა, მოსკოვში სწავლის დროს ასეთი რამის მომსწრე გავხდი: ერთ-ერთი დეკორაციული სახელოსნოს დირექტორი ლოთობის გამო პარტკომში გამოიძახეს და, ასი გრამის გადამხუხავი ნორმალურ მუშაობას თუ შეძლებსო, ჰკითხეს. შეძლებს და მერე როგორო, უპასუხა დირექტორმა. ორკს გრამზე რას იტყვიო, დააყარეს აქეთ-იქიდან. ნამდვილი მუშაობა სწორედ ორკსი გრამის შემდეგ იწყებო, თვალიც არ დაუხამხამებია, ისე მიახალა დირექ-

ტორმა, და აი, სწორედ ამ დროს, ესაოდა ყურებით გვეყვებარ დაქერილიო, ერთ ბოთლზე რაღას იტყვიო, ჰკითხეს. როგორც გვაცნობეს, სამუშაო საათებში თქვენ თურმე ასეთ დოზებსაც ღებულობთო. ოო, მაშინ რა თქმა უნდა, რაღა მუშაკი ვიქნები... თუმცა ნამდვილი ხელმძღვანელობა სწორედ ერთ ბოთლზე შემოიძლიაო, მცირედი დაფიქრების შემდეგ გამოტყდა დირექტორი.

წამით ჩემს ხელებს დავხედე. ისინი ღირსეულად და, რაც მთავარია, მშვიდად მისვენებულიყვნენ მაგიდაზე...

— ევა, იცით ერთი რამ მაფიქრებს ძალიან... — მცირე პაუზა დავიკირე და ძალზე სერიოზული გამომეტყველება მივიღე, — მოხდა ის, რისიც მეშინოდა... აბა, თქვენ თვითონ ნახეთ! — ვთქვი და მაგიდაზე აინის ესკიზი გავშალე, — აი, დაუკვირდით ამ ხელებს. ეს თავისთავად ორიგინალური გადაწყვეტა კია, მაგრამ აბა ერთი წუთით წარმოიდგინეთ, რას იტყვის ამაზე ეიური... იტყვიან-ესაო, ისაო, აბსტრაქტული ჰუმანიზმიო, პრიმიტიულიო და ა. შ. მისი უდიდებულესობა მაგნუს ტეეს ხმაც ხომ გესმით: „ბიკებმა გადაწყვიტეს, სამი თითის კომბინაცია მიემვირათ ჩვენი მებრძოლი ხელოვანისათვის! დიახ, დიახ! არც მეტი და არც ნაკლები, სამი თითის კომბინაცია! აბა მარჯვენა მუშტს კარგად დააკვირდით...“ თანაც ასე რბილად იგი მხოლოდ მეგობართა ვიწრო წრეში იტყვის! და ისიც ფინჯან ყავაზე... ტრიბუნისათვის კი, გაგიხარიათ, იგივე აზრის გამოსახატავად უფრო მძიმე-მძიმე სიტყვებს შეარჩევს!

— სამი თითის კომბინაცია, — თავისთვის ჩაილაპარაკა ევამ, — თქვენ მართლა ასე ფიქრობთ? თუმცა, ვინ იცის... ალბათ... ალბათ ტრონელტს უნდა მოვეთათბიროთ.

ევა აშკარად დაბნეული ჩანდა.

— ტრონელტსო? არავითარ შემთხვევაში!

— რატომ?

— რატომ და საციმბიროდ ხელს მოვაწერ, ტრონელტი ამ ნამუშევრით აღტაცებული თუ არ დარჩეს! ადგება და, როგორც ჩვევია ხოლმე, ერთი მოსმით ვეშაპის დაქერაზე, ანუ ამ ესკიზის დაცვაზე დადებს თავს... ჰოდა, დაგვლუპავს კიდევ!

— თქვენ ღრმად ხართ დარწმუნებული?

— რაში? იმაში, რომ ტრონელტი პროექტის დაცვას დაიწყებს? არა, ამაში შეიძლება არც ვიყო მთლად დარწმუნებული, ამ ნამუშევრის დაცვა რომ წყლის ნაყვანა, იქნებ თვითონაც კი მიხვდეს...

— ერთი სიტყვით, თქვენ ფიქრობთ, რომ აინის გადაწყვეტა არ შეეფერება...

— ერთი სიტყვით და სამწუხაროდ კი, მე ვფიქრობ. არადა, საგამოფენო ნამუშევარი აქედან ნამდვილად გამოვიდოდა...

— აინს თუ ელაპარაკეთ?

— არა, ჯერ არ მილაპარაკია, — თავი დაეხარე მე, — ან როგორ უნდა მელაპარაკა... სიხარულით ისე იყო გაგიებებული, ისე ბობოქრობდა, თითქოს ათასი წლის წინ დაძინებული დევი გააღვიძესო. ხვალ მოველაპარაკები და ყველაფერს ავუხსნი, ჩემს ესკიზსაც ვუჩვენებ, მაგისი ოქრო ხელის ამბავი

რომ ვიცი, თუ მოეწონა ხელად დაასრულებს. მთავარია, ვიჩქაროთ, თორემ მაგნუს ტემ თუ დაგვასწრო, მერე მოგვამა ჭირი, ფულსაც დავკარგავთ და...

— თქვენი ვარიანტი უკვე მზადა გაქვთ?

— რა თქმა უნდა, მზადა მაქვს თუნდაც იმიტომ, რომ სხვანაირად ბარელიეფებს ვერ მოვიფიქრებდი. მართალია, მთლად დასრულებული არაა, მაგრამ აინმა თუ მოინდომა, მაგის გაკეთებას რა უნდა.

ამას რომ ვამბობდი, ჩემს გრაგნილს ხელში მორცხვად ვატრიალებდი. ერთი სული მქონდა ევა როდის მთხოვდა, თუ შეიძლება, მაჩვენეთო.

— თუ შეიძლება, მაჩვენეთ რა!

— კი ბატონო, როგორ არ შეიძლება, ოღონდ როგორც გითხარით, ჭერ კიდევ დაუმთავრებელი და მიჭლახნილ-მოჭლახნილია...

ევამ გრაგნილი ჩამომართვა და აინის ესკიზის გვერდით გაშალა. ჩვენი ნამუშევრები ცა და მიწასავით განსხვავდებოდნენ ერთმანეთისაგან: აქეთ, უბრალო სახატავ ფურცელზე დაუდევრად, ხელის ერთი მოსმით შესრულებული „მყვირალა ხელები“, იქით უმაღლესი ხარისხის ცარცის ქალაღზე წამოჩოქებული ჩემი მეომარი! არა მგონია ამხელა კონტრასტს ევა გაეხარებინოს... დრო მიინც თავზე საყრელად მქონდა და ყველაფერი ჩემს გემოზე გავაკეთე. საგულდაგულოდ დამუშავებულ-დასრულებულ ესკიზზე ასოებიც კი ულამაზესი — სამზახველო შრიფტით მქონდა გამოყვანილი. სხვათა შორის ესკიზების ზედმიწევნით სუფთად, ფილიგრანულად შესრულებას ისე ვარ მიჩვეული, რომ მთელ თავისუფალ დროს კლასიკური შრიფტის დამუშავებას ვანდომებ. ამ მხრივ, რა თქმა უნდა, არც ბოლო ნამუშევარს აკლდა რამე. ნაუცბათევად შესრულებულ ესკიზზე აინს მხოლოდ ორად ორი სიტყვა მიეჭლახნა: „ესეც თქვენ!!!!“ ამ ორი სიტყვის დაწერამდე აინის შთაგონებით წვერდალეული ფანქარი, ვინ იცის, რამდენს იცოდვილებდა! ასეა თუ ისე, ჩემი არისტოკრატიული ესკიზის გვერდით აინის ნამუშევარი ერთობ უმწეოდ გამოიყურებოდა.

ევას ფიქრების გამოცნობა ახლა ძნელი იყო. დაბნეულმა და აფორიაქებულმა „ძალიან საინტერესოა“ თუ რაღაც ამგვარი ჩაილაპარაკა და სასწრაფო საქმის მომიზნებებით სამზარეულოში გაუჩინარდა. მარტო დარჩენილმა ჩემი და აინის ესკიზები ერთმანეთს შევადარე. მაგრამ ახლაც სანუგეშო ვერაფერი აღმოვაჩინე. ამისთანა ჩოქზე დაცემულ მეომარს ხომ ყოველ მესამე ქალაქში შეხვდებით!

უცებ ტელეფონის ზარი აწკრიალდა.

— აინი იქნება! — გავძახე სამზარეულოში გასულ ევას და ნებართვისათვის არც კი დამიცილია, ისე დავავლე ხელი ყურმილს. ჩურჩულით წარმოთქმულმა ჩემმა „ალო!“-მ — თვითონ გამაოცა.

— ევა საარმა ბრძანდებით? — გაისმა მამაკაცის წრიაინა ხმა, რომელიც რა თქმა უნდა, აინს არ ეკუთვნოდა. წესით და რიგით ახლავე ვთხოვ-მეთქი უნდა მეპასუხა, მაგრამ წრიაინა ხმამ საამისოდ არ დამაყალა და მეც ცნობისმოყვარეობით გავიჩინდე.

— მხატვართა კლუბის კარისკაცი გაწუხებთ... აი, თქვენ რომ მთხოვეთ დამერეკა, თუკი... მოკლედ თქვენი ქმარი ამჟამად აქაა. მთლად კისერმოტეხილიც არაა, ოღონდ ნამეტანი მხიარულ გუნებაზეა და... სასმელიც ბლომად აქვს მომარაგებული... ვიღაც უნდა მოვიდესო, იძახის, მაგრამ ჭერ არავეინ ჩანს.

იქნებ წაგეყვანათ... თორემ რამდენიმე წუთის წინ ერთ კრელსვიტრიან ახალგაზრდა პოეტს აუხირდა... მე. რა თქა უნდა, ბოდის გიხდით.

— გამაღობთ, ახლავე მოვალთ, — რატომღაც ამჭერადაც ჩურჩულით ვუპასუხე მე. კარისკაცი, თავისი ქუთით, ევას ელაპარაკა.

ყურმილი კი დაკვიდე, მაგრამ ერთმანეთში არეული ხმების ზუზუნი კიდევ კარგა ხანს მესმოდა. ყურებში ჩარჩენილი შორეული გნიასი ნემსებივით მჩხვლელდა. აქეთ ზუზუნი, იქით ნემსები და ამასობაში მხატვართა კლუბიც წარმოვიდგინე მთელი სიცხადით.

აი, ერთ-ერთ მაგიდასთან გვარიანად შეზარხოშებული საბავშვო მწერალი მალმი ზის. მომწვანო სახე, სათვალის სქელი შუშები... „მგონი, ჩემი ვიოლინოს მოსატანად რომ მივდიოდე, ის დროა!..“ იქვე პირმრგვალი ახალგაზრდა ქალი ზის და საბავშვო მწერალს აქლემზე შემოსკუპულ გოგონასავით თვალგაბრწყინებული მისჩერებია. ბრეზენტის „სპეცოვკაში“ გამოწყობილი ახალგაზრდა არქიტექტორი ყოველ ხუთ წუთში ახალ-ახალ მაგიდას იცვლის და გარუჯულ სახეზე რალაცნაირი მოჩვენებითი ენერგიულობა დასთამაშებს. ვილაც საესტრაოდ ფიცარნაგზე აღის და გრძელი სიტყვის წარმოთქმას აპირებს. „ღრმად პატივცემულ საზოგადოებავ...“ — ლულულეებს იგი.

საღლაც კუთხეში კი მამაპაპურად გამობრუებული აინი ქეიფობს და მე მელოდება. იქეიფებს, აბა რა იქნება! მან ხომ ამის უფლება ერთმანეთზე გადაბმული უძილო ღამეებით, შემოქმედებითი წვითა და დაგვიტ მოიპოვა!... ახლა, როდესაც ყველაფერი მიგნებულია, გადაწყვეტილია, დამთავრებულია... და ჩემი შრომა წყალში გადაყრილი!..

„ისე დამთვრალა, კისერიც მოუტეხია! ნეტავ ვინმე მიბეგვავდეს კიდევ... ეგ მე არ ვიდარდო! ნეტავ მილიციამიც მოხვდებოდეს...“ აი რა ფიქრები მიტრიალებდა თავში.

— აინი იყო? — შემეკითხა ევა და სამზარეულოდან მაშინდელივით ორაგულის ნაჭრებით გაწყობილი თეფში შემოიტანა.

— არა. კოპლის საბარგო სადგურიდან დარეკეს, სასწრაფოდ სატვირთო მანქანა გამოგვიგზავნეთ, 3000 ქილა ტვინის პაშტეტი მივიღეთო...

— რაო, რა მივიღეთო?

— ტვი-ნის პაშ-ტე-ტი! ძვირფასო ამხანაგო მომხმარებლებო. შეიძინეთ ჩვენი მაღალხარისხოვანი ტვინის პაშტეტი!

— ააა... — გაელიმა ევას, — ისევ არასწორად შეგვავართეს?

— მე ვუთხარი, მანქანიდან სამი სკაროსი გაიპარა და მძლოლი სიდედრის დაბადების დღეზე გამოთვრა-მეთქი...

— წარმოგიდგენიათ, ახლა რომ მართლა...

— მერე ჩვენ რა გვენაღვლება! კედელზე თავიც უხლიათ. მოდით, მაგათი სადღეგრძელო შეევსათ! ჩვენ კი ჩვენი ტვინითაც გავიტანთ თავს... მაიონეზში ჩაწყობილ მაღალხარისხოვან ტვინს პლიუს ცხვარივით ინტელიგენციის კონსერვი! ხო-ხო-ხო-ხო, თითებს ჩააკენეტ... Prozit!

— Prozit! — გადაიკისკისა ევამ. — სიმართლე გითხრათ, არ მეგონა, თუ ასეთი ხუმარაც იყავით.

ჰმ! „ასეთი ხუმარა“... ხუმარა კი არა, რეგენი ვარ და მეტი არაფერი. აბა ნახევარ საათში რომ ისევ დარეკავდნენ, ამას ვერ უნდა მიემხვდარიყავი? აინი რომ ერთ გრაფინს გამოწრუპავდა და ორ იმდენს კიდე შეუკვებოდა, დარეკავდნენ. მაშ არ დარეკავდნენ? ხომ იკითხავდა ის კარისკაცი, რომ დაჰპირდით, რატომ არ წაიყვანეთო... რით გინდოდა მაშინ დაგეძვინა თავი ან ევასთვის როგორღა უნდა შეგეხედა თვალებში?

ისეთ დღეში ჩავევარდი, ერთი პირობა გაპარვაც კი გადავწყვიტე, მაგრამ მაშინვე გადავიფიქრე. რას იფიქრებდა ევა? რას და, ეს ჩვენი მოსკოველი ხალტურისტი სვენ ვოორე შეთავსებით თურმე აფერისტიც ყოფილაო! ღმერთო ჩემო, რამ გამომათაყვანა დღეს!

— ევა, თქვენ ჭერ ჩემი ბინა არც გინახავთ. შეგვიძლია ახლავე ჩავიდეთ, ორიოდე წუთით... მე ხომ პროფესიონალი ბერბიჟა ვარ და ახალი ბინის მოსაწყობად ორიოდე კეთილ რჩევას თუ შემაწევთ, ერთი ქილა კიბორჩხალების კონსერვი ჩემზე იყოს!

ევა ორჰოფობდა.

— ძალიან გთხოვთ, რა! — მივეძალე მე, — ბარემ სხვა ესკიზებსაც გაჩვენებდით, შემოძლია მწვანე ჩაითაც გაგომასპინძლდეთ! რაიეტსა და ჰინდემითს მოგასმენინებთ... იცით, ამას წინათ პალესტრინიც კი ვიშოვე... ხომ არ გეშინიათ? — შევლიმე ყოველ შემთხვევისათვის. — ჩემი აზრით, თქვენ სავსებით მშვიდად შეგიძლიათ გაერთოთ ცოტა ხნით, ჭერ ხომ არც ისე გვიანია. თანაც თქვენს ქმარს, ისე ვიცი, ტოონელტთან უნდა გამოველო, — გადავწყვიტე დაჟინებული თხოვნისადმი ქარაფშუტული ტონიც მიმეცა, ხანდახან ეს უფრო ჭრის ხოლმე, — მოკლედ, თქვენი ოჯახის მეგობარი დღეს გადასარევ გუნებაზეა... რა, თქვენი აზრით, ასეთი აცეტება არ შემფერის, ხომ? გეთანხმებით, სრული ჰემმარიტებაა. მე ხომ უმკაცრესი ბალტიისპირულ-გერმანული სულისკვეთებითა ვარ აღზრდილი. და აი, ჩემი ასკეტური აღზრდილობა უფრო ჩამჩურჩულებს, რომ ასე გვიან სტუმრობაში არის რალაც საეჭვო...

ევას დაყაბულებას ბევრი არაფერი უკლდა. სხვანაირად არც შეიძლებოდა: მას ხომ ჭერ არაფერიც არ უთქვამს ჩვენს ესკიზებზე, ვინ იცის ახლა იმის შიშიც კი გაუჩნდა, ვაითუ ვოორემ საკონკურსოდ სულ სხვა პროექტი წარადგინოს და აინის კონკურენტი გახდესო. ამის გაფიქრება და ფექტური სვლის მონახვა ერთი იყო.

— ვაიმე! მგონი უთო დამრჩა ჩართული! ჩქარა გავიქცეთ. თორემ მთელ სახლს გადავწვავთ... — დამდურულივით წამოვევარდი მე, ჩემს გრაგნილს ხელი წამოვავლე და გასასვლელისაკენ გავვარდი.

ახლა მთავარია, ისიც მალე მოვიდეს-მეთქი, გამიელვა თავში. ისე ყველა ნატერა ავიხდეთ, როგორც მე ევა მომყვა ფეხდაფეხ. ორიოდე წუთით შემოვირბინე, ტანზეც კი არ გამომიცვლიაო, ამხსნა შემოსვლისთანავე. დაპირებისამებრ მწვანე ჩაი გავამზადე და ბოთლში დარჩენილი კონიაკი ჩამოვასხი, ახლა მთავარია, რაც შეიძლება დიდხანს შევიქცეო-მეთქი, გავიფიქრე და ფირსაკრავი ჩაერთე.

ჩემი გრამფირფიტების კოლექცია პროფესიონალ მუსიკოსსაც კი შეშურდებოდა. მაშაჩემს კლასიკა უყვარდა, მე კი ჩვენი საუკუნის მუსიკას ვმოულობდი შეძლებისდაგვარად, ვგრძნობდი, რომ თავი ქუღმში მქონდა. აინის „ხელები“ უკვე ფეხებზე მეკიდა... ვიცოდი, რომ ამ საქმეს ისე დაეადგამდი თავს, როგორც ჩემს მოხერხებულობას შეეფერებოდა. მე და ევამ ცოტა კიდევ მოესვით და მუსიკას მივყურადეთ. გაჭიუტებული ჰობოი ცხვირში დუღღუნებდა. კლარნეტი და ფაგოტიც მას ბაძავდნენ, ეს იყო ჰინდემითის „კვინტეტი სალამურისათვის“, რომელშიაც მე ყველაზე ძალიან სარკასტულად მშრალი ალეგრო მომწონდა.

კარგა ხანს ვლუმდით.

ბოლოს ევამ მაგიდაზე გამიღილ ესკიზს დახედა და იდეალურად გულგრილი ხმით მომმართა:

— რომ არ დაგიმალოთ, აინის ნამუშევარი მე უფრო მომწონს... თუმცა თქვენიც მშვენიერია. დამტყიცებითაც უეკველად თქვენსას დაამტყიცებენ... ცალკე თუ წარადგენთ კონკურსზე. მართლა, მართლა! მე და აინს სულაც არ გვეწყინება. მეგობრობა კარგია, მაგრამ შემოქმედება სულ სხვა რამეა. განა ასე არ არის?

ეს შეკითხვა იმგვარი გულწრფელობით იყო შენიღბული, რომ მავანი საამისოდ დახარჯულ ძალასა და ენერჯიას საკადრისად ვერც შეაფასებდა.

— როგორ გეკადრებთ! ეგ რამ გაფიქრებინათ, ევა... ყველაფერს გეფიცებით, ასეთი რამ ფიქრადაც არ მომსვლია! — წამოვიძახე ხაზგასმული აღშფოთებით... და რაც მთავარია მტყიცედი! ახლა ყველაფერი უნდა მელონა, რათა ევას სასურველი ორკოფობის გრძნობა ერთი წუთითაც არ განელებოდა.

— რატომ, რატომ? თქვენ ხომ იმდენი იშრომეთ, იწვალეთ... ყველაფერს რომ თავი დავანებოთ, ხელოვნება შეჯიბრია და სხვა არაფერია... ჩემი აზრით, თქვენ ყველა უფლება გაქვთ, ეიურის საკუთარი პროექტი წარუდგინოთ, დამოუკიდებელი... — მომეყარა ევამ და გამკოლი მზერა ლურსმანივით მომარკო.

— დიახ, გეთანხმებით, ოღონდ ხელოვნება შეჯიბრია და არა ჭიდაობა. მე ისეთი კი არა ვარ, ფულისათვის ყველაფერზე რომ მიდიან... თანაც აინმა იმდენად ძლიერ გადაწყვეტას მიაგნო, რომ დამოუკიდებელი ნამუშევრის წარდგენით ჭერ კიდევ საკითხავია, ვინ ვის აჯობებს. ეს ისე, სიტყვას მოჰყვა, თორემ აინთან შეჯახებისაგან დმერთმა დამიფაროს. საბედნიეროდ „კულტის“ პროისტორიას ჩაბარდა. ასე რომ, გაბედულ იდეებს ახლა მეტი გასაქანი

ეოპაა, მე უკვე საკუთარ თავს ვუპირისპირდებოდი! ამან კი ევა ბრინჯივით დააბნია.

— ხელოვნებას თავისი განსაკუთრებული ეთიკა აქვს, რომელსაც მე პირადად ყოველთვის დავიცავ. — წარმოვთქვი მეტად სერიოზულად.

ისეთი დუმილი ჩამოვარდა, გულმა რეჩხი მიყო — ნამეტანი ხომ არ გადავმალაშე-მეთქი. ამიტომ გადავწყვიტე სიმძიმის ცენტრისათვის ადგილი მომენაცვლებინა.

— ევა, რაზეც ახლა თქვენ ფიქრობთ, დარწმუნებული ბრძანდებოდეთ, რომ არავითარ შემთხვევაში არ მოხდება. მთავარია, აინს ჩემი ნამუშევარი

მოეწონოს და მის საბოლოო დამუშავებაზე დაგეთანხმდეს. ქალაქიდან თიხამდე ისეთივე მომქანცველი გზაა, როგორც თიხიდან ლითონამდე. — სულგრძელად განვმარტე მე, — რა დასამალია და აინი თუ გაჭიუტდა, ე ი. მაინცდამაინც თავისი ვარიანტის გატანა დაიჩემა, მთელი შრომა წყალში ჩამყვრება... ჩემი დამუშავებული ბარელიეფები აინის ესკიზს სრულებით არ ესადაგება. მაშ რა გამოდის, ყველაფერი თავიდან უნდა დავიწყოთ? — ცხადზე ცხადი იყო. რომ ევა უკვე საჭირო კონდიციამდე მყავდა აფორიაქებული. ღმერთმა ნუ ქნას და ჩემს. მოსაზრებებში იოტისოდენა ეკვი რომ შეეტანა. ხომ დავილუპებოდი! — ჯანდაბას ჩემი თავი, რაც იქნება, იქნება! მე მზადა ვარ არა მარტო შევცვალო ბარელიეფები, არამედ, თუ საქმეს არგებს, საერთოდ უარი ვთქვა მათზე... სხვათა შორის, გამოგიტყდებით და, აინის ნამუშევრის დამტყიცების იმედი რომ მქონდა, ჩემს ესკიზს სულაც არ გიჩვენებდით... ეს კი ის ესკიზია, რომელსაც მე არასოდეს არ წარვადგენ საკონკურსოდ და იცით რატომ? იმიტომ, რომ... იმიტომ, რომ შერე ვერც თქვენ შემოგხედავთ თვალებში და (მხოლოდ საგრძნობი პაუზის შემდეგ)... ვერც აინს!

მოულოდნელად ზეზე წამოვიჭერი და რაც შეიძლებოდა პათეტიურად განვაცხადე:

— ახლა იცით, რას ვიზამ? ცოტა ხნით დაგტოვებთ და ერთ სა-ინ-ტე-რე-სო ქილას გავხსნი! თქვენ კი შეგიძლიათ უფრო მზიარული ფირფიტაც დასდოთ...

სამზარეულოში გავედი. ღმერთო, რაც მე ახლა ევას ვეჭაქანე, სიყვარულის ახსნას უფრო ჰგავდა. — მართალია, გაუბედავს, მაგრამ მაინც! ახლა ის ღრმად და დარწმუნებული, რომ ჩემი სახით თავფეკილა ბიჭთან აქვს საქმე და არა სამიშ კაცთან.

— მოგეხმარებით, სვენ! — დამაწია ხმა ევამ.

— არავითარ შემთხვევაში! თქვენ ვერც წარმოიდგენთ, რა საშინელი სახანავია მარტოხელა კაცის სამზარეულო! — გავეპასუხე მე და ოთახის კარი გავიხურე.

განჩინიდან კიბორჩხალების კონსერვი გადმოვიღე და გახსნას შევუდექი. ქილების საჭრელი ძველი დანა კარგა ხანია არაფერს ჰკრიდა! ისე გავმწარდი, მარმარილოს საფერფლეს დავავლე ხელი და დაბლაგვებული დანის ტარს მთელი ძალით დავკარი. ხიფათიც აქ მელოდა — კონსერვის ქილა გვერდზე გასხლტა და დანის წვერი შიგ ხელისგულში ჩავიკე!.. სისხლის დანახვას ისედაც ვერ ვიტან და საკუთარი ხელისგულიდან თქრიალით წამოსული სისხლის დანახვაზე ჰკუიდან კინალამ გადავედი. ონკანი მოუვში და ხელისგული ცივ წყალს შევუშვირე. ჰრილობიდან გამომდინარე სისხლის ყურებას ვეღარ გავუძელი და დაბალ სკამზე ისე გულშემოყრილი დავეხეთქე, ჩემი თავი მე თვითონ შემეზიზლა.

უეცრად ისეთი საშინელი დარდი შემომაწვა, ისეთი დამთრგუნველი უმწეობის გრძნობა დამეუფლა, თითქოს ჩემს თავზე მეცხრე ტალღას გადაველოს. ნაღდად უზარობის ყულფში მქონდა თავი გაყოფილი! სულ ერთია, ევა მაინც არ მენდობა ბოლომდე! აინის ესკიზს ტრონელტი გაიტანს, მე კი იდიოტურ მდგომარეობაში ჩავარდნა არ ამცდება!

ღღეს არ იყო, სარკის წინ რომ გამურულ ცხვირს ვიწმენდდი?.. ცოტაც და. საკუთარი თავის უმწეობით თავგაბებრებული ძალივით ავემუვლდებოდი.

დამაცადე, აინ! ყველაფერი შენი ბრალია... არ შეგარჩენ, იცოდე! სულ მალე გადაგიხდი სამაგიეროს!

რაღა მაინცდამაინც ახლა გამახსენდა, მეოთხე კლასში რომ გამლახეს... მაშინ ჩემი დასმენით ბიჭებმა ორიანები მიიღეს. გაბრაზებულმა ბიჭებმა იმდენი მოახერხეს, რომ ჩვენი ეზოს სამრეცხაოში შემიტყუეს და ცხვირიდან ძმარი მადინეს. ბოლოს კი მათ შორის ყველაზე პატარა მომეარდა და სახეში შემეფურთხა. აი, ეს არ დამავიწყდება არასოდეს! ისიც კარგად მახსოვს, კიბეზე რომ ავძვერი და სამრეცხაოდან გასულ ბიჭებს ქვები დაეუშინე... ზურგს უკან! დიახ. ზურგს უკან!

აი, ასე გულშემოყრილი, ხელეში თავჩარგული ვიჯექი და ენით გამოუთქმელ ბოლმას ვიგერიებდი. როგორ მინდოდა წამოვმხტარიყავი და ყველაფერი დამეღწა... მართლაც, საშინლად გამოუვალ მდგომარეობაში ვიყავი ჩავარდნილი!

ცხვირსახოცს რომ ვეძებდი, გულისჯიბიდან დაქმუქნული ქალალდის ნაგლეგი ამომივარდა.

„მაგნუს ტეესთან დარეკვა!“

ძლივს გავარჩიე გაცრეცილ ქალალზე კლასიკური შრიფტით გამოყვანილი სიტყვები.

ნეტავ როდის შემდეგ მიღვეს ეს ქალალდი გულის ჯიბეში? ან მაგნუს ტეესთან რატომ უნდა დამერეკა? აი, კითხვები. რომლებზეც პასუხის გაცემა მე უკვე აღარ შემეძლო. გახსენების დროც არ იყო! ძლივს გასარჩევი ასოები კოკლი ჩამბაზებივით მიხტოდნენ თვალებში.

...მაგნუს ტეესთან დარეკვა...

...მაგნუს ტეესთან დარეკვა...

ვერიკა! ხელის ტყვიელი ვილას ახსოვდა. სკამიდან გიჟივით წამოვხტი... კი, ეს ნამდვილი აღმოჩენა იყო!

არა, ისე მაინც რამ გამომათაყვანა, რომ მაგნუს ტეე სულაც არ გამხსენებია! ეს ხომ სწორედ ის კაცია, ვისაც აინის ესკიზი არავითარ შემთხვევაში არ მოეწონება! ახლა ხომ მაგნუს ტეეზე უკეთეს საფრთხობელას ვერც ინატრებ. ეს ძველთაძველი, ჩახმახჩაყანგული იარაღია, რომელსაც გინდა მარილს გაასროლინებ და გინდა საფანტს. ტყვიაც შეიძლება... ბახ! ბახ! ბახ! მე შენ გეტყვი, გავარდნამდე ხეზე დამალვას ვერ მოვასწრებ, თუ რა! მაშ ასე. რა დროს ყურების ჩამოყრა! ახლა წესით № 8 ოთახში უნდა ვიჯდე, ნაფტალინის სუნი რომ არ აუდის, იმ ნამცხვარს შევქექეოდე და შიგადაშიგ აინის ესკიზს ვათახსირებდე: „საოცარია, პირდაპირ, ასეთი ნიჭიერი ბიჭი და ამხელა შეტეღომა!..“

დიახ! საბედნიეროდ, ჭერ კიდევ ყველაფერი წინაა!

გასასვლელ დერეფანში ფეხბაკრეფით გავდივარ, ვაყურადებ... მართალია, მუსიკა ბოლომდეა აწეული, მაგრამ სიფრთხილეს თავი არ ტყივა. კიბეზე სირბილით ვეშვები და ჩემი სახლის წინ დადგმულ ტელეფონის ჭიხურში შევრბივარ...

4... 4... 0... 0... 3 და 6...

როგორც იქნა, ადგება საშველი, ყურმილს მერვე ზუმერზე იღებენ და:

— ალოო! რომელი ხარ ამ შუალამისას? — მეკითხება მკაცრი ხმა.

-- უკაცრავად. მე ვაწუხებთ... სვენ ვოორე...

— ამხანაგი ვოორე? დიახ, დიახ. რა ამბავია? ხომ შშვილობაა? -- როგორც იქნა, მზრუნველი ტონი ილანდება მკაცრ ხმაში.

— ასე გვიან შეწუხებისათვის ბოდიშს გიხდით. მაგრამ... მაგრამ საქმე მართლაც ვერაა კარგად. იცით, დღეს აინ საარამმ თავის საკონკურსო ნამუშევარი მიჩვენა და... მართალია. ამის თქმა ძალიან მიჭირს. მაგრამ... ჩემი აზრით საშინელი რაღაცაა... დიახ. რა არ ვუთხარი, საიდან არ მივეუდექი. მაგრამ... არაფერი გამივიდა, ახლა სხვა დროაო. დაუჩემებია...

— როგორ თქვა, როგორ? ახლა სხვა დროაო?

მაგნუსის ხმა უკვე ჩემთვის სასურველ რეგისტრს უახლოვდება.

-- რაო მაინც, რა აქვს ასეთი ამ ესკიზზე?

— ორად ორი ხელი! მორჩა და გათავდა. მიწიდან ამოშვერილი ორი მგლოვიარე ხელი, ასეთ ძეგლს იქნებ ვინმე სიურრეალისტის საფლავი კი დაემშვენებინა, მაგრამ მე ვერ წარმომიდგენია, რა კავშირი უნდა ჰქონდეს ამ მგლოვიარე, პასიურ და მორჩილ ხელებს ჩვენი გმირების საძმო საფლავთან! იმათ საფლავთან. რომლებიც სისხლის უკანასკნელ წვეთამდე იბრძოდნენ... ამ ხელებს რომ ბავშვი, შაშხანა ან ვარსკვლავი ექიროთ, კიდევ ჰო!... ასე ცარიელ-ტარიელი ხელები კი პრიმიტიული პაციფიზმია და მეტი არაფერი! ყოველ შემთხვევაში, მე ასე ვფიქრობ... ბევრი ვიღავეთ, ვიკამათეთ, კინალამ ხელითა გავიწიე, მაგრამ... შეაყარე კედელს ცერცვი! რა კარგი იქნებოდა. თქვენც რომ გენახათ! იქნებ მე ვცდები კიდევც... ასეა თუ ისე, ჩვენ ორში მხოლოდ ერთია მართალი — ან მე, ან აინი! სხვათა შორის, აინის ესკიზი ამჟამად ჩემს ხელთაა და თქვენი ნებართვით ახლავე შემიძლია მოგირბენინოთ... თქვენი რჩევა-დარიგება ჩემთვის ბევრ რამეს ნიშნავს...

— თვითონ საარმა სადღაა?

— მხატვართა კლუბშია. ქეიფობს... ესკიზი უნდა დავასველო და... სამაგიეროდ, ევა საარმა ამჟამად ჩემთან სტუმრად. თუ არ შეწუხდებით და აქით გვეწვევით, ძალიან კარგი იქნება... აინი ისეთი თავნებაა, რომ ესკიზის განხილვა ევას თანდასწრებით აჯობებს.

— ახლა ისე ვარ დაკავებული... ცოტა ხანს კიდევ მინდოდა მეფიქრა: ერთი მოწინავეის პორტრეტზე ვმუშაობ. სამაგალითო მეცხოველეა, კომუნისტური შრომის დამკვრელი! — თავი დაიფასა მაგნუსმა, — ვცდილობ, რაც შეიძლება კარგად გამომივიდეს, განსხვავებული კუთხით... კარგი, კარგი, რა გაეწყობა. ცოტა ხნის შემდეგ შემოვივლი. ოცდაათი-ორმოცდახუთი წუთის შემდეგ შეიძლება?

— როგორ არ შეიძლება, მობრძანდით! დაგელოდებით, მამ მოწინავე მეცხოველის პორტრეტზე მუშაობთ, არა? იცით, როგორ მაინტერესებს... თუ ნებას მომცემთ, ხვალვე ვნახავდი...

ამკარად ნასიამოვნები მაგნუს ტეე დაუყოვნებლივ ნებას მრთავს.

— ოლონდ, ერთი დღი სათხოვარი მაქვს, — გაუბედავად ვიწყებ მე, — როცა მობრძანდებით, ძალიან გთხოვთ, ევას ნურაფერს ნუ აგრძნობინებთ. ვითომ არც გვისაუბრია... რა ვიცი, არ იფიქროს, თითქოს მე... ხომ იცით, მაინც ქალია და... თუმცა ჩემგან არ გესწავლებათ.

ოო, ეს თხოვნა ძალზედ სარისკო იყო. ვაითუ ამხანაგ პრინციპიალს რამე

ისეთი ეყნოსა! ამ ჭირკვით პრიმიტიულ მაგნუს ტეეს შენ გაუგებ, როდის რა კეკუაზია?

საუბრის დასასრულს ყურმილში ფრუტუნისმაგვარი, გაურკვეველი რეგისტრის ხმა გაისმა. ცოტაც და გულზე მომეშვა — გაურკვეველი ფრუტუნი, როგორც იქნა, ხითხითში გადაიზარდა.

— ეხ, ახალგაზრდობავ, ახალგაზრდობავ! როგორ გაკლიათ მოქალაქეობრივი შემართება... ნეტავი როდის უნდა დაღვინდეთ! კარგით, ვოორე, რაც იქნება, იქნება! ამოგიდგებთ მხარში!

როგორც შევატყვე, მაგნუს ტეე საყუთარი გონებამახვილობით იყო მოხიბლული.

— მაშ გელოდებით...

ყურმილი დაკიდეს.

ორმოცდახუთი წუთი კი არა, ნეტავ ახლავე ჩემთან გაჩნდებოდეს-მეთქი, გავიფიქრე გულში. ეს ორმოცდახუთი წუთი მთელ საუკუნედ იქცეოდა! შევძლებდი კი ევას ამდენი ხნით გაჩერებას? სხვა გზა არ არის — მაგნუს ტეეს მკაცრი შეფასება ევამ დღესვე უნდა მოისმინოს!.. ეს გულჩვილი ინკვიზიტორი ალბათ ვერც კი წარმოიდგენს, რომ ახლა თავისივე „წმიდათა-წმიდა ღონისძიებების“ სასარგებლოდ უნდა მოიჩქაროდეს ჩემკენ... ის კი დამეძღარა და ტალახში ითითხნება! „განსხვავებული კუთხით!“, „მეცხოველე.“ „ახლებურად“... კმ!

— სად დაიკარგეთ სვენ, ამდენ ხანს?

— ეშმაკმა დასწყევლოს! აი, ქილების გასახსნელი დანით ხელი გავიქერი...

— ოჰ, რა ხართ მაინც ეს ხელოვანი ხალხი, — შემიბრალასავით ევამ და ხელები ერთ პოზაში გააქეაქა, — ჩემი აინიც ასე მოუხერხებელია. ბინტი მაინც თუ გაქვთ?

ევამ გაჭრილი ხელი შემიხვია და ისევ მაგიდას მივუჭექით. ჩემი სტუმარი მსუქან-მსუქან კიბორჩხალებს ირჩევდა და თავისი წვერწამახული, მეჩხერი წინა კბილებით დაუნდობლად კენეტდა. მისი ღრმა რწმენით, მე იმიტომ დავყოვნდი სამზარეულოში, რათა ჩემივე ბოლო ფრაზის ალზე დავმწვარიყავი... „ვერც თქვენ შეგხედავთ თვლებში და...“ მახსოვს, ეს სიტყვები განსაკუთრებული სიმორცხვით წარმოვთქვი... სიყვარულის ახსნასავით. ევა ჩემს ამნაირ და მორცხვებას ნამდვილად არ მოელოდა. ახლა იგი მშვიდად იჯდა, მე კი სულ იმის ცდაში ვიყავი, თავი ხელში ამეყვანა და როგორმე დავწყნარებულიყავი. ამიტომ მივაყარე და მივაყარე:

— ახლა, სამზარეულოში ყოფნისას, იმისთანა გენიალური იდეა მომივიდა თავში, რომ, მართალია, მასზე მთელ იმედებს ვერ დავამყარებთ, მაგრამ ჩემი აზრით, დაკარგვითაც არაფერს დავკარგავთ. ევა, ჩვენ რომ დიპლომატიის იოტისოდენა ნიკი გვექონოდა, აბა თუ მიხვდებით, ვისთვის უნდა გვეჩვენებინა პირველ რიგში აინის ესკიზი? — ამ სიტყვებზე დინჯად ვდგები, კარადიდან ფაიფურის მინიატურულ თოჯინას ვიღებ და ხელში ვათამაშებ, — როგორ ფიქრობთ, ვისთვის უნდა გვეჩვენებინა? ვისთვის და მისი უდიდებულესობა მაგნუს ტეესათვის! მაშ!

— რატომ მაინდამაინც მაგნუს ტეესათვის? ეს ხომ გარკვეულ რისკთანაა დაკავშირებული... — დაეკვებით იციხბა ევამ და მინიატურულ თოჯინას დააქკერდა, რომელსაც ეს-ესაა სულტო-მორტალე გავაკეთებინე.

— კი გარკვეულ რისკი. თითქოს მართლაც არის დაკავშირებული... ყოველ შემთხვევაში, მაგნუსი რომ უსაზღვროდ გაიზარებს, ეს უდავოა, რჩევა-დარიგებას რომ ვთხოვთ... ესკიხს რომ ვაჩვენებთ, ამის შემდეგ კრიკაში კი არ ჩავვიდგება, პირიქით, ჩვენს მხარეზე გადმოვა, „სასარგებლო აზრებს“ შეგვაწვევს, ე. ი. ყურებით გვეულება დაქერილი! თანაც მე საკმაოდ კარგი თვალთ მიყურებს. ამას წინათ საკუთარ ბინაში ვეწვიე და საათნახევრიანი ლექცია მაგახა „ჩვენი ხელოვნების წინაშე დაყენებული გრანდიოზული ამოცანების შესახებ“. ჰოდა, ჩვენც ავდგეთ და ჩვენი „გრანდიოზული ამოცანა“ შევეთავაზოთ. სულ ერთია, რაც არ უნდა ვეცადოთ, მაგნუსს მაინც ვერ აუვლით გვერდს. გინდა არ გინდა, თავის სიტყვა მაინც ხომ უნდა თქვას. მაგის სიტყვას კი, სამწუხაროდ, ჭერ კიდევ წონა აქვს... ასე რომ, ახლა გვაქვს ყველზე კარგი მომენტი და ამ მომენტს დაუყოვნებლივ გამოყენება უნდა! ცდას რა უდგას წინ...

— დიახ. ლოგიკურია... — აღიარა ევამ.

— მე კი აინის ჭიუტი ხასიათი მაფიქრებს. ვაითუ მაგნუსის რჩევა-დარიგება ყურად არ იღოს... აინი ჩვენი დროისათვის გადაჭარბებულად გულწრფელიც კია. მართალია, მაგნუსი სისულელეს ურჩევს, მაგრამ... ეხ, ნეტავ თქვენ ყოფილიყავით ჩემი თანააქტორი, ევა! მართლაც ყველაფერს მოველებოდა. მე და თქვენ უფრო ადვილად შევეთანხმდებოდით...

ევას თვალი თვალში გაუყარა და შპარგალკების ვირტუოზულად გამომყვებელ მოსწავლესავით გავილიმე.

ჩემი თანამოსაუბრე აშკარად აფორიაქებული ჩანდა.

— ერთი სიტყვით, ამაზე დაფიქრება ნამდვილად ღირს... დარწმუნებული ვარ, თქვენ თანდათანობით შეაჩვევთ აინს იმ აზრს, რომ ხვალ-ზეგ მე და მას ტეესთან ლოცვა-კურთხევა მოგიწევს, — დავასრულე მე.

— დაფიქრება ნამდვილად ღირს, — გაუბედავად ჩაილაპარაკა ევამ.

ახალი ფირფიტები გადმოვიღე და ისევ მუსიკას მივუვადეთ ყური. ნირწამხდარი ვიჭექი. მართალია, მაგნუსის ვითომ მოულოდნელი ვიზიტი მშვენივრად მოვამზადე, მაგრამ იყო კი ახლა მისი მოსვლა საკირო?

მაგნუსის აქციები სულ უფრო და უფრო ეცემა... ჩვენი ხელოვნება აღორძინების გზაზეა. აღამიანები დღითი დღე უფრო ენდობიან ერთმანეთს... უკვე აჩრდილებიც აღარ გველანდებიან... ჰერედა ღირს კი ასეთ პირობებში მაგნუს ტეესთან შეკავშირება? ფრიად საეუკოა! მთავარი სვლების დროც დადგა, ოლონდ, ფრთხილად! მოჩქარეს მოუგვიანდესო, ხაოქკამია.

ვინ მეტყვის, სწორად მოკაქეცი თუ არა. მაგნუს ტეეს რომ დავურჩევ? მე მგონი, არ უნდა დამერეკა... ოლონდ, ევას ჩემი შეშფოთება არ შეემჩნია და ენას არ ვაჩერებდი. მაგალითად, მთელი სერიოზულობით ვამტყიცებდი, რომ თუ კიბორჩხალებისა და ხიზილალის წარმოება საგრძნობლად გაიზარდა, გარდუვალომს უნდა ველოდეთ-მეთქი... მიუხედავად ჩემი ბუნდოვანი წარმოდგენებისა. მაინცდამაინც ჰინდემითისა და ბახის პოლიფონიებს ვადარებდი ერთმანეთს... დაუზოგავი ლანძღვა-გინებით ვიკლებდი დასავლეთელ მუწიანთა საცხოვრე-

ბელ სახლებში გავრცელებულ ნეოროკოკოს — რაღა გვეშველება. ჩვენს სკამებსაც თუ ასე უკუღმართულად მოუგრიხეს ფეხები-მეთქი... მაგნუს ტეეს მოლოდინით გულგაწვრილებული, ენაგაუჩერებლად ვლაპარაკობდი და ვლაპარაკობდი.

და სწორედ ამ დროს გაისმა ის, რასაც ასე ჩქარა არ ველოდი! კარებზე ზარს რეკავდნენ.

IX

— ეს წუთია ერთი გრაფომანი კინალამ შემომელახა! — კარის გაღებისთანავე მომახალა აინმა.

ისეთი კისერმოტეხილი იყო, ენას ძლივს აბრუნებდა. მოულოდნელობისაგან ადგილზე გავიყინე. აინმა კი პალტო გაიხადა, წინა ოთახში შემოალაჩა და ხელში ვარდისფერ ქალაღში შეხვეული კონიაკის ბოთლი მომაჩეჩა.

— აჰა! თითოც დავლიოთ... გელოდე, გელოდე... ჰოდა, რომ არ გამოჩნდი, ვიფიქრე, ახლავე წავალ და მაგის სტუმარს დედას ვუტირებ-მეთქი... რა, არა გჯერა, აბა მიყურე... — ჩაიხითხითა აინმა, მერე თვალი ჩამიკრა და ტუჩები ღილივით დაამრგვალა, — არა, ძმაო, თუ ეს სტუმარი შენთვის სასიამოვნო ბანოვანია... შეუძლია ჩვენთან ერთად იპურმარილოს.

აინი არყის სუნით ყარდა. არ ვიცი, საკუთარი თავის ქალა რაღა მაინცადამაინც დაცარიელებულ ფულტუროს შევეადარე! ფულტუროს კი არა, კისრიდან წაწყვეტილ საპაერო ბუმტს, რომელიც ზევით-ზევით მიფარფატებს...

— მაგის დალევას მოვესწრებით, — მანიშნა აინმა ბოთლზე და ოთახში შესასვლელი კარი გამოაღო.

და დაიწყო, მაგრამ რა დაიწყო!

— შენ?! — შეჰყვირა აინმა და ადგილზე გაქვავდა.

ცოტაც და საშინელი სკანდალი დაიწყებოდა... აინს გვერდი ავუქციე და თვალის დახამხამებაში ევას გვერდით აღმოვჩნდი.

— კი მაგრამ, შენ აქ საიდან?

— შენ თვითონ საიდან? — მიამიტურად შეჰკლიმა ევამ. ეტყობა, ჯერაც ვერ ხვდებოდა, თუ რა გატიალებული იყო მისი ქმარი, — მე და სვენი გეგმებს ვაწყობდით...

— აჰ, გეგმებს აწყობდით? გასაგებია... გასაგებია... — თავზარდამცემად ჩახლეჩილი ხმა ამოუშვა აინმა, — მამ ეგ იყო ის შენი სტუმარი, არა? — მომიბრუნდა მე, თუმცა პასუხს არც დალოდებია, ისევ ევას მიაშტედა. გაოგნებულ სახეზე ისეთი გულუბრყვილო ღიმილი დასთამაშებდა, გეგონებოდა, ჯერ კიდევ პატარა ბიჭუკელაა და უეცრად გატეხილ სათამაშოს დასჩერებიაო. ბოლოს პირი დაადო და მისი უაზრო ღიმილი მთელ სახეზე ვალღვა...

ზურგს უჯან მოლიავებული კარის ჩარჩო ახლა არარაობაში გასაძრომ იმ შავ ხერელსა ჰგავდა, რომლის ფონზეც აინი, ეს საშინლად დაპატარაებული აინი, რეალური სამყაროდან გამოცხადებული მოჩვენება გეგონებოდათ.

ამასობაში აინის სიმთვრალე ევამაც შენიშნა.

— დიახ, დიახ, გეგმებს ვაწყობდით!... — დაბნეულად გაიმეორა მან და

მედარით საესე თვალებით შემომხედა.

— ღმერთო, მომკალი, ესენი აქ გეგმებს აწყობდნენ, მე კი ხელი შევეუშალე! წარმოგიდგენიათ?.. შენ მაინც რაღას მიმაღავედი! გეთქვა პირდაპირ... — მომიბრუნდა მე.

— კარგი რა, სისულელეებს ნუ როშავ. აინ! — ხმადაბლა ჩავილაპარაკე მე. დიახ, ხმადაბლა, თორემ აბა, ერთი ხმამალა ვადამეხარხარებინა ანდა ფერდში მუჭლუგუნე მეკრა. იმწამსვე დაცხრებოდა! მე კი მისი მალე დამშვიდება რატომღაც სულ არ მინდოდა. ამას თუ მაინცდამაინც რქადადგმულად წარმოუდგენია თავი, ნეტა მე რაში მენალელება-მეთქი, ვფიქრობდი გულში.

— შენ მთვრალი ხარ, აინ! — გაისმა მკაცრი ხმა. ნერვიულობისაგან ევას ქვედა ტუჩი და ნიკაბი უკანკალებდა. სანერვიულო კი ნამდვილად ჰქონდა: სტუმრის პირობაზე საკმაოდ გვიან მოსულს. ტანზეც ნამეტანი შინაურულად ეცვა.

— მერე, რა მთვრალი რომ ვარ! ავი ყველა თავის კეუაზე ატარებს დროს... ასე არაა, სვენ? თუ მოგეწონა მაინც ჩემი ცოლი? — აინის თვალბში ავის მომასწავებელი ალი აკიაფდა. პირის კრილის კიდებზე წითლად გამონაყარი შეენიშნე, — თუმცა, ჩემი აზრით, ევა არცთუ დიდ პატივს უნდა გცემდეს, ხომ ხედავ, რა დაუდევრადაა ჩაცმული! ამ საშინაო კაბით ხომ ეს უცოდველი კრავი ყოველდღე საშხარეულოში დატუქტუქებს და გემრიელ ნამცხვრებს მიცხობს... თუმცა რა მოხდა მერე — პირველად ხომ არ არის აქ. ხომ? ახლა რაც შეეხება საცვლების საკითხს... რაც მართალია, მართალია — ამჭერად საცვლებზე ვერაფერს ვიტყვი!

და მოულოდნელად ისეთი სიცილი აუტყდა, ისე უშნოდ აბუყბუყდა, თითქოს პირში წყალი ჰქონოდეს დაგუბებული. სავარძელში ჩაეხეთქა და აქეთიქით თავის კანტურს მოჰყვა.

როგორმე მთლად არ უნდა გაგიყებულოყო... ევას გავხედე. ცხვირსახოცს აცოდვილებდა.

— აინ ძვირფასო, რა მოგდის? რეებს ბოდავ... არ გრცხენია, აინ? — დაიწყო ევამ და აინისკენ რამდენიმე ნაბიჯი გადადგა.

— მომწყდი თავიდან! — მთელი ხმით დაიღრიალა აინმა და ამიაკით მოწამლული ვირთხის გაბოროტებული თვალებით შემოგვხედა. უკვე აღარ ხითხითებდა. ყველაზე მეტად ხომ სწორედ მის ხითხითს გამოეყავი წონასწორობიდან! მე კი დავმშვიდდი, მაგრამ სასკანდალო სცენები უკვე გადადიოდა წრეგადასულ აურზაურში.

— შენ იცი, რას გეტყვი, ვაებატონო! ბლომად გიხუხია და ვერ კი მოგინელებია... რა ვააჭირე საქმე ბოლოს და ბოლოს, ან ამ ქალს რას ერჩი? — შევუბღვირე მე საკმაოდ მკაცრად, მაგრამ რად გინდა, აინს ჩემთვის სულაც არ სცხელოდა.

— ახლავე შეგიძლია შეიტანიო განცხადება განქორწინებაზე. ახლავე! ერთი წუთითაც არ გაკავებ... — ვაჰყვიროდა ის.

ზომაზე მეტად აფორიაქებულთა შორის მშვიდად ყოფნა, ცოტა არ იყოს, სასიამოვნოც კი ყოფილა.

— აინ, თუ ხვდები მაინც, რაებს როშავ? — ღიმილით წარმოვთქვი მე და თმაზე ხელი გადავუსვი.

ევამ მადლიერი შხერა მომაპყრო. ო, როგორ მიხაროდა, რომ ახლა იგი თვალნათლივ ხედავდა იმ განსხვავებას, რაც ჩემსა და აინს შორის იყო.

— ნუთუ შენთვის ასე ძნელია იმის წარმოადგენა, რომ კაცი და ქალი შეიძლება ცალკე ოთახში იყვნენ, მაგრამ არ... — წამოდგა ევა.

— კარგად გიცნობ, რა ჩიტიცა ხარ! — დაქრილი დათვივით დაიღრიალა აინმა. ამისთანა ფლეგმატური ტიპი თუ ასე სხაპასხუპით შეძლებდა სიტყვების ამოსროლას, ნამდვილად ვერ წარმოვიდგენდი. — აბა რა საერთო გაქვთ თქვენ ერთმანეთთან, სხვა რა უნდა გეკეთებინათ, რა?!

გრივალი სადაცაა ჩადგებოდა.

— რა და შენ რომ ვერ წარმოგიდგენია, ის, — აინის ავადმყოფური ისტერიკის დაცხრობისთანავე გადმოხეთქა ჯებირი ევას მოთმინებამ. არადა, მე ხომ ვიცი, რომ ეს კიჟყინა ლოცმანი ნამდვილად კეთილშობილური განზრახვით მოცურდა ჩემთან...

— სანამ შენ სასმელში იხრჩობოდი, აი ჩვენ რაზე ვსაუბრობდით! — აინის ესკიზს წამოავლო ხელი ევამ.

— შერედა შენ რა გაგეგება ქანდაკებისა! როდის იყო, რომ ჩემს საქმეებში ცხვირის ჩაყოფას გთხოვდი?... თუ ამას უყურებ... ამ აფერისტს წესით იქით უნდა ვასწავლიდე! — ისევ დაიღრიალა აინმა.

— კარგი რა, აინ! გეყოფა აწი... ხომ იცი, რომ ახლა შენგან არაფერი არ მეწყინება... აბა რა აზრი აქვს ახლა შენთან კამათს! ასე ავადმყოფურად ეკვიანი თუ იყავი, ნამდვილად არ ვიცოდი...

არა, ეკვიანი მართლა არ მეგონა. თუმცა, კაცმა რომ თქვას, ყველას თავისი სისუსტე აქვს და აინიც ხომ ჩვეულებრივი ადამიანია. მით უმეტეს, ვინ იცის, იქნებ თავის შეუხედაობასაც გრძნობს და იმასაც, ევას გარდა რომ არავინ შეიყვარებს. საბრალო ბიჭი! — ირონიული თანაგრძნობით გავიფიქრე მე.

აინი არავითარ თანაგრძნობას არ საჭიროებდა. ჩამქრალი თვალები ერთი წერტილისათვის გაემტერებინა და ყველაფერზე ეტყობოდა, რომ მისი მღვრიე ფიქრები ახლა დასაკარგავში დაეხეტებოდნენ. მოულოდნელად მთელი ტანით შემოსრიალდა და ისედაც პირგამეხებულ ევას უხეშად მიახალა:

— ჩემთვის უკვე ყველაფერი ნათელია! ხომ არ დაგვიწყებია, რით და როგორ მოხვედრი კიომეტსიდან... როგორც იტყვიან, ყველაფერი მეორდება! ოღონდ მაშინ მე ამასავით მომენტებით არ მისარგებლია...

ოთახში ისეთი დაძაბულობა ჩამოწვა, სადაცაა ფიზიკურად ხელშესახებიც გახდებოდა. მიტკალივით გადაფითრებულ ევას გრძელი ფრჩხილები ხელისგულებში მაგრად ჩაერკო და მისი თეთრი პირისახის ფონზე წითელი პომადა ისე ამაზრზენად გამოკვეთილიყო, როგორც მიცვალებულის კბილებში გაჩრილი მიხაკი.

აინი ნებიერა ბიჭივით ამრეზილი იდგა. „ესეც შენ! მიიღე თუ არა! მიიღე თუ არა!“ — იკითხებოდა მის თვალებში. სხვათა შორის, ახლა ენაც რომ გამოეყო, ცალ-ფეხზე ახტუნებულყო და სულ „ხომ გაჯობე! ხომ გაჯობე!“ ეძახა, არც კი გამიკვირდებოდა. ევას წონასწორობიდან გამოყვანას, ეტყობა, დიდ წარმატებად თვლიდა.

აი, სწორედ ამ დროს გაისმა დელიკატური ბიმ-ბომ. აი ხმას მამიდაჩემი-

საგან მემკვიდრეობით მიღებული კედლის საათი გამოსცემდა. მართალია, ეს შვეიცარული რელიქვია კარგა ხანია აფრენდა, ანუ უკან-უკან რჩებოდა, მაგრამ ხავერდოვან ზარისცემაში დღემდე ვერც ერთი საათი ვერ შეედრებოდა! თავის აკუსტიკურ შედეგს ყოველცისმარე ისეთი გულმოდგინებით გამოსცემდა, როგორც გადაყრუებული დონ ქუანები არიგებენ ხოლმე თავიანთ იაფფასიან ქათინაურებს. აი, ახლაც გადამტკბარი შოკოლადის ბომბების ზუზუნით ჩამესმოდა იმის ბიმ-ბომ! ბიმ-ბომ! ბიმ-ბომ!

ამ მოულოდნელ საათის რეკვას ყველამ ისე ერთდროულად მივაყურადეთ, თითქოს ეს წუთია ვილაყამ „არ ითვლებათ!“ დაიძახა და ჩვენც წესების მკაცრად დამცველი ბავშვებივით უმაღ შევწყვიტეთ თამაში... რაც მართალია, მართალია, ერთ რალაცაში ნამდვილად ვგავართ ერთმანეთს აღამიანები: ახალბედა დრამატურგებისა არ იყოს, ტრაგიკულ სიტუაციაში მოხვედრისთანავე მელოდრამაში ვვარდებით ხოლმე. აბა ერთი განრისხების ეამს დაუყვირდით საყუთარ თავს, — ასეთ დროს აღბათ თქვენც ცუდი ფილმების პერსონაჟებს ბაძავთ...

საათის რეკვა დასრულდა. ევას გადავხედე.

— შენ ბოდავ!

ქუჩის გოგოს ვულგარულად კაპასა ხმით წამოიყვირა ევამ და მისი მრგვალ სახე რატომღაც კვადრატული გახდა. ეს იყო უღამაზო, უხეში, აბსოლუტურად არაქალური სახე. ოთახში ისეე მრისხანების ბურუსი ჩამოწვა. ისეთი გრძნობა დამეუფლა, თითქოს მაგიდისა და სკამების წაწვეტებული კუთხეები შუბლზე კოპის დასაჭენად მემუქრებოდნენ.

— ხედავთ, სვენ, რა აუტანელ კაცთან მიხდება თურმე ცხოვრება?

სავარძელი ბოლმინი ქირქილით აივსო. ევას კი ამასობაში საგრძნობლად დაურბილდა ხმა და შესაბრალისად მოკუმულმა მისმა ვნებიანმა ტუჩებმა ოქროსცერცვას ლებანი გამახსენა რატომღაც.

— ღმერთო! მეტის მოთმენა აღარ შემიძლია, — უმწეოდ ჩაილაპარაკა მან და თვალეზზე ხელეზფარებული გასასვლელი კარისკენ გაემართა. და ამ დროს თანაგრძნობის ნიშნად მხარზე რომ მოვხვიე ხელი, თავებრუდამხვევი სურნელება მომხვდა ცხვირში... ჩვეულებრივად ყველა აცრემლებულ ქალს მოცილილი თივის ტბილად ჩახუთული სუნი აუდის ხოლმე.

— აატირე ქალი და გიხარია, ხომ? — ევას გასვლისთანავე მიუბრუნდი აინს. თქვენ წარმოდგინეთ, რომ მართლა მეცოდებოდა ეს ქალი. მით უმეტეს, გაცილების დროს წამიერად ნაგრძნობი მისი ხერხემლის სითბო ჭერ კიდევ მილიტინებდა ხელისგულზე. ორიოდ წუთის წინ ისიც კი წარმოვიდგინე, თუ რა სიამოვნებით დავამშვიდებდი ამ უმწეო არსებას ჩემს ლოჯინში... დიახ, პატივცემულო კოლეგა! ვინ იცის, იქნებ მომავალში შენი ეკვიანობა სულაც არ გამოდგეს უსაფუძვლო!

აინი ხმას არ იღებდა. ხელებში თავჩარგულს მხრები უცახცახებდა, კიქაში დარჩენილი კონიაკი გადავკარი და, რაც ძალი და ღონე მქონდა, ფეხი რატაკზე დავკარი.

— შეწყვიტე, ბოლოს და ბოლოს, ეს მელოდრამა! ახლავე წადი და შენს კოლოს პატიება სთხოვე...

— კი, მაგრამ შენ ვისი არამკითხე მოამბე ხარ?!

კიდევ მეზიზღებოდა და კიდევ მეცოდებოდა ეს კაცი.

მახსოვს, მოსკოვში სწავლის დროს ერთ შუახნის ქალს შევეყვარდი, იმას კი შევეყვარდი, მაგრამ მე აზრზეც არ ვიყავი. მართალია, ეს ჩათქვირებული ქალი სილამაზით არ ბრწყინავდა, მაგრამ მეტად მახვილგონიერი (შეუხედავებში ბევრია ასეთი) და საამხანაგო ქალი იყო. დრო გადიოდა, მე კი ამ ჩვენს ძალდაუტანებელ ურთიერთობას უწყინარ და მსუბუქ ფლირტად აღვიქვამდი. ასე იყო თუ ისე, ჩემდა სამარცხვინოდ, ძალიან გვიან მივხვდი, რა სერიოზულად მიუღია ამ ქალს ყველაფერი. ხოლო მას შემდეგ, რაც ჩვენი ურთიერთობა კანონზომიერ დასასრულს მიუახლოვდა, მე პირველად გავხდი მოწმე იმისა, თუ სანამდე მიჰყავს ადამიანი იმ აბსტრაქტულად პოეტურ ახუნტრუცებას, რასაც სიყვარული ჰქვია. ერთ დროს შესაშური გონებამახვილობით გამოჩენილი ეს მხიარული ქალი, რომელიც, თუ საქირო იყო, არაყის გადაკვრასაც არ თაყილობდა, სულ რაღაც ორიოდ წუთში ისეთ წებოვან-გაოფლილ მასად იქცა (ნამეტანი ნატურალური, მაგრამ სამართლიანი შედარება გამოგვივიდა, არა?), რომელიც ზუსტად აბაზანის წყალსაწრეტში გამაჟალი წყლის ბუჯბუჯს გამოსცემდა. ერთი სიტყვით, თვალის დახამამებაში შეიცვალა და რა სიბრაულის გრძნობაზე შეიძლება ვილაპარაკოთ, თუკი მის მიერ მოწყობილი სცენების გადამკიდელ სადაცაა რომელიმე ჭგუფის ინვალიდობას დავირტყამდი.

— აინ, გეყოფა! აწი! აი ნახე, ხვალ თუ სამივემ არ ვიცინოთ ამ სისულელზე...

— ხელი აიღე! ცხვირმოუხოცავო ლაწირაკო! — კბილებში გამოსცრა აინმა და გაბოროტებული თვალებით შემომხედა.

— ეეე... აბა ახლა რა უნდა გელაპარაკო! — ამოვიხვნეშე მე, -- რა ჩახეთქე მაინც ამისთანა მოუნელებელი!

— არაფერიც არ ჩამიხეთქია!.. შენზე მეტი დავლიე თუ? აგერ ერთი ბოთლი თქვენც კარგად გამოგიწრუპავთ!..

როგორც შევატყვე, აინი თავის ფხიზლად დაქერას ცდილობდა. ცდილობდა და რამდენადმე ახერხებდა კიდევ. თანაც ამდენ დავიდარაბაში, ცოტა არ იყოს, მართლა გამოფხიზლდასავით. არადა, გალწილი მთვრალი, მგონი, თავიდანაც არ ყოფილა... ჰოდა, მით უარესი! მით უფრო სულელურად გამოვიდა ყველაფერი...

— აინ, ნეტავ რა გული გიძლებს, ევას დასამშვიდებლად რომ არ მიდიხარ... ხომ იცი, რომ ტირის... — ახალი სვლა მოვსინჯე მე.

აინი მართლაც წამოდგა. მეც წამოვდექი. გავაცილებ-მეთქი, ვიფიქრე, მაგრამ სახლში წასვლის მაგივრად უხეშად მომიცილა და სამზარეულოში შეალაქა. მერე ონკანი მოუშვა და ცივი წყლის ქვეშ თავშეყოფილი კარგა ხანს ფრუტუნებდა. სახლში წადი და ცოლს ბოდიში მოუხადე-მეთქი, რომ ვეჭქანებოდი, ეტყობა, ამით აუტყვიარი თავი ავიტყივე. ისევ გაბრაზებულ გულზე თუ წაეთრეოდა თავისით, თორემ აწი შენ მოიცილებ ამას?! დაჭევი ახლა და ელოლიავე! თავიდანვე კინწისკვრით უნდა გამეგდო..

ამ ფიქრებში ვიყავი გართული, აინი რომ დაბრუნდა სამზარეულოდან. ცივ წყალს საკმაოდ ადამიანური სახე დაებრუნებინა მისთვის.

ნეტავ რატომ არ მიდის? ვაითუ ჩემი წონასწორობიდან გამოყვანა აქვს გადაწყვეტილი? არაფერი შეგეშალოს, ვაჰბატონო! ეგეთები ჩემს ორ გადის!

— მაგაზე ჭკვიანური დღეს არაფერი გიქნია, — ყოვლისშესწენარებელი ღმილით წარმოვთქვი მე, — ცივი წყალი ახლა მისწრებაა შენთვის. ტყელად კი არ მღერიან, „დილდილობით ცივი წყლით დაიბანეთ ტანიო!“

აინმა რალაც ჩაიბურტყუნა. მე კი მაშინვე მივხვდი, რომ მას სწორედ ეს ჩემი სიმშვიდე და კეთილგანწყობილი თავმდაბლობა აღიზიანებდა. ძალიანაც კარგი.

— შენ აქ არარსებული რომანი გამოიგონე. — დავიწყე მე. — ჩვენ კი პატიოსნად ვიჯექით და შენი ესკიზის იდეას ვარჩევდით. იცი რა. სანამ შენ კლუბში გრიალებდი, მე ყველაფერი აეწონ-დავწონე და მივხვდი, რომ ეს შენი ესკიზი ამ სახით არ გავიდოდა!.. შენ რა, ძმაო, ვერ ხედავ, როგორი ძველებითაა ქალაქი სავსე, თუ რა! „ესტონიას“ წინ რომაა აღმართული. მარტო ის რად ღირს! ამისთანა ესკიზი მაგნუს ტეეს რომ მოსვლოდა თავში, რაც თავისთავად გამორიცხულია, მაშინ კიდევ ჰო, შეიძლება გასულიყო, შენი კი...

— ჩემიც გავა! — გადამლაშებული თავდაჯერებით შეჰყვირა აინმა. მერე მაგიდაზე მივდებულ ფაიფურის მინიატურული თოჯინა აიღო და გახურებულ საფეთქელზე მიიღო.

— კარგი ერთი... ნუთუ შენ მართლა გჯერა, რომ მაგნუს ტეე და მისთანანი შენს ესკიზს მოიწონებენ? ხომ იცი, ადგებიან და უმალ პაციფიზმად, გადაპრანკულ პირობითობად, აბსტრაქტულ ჰუმანიზმად, მებრძოლი იდეებისაგან დაკლილ ნაწარმოებად მოგინათლავენ... ისიც გაითვალისწინე, რომ დღეს-დღეობით მაგნუსი მრავალი კომისიის წევრია!

— მაგნუს ტეე არარაობაა! სიცარიელეა! მაგას მალე უტილში ჩააბარებენ! ო, რა თავდაჯერებული იყო აინი.

— კი. გეტანხმები, შეიძლება მართლაც უტილში ჩააბარონ. მაგრამ მანამდე იცოდე, მაგ შენს მიწისქვეშა მებრძოლებს ან შაშხანას დააქვრივებს ხელში და ან ხუთქიმიან ვარსკვლავს!

აინი არ მისმენდა.

— მაგნუს ტეეს მალე უტილში ჩააბარებენ! ერთი ჭკუის დარიგება გამიბედოს და მერე მე ვიცი! — ფაიფურის თოჯინა ახლა აინის ხელისგულზე ხტოდა, — ადრე თუ გვიან შენც უტილში ჩაგაბარებენ!

— დიდი მადლობელი ვარ! თუ არ შეწუხდები, იქნებ ეს თოჯინა მაინც დააყენო თავის ადგილზე. ნაჩუქარია! — ყელში მოწოლილი ბოლმა სადაცაა გადმოსკდებოდა.

აინს რომ თავიდანვე ჩემი გაცოფება ჰქონდა გადაწყვეტილი, კი ვგრძნობდი, მაგრამ მოთმინებიდან გამოსვლას თუ ვერ შევნიღბავდი, არ მეგონა.

— ერთმანეთზე ვადაგაბამენ და ისე ჩაგაბარებენ! თუმცა არა, თქვენ შორის დიდი განსხვავებაა: მაგნუსი ჩვეულებრივი ხისთავიანია. შენ კი იმხელა მამამალლი და ინტრიგანი ხარ, რომ პირად საქმეებს ლოგინშიც კი აჭახრაკებ!

წამით თვალები დამიბნელდა. ხომ უნდა ამოჰყრა ახლა ამას კიტლაყი და თავისი „მყვირალა ხელებიანად“ კინწისკვრით გააგდო აქედან-მეთქი, გავიფიქრე და ჩემდაუნებურად კედლისაკენ მივიხედე.

ნებიერა თავადის ასული ვარდის კოკორს ფურცლავდა. ლამაზ სახეზე მაცდური ღიმილი და ნეტარება გადაჰფენოდა. საოცარია, მაგრამ მის დანახვაზე რალაცნაირი სიმშვიდე დამეუფლა, სამარისებური სიმშვიდე... ბოლოს, როგორც იქნა, გავარეარებულ, ლავადქცეულ ბოლმას მოვერიე და სიმწრით ჩაყლაპულ ნერწყვითან ერთად უკან ჩავაბრუნე.

— მაშ, ლოგინშიო, ამბობ, არა? რატომაც არა! ხომ იცი, ქალების უმრავლესობას სხვა სიკეთესთან ერთად თავიანთ სახელგანთქმულ ქმრებზე ბევრად უკეთესი განსჯის უნარი აქვთ! — მივახალე მე და თვალი თვალში გავუყარე.

აი, ამან კი იმოქმედა! სადავეები ისევ ჩემს ხელში იყო. დამერწმუნეთ, რომ თითოეულ ჩვენგანს, დიახ, უკლებლივ თითოეულ ჩვენგანს საკუთარი სისუსტეები, ანუ სასაცილოდ მგრძნობიარე წერტილები აქვს... კედლის საათისაკენ გავიხედე. ჩემი ბოლო სატელეფონო საუბრის შემდეგ კი ერთი საათი გასულიყო!

— ასეა, ძმობილო, ასე! აბა შენ რა გეგონა, ძვირფასო კოლეგა! ცხოვრება ურთულესი თამაშია! გგონია, თითქოს შენი სასაცილო ქედმაღლობით უკვე რალაცას მიადწიე და თავი ქულში გაქვს! არაფერი შეგეშალს! — ჩავიქირქილე მე, — უძალო ქვეყანაში კატას აყვებდნენო! კატაც თუ არაა და თავების ზეიმი მაშინ უნდა ნახო შენ... მაგნუს ტეეს კი, დაიმახსოვრე, ჭერჯეობით ყურებზე ხახვსაც ვერ დაეპკრით!

კონიაკი ჩამოვასხი და ერთი ჭიქა აინს მივაჩეჩე.

— ისე, კაცმა რომ თქვას, შენთვის არც უნდა მომეწოდებინა... თუმცა ისე ხარ გამობრუნებული, აწი გინდა დაგილევია და გინდა არა. Prozit! თქვენის ნებართვით, რა თქმა უნდა.

აინმა ჭიქა ჩამომართვა, ერთხანს დაყინებით ჩაამტერდა და მერე სულ-მოუთქმელად გადაჰკრა. ბოთლი და ჭიქები ავალაგე და კარადაში შევინახე. ზარის ხმა გაისმა.

— წადი ახლა და შენი ცოლი დააწყნარე! — ცივად ვუთხარი მე.

X

— ოჰ, ეს თქვენა ხართ? რომ იცოდეთ, რა კარგ დროს მობრძანდით! აგერ აინ საარმა მესტუმრა თავისი ესკიზით და თქვენი აზრი აინტერესებს ძალიან... რაც შეიძლება ხმამალა შევძახე და მაგნუს ტეეს ოთახში შევეუძახე.

— კარგით, კარგით... თავს ნუ იკატუნებთ! როდის იყო კვერცხები ქათმებს უთანხმდებოდნენ! — ჩაიცინა თავისივე ხუმრობით ნასიამოვნებმა მაგნუსმა და მაშინვე გულზეშემოსაყრელი ელვარებით ჩაწიკწიკებული ვერცხლის კბილები გამოაჩინა. ვერცხლისას იტყვიან, თორემ მე ხომ ვიცოდი, რომ ეს ჩვეულებრივი რკინის კბილები იყო. ის იყო, პირქულში სამყაროს რკინის ჰიმკარს მკირეოდენი სიცილი დაუსხლტა, რომ მაგნუსმა პირი დამუწა, ე. ი. ცეცხლგამძლე და ტყვიავაუმტარი სეიფიც საიმედოდ ჩაიკეტა.

ჩვეულება რჯულზე უმტკიცესიაო, რომ ამბობენ, აქ უთუოდ სკოლისდროინდელ ჩეევბსაც ვულისხმობენ. როგორც კი მაგნუსი ოთახში შემოვიდა, აინი მაშინვე ფეხზე წამოხტა, რის გამოც ბოსის ზურგს უკან მოფარებული

ირონიული ღიმილით დავასაჩუქრე. ჩვენი სტუმარი გადასარევე გუნებაზე იყო. ოთახში შემოსვლისთანავე აინისაკენ გაემართა და ისე მეგობრულად გაუწოდა ხელი, რომ „მყვირალა ხელების“ ავტორმა თავაზიანი მისალმების გარდა ვერაფერი მოახერხა. მართალია, ჩემი ოთახი დიდი შუქით არ იყო გაჩახჩახებული, მაგრამ მაგნუსმა მაინც შეამჩნია, რომ აინის სახეზე არავითარი შრომითი ენთუზიაზმი და ალტყინება არ იკითხებოდა. ამის გამო თუ იყო, რომ უმალ საავდრო ცასავით მოიქეფრა.

— პორტრეტის საქმე როგორ მიდის? ალბათ მალე გვანახებთ, არა? — აინის გასაცოფებელი ცნობისმოყვარეობით ვკითხე მე.

— თფუ! თფუ! თფუ! ჩერჩერობით კარგი პირი უჩანს. თუმცა საფუძვლიანი დამუშავება კი სჭირდება, — მიპასუხა მაგნუსმა და აინს ზურგი შეაქცია, — როგორც ჩემი მასწავლებელი ივან ზახარიჩი იტყოდა ხოლმე, „დამუშავება, დამუშავება და კიდევ ერთხელ დამუშავება! ხელოვნება მხოლოდ ამით გამოირჩევა ხელოსნობისაგან!“

ქეშმარიტად ოქრო სიტყვებია!

ფილოსოფიურად ავიკვიკებელი ამხანაგი ტეე ისე ღრმად ჩაეფლო სავარძელში, რომ სტაფილოსფერ საშინაო ქურთუცს ქვედა ღილი შეაწყდა და ხალიჩაზე გაგორდა.

— ყავას ხომ არ მიირთმევთ?

— თავს ნებას ვერ მივცემ! უკვე გვიანია. ვერ გავებდავ. მოგეხსენებათ, ჯანმრთელობა...

აბა როგორ, აბა როგორ! ირონიულად გავიფიქრე მე. შენ რომ რამე მოგივიდეს, რაღა გვეშველება! ხომ დალუპა ერთმა ფინჯანმა ყავამ მთელი ესტონური საბჭოთა ხელოვნება! ახლა ხომ სადღაც ზევით, ბნელ ოთახში, თიხის უზარმაზარი მოწინავე ბიცოლა დგას და საკუთარ უკვდავებას გულის ფანცქალით ელოდება!

მოულოდნელად შევნიშნე, რომ აინი თავის ესკიზს ახვევდა და მაშინვე ხელებში ვეცი.

— კარგი რა, აინ! ნეტავ რისი გერიდება. ორი წუთის წინ თავს იკლავდი, ამხანაგი ტეეს აზრი მაინტერესებსო და...

და სანამ აინი რამეს მოიფიქრებდა, მისი ესკიზი უკვე მაგნუსის მუხლებზე გადაშლილიყო!

— მე... — ჩაიბურტყუნა აინმა.

— აა, შენიშვნების ჩაწერა გინდა, ხომ? — შევაწყვეტინე მე, — აბა შენ ფურცელი და ფანქარი. გულდასმით მოუსმინე და ყველაფერი ჩაიწერე, თორემ დავიწყება იცის.

აინმა ისეთი მზერა მესროლა, რომლის სიტყვებით გადმოცემა ყოვლად შეუძლებელია.

— კკკმ... დიახ... — გაურკვეველი ხმები ამოუშვა მაგნუს ტეემ. იგი „მყვირალა ხელებს“ დაჰყურებდა, — დაუდევრადაა შესრულებული.. დიახ, ძალიან დაუდევრად... ეს რაღა?

ამხანაგი ტეეს მთელი ყურადღება ბატიფებურად მიჯღაბნულ „ესეც თქვენ!!!“ — ს მიეპყრო.

— შემოქმედებითი წვა... აზარტი... ღღესასწაული!.. — ჩაუერთე მე ისე,

რომ აინისათვის თვალი არ მომიცილებია, მაგიდის კუთხეს ჩაფრენილი აინი კი ალბათ იმასლა ოცნებობდა, ნეტავ ახლა ეს მაგიდა ზღაპრულ ხალიჩად იქცეოდეს და აქედან გამაფრენდესო. მის მოთმინებიდან გამოსვლას არაფერი აღარ უკლდა. ცოტაც და... თუმცა უკეთეს დღეში არც მე ვიყავი. სატელეფონო საუბრის დროს თუ ერთგული და მზრუნველი ამხანაგის ხმა მქონდა, ახლა... ახლა ჩემი საქციელი მაგნუსსაც კი აოცებდა. აინის აცახცახებულ თითებს რომ დავაკვირდი, უხმოდ გავუღიმე და ფაიფურის თოჯინა მივაწოდე. აჰა, ძმაო, დალეწე! დაამსხვრიე! მოიოხე გული... აი, რას ნიშნავდა ჩემი უესტი.

— ხოლო რაც შეეხება შინაარსს... აქ კი... — მაგნუსმა ნეკა თითით ყური მოიქექა და აინისკენ მთელი ტანით შემობრუნდა, — მართლაცდა, რისი თქმა გასურდათ, ამხანაგო საარმა?

აინი ხმას არ იღებდა. მაგნუსმა კი ამასობაში თავისი რკინის კბილები გამოაჩინა. ოღონდ ახლა სულ სხვა იყო ეს ღიმილი. აინის ესკიზი მისთვის სრულიად გაუგებარი იყო! ამხანაგი ბოსი პასუხს ელოდა. მოთრიმლულ სახეზე გაკვესებული ფოლადის ღიმილი, მართლაც, საოცრად საშინელი სანახავი იყო. აინი კი ისევ დუმდა.

— აი, ხომ ხედავ, აინ! ჩემი არ იყოს, არც ამხანავ ტეეს არ ესმის შენი კრედო! — სერიოზული ხმით წარმოვთქვი მე.

— ძალიან დასანანიია, ძალიან... ამგვარი მონუმენტები მხოლოდ სევდას და ნაღველს თუ აღგვიძრავენ... მერედა გვკვირდება ეს? არა, ჩვენ ეს არ გვკვირდება! მართალია, გმირები დაეცნენ, მაგრამ ჩვენ ხომ სწორედ მათი წყალობით მოვესწარით ბედნიერ ცხოვრებას! მათივე წყალობით ვაშენებთ გიგანტურ (ზუსტად ეს თქვა!) კომუნისტებს...

ეს სიტყვები, ეტყობა, ესკიზის ნახვამდე ჰქონდა მოფიქრებული. თორემ ასე სახელდახელოდ როგორღა მოუყრიდა თავს.

— გმირების სიკვდილი თქვენ უბრალო სიკვდილი არ გეგონათ! ეს მთელი ეტაპია... — და აქ მაგნუსს ენა დაება, მაგრამ მაინც პათეტიურად დაასრულა: — ყველაფერს მოძრაობაში უნდა ხედავდეთ, ყმაწვილებო! მარადიულ მოძრაობაში! დიალექტიკურად.

— ამხანაგი ტეე, რა თქმა უნდა, მართალს ბრძანებს. დი-ა-ლექ-ტი-კურად — კვერი დავუყარი მე.

აინს შეაძაგდავა.

— ამ ხელებს ხელკეტი რომ ეკიროს, უფრო დიალექტიკური გამოვიდოდა...

აინს ამ სიტყვების ირონიულად წარმოთქმა უნდოდა და გაბოროტებულად კი გამოუვიდა. სამაგიეროდ, მაგნუს ტეე, ეს ოქროსავით კაცი მიუდგა საქმეს მთელი სერიოზულობით.

— არა, ხელკეტებს ისევ შაშხანა და ყუმბარა აჯობებდა, — თქვა მაგნუსმა და თავისი მოსაზრების ესტიკულაციური თვალსაჩინოების მიზნით წინ გადაიხარა.

ღმერთო, შენ გვიშველე! ერთი გემრიელი გადახარხარება ახლა მთელ ქვეყანას მერჩია. ამდენ თმენაში შუბლზე ცივმა ოფლმა დამასხა და აძაგდაგებულ მხრებს ძლივს ვიმორჩილებდი. ყუმბარაშემართული ხელის წარმოდგენაზე ხომ კინაღამ სიცილით გავიგულდე... მით უმეტეს, ამ თემატურ კომპოზიცი-

ას სათაურიც შესაფერისი მოეუძებნე. „და ლოთობა გრძელდებოდა თხრილ-შიაც!..“ ყუმბარები — ლინის ბოთლები!.. წამოცდენილი ხითხითი უმალ ხე-ლებად გავსალე და ქვეშაირად შეუღარებელ მაგნუს ტეეს თვალი ავარიდე.

აინის მოთმინების ფიალა აივსო. აწყვეტილი ძაღლივით წამოხტა და ეს ჩვენი მოკრძალებული მდუმარება სარკასტული ხარხარით გადააყრუა.

— არა. მართლა ყუმბარები კი არაა აუცილებელი... ეს ისე, იმპროვიზაცი-ულად... პარალელის გავლების მიზნით... — და მოულოდნელად მისმა განრი-სხებამაც გადმოხეთქა, — მერე რა?! თუნდაც ასე იყოს, რაა აქ სასაცილო, შე-ლაწირაკო! — დაიქუხა მაგნუსმა და სახე ქურთუკივით სტაფილოსფერი გაუ-ხდა.

აინს კი თავი გვერდზე გადაეგდო და გულიანად ხარხარებდა. ეს იყო თავ-შეუჯავებელი, არანორმალური, საკუთარ თავზე კონტროლდაკარგული კაცის გიჟური ხარხარი.

— ხმა ჩაიწყვიტე! — დაიღრიალა მაგნუს ტეემ.

— აინ! — მივაყვირე მეც, — შენ რა, გაგიჟდი?! ვაი სირცხვილო! ამხანა-გო ტეე. წყალი ხომ არ მოგართვათ?

— უტილში... უტილში! თქვენ ყველას უტილში ჩაგაბარებენ! — ბობოქ-რობდა აინი, — იმ... იმ თქვენი დიალექტიკით! იმ თქვენი ბედაურებით! იმ თქვენი ქვეშაირტებით. მკვდარი რომ მოძრაობაში გინდათ წარმოიდგინოთ!.. დაღუპული გმირების შემდეგდროინდელი ეტაპით!.. რა საერთო გაქვთ თქვენ ხელოვნებასთან, რა?!

აინმა თავის ესკიზს წამოავლო ხელი და კარისკენ გაქანდა, მაგრამ არც მე დავაყოვნე, გზა გადავუჭერი და საყელოში ვეცი.

— ახლავე ბოდიში მოიხადე!.. ახლავე, თორემ მუშაობას დაემშვიდობე... — დავუცაცხანე მე, — ახლავე თუ ბოდიშს არ მოიხდი, ჩემს დახმარებას ვერ ეღირსები, იცოდე!

ამ ჭანიანი ბიჭის დაკავება არც ისე ადვილი იყო. უეცრად სახეზე რალაც თხევადი შემომეფრქვა, მაგრამ იმ წუთში ყურადღება არ მიმიქცევია. აინს ხელს არ ვუშვებდი და რაც ძალი და ღონე მქონდა ვანჭლრევდი. ამასობაში მა-გნუსიც წამოხტა და ჩემს დასახმარებლად გამოემართა. ამ გაწეგ-გამოწევაში მუხლში აინის ფეხი მომხვდა და ხელი შევეუშვი. ჩემგან განთავისუფლებულ-მა აინმა ჭერ თავისი ესკიზი დაფხრიწა ნაკუწ-ნაკუწ, მერე კი გვერდზე გახტა და ძაღლივით დაგვიყეფა.

— თქვენ თვითონ გააკეთეთ! თქვენ თვითონ! კისერიც მოგიტეხიათ! მე კი თავს არ დავიმცირებ, არა! — მოგვახალა აინმა და ოთახიდან გავარდა.

სხვა რომ ვერაფერი მოვიფიქრე, ისევე ფეხის ტკივილი მოვიმიზნე და ცალ ფეხზე დავიჩოქე.

— ჭიუჭიკოს ილეთი გამოიყენა, ხომ? გამოტყდი, ნუ მიმალავ! — ჩამეკითხა მაგნუს ტეე და ფეხზე წამოდგომაში დამენხმარა.

— რა ვიცი, აბა! — ჩუმიად ჩავილაპარაკე მე.

— აინ საარმას ვიცნობ, როგორც კარგ ამხანაგს და ნიჭიერ ახალგაზრდა მოქანდაკეს. ჩვენს ერთობლივ ნამუშევარს საკმაოდ კარგი პირი უჩანდა. ამიტომ ძალზე დასანანია, რომ იგი ასე სავალალოდ შეწყდა. მე პირადად მზადა ვარ მას ყველაფერი ვაპატიო, აინი ხომ გადაჭარბებულად მგრძნობიარეა... წონასწორობასაც ადვილად კარგავს! და რაც მთავარია, იმ მომენტში არაფხიზელ მდგომარეობაში იმყოფებოდა.

რაც შეეხება აინ საარმას იდეურ მოწიფულობას, აქ მე ჩემზე წინ გამოსულ ორატორს, ამხანაგ ტეეს ვერავითარ შემთხვევაში ვერ შევეკამათები. თუ არა პოლიტიკური გაუნათლებლობით, მაშ რით უნდა აიხსნას მის მიერ დაუფიქრებლად წამოროშილი სენტენციები ჩვენი საბჭოთა ხელოვნებისა და პირადად ამხანაგ ტეეს მიმართ?! აინ საარმა ხომ თავისი ბუნებით კეთილი და დელიკატური პიროვნებაა! თუ რამდენად მიზანშეწონილი იქნებოდა მსგავსი ადამიანებისათვის მიგვენდო ისეთი საპასუხისმგებლო დავალება, როგორიც ფაშიზმის მსხვერპლთა მონუმენტი, ვფიქრობ, ეს საკამათო არც უნდა იყოს. იმ ავადსახსენებელ საღამოს აინმა ფაქტიურად უარი განაცხადა ამ მონუმენტის პროექტის შექმნაზე და სამართლიან კრიტიკას ესკიზის დემონსტრაციული დახვეითლა უპასუხა.

ახლა კი ორიოდ სიტყვა თვით ესკიზის შესახებ.

მართალია, ესკიზი თავისებურად საინტერესო იყო, მაგრამ, ჩემი აზრით, რამდენიმე სერიოზული მინუსიც ჰქონდა. დღეისათვის, ვფიქრობ, საკმარისი არ უნდა იყოს მონუმენტის საშუალებით მარტოოდენ აბსტრაქტული ჰუმანიზმისა და პასიური პაციფიზმის ქადაგებას მივეყო ხელი... მონუმენტი საბრძოლველად უნდა მოგვიწოდებდეს! დასავლეთ გერმანიაში კვლავ მძვინვარე მხეცმა, ფაშიზმმა წამოჰყო თავი! ამერიკის შეერთებული შტატების ხელისუფლებას ისევ და ისევ ექსტრემისტი ნაძირალები ეპოტინებიან!.. მას შემდეგ რაც ჩვენი ერთად მუშაობის პერიოდში აინ საარმას ზოგიერთი კონცეფცია ჩემთვის მიუღებელი გახდა, მე ჩემდაუნებურად შევეუდექი ახალი გადაწყვეტის ძიებას... ამას წინათ კი ჩემი ახალი ესკიზი ამხანაგ ტეეს ვაჩვენე და სიამოვნებით შემიძლია გაუწყობ, რომ პრინციპულ ასპექტში ამ ნამუშევარმა მისი მოწონება დაიმსახურა. თანაც ამხანაგმა ტეემ არა მარტო აქა-იქ დამვებული შეცდომების ლიკვიდაციაში აღმითქვა დახმარება, არამედ ჩემი პროექტის თანავეტორობაზეც დამთანხმდა. ამით კი, რა თქმა უნდა, უამრავ სიძნელეს დავალწიე თავი.

მაგრამ ისევ აინ საარმას დაეუბრუნდეთ.

ერთი რამ მინდა გთხოვოთ: მოდით, მეტისმეტ სიმკაცრეს ნუ გამოვიჩინებ მის მიმართ! მე ახლა მაგონდება ვლადიმერ ილიჩის სიტყვები იმის შესახებ, რომ ტალანტი — იშვიათობაა! რომ ტალანტებს განსაკუთრებულად უნდა ვუფრთხილდებოდეთ!.. ჭეშმარიტად ბრძნული სიტყვებია, ამხანაგებო! და თუ დღეს აინ საარმამ ჩვენთან მობრძანება არ ისურვა, ამის მიზეზი, ჩემი აზრით, თავგასულობა კი არა, სირცხვილის გრძნობა ან... ანდა სულაც ზღვის სანაპიროზე მცხოვრები ხალხისათვის დამახასიათებელი ის სიჭიუტეა, რომელიც თავისთავად დაგმობას კი იმსახურებს, მაგრამ გულზე ხელი დავიდოთ და ვაღი-

რომ, რომ ასეთი ადამიანები რალაცით მაინც გვესიმპათიურებიან... თუნდაც ჩვენი შშობლიური ლიტერატურა ავიღოთ — განა ყველანი ერთნაირად არა ვართ მოხიბლულნი ზღვის სანაპიროზე დასახლებული პერსონაჟებით! ისინი კუნძულ საარმაზე ამოსულ ღვიასავით უდრეკნი არიან! აჟი აინმაც თავის შშობლიურ კუნძულს მიაშურა. დაე, იქ შშვიდად ასწონ-დასწონოს თავისი შე-ცდომები! დაე, იქ მოეგოს გონს!

დასასრულს მინდა განვაცხადო შემდეგი: გაგება იგივე მიტევებაა! მე პირად წინააღმდეგი ვარ აინ საარმას მხატვართა კავშირის რიგებიდან გარიცხვისა!

აი, როგორი სიტყვა წარმოთქვა სამი დღის შემდეგ სვენ ვოორემ ერთ-ერთ დახურულ კრებაზე.

ახალი მონუმენტი დასრულებულია. იგი ფაშიზმის მსხვერპლთა სასაფ-ლაოზე დგას. ღამით პროექტორები ანათებენ.

მონუმენტთან უამრავი ყვაილი მიაქვთ და იმ მეომრის წინაშე ალაგე-ბენ, რომელიც, მართალია, მუხლზეა დაცემული, მაგრამ მის შორს გაწვდილ ძლიერ ხელებს მრისხანე მუშუტები შეუკრავთ... ეს ხომ სამართლიანობისა და შურისძიების ღალადისია.

ზამთრის უძირო ციდან ფაფუკი ფიფქები ეშვებიან და მონუმენტს ეფი-ნებიან.

მონუმენტის საზეიმოდ გახსნის დღეს გადაწვევით, გვიან საღამოს მარ-ტოდმარტოს მომენახულებინა იგი. ვიდექი და სიხარულით გულანთებული შეე-ყურებდი მონუმენტს, რომლის კვარცხლბეკზეც სადა შრიფტით იყო ამოტვიფ-რული: MAGNUS TEES SVEN VOORE ANNO 196...

მოშორებით შავალტოიანი ზორბა მოხუცი იდგა. ისიც მონუმენტს შეე-ყურებდა. დამინახა თუ არა, ჩემკენ გამოეშურა. ეს პროფესორი ტონელტი გახლდათ.

— საინტერესოა, ძალიან საინტერესოა... — თქვა მან.


— როგორ ფიქრობთ, თქვენი აზრით, კარგი მონუმენტი გამოვიდა? — მო-რიდებულად კითხე მე.

— მე მონუმენტს არ ვუყურებ, მე თქვენ გიყურებთ, ყმაწვილო!

— მე?

— დიახ, თქვენ. საინტერესოა, თქვენ თვითონ რას ფიქრობთ გულში!

ასე მომიგო პროფესორმა ტონელტმა და მისმა ბუსავით მწვანე თვალებ-მა სიბნელეში გაიღვეს. ბოლო ფრაზა დინჯად, ხმის ამოუღებლად წარმო-თქვა, მერე კი ერთბაშად შებრუნდა და ზურგი შემაქცია. თოვდა. საყელოწა-მოწეული პროფესორი თანდათან შშორდებოდა.



პილიმენსი

ცრიდა. ეს იყო შემოდგომის წვრილი, საზიზღარი ევავი. მოქუფრული ციდან ქალაქის ვიწრო ქუჩებში ისეთი მძიმე სალამო ჩამოწვა, გვეგონებოდათ, სადაცაა ზედა სართულებს აქეთ-იქით გადაზნიქავსო, საკმარისი იყო ზემოთ ამეხედა, რომ კლდეში გაკრილ უზარმაზარ არხის ფსკერზე წარმომედგინა თავი. ცოტაც და რიგრიგობით განათებული შუქ-რეკლამების ხასხასა ფერები წვრილი წვიმის ნაცრისფერ ბურუსში აირია, მერე გაშლილ ქოლგებზე აკიაფდა და ნეილონის ლაბადებზე წვეთ-წვეთად ჩამოიღვარა.

კაფე „პარიუში“ შევიარე.

პირველი, რამაც გუნება გამიფუჭა, ალექსანდრეს დანახვა იყო. აბა რა ვიციოდი შეთავსებით ამ კაფეშიც თუ მუშაობდა. ალექსანდრემ გარდერობიდან გამოსასვლელი მოკლე დირე გადახსნა და ჩემკენ გამოემართა, რათა გახდაში შემშველებოდა. შევეცადე, დამესწრო მისთვის, მაგრამ რაღა დროს — იგი უკვე მთელი ძალღონით მხდიდა პალტოს. ჩემი დაქმუქნული პიჯაკისა და დაბრეცილი ფეხსაცმელების პატრონმა ერთბაშად დათრგუნულად ვიგრძენი თავი. ალექსანდრეს გადამლაშებულმა თავაზიანობამ კაფეში მსხდომთა ყურადღება მიიპყრო. შემათვლიერეს.

— როგორა ხარ? — ღიმილით შემეკითხა ალექსანდრე და ჩაღეხილი, ნიკოტინით შეყვითლებული კბილები გამოაჩინა.

— ისე, რა, ძველებურად, — უხერხულად ვუპასუხე.

— ო, ო... ძველებურად, — ჩემსავით, რა... მაშასადამე, ყველაფერი რიგზე ყოფილა!

ნეტავი ზედმეტად ხომ არ გაუტყა ხაზი ამ „მაშასადამეს“. წამით თვალებში ჩავხედე, მაგრამ ვერაფერი ამოვიკითხე. ღმერთო ჩემო! მის ძალღვივით უსამველოდ თავლისფერ თვალებში გაზეთილ-გადასლექილი, უკიდვანო გულითადობა ციმციმებდა. რატომღაც მგონია, ალექსანდრე ამ ბოლო წლებში ჩუმჩუმად მითვალთვალებს. აი ახლაც, დარწმუნებული ვარ, როგორც კი დარბაზისაკენ გავემართები, თავლისფერ, ცნობისმოყვარე თვალებს გამომაყოლებს, ჩემს პიჯაკსა და ფეხსაცმელს კარგად შეათვალეერებს და თავისთვის რაღაცას დაასკვნის. არა, ჩემი ტანსაცმელი არც თუ ისე ურიგოა, უბრალოდ, ამ ბოლო ხანებში არაფრად ვავდებ ჩაცმა-დახურვას. ეს არის და ეს.

დარბაზში ჩასასვლელ კიბეს ჩავეყვი. კაფეში სალამოს ურიაშული იდგა.

ხანდაზმულმა მანდილოსანმა ყავის საფასური რვა კაპიკი მაგიდაზე დააწყო და გასასვლელისაკენ გრაფის ასულის მედიდურობით გაემართა. უმაღლესი სისხლისფერი პომადით გადაღებილი მოკუმული ტუჩები და ფანტასტიკური ფორმის ფარფლებიანი ქუდი მეცა თვალში. მანდილოსნის მხრებზე ჩამოკონწიალებული გაქუცული ნაკერი, ადვილი შესაძლებელია, ერთ დროს ვერცხლისფერი მედიის ბეწვი ყოფილიყო.

ცარიელი ადგილისაკენ გავემართე. ნებართვა ვითხოვე და სკამზე დაჯდომისთანავე შევამჩნიე, რომ ჩემს პირდაპირ სარკე იდგა. გამბდარმა, სათვლიანმა ბერიკაცმა წამით ქამა შეწყვიტა, ერთი უნდოდ ამხედ-დამხედა და ისევ თავის ყურანის ნამცხვარს დააცხრა. მოხუცს ძველი, არც თუ ისე სუფთა, ლურჯი ხალათი ეცვა. ძველებური წითელი პალსტუხი სულაც არ უხდებოდა. იჭდა და დიდი სიამოვნებით შეექცეოდა ნამცხვარს.

ჯიბიდან გაზეთი ამოვიღე. გაშლაც ვერ მოვასწარი. მომტანი მომიახლოვდა — მორცხვი ქალიშვილი. წინათ არასოდეს რომ არ შემინიშნავს. უთუოდ ახალმიღებული იყო. ქალიშვილმა მაგიდაზე დატოვებული რვა კაპიკი აკრიფა, გულდასმით მომისმინა და შეკვეთა ჩაიწერა: ყავა და ას ორმოცდაათი გრამი რომი. მერე რალაც ნაძალადევად გამიღიმა (ალბათ ასე ასწავლეს) და სამზარეულოს კარზე ჩამოშვებულ ფარდებს იქით მიიძალა.

სარკე ნამდვილად მალიზიანებდა. ორმოცდაათ წელს მიტანებულ კაცს სარკის წინ ჯდომა არც თუ დიდ სიამოვნებას უნდა ჰკვირიდეს.

გაზეთი ავიფარე. ძალის-ძალათი ჩავიკითხე: სადღაც წყალდიდობაა... ერთმა ინგლისელმა ქალმა ხუთი შვილი შვა... ინდოეთისა და პაკისტანის მთავრობებმა თითქმის ერთდროულად გამოუცხადეს ერთმანეთს მტკიცე პროტესტი. ეს მე არ მეხებოდა,

ყავა და რომი მომიტანეს. კაცმა, რომელიც ნამცხვარს შეექცეოდა, გაკვირვებით გადმოხედა რომით სავსე ქიქას და ჩაიღიმა. ჰმ! აბა ერთი მაშინ მნახოს, სმას რომ შევეუყვებო... მაგრამ დღეს, უკაცრავად, დღეს არ დავლევ. სკამი ოდნავ შემოვებრუნე, ფანჯრის ფარდების ლიობში ერთხანს ქუჩის მცირე არეს გავეყურებდი. მერე ისევ გავშალე გაზეთი. განცხადებები გადავათვალიერე...

კინოში წავსულიყავი?

კინო ძალიან მიყვარს: ზიხარ და ცხოვრობ სხვისი ცხოვრებით, სხვათა გრძობები გალევებს... და უცნაურია. მათი საქმეები საკუთარზე საინტერესო გეჩვენება. გარდა ამისა, გულს გეფონება ისიც, რომ ამდენი ხალხი იმასვე უყურებს, რასაც შენ, თითქმის ყველა შენებარ ფიქრობს და განიცდის. ჰო, მართლაცდა, რა იქნება, კინოში რომ წავიდე?

ფილმი ხომ აბსა ჰგავს, სიბნელეში რომ მოქმედებს და ისიც დროის გარკვეულ მონაკვეთში... კინოთეატრიდან გამოსულნი კი ისევ ცალ-ცალკე, საკუთარ ფიქრებთან ვრჩებით და თითქოს გვეუხერხულება კიდევ, სულ ცოტა ხნის წინ ასე რომ ვკავდით ერთმანეთს. მერე ვიწლებით, ჩვენ-ჩვენ გზაზე მივდივართ, რათა ათი წლის შემდეგ ტაქსებისა თუ ავტობუსების გაჩერებასთან ერთმანეთს წავეკინჯაოთ. რა ვიცი, პირადად მე სულ ასე შემართება.

— როგორც ვხედავ, თქვენც ამინდის ბიუროს ცნობას ათვალეირებთ. — მოულოდნელად მომმართა ჩემმა მოხუცმა თანამეინახემ და ბოლო ლექმაც

გადაყლაპა. — იცით, რას იტყოდა მამაჩემი ამის თაობაზე: მიწიერი ქარები და კაცთა გულისთქმა ჩვენი გონებისათვის ერთობ მიუწვდომელი რამააო — მოხუცმა უცნაურად ჩაიხიხითა და თვალი ჩამიკრა. მერე ჭიბიდან დიდი, ქრელი ცხვირსახოცი ამოიღო და ტუჩები ფაქიზად შეიწმინდა. აბა, რა მეთქმოდა ადამიანის გულსა და ზეციურ ქარზე. მგონი, არც ელოდა რაიმე პასუხს.

— კმ!... ასეა, — თავისთვის ჩაილაპარაკა მოხუცმა. შემდეგ თვალები ეშმაკურად მოკუტა. რომიან კიქაზე მიმანიშნა და ჩამჩურჩულა, თითქოს დიდ საიდუმლოებას მანდობდა, — აი, მაგ სავსე კიქის კემშარიტება ის გახლავთ, რომ თავი ავიხიანოს, ნიჟარის ხმიანება კი დაახშოს.

— ნიჟარის?

— დიახ, ნიჟარისა. აბა როგორ გეგონათ! აიღეთ ზღვის ცარიელი ნიჟარა და მოუსმინეთ, ყური მიუგდეთ, როგორ მღერის... მაგრამ თუ ნიჟარას რომით აავსებთ, უმაღვე შეწყვეტს ჟღერას, დადუმდება...

— კი მაგრამ ნიჟარაში წყალი რომ ჩაასხა, მაშინაც დადუმდება!

— დიახ, დიახ, დადუმდება! მაგრამ ის სულ სხვა დუმლია, როგორც ჩანს, ყმაწვილო, თქვენ ჭერ კიდევ არაფერი გაგეგებათ ფი-ლო-სო-ფი-ისა!

ისევ ჩაიხიხითა, მაგრამ მაშინვე შეიკავა თავი და ძალზე სერიოზულად შემომხედა. თითქოს თითი დამიქნია და ბერიკაცული ნაბიჯით გასახდელისაკენ წალასლასდა.

რომი მოვსვი. რომი ბევრად მირჩვენია კონიაკს. მართალია, გემოთი კონიაკი სჯობს, მაგრამ როცა კონიაკს სვამ, შენდაუნებურ ფილოსოფოსობ. კონიაკი ახალგაზრდების სასმელია. საზიზღარი დასაღვეია რომი, წამალივით უნდა ყლაპო, სამაგიეროდ, გვარიანად გაბრუებს, ბლომად თუ გადაჰკრავ, ტვინი ისე იძაბება, გეგონება ქოლგაა. აგერ ახლა რომ უნდა გაიშალოსო... მგონი, არც თუ დიდებული შედარება გამოვიდა, არა? მაგრამ უკეთესი ვერ მოვიფიქრე, ღირდა კი მიქებნა?

— სკამი ცარიელია!..

ამ სიტყვებში შეკითხვის ტონი რომ შემენიშნა, ალბათ უარს არ ვეტყვოდი. მიუხედავად იმისა, რომ ჩემს წინ მდგარი კაცი საკმაოდ შეზარხომებული ჩანდა.

— არა, დაკავებულია. ველოდები.

— ელოდებით? მერედა. ვინ ეშმაკს ელოდებით?!..

საკმაოდ სიმპათიური კაცია: მხარბეჭიანი, გრუზა ქოჩორი შუბლზე ჩამომლია. მადლიანი ნაკეთები აქვს. ერთი შეხედვით, იმ კაცსა ჰგავს, ხშირად რომ თვრება, თვრება, მაგრამ სახლს თავისი ფეხით აგნებს, დილაობით კი, ნაბახუსევზე. შვილს სასტვენს უთლის ხოლმე. ბიჭებს უყვართ ასეთი მამები.

— ვინ ეშმაკს ველოდები და, მეორე ლოთს, — ვუპასუხე და უაზროდ გამელიმა. წუთით თვალები დაუწვრილდა. ვერ მივხვდი, ეწყინა, თუ მოეწონა ჩემი პასუხი. შხით გარუჯულ პირისახეზე ღიმილმა გადაჰკრა.

— თუ ასეა, რა გაეწყობა... — თქვა და შებრუნდა. მოპირდაპირე მაგიდასთან. სამი მანდილოსანი რომ მისჯდომოდა, თავისუფალი სკამი შენიშნა და, მიუხედავად მანდილოსანთა არასტუმართმოყვრული ეესტისა, სიამოვნებით დაეშვა სკამზე. წუთით თითქოს ვინანე კიდევ, ჩემს მაგიდასთან დაჯდომის ნება რომ არ მივეცი. თუმცა სწორად მოვიქეცი. ასეთებთან ხომ საერთო ენას ვერა-

სოდეს ვპოულობ. უცებ მისი პროფილი მეცნაურა. ვინ არის? რა ნაცნობი სახეა... ვინ არის? ვინ? იქნებ ადრე გამოჩენილი სპორტსმენი იყო? თუნდაც მოკრივე. თუმცა არა, ცხვირი მოკრავისას არ უგავს. ვინ არის? მოიცა... მოიცა! გასაგებია! ჟოკეია. ყოველ შუა ხვევაში, რამდენიმე წლის წინათ ჟოკეი იყო.

...იპოდრომი. მოყრიამულე ტრიბუნები. ყვითელი ატლასის ფორმა... მაგრამ ყოველივე, რაც ახლა მაგონდება, მალონებს და უკვე ვნანობ, რომ ეს კაცი შევიცანი, რადგან ჟოკეის სახე ერთ ვინმეს მაგონებს... ფუ! დასწყევლოს ეშმაკმა, უკეთესი იქნება, თუ საერთოდ არ ვიფიქრებ ამაზე...

— Terre ôdangust!*

რაული ხელებით დაყრდნობოდა ცარიელი სკამის საზურგეს. რაული, ჩემი ძველი ნაცნობი, საკომისიო მალაზიის გამგე. ლოყებლადეაჟა კაცი. მისი კასრივით ტანი ახლა ერთიანად თახთახებს სიცილისაგან. ისე გახარებია ჩემი დანახვა.

— სად დაიკარგე! რა ხანია არ მინახიხარ. ალბათ, ჩაიკეტე და ბევრს მუშაობ...

— ჰო. ალბათ.

არა, არც რაულთან შეხვედრა მეპრიანებოდა. რაული მხიარული კაცია, მაგრამ აბსოლუტურად არ ჰყოფნის ჰკუა. გაიგოს მეორე კაცის განწყობილება და ანგარიში გაუწიოს მას. ზურგზე უშველებელი ქეის ჭვარი რომ დაეკრათ და აექილებინე გოლგოთას გზას დავდგომოდი, რაული მაშინაც შემაჩერებდა. ასევე მხიარულად შემომძახებდა: „Terre ôdangust!“ და ათასგვარ უცნაურ ამბავს ჩამომიღერადა: აი, რა შეემთხვა გუშინ ტრამვაიაში... ასე და ამნაირად... ღმერთმა დაგიფაროს და, ცუდ გუნებაზე თუ ხარ, ასეთ ხალხთან შეხვედრა ისე მოგაქცევს, მთელ ქვეყნიერებაზე მარტოდმარტო წარმოიდგენ თავს.

— აქ ალბათ, ინსპირაციას დაეძებ, ჰა?

— რა თქმა უნდა, — ვპასუხობ და მის გამომცდელ მზერას ვიკერ.

— მერე? გამოდის რამე?

— სხვათა შორის, ახლა ზღვის ნიჟარებზე ვფიქრობ...

— ?

— ზღვის ნიჟარებზე და ადამიანის თავის ქალაზე. აბა. თუ მეტყვი, რა განსხვავებაა მათ შორის?

— რა განსხვავება უნდა იყოს. ორთავე ცარიელია.

— ყველას თავი არაა ცარიელი.

— მგონი, ცუდ გუნებაზე ხარ...

— სრულებითაც არა.

— გახედე იმ კაცს, — დაიხარა და ჩამჩურჩულა რაულმა, — აი, იმ კაცს, ფანჯარასთან რომ ზის, ნაცრისფერკოსტუმიანს, აი. ბიკს რომ ელაპარაკება...

— ვხედავ. მერე რა? ალბათ, იმის თქმა გინდა, ის კაცი ჰომოსექსუალისტიად, ხომ?

— კი, შენ ნამდვილად ვერა ხარ გუნებაზე.

— არა-მეთქი..

* ქარგონული მისალმება (ესტ.).

— მაშ, რაა, ასე რომ... — ვერა და ვერ იპოვა სიტყვა.

— რაულ. შენ ხომ ასეთ თემაზე საუბარი მოგწონს.

— რუბენ, იცი რას გეტყვი? თუ ასე გააგრძელებ, იცოდე, წავალ და სხვა მაგიდას მივუჯდები.

— აი, ეს კი კარგი იქნებოდა!

ამ ფრაზას არც რაული ელოდა და არც მე.

— არ ვიცი. რა გველმა უცბინა დღეს... — ასეა. აღელვებული რაული მესამე პირობით მოგმართავს ხოლმე.

— რუბენ, არ ვბრაზდები... არა. მესმის, გადაიღალე, ინსპირაციაც ასე ადვილად არ გეწვევა კაცს და ამიტომ... — ნაძალადევად გაიღიმა, თავი დამიკრა და გამცილდა.

ამ კაცის ყველაზე აუტანელი თვისება ის არის, რომ მუდამ ყველაფერს „ხვდება“. ყოვლისმცოდნე რაული! შემიძლია ჩოჯოხეთშიაც გავვზავნო, მაგრამ მერე რა, მაინც ყველაფერს „მიხვდება“. ერთი დღის შემდეგ კი აღარაფერი ემახსოვრება.

არა, მართლაც და, დღეს რა მემართება? რას ვიკბინები. ამ კუკუმალობისა და ვისთვის. ან რატომ ვთამაშობ... ვიცი, ძალიან კარგადაც ვიცი. რაც მემართება: იმ ერთი კვირა დღის ამბავია, იპოდრომზე რომ... თხუთმეტი წლის წინ იყო...

როში მოვსეი.

იპოდრომის სარბენ ბილიკზე ოფლად იღვრებიან და ფრუტუნებენ ცხენები.

— ნუთუ მართლა არ გესმით, რისთვისაა ეს ყველაფერი? — ჩემს ცხვირწინ სათვალის შუშები ელავს, რაც უფრო ახლოს მოაქვს სახე, მით უფრო მეუფლება ზიზღი. რა უცნაურად მოჩანს ამ სქელი შუშებიდან დაქვეტილი თვალები. ბილიარდის ბურთებსა ჰგავს. იფიქრებ, საცაა მაგიდაზე გაგორდებაო.

— თქვენ ხომ კარიკის მოსწავლე ხართ. ხომ იცით, მოსწავლე თუ თავის მასწავლებელს ალუდგა, ეს იმას ნიშნავს, რომ...

— ჰმ! რას უნდა ნიშნავდეს? — ბილიარდის ბურთები თანდათან მშორდება, თითქოს უხილავი რეზინის საბელი უკანვე ეზიდებოდეს თავის ქალაში.

— ეს იმას ნიშნავს, რომ მაესტროს თავისი შეგირდები ბოლომდე როდი გადაუგვარებია. ცოტა რამ მაინც მოეცხოთ ესთეტიზმისა. ცოტა რამ მაინც შესძინა იმ ქადაგებამ... როგორ არის? ჰო: „L'art pour l'artiste!“ მაგრამ შეგირდებს, ასე თუ ისე, გონება შერჩათ, ე.ი. საქმე არც თუ ისე ცუდად ყოფილა, ხომ ასეა?

დასწყევლოს ღმერთმა! ამ საუბარში თითქოს ლოგიკაც უნდა იყოს, ოღონდ ამდენმა ლაპარაკმა ლამის ტვინი ამიროს.

— მდოგვიც გადაიღეთ, ახალია.

იპოდრომის სასაუბრეში ვსხედვართ. მე და ის. ვერც წარმოვიდგენდი, იპოდრომზე თუ დადიოდა, და აი, ტოტალიზატორში, გამარჯვებულთა შორის, ჩვენც შევხვდით ერთმანეთს. ეს გამარჯვებაც ერთმა ცხენმა გვიწყალობა ორთავეს... ოღონდ მე ერთი ბილეთი მქონდა, მას — სამი. ჰოდა, იქვე, სასაუბრეში

* „ხელოვნება — ხელოვნებისათვის“ (ფრანგ.).

აღვნიშნეთ ჩვენი გამარჯვება. სხვებმა რომ არ დაგვაბნონ. ხანდახან იქითაც უნდა შეუტოო. ეს მისი ცხოვრების გამოცდილებაა. გალმა შეედავე. გამოღმა შეგრჩებაო. სულ არ მომწონს ეს კაცი. დაეღაე. მსუქან პირისახეს სულაც არ ეხამება ეს სათვალეები, ანდა ვინ იცის, იქნებ სწორედ ეს შეუხამებლობა აელენს იმას, რასაც ჩვეულებრივ ვერ შეამჩნევდი.

რეპროდუქტორში ახლა ნამდვილი საიპოდრომო მუსიკა გაისმის, ცოტა ხნის წინ კი... ოჰ, რა სასაცილო ამბის მომსწრე გახლდით: დაშაქრული ტენორი, წინა წლებში სიყვარულზე და ვენეციურ ლურჯ ღამეებზე რომ მღეროდა, დღეს „პოლკას“ ჰანგზე ხოტბას ასხამდა ერთი ყოჩალი ტრაქტორისტისა და მოწინავე მწველავი გოგონას სიყვარულს. საღამოობით, თავისუფალ დროს, ისინი „პოლკას“ ცეკვავენ, მხოლოდ „პოლკას“, „პოლკა“ ძალასა და შრომის ხალისს ჰმატებთ... არა, იმას კი არ ვამბობ, „პოლკა“ და სოფელი ერთმანეთს არ ესადაგება-მეთქი, მაგრამ თვით ეს ტენორი ისე შორსაა სოფლისაგან, რომ მისი ხმა თითქმის ირონიულად ეღერს.

ძეხვის ცოტაოდენი მღოგვი წავაცხე.

— ომის შემდგომდროინდელი საუცხოო ძეხვია! ქონი და მარილი ზომიერადაა ჩართული, — იცინის, — ძეხვის სიმბოლო კი არ გეგონოს, ნამდვილი ძეხვია! ჰა?

პირი სავსე მქონდა, გადავწყვიტე თავი დამეკნია. ხმაგაკმენდილი რაკი მნახა, თითქოს ამით ისარგებლა და დინჯად განაგრძო:

— რაც უნდა იყოს, კარიკი ესთეტია! გულზე ხელი დაიდეთ და მითხარით — უარყოფ? რა თქმა უნდა, არ უარყოფთ. კეთილი, მაგრამ არის კი იგი ჩვენი კაცი? არ არის! ხომ მართალს ვამბობ? ასე რომ, ნუ გვეურჩები. ჩვენთან კამათი რა საქირა... თორემ მოგიწევთ პასუხის გაცემა ესტონური ლიტერატურის მაგიერ! კარიკის მაგიერ: და კიდევ ზოგიერთების მაგიერ. ერთი წუთით, წავალ, სიგარეტს მოვიტან.

ნეტავ ვის უნდა გულისხმობდეს ამ ზოგიერთებში? იატაკზე ბილეთის ნაკუწები ყრია. გაცრუებული იმედები. საღაროსთან კი ახალი რიგი დგას. უცნაური გარეგნობის ხანშესულ ქალს მოკვარი თვალი, ფართოფარფლებიანი ქული ხურავს. ამბობენ, ეს ქალი, აგერ ათეული წელია, ყოველ კვირა დღეს აქ ატარებსო. ბალტიისპირელი თავადების ჩამომავალი ყოფილა. იპოდრომზე ორი სახლი წაუგია. უცნაური ქალია, მამაკაცის უშველველი ფეხსაცმელი კიდევ უფრო აუშნოვებს მის ისედაც ვერმიწელივით დაწვრილებულ ფეხებს. ზმანებასავით დაიარება, თან უხეშად, არიტმულად, თითქოს საღდაც შორს, საღდაც მზერა ვერ მიატანს (მეტადრე ამ ელამი, მორფინისტის თვალებიანი ქალისა), უშველველი მოსამართი კოჭი იდგეს. დაქიმულ მავთულს რომ იზიდავს და იხვევს. ხოლო ეს ქალი, ქალი კი არა, მარიონეტი... მაგრამ მე ხომ არა ვარ მარიონეტი... ის კი, ის, მავთულების დამხვევი უშველველი კოჭია.

ასე რატომ ვფიქრობ... მის საუბარში თავისებური ლოგიკაა. კარიკისათვის, რასაკვირველია, ბევრად უმჯობესი იქნება, თავს თუ დავესხმები. მე, მე და არა ვინმე სხვა. რალაც ზომიერებასა და ტაქტს მაინც გამოვიჩენდი. თუმცა არა, ვგრძნობ, რომ ყოველივე ამას სხვა სუნი უდის... ვგრძნობ, მთელის არსებითა ვგრძნობ! არა, კარიკს არ ავუმხედრდები!

აი, ის უკვე მოდის. ოჰო! ერთი ბოთლი არაყიც თან წამოუღია. უცნაურია...

ჩემს გაოცებულ თვალებს რომ წააწყდა, რამ შევაშინათო, — ღიმილით მომმართა და ბოთლი მაგიდის კუთხეში დადგა.

— ამის დალევას ჩვენც შევძლებთ, მაგრამ კარგი იქნება, თუ ჟოკეისაც გავუმასპინძლებით. თუ არ ვცდები, რებანეს ეძახიან. დღესაც მაგან არ მოგვაგებინა?

— საწინააღმდეგო არაფერი მაქვს. — ვუპასუხე. დაუძახებ-მეთქი, დავპირდი. ჯიბე მოვიქექე, ჩემი წილი არყის საფასური რომ გადამეხადა.

— ოჰ. როგორ გეკადრებთ! თქვენ ერთი ბილეთი გქონდათ, მე კი სამი! — ღიმილით მომიგო მან. — არჩევანი ნამდვილად შეგძლებიათ, ოღონდ ესაა, რამდენიმე ბილეთის ერთად ყიდვას ერიდებით.

ჰმ! ნეტავი რაზე გადამიყრა სიტყვა?

— იცით რა, მეჩქარება. თუ არ დაიზარებთ, მოდით, ეს ბოთლი თავად გადაეცით რებანეს.

თავი დაეუქნე, არ დაგზარდებით-მეთქი. საკმარისია ცოტა ხნით კიდევ დარჩეს და ვეტყვი, აუცილებლად ვეტყვი. კარიკს არავითარ შემთხვევაში არ აღვუდგები-მეთქი. არამც და არამც, მაგრამ არ ჯდება, მემშვიდობება.

— ნახვამდის! მოხარული ვარ, რომ კარგად გამიგეთ. მამ, შევთანხმდით — მითხრა და წავიდა.

მოყაყაენ ბრბოს გვერდი აეუარე და თავლისაკენ გავემართე. ატლასი და ხეხვი, სასიყვარულო სიმღერები და მათრახის ტყაცანი, კედელ-კედელ მიხვეტილი, შარდის მძაფრი სუნით გაჟღენთილი კანფეტის ქალაღები — აი, იპოდრომი, რომელსაც ქუჩის გოგოს უხეში მომზივლელობაც არ აკლია. მაგრამ დღეს... დღეს, მიუხედავად მოგებული ოთხმოცი მანეთისა, მაინც გულს მირევს აქაურობა. ეგლა მაკლდა! — ზედ ტრიბუნის წინ არყის სუნით აყროლებულ ლოთს ვეჭახები...

— პარდონ, მუსიე... — ნირწამხდარი ლულულეებს ლოთი. ღმერთმა დაგიფაროს ლოთთან შეჭახებისაგან, როცა შენ თვითონ არყის ბოთლი გაქვს პიჯაკის ჯიბეში გადამალული.

თავლაში შევედი.

— გადაკვრა არ გვაწყენდა, — მითხრა რებანემ. რებანე სწორედ ის კაცია, წუთის წინ ცარიელი სკამი რომ არ დაეუთმე, მერე კი მოპირდაპირე მაგიდასთან მჭდარი ქალები შეაწყინა უხამსი ხუმრობით.

თავლაში ჰუჭყიან ძელსკამზე ვსხედვართ და არაყსა ვსვამთ. საუბარი აეწყო. ცოტახნის შემდეგ კიდევ ერთი ბოთლი მოვიტანეთ და უკვე გულიც გადავუშალე ჟოკეის. ყვითელი ატლასის ფორმაში გამოწყობილი ბიჭი ყურადღებით მისმენს (მომწონს, რომ არ აკვირვებს და არც არაფერს ეუბნება სიტყვები: „მწერალთა კავშირი“, „პროფესორი“ „მწერალი“). რებანე მთელი გულით მითანაგრძნობს: ეგეთები ფეხებზე უნდა დაიკიდო. ჰმ! საკუთარი მასწავლებლის წინააღმდეგო... გამარჯობა შენი! ადგენენ და თვითონ გამოვიდნენ. თქვენს ადგილზე მაგ „კეთილმსურველებს“ საბალახოდ გავრეკავდი...

ვუსმენ და მწამს, ასეც მოვიქცევი.

ჰიქა გამოვცალე. მომტანი ხელის დაქნევისთანავე მოვიდა.

— უჯაცრავად. თქვენ ბრძანდებით რუბენ პილიმეისი? — შემეკითხა მომ-

ტანი. თავი დაუქნიე და მაშინვე მივხვდი, რასაც მეტყვოდა.

— თქვენს სახელზე წერილია, ორი დღის წინ ბუფეტში დატოვეს, — ეს მითხრა და წერილი გამომიწოდა. კონკერტი უხალისოდ და თან უხეშად ჩამოვართვი. ქალიშვილი შეერთა, მეც უხერხულად ვიგრძენი თავი, მოვიბოდიშე. — ყურადღებას ნუ მიაქცევთ, ერთმა ტიპმა გუნება გამიფუჭა და... — გოგონამ თავი დამიკრა, ისევ იმ დასწავლილმა ღიმილმა გადაურბინა პირისახეზე.

— გადაიხდით?

— დიახ, თქვენ... გეტყობათ აქ ახალი ხართ?.. — თვითონაც არ ვიცი რა მომეწონა ამ მაღალი, არცთუ ლამაზი და ნარნარი ქალიშვილისა, მსურდა რამენაირად მესია მოვინებინა. ჩემმა შეკითხვამ კი, როგორც ჩანს, კიდევ უფრო დააბნია.

— დიახ, მხოლოდ მეოთხე დღეა, რაც აქ ვმუშაობ, — მიპასუხა ლაწევებზე ფაკულტეტი.

— თქვენგან შესანიშნავი მომტანი დადგება, — აბა, რა სულელური კომპლიმენტი. სულ სხვა რამის თქმას ვაპირებდი.

— მანეთი და სამოცდახუთი კაპიკი.

ორი მანეთი გავუწოდე, ხურდა არ გამოვართვი. შევატყვე, ყოყმანობდა, ზედმეტის აღებას ჭერ არ შეჩვეოდა. სწრაფად შედბრუნდა და ისევ სამზარეულოს წინ ჩამოშვებულ ფარდებს იქით მიიშალა.

წამოვდექი. ალექსანდრეს მოსასხამი მოვახურინე მხრებზე. წინა დარბაზში, მაგიდასთან, რაული იჯდა. არც კი შემომხედა. ალბათ; ასე ამჯობინა. მინის კარი გავიხურე თუ არა, თავი ასწია და ნაღვლიანი მზერა გამომაყოლა.

ქუჩაში გამოვედი. სულაც არ ვბრაზობდი. პირიქით. მოწყენილი ვიყავი.

ნომბრის საღამო ნებივრობს ქუჩებში.

თვალეზს ჭყეტს ქალაქი ფერადი რეკლამით,

ყველა რომ იჩქარის, მე საით წავიდე,

ვფიქრობ და ფიქრიც ბასრია ეკალივით.

ნეილონის თმით, იისფერ სისხლით,

გაყინულ ღიმილთ და შუშის თვალეზით,

ახალ კაბეზით ცივ ვიტრინებიდან

მანეკენები გამოანათებენ.

ზეცის გახსნა თუ წვიმაა ოქროსი,

ფარფატით ეცემა ფიფქები დალილი.

ყვავილის ჭიხურის საყვარელ სარკმელზე

მოცისფრო სევდად ჩნდა ობოლი ყვავილი.

წვიმამ გადაიღო, ქარი ტროტუარზე სველ გაზეთს მიაფრიალებდა. კაფე „პარიუში“, სიგარეტი დამრჩენია. კინოთეატრ „სიპრუსის“ ბუფეტში შევიარე „დიებელის“ საყიდლად. რომმა შემათრო. თურმე ჩემდაუნებურად მივჩერებოდი წინ მიმავალ ქალიშვილის ფეხებს. ჩიშინა ლამაზ წვივებს შემოტმანსოდა შავი წინდები, მე რომ აგრე მომწონდა.

მწერალთა კავშირის ჩავუარე. კაფე „პეგასი“ ახალგაზრდებით გაქედლიყო. მოსასხამის საყელო ავიწიე, რადგან ქარი უფრო და უფრო ძლი-

ერდებოდა. ტომებს ეკლესიიდან ორლანის ხმა შემომეცმა. იქ ხშირად კონსერვატორიის სტუდენტებს ამეცადინებდნენ. კარი შევადე თუ არა, ერთბაშად შემომეფრქვა ეკლესიის გრილი და ოდნავ მოტკბო სურნელი... გარდასული საუკუნეების სურნელი... არ ვიცი, ამხელა კარს რად აბამენ ეკლესიას ეგების ვეებერთელა ჭვრით ქრისტეს მეორედ მოსვლას მოელიან. ამხელა კარი საცოდავად აპატარაებს შემსვლელს.

ეკლესიაში ბინდი და სიცარიელე გამეფებულიყო. მხოლოდ მაღლა, ორლანის თავზე კრთოდა სანთლის მოყვითალო შარავანდი. შეეჩერდი. მუსიკას მივაყურე. ორლანზე დამკვრელი ერთთავად სცოდავდა, პედალებს ვერა და ვერ უსადაგებდა. ბანიც ბრაზიანად გუგუნებდა.

მორწმუნე არ გასლავართ, მაგრამ ამბობენ, ეკლესია და ორლანი ურწმუნოსაც რწმუნად შოაქცევსო. ესაა სასიამოვნო და რალაც იღუმალი განცდა: თვალები ოდნავ გიწყლიანდება... ამბობენ, ამ დროს ბავშვობაზე, მინდვრებზე, წმინდანებზე და წინაპართა სახეებზე ფიქრი გეძალდებაო. წინააღმდეგი როდი ვარ. მაგრამ თუ არ გამიჩნდა ამგვარი გრძნობა? და განა მართო ახლა... მახსოვს. ცამეტი წლის ბიჭი ეკლესიაში შევიპარე, ისე საგულდაგულოდ დავიმაღე, რომ საღამოს ჩამკეტეს კიდეც. მეც ეს მინდოდა. მაშინ ლექსებს ვწერდი. შთამაგონებდა კათედრალი, მონაზონთა ტრფობა და ამისთანები (აბა, როგორ!)

ეს ძველთუძველესი პატარა ეკლესია სოფლის განაპირად იდგა. საოცრად უყვარდა ბებიიჩემს ლამაზად მოხატული საკურთხეველიდან მზირალი ხატი ქრისტეს ზეცად ამაღლებისა. შეჰყურებდა და მუდამ ცრემლსა ღვრიდა.

სარკმელს უცხო ფერებად დასთამამებდა ჩამავალი მზის არილი. დაღამების მოლოდინში ძელსკამზე წამოვწეკი და ჩემდა გასაოცრად ისეთი მამაპაპური ძილი გამოვაცხვე, თქვენგან მოწონებული. შულამისას გამეღვიძა. რის შიში, რა რომანტიკა! ეკლესიაში საშინლად ციოდა, ეს იყო და ეს! საგანგებოდ გადანახული სანთელი ავანთე და უცხო ხილვათა მოლოდინში გავირინდე. არაფერი გამოვიდა. სხვაგან და სხვა დროს ბევრად უფრო იღუმალი რამეები შემიგრძნია... მავალითად, ტყეში, მდინარეზე, თივის ზვინებში და ა. შ.

სანთელი მოვიმარჯვე და საკურთხეველის თავზე დახატულ ფრესკას მივადექი. აქედან ვუცქირე, იქიდან ვუცქირე, მაგრამ ვერაფერი განსაკუთრებული ვერ ვიგრძენი. თუმცა არა, სულ არაფერი არ მიგრძენია-მეთქი, ამასაც ვერ ვიტყვი — ფრესკაში საოცარი სევდა ჩამუქებულიყო... განა მისტიური და პომპეზური, არა, ეს იყო რაღაცნაირი საბრალო სევდა... ცისკენ დაძრული პატარა, თეთრი ქრისტე... ქარში აფრიალებული მისი პერანგის კალთა... ო. ეს ზედმეტად გაპარკჷული ფეხის თითები კი, რალა თქმა უნდა, ვადაამლამებელი მხატვრული ფანტაზიის ნაყოფია! რაც შეიხება მწვანე ცისკიდურის, ლურჯი ხეებისა და ყვითელი გვრების ფონზე ღმერთის ზეცად ამაღლებას, ამას არ შეიძლება ერთგვარი შთამბეჭდილება არ მოეხდინა. ათლეტური აღნაგობის მოწაფეებს ზაფრანისფერი, საკმაოდ ნაპატივები სახეები ჰქონდათ. ასეთი დაკუნთული სხეულები გლადიატორებს უფრო მოუხდებათ. და შესცქეროდნენ მასწავლებლის ზეცად ამაღლებას ერთობ გადაფითრებული მოწაფენი... მხოლოდ ყველაზე მაღალს შეჰყინვოდა ბაგეზე ღიმი და ისიც ძნელად გამოსაცნობი.

უცებ ჩემს ფერხით რალაც გაფაჩუნდა. თავი დაეხარე, ხალიჩაზე პაწაწი-

ნა თავგი დასკუპულიყო და სანთლის ალს მონუსხულივით მიშტერებოდა. მთელი ღამე სხვა არაფერი მომხდარა. მლოცველთა მერხზე გამოვიძინე. მეორე დღეს კი, ცოტა არ იყოს, მრცხვენოდა და თანაც მშურდა ბებიაჩემისა, რომელსაც ასე სულისშემძვრელად აღაგზნებდა ეკლესია.

ისევ აელერდა ორლანი. აი, ქორალის პრელუდიაც გაისმა. ეტყობა, ახლა სხვა შემსრულებელი უკრავდა. ეკლესიის თაღებქვეშ უნატიფესი აკორდი გუგუნებდა. ცოტაც და პრელუდიის დასასრული უბრწყინვალესმა იმპროვიზაციამ დაამშვენა, ჰარმონიასთან არც მე გახლავართ მწყურლად, ამიტომ სიამოვნებით ვისმენდი თუ როგორ იკრებდა ძალას ეს საოცრად დახვეწილი იმპროვიზაცია. თითქოს აღმართ-აღმართ მიუყვებო... ბოლოს თვალისმომკრელად მოელვარე მწვერვალსაც მიადწია და გაზაფხულის ნაქადულივით თავქვე დაემშვა... თქმა არ უნდა, ორლანზე დამკვრელი მაგარი ვილაცა იყო! ორლანს ორნი გამოეყვნენ: ერთი — ახალგაზრდა სტუდენტი, მეორე — თმათეთრი მოხუცი, ხელში სანოვავის ჩანთა რომ ეჭირა. მოხუცმა საფულე ამოიღო და ახალგაზრდას რაღაც გადასცა, რაღა თქმა უნდა, ფული. სტუდენტმა თავი დაუკრა. კიბეები ჩამოირბინა, რომ გამისწორდა, თვალი გულგრილად შემავლო და მაგრად მიიხურა ეკლესიის კარი.

მოხუცმა დინჯად ჩამოათავა კიბე.

— ორლანზე დაკვრას სწავლობთ? — ვკითხე მოხუცს. მან მრავალმნიშვნელოვნად დამიკრა თავი და ცნობისმოყვარეობით შემომხედა. სანოვავის ჩანთაში ქილა რძე და მწვანე კომბოსტო ჩაედო.

— ფულიც... საკრავის საფასურია, თუ მას სჭირდება?

მოხუცმა თვალი გააყოლა ჩემს სალოც თითს. ნესტიან კედელზე მიხატულ ჭვარტმას მიაჩერდა.

— დიახ... და ჩვენი უფლისა გამო, — მშვიდად მომიგო მან, — მუსიკა ძეხორციელის სულთან აახლოვებს მას.

— კი მაგრამ, მაინც რატომ გიყვართ იგი ასე?

მოხუცმა უკმაყოფილოდ შემომხედა. მისი გაბრაზება სულაც არ მიფიქრია. — რატომ არ უნდა გვიყვარდეს... იგი ხომ ჩვენთვის გააკრეს ჭვარზე... ჩვენი ვალია, ვილოცოთ მასზე და შევევედროთ, იყოს მოწყალე და მოგვიტევოს ცოდვანი ჩვენნი.

— მე მესმის ქრისტე, როგორც პრინციპი. ხალხის გულისთვის ხომ ბევრზე ბევრი ეწამა ჭვარზე, კოცონზე... მაგრამ, სამწუხაროდ, ყველას როდი ეღირსება პოპულარობა.

— ისინი ადამიანები იყვნენ, ადამიანს კი, რა თქმა უნდა. ეყვარება მისივე მსგავსი, ხოლო იოსე ქრისტე ღვთისშობელმა შვა.

— მაშ, რად დაისაჯა საშინლად? ნუთუ ეგონა. მისი წყალობით კაცს ყოველი ცოდვა მიეტევებოდა... ადამიანებს რამდენჯერ თავი გაუწირავთ საშობლოსათვის, მეგობრობის სასიკეთოდ... განა ეს ადვილია? ეს უფრო ძნელი არ არის?

— ქრისტე შვა ღვთისშობელმა და მას უყვარდა ადამიანები, — მომიგო მოხუცმა.

— დარწმუნებული ხართ, რომ ღირსი ვართ მისი სიყვარულისა? ან რო-

გორ გგონიათ, შვენის კი ღმერთს ადამიანების სიყვარული? ხომ შეიძლება, რომ ეს ღმერთის სისუსტეც კი იყოს?

— ოჰ, გაჩუმდით, თუ ღმერთი გწამთ! ასეთი ლაპარაკი როგორ შეიძლება. რა შუაშია აქ ვარაუდი? მუსიკა ავიღოთ: თუკი იგი არაფერს გმატებთ, მაშინ თავად გკლებიათ რაღაც და ეს მუსიკის ბრალი სულაც არაა. დიახ! გონება აქ არაფერ შუაშია... ბოდიში, წასასვლელი ვარ. კარი უნდა დაკვეთო. — იგი შებრუნდა.

— ერთი წუთით, თუ შეიძლება, შეკითხვა მაქვს, — მოხუცი შეჩერდა, ახლა უცნაურად უცახცახებდა წამწამები.

— ქრისტეს ადგილზე თქვენს ცოლს თუ გააკრავდით?..

— ცოლი არა მყავს, — შემაწყვეტინა მან.

— მაშ, დედას, შეიღს... — მოხუცი წამით ჩაფიქრდა, მერე ნაბიჯი გადმოდგა ჩემკენ და მითხრა:

— რატომ მაწვალებთ?

— არა, გთხოვთ მიპასუხოთ.

— მე... არ ვიცი...

— არ იცით?! მაშასადამე, თითქმის მზადა ხართ, ასე მოიქცეთ... — უეცრად საშინლად შემეზიზნა იგი: ქორალებს კი კარგად ისმენს, რათა სიწმინდითა და ნეტარებით აიესოს, რათა ჰპოვოს სიმშვიდე სულისა, მაგრამ ღმერთმა დასწყევლოს! ეს რა სიმშვიდეა, თუკი სამაგიეროდ დედის მოკვლაზეც მზადა ხარ!... მართლაცდა, რა საცოდავები ვართ ადამიანები! ათასწლეულების მანძილზე გვატყუებდნენ. გვაწამებდნენ, არა, თვითონვე ვიწამებდით თავს, არ იქნა და არა, თავში არ შეგვდის უბრალო კემშარიტება, რომ არ არსებობს არაფერი, რის გამოც... ფუ! თითქმის სირბილით გავემართე გასასვლელისაკენ. რაღაც მწყინდა და მრცხვენოდა. მოხუცი ამედეენა, ხელს მიქნევდა და მომძახოდა:

— რა დაგემართათ? დამიცადეთ, თუ ღმერთი გწამთ... დამიცადეთ, რა დაგემართათ...

ქარმა დამამშვიდა. ნერვები ნამდვილად არ მივიარგა. ამ ბოლო ხანებში მაინც ნამეტანი დაძაბული ვარ... საბრალო მოხუცი! კინალამ ინფარქტი დავმართე. წარმომიდგენია, ეს მარტოხელა კომბოსტოკამია სახლში მისვლისთანავე რა ფაციფუცით შეუდგება სუპის მომზადებას (დიახ, დარწმუნებული ვარ, მარტოხელაც იქნება და საერთო სამზარეულოში მარადმოქაქანე ვინმე გავასქელ მატრონასაც ეყოლება დაჯანბნებული!), თითქოს თვალნათლივ ვხედავდე, რა რუდუნებით ქრის იმ კომბოსტოს, მე რომ ლამის ფეხით ვაგორე... ბრაზმორეულ მოხუცს, რა თქმა უნდა, ხელებიც უჯანკალებს და ა. შ. მაგრამ ყველაზე მთავარი სწორედ ისაა, რომ რაც უნდა გაანახლებული იყოს, ძილის წინ მაინც უფლას შეავედრებს გზააბნეულ ცოდვილთა სულებს.

ჩას ვერჩოდი საწყალ მოხუცს. ცოტა ხნის წინ კიდევ რაული... რაულს რაღას ვენარსილებოდი? რა მისი ბრალია, თუ ასეთი დაიბადა! იმ წამს რაულის ნახვა მოვინდა. კაფეში დავბრუნდე? არა, არა, მეზარება. რაულს ისედაც შევირიგებ: ჯერაც არავისთვის რომ არ წამიკითხავს, იმ ლექსებს წავუკითხავ — ხშირად მოვეტყულებარ ასე და თუმცა ჩემი ლექსებისა არაფერი ესმოდა, მაინც მოხარული იყო, ეამაყებოდა კიდევ.

პიკის ქუჩაზე გამოვსულვარ. ძალიან მომწონს ეს ქუჩა, მეტადრე საღამოობით. უცნაურია, ბევრი რამ მხოლოდ და მხოლოდ ბინდბუნდისას მომწონს ხოლმე, მგონი, კარგი ნიშანი არ უნდა იყოს.

მახსოვს, როგორ მიყვარდა დაისის ფონზე ტანამოლტილი ეს ხეები! რამდენჯერ გადავწყვიტე მათი საკადრისი ლექსის შეთხზვა... აი, აგერ, ამ ხეზე, ერთი-ორჯერ შეზარბოშებულიც ავცოცი — ახალგაფოთილ ტოტებს მოვეფერები-მეთქი... კი, გეთანხმებით, სულელური ახირება იყო, მაგრამ ხეების მიმართ მსგავსი გრძნობა არავის ჰქონია! დიახ, არავის. აკი ამით თავიც მომქონდა. გარდა ამისა, კიდევ ჰქონდა ერთი გამართლება ჩემს საქციელს: — სწორედ ხის კენწეროდან მოჩანდა ის ლამაზი შენობა, რომელიც რალაციტ ტარტუს უნივერსიტეტს მაგონებდა. თუმცა ეს მხოლოდ ზემოდან... ხიდან ჩამოსვლისთანავე ყველაფერი თავის თავს ემსგავსებოდა და ამ შენობამიც, რა თქმა უნდა, რომელიღაც ადმინისტრაციული დაწესებულება ფუთფუთებდა. ხის კენწეროდან დანახულ ამ ჰაეროვან სასახლეში საანგარიშოს აჩხაკუნებდნენ.

უკაცრიელ პიკის ქუჩას მივეუყვებოდი. რამდენიმე ნაბიჯიც და ქალაქის ცენტრში აღმოვჩნდებოდი. იქ, სადაც სწრაფად მქროლავი „ვოლგები“ ტროტუარზე გამწკრივებულ, აბუზღუნებულ მოქალაქეებს ტალახის შხეფებს ასხამენ... მგონი, ის დროა, უკან ვბრუნდებოდე! კი, ნამდვილად ასე აჯობებს. ავდგები და სულაც დანიის მეფის ბალს ვეახლები. რაც შეეხება ტალინის ცენტრს, იგი, სხვა ქალაქებისა არ იყოს, ზემოდან უფრო მომხიბლავია.

დანიის მეფის ბალი ჩემი უსაყვარლესი ადგილია. სხვათა შორის, ავადსახსენებელი ჭალათის ქოხიც მის გვერდითაა. ო, ისტორია და საშინელი ლანდები კი მე ბავშვობიდანვე მიზიდავენ. სწორედ ასეთ ადგილებში მეუფლება (მართალია, აწ უკვე სულ უფრო იშვიათად) ისეთი განცდა. რომელსაც კვლესიაში ვერ იგრძნობ. ვერ მოიხელთებ... ჰმ! ვითომ ეშმაკებთან უფრო წილნაყარი ვარ, ვიდრე ანგელოზებთან, თუ რა?!

არა, დანიის მეფის ბაღში შესვლა დღეს ნამდვილად არ ღირს. ამნაირ გუნებაზე ჭალათის ქოხთან სეირნობას ნეტავ რა აზრი უნდა ჰქონდეს?...

მაშინაც ასე არ დავეხეტებოდი? ეს იყო დიდი ხნის წინათ, მწერალთა კავშირში სიტყვით რომ გამოვედი... მაშინაც არაფერზე მსურდა მეფიქრა, უსიამო ფიქრს გაუფრებოდი, მაგრამ არაფერი გამოდიოდა. აღარაფერი მწამდა ამ სათბირებისა და ლაქლაქისა... ჩემული ახალი რწმენითა ვინუგეშებდი თავს.

მაგონდება სახეები, წინა რიგებიდან რომ შემომძკეროდნენ. საკარნავალო ნიღბებსა ჰგავდნენ. ასეთივენი, დარჩენენ ჩემს ხსოვნაში. რა მნიშვნელობა აქვს იმათ მხიარულ ან ნალვლიან იერს. ყველა ნიღაბი ხომ ყალბია. დარბაზში სამართისებური სიჩუმე იდგა. თუმცა არა! სამართისებურ სიჩუმეს ეული ხმა არღვევდა. — ჩემი ხმა ვახლდათ, ეღერადი, გამოკვეთილი, საზიზღარ უცხოურ ტერმინებს რომ იმარჯვებდა: „რენეგატი“, „ფორმალისმი“, „კოსმოპოლიტიზმი“ და ასე და ამგვარად. ამ გამოსვლის წინაღამეს ერთი იმედიღა დამრჩენოდა, მეგონა, კარიკის წინააღმდეგ კრინტს ვერ დაეძრავდი. დავიბნეოდი, სუნთქვა შემეკვრებოდა, ბოლოს და ბოლოს, ენა დამებმებოდა და რას იზამდნენ, როცა ნახავდნენ, კაცს ლაპარაკი არ შეუძლია, არ შეუძლია და მორჩა! მაგრამ, რა თქმა უნდა, ლაპარაკი შეეძელი და ძალიან კარგადაც: იქნებ სულაც იმიტომ, რომ ხშირად ჩაკვირვებივარ ჭალათის ფსიქოლოგიას. ალბათ, ყოველი ჭა-

ლათი, სანამ პირველად შემართავდეს ხმალს, ფიქრობს, ვერ შევძლებო, ნერვები მიმტყუნებსო, მაგრამ შენ მორჩილად წაწვდილი კისერი დაანახვე და ხმალიც თითქოსდა თავისით დაეწოდება. ო, დამიჯერეთ, კეთილო ხალხო, გადამწყვეტი წამი მუდამ უსწრებს მოქმედებას... მე რე კი, მე რე ველარაფრით დაგვიდგენია, მაინც როდის წამოგვეწვია ის წამი...

მარჯვენა ხელი უნებლიეთ წავატანე ჭიბეში ჩარჩენილ წერილს. რა თქმა უნდა, მარიას წერილია.

„რუბენ პილიმეესს!“ — უბრალოდ აწერს ხოლმე კონვერტზე. სხვებისათვის კი რუბენ ილიმე ვარ, პოეტი ილიმე. ერთხელ, დიდი ხნის წინათ, მომეჩვენა, რომ სერიოზული პოეტისათვის პილიმეესი ძალზე უჩინო გვარია, ასე და ამგვარად გავხდი ილიმე, აგერ ოცდახუთი წელი გავიდა, მარიასათვის კი ისევ პილიმეესი დავრჩი. ზოგჯერ მგონია: მარია ჩემს ნამდვილ გვარს იმისათვის იყენებს, რომ დამარწმუნოს, მთელი ამ ხნის განმავლობაში არაფერი შეცვლილაო... სულელური მეთოდია დარწმუნებისა. კიდევ უფრო დიდი სისულელე ისაა, რომ კონვერტში ფული ჩაუდევს. მარიაზე სამჯერ მეტ ხელფასს ვიღებ თვეში და, ერთ დღეშიც რომ მივახარჯო, სულ ერთია არ დავიღუპები. ოდესღაც მწერლები და პოეტები შიმშილობდნენ... აი, მაშინ იყვნენ, თუ იყვნენ ნამდვილი პოეტები. დღეს კი ყველა მწერალი მდიდარია.

კონვერტი გავხსენი, შიგ წერილი იყო და, რასაკვირველია, ფულიც: ნახევარფაბრიკატების შალაზის ვიტრინასთან ფული გადავთვალე: 16 მანეთია — ათმანეთიანი, ხუთმანეთიანი და მანეთიანი. სწორედ ამ მანეთიანმა დამაფიქრა. მარიას ექსტი მამცნობდა: ხომ ხედავ, მე შენ როგორ... უფრო საწყენი იქნება, თუ ამგვარი რამ სულაც არ ჩაუფიქრებია, უბრალოდ ადგა და, რაც გააჩნდა, უკლებლივ გამომიგზავნა... ასჯერ ვუთხარი, ფული არ გამომიგზავნომეთქი, ათასჯერ! თუ გავუბრაზდი, ჩვეულებისამებრ ტირის და მაშინვე სინანული მიპყრობს. ამ ადამიანს ჩემთვის გადაუღვია თავი... სხვანაირად არ შეუძლია და რა ქნას? როგორ ავუკრძალო... კონვერტს რომ აწებებდა, ალბათ მადონასავით ბედნიერი და სანდომიანი სახე ჰქონდა.

შვილი არა ჰყავს (იქნებ, ორივეს მიგვიძღვის ბრალი?). ბუნების კანონი აკი თავისას ითხოვს... ასეა, უნაყოფო ქალები ხშირად უნაყოფო კეთილშობილებას არიან გადაყოლილნი.

ფული ჭიბეში ჩავიდე. ახლა კი ნამდვილად მდიდარი ვიყავი. გუშინ ხომ ოცდახუთი რიცხვი იყო, გამომცემლობაშიც ავიღე რამდენიმე მანეთი.

რა ვუყო ახლა ამ ფულს? კარგი იქნება, ახალი ქუდი და ფეხსაცმელი ვიყიდო... კი, უსათუოდ ვიყიდი. ხვალვე ვიყიდი! — ვფიქრობდი, მაგრამ თავადაც არ მეჭერებოდა, თვეობით ვერ ვაბამ ხოლმე თავს რამის ყიდვას. ფულის ხარბი როდი ვარ, უბრალოდ, ძველმანები მენანება გადასაყრელად. რატომო, რომ მკითხოთ, ვერ გიპასუხებთ. მომშვიდა. ასეა, სიბრაზე გადამივლის თუ არა, ვმშვიდდები.

რესტორან „Du Nord“-ამდე ასი მეტრიც არ მქონდა გასაველი. ეს რესტორანი ფრანგული სახელის გამო როდი მიყვარს, არამედ იმიტომ, დროთა განმავლობაში, ასე თუ ისე, ნაკლებ რომ შეიცვალა და ძველი კლიენტებიც საკმაოდ შემორჩა.

რესტორნის შვეიცარი რაღაც არ მეცნო. მაღალი, წითური ახალგაზრდაა. შშიერი კაცის იერი აქვს. თევზით თვალები. ასეთი კაცისთვის ფხიზელი კაპიკს არ გაიმეტებს, მთერალს კი, ალბათ, იქით დაგცინცლავს. თუკი შვეიცარი უცნობია, მისი ნაცნობებისა გშურს ხოლმე, მაგრამ ღმერთმა დაგიფაროს და, თუ შეგეჩვია... სამწუხაროდ, ტალინის ყველა რესტორანში ჭრელი ძაღლივით მიცნობენ, არადა, სხვა მწერლები ჩემზე მეტს სვამენ. რესტორანშიაც თვეში ორჯერ-სამჯერ თუ შვეიელი დასალეეად.

ჩეულებსამებრ, მეორე სართულზე აედი და იმ მაგიდას მიუჭექეი, დეკორატიულ ბუხართან ახლოს რომ იდგა. რესტორანში მშვიდდება კაცი, თან ერთი-ორად გსიამოვნებს ოჯახური სიმყუდროვე, გარს რომ გარტყია. თითქოს გამბედაობაც გემატება.

საქმელი შვეუკვეთე. უკრავდა ორკესტრი. მღეროდა კაცი, სმენისა და ხმის ნატამალი რომ არ გააჩნდა.

— უკრავად, შვიძლება დაჯდე? — ჩემს მაგიდასთან ვილაც ყმაწვილი იდგა, ხელში ვეებერთელა ყვითელი პორტფელი ეჭირა. ჭერ არ მინახავს, ყმაწვილი კაცი რესტორანში გატენილი პორტფელით შემოსულიყო. ნება მივეცი, დაჭექეი-მეთქი.

— მაპატიეთ, თქვენ, თუ არ ვცდები, რუბენ ილიმე ბრძანდებით.

— დიახ, — ესეც ასე, თუ ჭაბუკს გადაწყვეტილი აქვს წამიკითხოს საყუთარი ლექსები, უხერხული იქნება ჭამა გავაგრძელო! სწორედ ასეთი ბიჭებია, ალტაცებულნი რომ ამოიკითხავენ ხოლმე სასკოლო ჭრესტომათიდან:

თავად მხცოვანმა დერეჟავინმა მოგვაპყრნა თვალნი
და დაგვილოცა გზა, სამარის კართან მისულმა.

ყმაწვილი ისე მიღიმოდა, თითქოს მე ახალგაზრდა ვიყავი, ის კი ხანდაზმული პოეტი.

— მიირთვით, მიირთვით, ნუ გერიდებათ, ხელს არ შემიშლის.

კოვზი ავიღე თუ არა, ბრაზი მომერია. მე! გესლიანი კაცი, არავის საშველს რომ არ ვაძლევ: გინდაც ღღევანდელი ღღე ავიღოთ: ჭერ რაული, შერე ის მოხუცი, ეკლესიაში რომ... ახლა კი აგერ ვილაც ბალლი გამოტყვრა და — თამამად მიირთვით, ხელი არ შემეშლებათ... და მეც მივეძალე საქმელს.

— ალბათ, გემრიელი კერძია, არა? — ისეე ჩამესმა ყმაწვილის უცნაური ბოხი ხმა. თვალი შვეავლე, სქელლანჩიანი ფეხსაცმელი აცვია კარგი მთამსვლელივით. არა, ელეგანტურად არც მე გამოვიყურები, მაგრამ ასეთი ფეხსაცმლით რესტორანში ნამდვილად ვერ გამოვიჩნდებოდი. ყმაწვილის თვალებში თითქმის ერთდროულად გენიშნებოდა რაღაც სერიოზულობაც და ეშმაკურობაც. ბავშვურობაც და გონივრულობაც.

— თქვენ ლექსებს წერთ? — შვეეკითხე.

— არა.

— მაშ, პროზაიკოსი ხართ?

— ასე ვთქვათ.

ბოლოს და ბოლოს, ვინა ხართ, ანდა რა ეშმაკად შემომიჩნდით-მეთქი, უნდა

მეკითხა, მაგრამ თვალი გაუქსწორე თუ არა, უნებლიეთ სულ სხვა კითხვა დამე-
ბადა:

- ესე იგი, მოთხრობებს წერო. აბა, რაზეა თქვენი ბოლო მოთხრობა?
- თქვენ მართლა გაინტერესებთ?
- რაკი გეკითხებით...
- კეთილი, ჩემი ბოლო მოთხრობა ესთეტსა და ღიზენტერიას ეხება.
- ?! უცნაური გარიგებაა...

ყმაწვილს ახლა ყავა და მინერალური წყალი მოართვეს. მან მეგობრულად ჩაუტ-
რა თვალი მომტანს და ბოთლზე მიკრული ეტიკეტი შეათვალიერა.

— ეს ხომ „ბორჯომია“! მე „ნარზანი“ გთხოვეთ, — უკმაყოფილოდ ჩაილა-
პარაკა მან და ბოთლის შეცვლა მოითხოვა. მის ხნობას კი არა, აგერ ახლაც
კი ვერ შევეთამამები ასე ადამიანს. მომტანმა ბოდიში მოიხადა და წყალი შე-
უცვალა.

— თქვენ, მგონი, უცნაური გარიგებააო, ასე ბრძანეთ, არა? სიტყვა „გა-
რიგება“ არცთუ ზუსტად შეარჩიეთ. ეს სიტყვა უფრო სავაჭრო და დიპლომა-
ტიურ სფეროში იხმარება, — მშვიდად განაგრძო მან.

— გინდ გარიგება დაარქვით და გინდა გაერთიანება, მაგრამ თავისთავად
უცნაურია ორი ასეთი შორეული მცნების ერთ მოთხრობაში მოქცევა... ეს მა-
ინც მითხარით, ესთეტი ავად ხდება ღიზენტერიით და კვდება, ხომ?

— დიახ, დიახ.

— სამწუხაროა.

— სამწუხაროა? რატომ?

— წარმომიდგენია, რა მოთხრობაც იქნება და იმიტომ. დაახლოებით აღ-
ბათ ასეა: ესთეტს საკმაოდ არაესთეტიკური სენი იპყრობს, აგონიაში მყოფი ეს-
თეტი ძალზე ესთეტიურ ზმანებას ჰკერებს და ბოლოს ესთეტი არაესთეტურად
იღუპება... — შევეცადე ეს ყველაფერი რაც შეიძლება ლმობიერად მეთქვა, სი-
ავის გარეშე: ასეთ ახალგაზრდას, არც შეიძლება მკაცრად უთხრა რაიმე. ისე კი,
მართლა მწყინდა, რომ მისი მოთხრობა ასე ზუსტად ჰგავდა იმ უამრავ მოთხრო-
ბას, ახალგაწაფულები რომ თხზავენ: განსაკუთრებით მისი სქემა.

— თქვენის აზრით, ასე აჯობებდა: არის ესთეტი და არის ღიზენტერია, მაგ-
რამ შეუძლებელია ესთეტი დაავადდეს ღიზენტერიით. ჩემი აზრით კი, სწორედ
ასეა, ანდა ასე იქნებოდა ახალბედათა უმეტეს მოთხრობებში, სადაც ესთეტიც
არის და ღიზენტერიაც.

— ?

მშვიდად მოსვა ჭერ ყავა, შემდეგ „ნარზანი“.

— ბრაზილიაში ყავას ასე სვამენ. ყავა ბრაზილიურად, ე. ი. გაზიან წყალთან
ერთად. რაც შეეხება ჩემს მოთხრობას, თუ მართლა გაინტერესებთ და ხელს
არ შეგიშლით, სიუჟეტს მოგიყვებით, — ისევ მოსვა „ბრაზილიურად“ და გა-
ნაგრძო, — არის ვინმე ესთეტი, მოულოდნელად ავადდება ღიზენტერიით. რო-
გორც მოგეხსენებათ, უანალიზოდ შეუძლებელია დიაგნოზის დასმა... მაპატიეთ,
საკმელს მიირთმევთ და... — განაგრძეთ-მეთქი ვანიშნე და არც დაუყოვნებია, —
დიახ, ე. ი. ანალიზი აუცილებელია. ესთეტი არ თანხმდება. ამისი წარმოდ-
გენაც კი ზიზლსა ჰგვრის. მისი ავადმყოფობა შეუსწავლელი რჩება, ესთეტი
ოჯახსაც არ უმხელს თავის უბედურებას, ბოლოს სახლს ტოვებს და ტყეში

გარბის. იქ გაურთულდება სენი და კიდევ კვდება. ეს არის და ეს.

ახალგაზრდამ თხრობა დაამთავრა და სერიოზულად შემომხედა.

— ძალიან უცნაური ისტორიაა, ძალიან... აღარ ვიცი, რა ვიფიქრო: ადანა-შაულებთ თუ არა ესთეტს?

— რად უნდა ვადანაშაულებდე. მე ხომ ეპიდემიური სადგურის მუშაკი არა ვარ.

— ესე იგი, თქვენის აზრით, ყველაფერი კვიანურადაა მოფიქრებული?

— სრულიადაც არა.

— მაშ, რა, ალეგორიაა?

— არა.

— გროტესკი?

— სამწუხაროა, გროტესკის შთაბეჭდილებას თუ სტოვებს, — შუბლი მოისრისა, — თუმცა ამასაც უნდა ელოდო კაცი. ჩემის მხრივ, შევეცადე, მეწერა სრულიად სერიოზულად, ყოველგვარი პარადოქსის გარეშე.

— მაშ, როგორ გავიგოთ ეს მოთხრობა?

— ერთი უბრალო მოთხრობაა.

მომტანი მოვიხმე, ვთხოვე ჩემთვისაც მოეტანა ყავა და „ნარზანი“, მეც მსურდა მომესინჯა ეს „ბრაზილიური“ თუ რაღაც ჯანდაბა. შეენიშნე: ახალგაზრდა ნასიამოვნები დარჩა ჩემი დაკვეთით.

— სხვა არაფერი დაუკვეთოთ. ხომ ვიცი, ისედაც ბევრსა სვამთ, — ეს მითხრა და კვლავაც მეგობრულად გამიღიმა.

— ყმაწვილო, ერთი მიპასუხეთ, რით შემიძლია გემსახუროთ... სიმართლე გითხრათ, არ მესმის... — ეს ვთქვი და გაოფლილი შუბლი მოვიწმინდე. ღმერთმა დალაზეროს, ნუთუ ასეთი უძლური ვარ, რომ ამ პატარა ბიჭმა ამაფორიაქა... აი, მარიას მამა რომ იყო... გაგიხარია, მოიყვანდა ჭკუაზე ამ ყმაწვილს. თან სულ იოლად. მახსოვს, ომის შემდეგ პირველად იყო, რომ ვესტუმრე. მაშინ, ასე ვთქვათ, აღიარებული ახალგაზრდა პოეტი გახლდით. მისალმება და კეთილი მოკითხვა რომ მოათავა და თვალებზე მომდგარი ცრემლიც შეიმშრალა, ჩემი ახალი ლექსებით დაინტერესდა. ხელში წითელი ფანქარი ეჭირა და სტრიქონ-სტრიქონ კითხულობდა.

უმალ წამერთვა ფრონტიდან გამოყოლილი სიამაყეცა და გამბედაობაც. ერთბაშად პატარა, მორცხე მოსწავლეს დავემსგავსე. იგი ჩემზე უფროსი, გამოცდილი და ძლიერი კაცი იყო. ეს ბიჭუკეა კი... სულ ცოტა ჩემზე ორჯერ უმცროსი მანცაა, ჰოდა, პირველი შეხვედრისთანავე მირჩევს — ცოტა სვითო, მეტი ჭამეთო!

— თუმცა არა, შეგიძლიათ დალიოთ. — თითქოს ჩემი ფიქრი გამოიცნო, ისე მომიგო მან. — კარგად ვიცი თქვენი ლექსები. ნება მომეცით, თქვენს პოეზიაზე ზოგი რამ მოვახსენოთ.

— მაშ ლიტერატურათმცოდნე ხართ? კრიტიკოსი?

— თითქმის... ოღონდ არაპირდაპირი გავებით. არა, სტატიებს არა ვწერ. თქვენს მეორე კრებულში სევდიანი, რეზინიაციული, რუხი ფერები ჭარბობს. არა, იმის თქმა კი არ მინდა, თითქოს თქვენს პოეზიას სევდიანი ლექსები სძალავდეს, მაგრამ რამდენადაც ეს უფრო ძლიერი ლექსებია, მხოლოდ ამიტომ შეეჩერდები. დიახ, მომდევნო პერიოდში სევდა მელნისფერი ხდება, ხოლო უკა-

ნასკნელ კრებულში საჩინოა — მღვრიე, ქუჭყიანი ფერები. აი, თუნდაც „ავად-მყოფი დილა“ ავიღოთ — ამ ლექსის კარტოფილისფერი შპალერი თავისებურ ლაიტმოტივადაც კი გვევლინება. ასე არ არის?

სიგარეტს ვერაფრით ვერ მოვუყიდე.

— შესაძლებელია... მაგრამ ფერები შეგნებულად არასოდეს ამირჩევია...

— რასაკვირველია! — შეგნებულად ამას ვერც შეძლებდით, — დამარიგა მან, — მითუმეტეს, თუ კარგი ლექსია. თქვენ ბევრი კარგი ლექსი გაქვთ, სადაც არის ფერი, აზრი... და ეს ყველაფერი ისეა შერწყმული, თუ მაგალითად, ფერს ჩამოაცილებ, მაშინ აზრიც ხელოვნური დარჩება. ეს ხშირად შემიმჩნევია.

— ქუჭყიანი ფერები... მეერ ეს ცუდია?

— ასეთ კითხვაზე პასუხის გაცემა შეუძლებელია, — ფეხსაცმელზე მოშვებული ზონარი შეიკრა და როცა თავი ასწია, შევაძინე, სახეზე სისხლი მოსწოლოდა, — თავი მოგაბეზრეთ, არა?

— რატომ...

— ჩემი საუბარი თუკი მოგბეზრდებათ, გულახდილად უნდა მითხრათ.

— დიახ.

— მაპატიეთ, თქვენი ახლანდელი რეზინიაციებიც კარტოფილის კანის ფერია, არა?

— რეზინიაციები... შესაძლოა. თუმცა არ ვიცი, თქვენ რაღაც რეზინიაციებზე ლაპარაკობთ, მე კი დარწმუნებული ვარ, ამგვარი განწყობილება ჩემში მაინც და მაინც არ უნდა მძლავრობდეს და განა პოეზიის ასეთი ოპერირება პეტისმეტად გართულებასა და ვულგარულობას არ მოასწავებს? თუმცა, განაგრძეთ, განაგრძეთ, კიდევ რა დასკვნა შეგიძლიათ შემომთავაზოთ?

— ჭერჭერობით არავითარ დასკვნას არ გთავაზობთ, — მშვიდად მომიგო მან. — უბრალოდ, მაინტერესებს იმ კავშირის დადგენა, ლექსის ფერადოვნებასა და ავტორის ბიოგრაფიას შორის რომ მოიძიება. სხვა ეგზემპლარებში ასე თუ ისე, მაინც შეინიშნება ერთგვარი კავშირი.

ესე იგი მორიგი „ეგზემპლარი“ ვყოფილვარ! — გავიფიქრე თუ არა ეს, თავი უხერხულად ვიგრძენი.

— საინტერესოა, იცნობთ კი ჩემს ბიოგრაფიას?

— დეტალურად არა, მაგრამ ქვეყნის სხვადასხვა მიზეზის გამოცნობა შეიძლება. უკვე თავისებური კატალოგიც შევადგინე.

— ჩემს ცხოვრებაზე? გამიგონეთ... ეს ხომ ჭაშუშობას... ეს ხომ....

— რამდენადმე ასეცაა, მაგრამ ამგვარი ცნობების შეკრება აუცილებელი იყო. ოღონდ ბოროტად როდი გამომიყენებია. ტალინი პატარა ქალაქია, მწერლები კი არც ისე ბევრნი არიან. რაც შეეხება ცნობებს, ეს ყველაფერი თავისით მოდის და, ყველა წვრილმანს ენდო, ღმერთმა დაგიფაროს...

— კი მაგრამ, ბოლოს და ბოლოს, თქვენი მხრივ ეს უცნაური ჰობია... ასეთი რამით დაინტერესება არცაა საჭირო.

— ჰო, გრძელი ამბავია. საშუუხაროდ, ცოტა დრო დამრჩა. თუკი გაინტერესებთ, ამაზე სხვა დროს ვისაუბროთ. მე ძირითადად მაინტერესებს თუ რა გავლენას ახდენს მწერლის პირადი ცხოვრება მის მიერ აღწერილ სინამდვილეზე. ლიტერატურაში სუბიექტური მომენტის გამორიცხვა თუ შევძელით, მაშინ ბელეტრისტიკის მეშვეობით ეპოქის ერთადერთი უთვალსაჩინოესი სუ-

რათი წარმოგვიდგება. ყველაზე ობიექტური ქრონიკოსიც, ბოლოს და ბოლოს, ხომ ადამიანია, და მან ხშირად თავადაც არ უწყის, ისე აყალიბებს ისტორიას.

— ფანატიკოსი ყოფილხართ.

— დიახ, ალბათ... მაგრამ მერწმუნეთ, ნამდვილად მაინტერესებს ეს პრობლემა.

ახლა კი გამეცინა: ყოჩაღ, ყმაწვილო!

— იცით რა, ცოტაოდენ კონიაკს შევეუკვეთავ. თქვენ არ სვამთ?

— ათასში ერთხელ. ისიც რაიმე განსაკუთრებული მოვლენის აღსანიშნავად.

ჰმ! ისე გამოდის, ჩვენს შეხვედრაში განსაკუთრებული არაფერი ყოფილა.

— მაშ, მე დავლევ, მით უმეტეს, რომ თქვენთან საუბარი ჩემთვის მართლაც განსაკუთრებული შემთხვევაა. მაშ ასე, იმედია, დალევის ნებას მომცემთ. — კონიაკი შევეუკვეთე.

— მერედა, გჭერათ, რომ შესაძლოა სუბიექტური მომენტის გამორიცხვა?

— ეს შესაძლებელია მხოლოდ იმ შემთხვევაში, თუკი ხელთ გვექნებოდა სრული ინფორმაცია ბიოგრაფიაზე, თუკი ტემპერამენტის განმსაზღვრელ სპეციალურ ცდებს ჩავატარებდით... სხვათაშორის, ამგვარი ცდა ჭერაც არსად ჩაუტარებიათ, და თუ ყველა ამ მონაცემს შემოქმედებასთან შევაპირისპირებდით, ხოლო შედეგს სტატისტიკური მეთოდით განვაზოგადებდით... — განმიმარტა მან.

— ბიოგრაფია ბიოგრაფიაა... მთავარი ისაა, რომ ადამიანის ხასიათს ერთი შეხედვით წვრილმანი მოვლენებიც კი აყალიბებს.

თუნდაც ბავშვობის მოგონებები, დიდი ხნის წინათ, მაშინ ოთხი თუ ხუთი წლისა ვიქნებოდი, ზაფხულის ერთ საღამოს ჩვენი ეზოს კიშკართან ვიდექი. ჩვეულებისამებრ ამ დროს უამრავი ხალხი ირეოდა ქუჩაში. ახლა კი არავინ ჩანდა. ქუჩის ბოლოში კუზიანი დედაბერი შეენიშნე. უცაბედად ამოიზარდა ჩემს თვალწინ. მხარზე დიდი ტომარა მოეგდო. სწორედ რომ ზღაპრულ ჯადოქარსა ჰგავდა. ჩამავალი მზე ენთო, დიდი და წითელი, მეწამული. კუზიანი დედაბრის ჩრდილი გრძელი იყო და შავი, და როცა დედაბერმა წინ ჩამიარა, ჩრდილმა წამით დამფარა, გადამველო და უმალ ისევ შემომანათა მზის თვალის-მომპკრულმა სხივებმა. იმ დღიდან მოყოლებული, სამუდამოდ ჩამრჩა მესხი-ერებაში კუზიანი დედაბერი, მხარზე მოკიდებული დიდი ტომრით, კუზიანი ქალი... ახლაც თვალწინ მყავხ. მაშინ ალბათ, იმ ზემგრძნობიარე სუფთა ფოტოფირსა ვგავდი, ეს სურათი სამარადიამოდ რომ აღბეჭდა... მწამს ასეთი წვრილმანების არა მარტო უდიდესი მნიშვნელობა, არამედ საოცარი ზემოქმედებაც ადამიანის ხასიათზე...

— შავი და ნარინჯისფერი! ეს ორი ფერი ხომ მუდამ შეხამებულია თქვენს ლექსებში! შავი და ნარინჯისფერი... მართლაც საინტერესოა, დიკატო... დიკატო, ეს ფერები ხომ მიმიკრიაშიც ხშირად ერწყმის ერთუროს: გველები. კრახანები, ზელოცები და ა. შ. — აშკარად ღელავდა ყმაწვილი, უბის წიგნაკი ამოიღო, რალაც ჩაიწერა, მერე კონიაკი მოსვა. მაშ, უკვე მოუტანიათ კონიაკი, შურით შევეყურებდი ამ ბედნიერ ახალგაზრდას. უკვე მომწონდა კიდეც, დუმილი ჩამოვარდა.

— კეთილი, დავუშვათ, ჩემი პირადი ცხოვრება სწორად არ წარიმართა: ვიმეორებ — დავუშვათ. როგორ გგონიათ, არსებობს ფერი, რომლის წყალობითაც ამ ეგრეთწოდებულ რეზინიაციულ განწყობილებებს სასურველ კოლორატურაში მოვაქცევდი?

— საქმეც იმაშია, რომ იშვიათია ასეთი ფერები. აი, თუნდაც კარტოფილის ჯანის ფერი უთუოდ ერთ-ერთი უკანასკნელი უნდა იყოს, — ამხსნა მან და „ბრაზილიურად“ მოსვა ყავა. კონიაკი გავსინჯე, მომეწონა, ნამდვილი ქართული კონიაკია.

— ბოლოს და ბოლოს, რას იტყვით ჩემს ლექსებზე? — მეტისმეტად მშვიდად შევეკითხე, მაგრამ აშკარა იყო, ვლელავდი პასუხის მოლოდინში. ალბათ, მისი პასუხი მაინტერესებდა და იმიტომ.

— რუბენ ილიმე, თქვენ ქემშარიტი პოეტი ბრძანდებით, ნამდვილად ასეა, ხოლო თუ ახალგაზრდობა თქვენი პოეზიით არაა აღტაცებული, დამერწმუნეთ, ეს ფორმის კონსერვატიულობის ბრალია. ისე კი, ვიმეორებ, კარგი პოეტი ბრძანდებით. თუმცა, ერთის მხრივ, უცნაურია; თქვენს პოეზიაში ისმის, იცით, მე ვიტყვოდი, ადრეული რენესანსის სულთქმა... გელიძებთან, მე კი მგონია, სწორედ ეს სულთქმაა თქვენი ძალა...

— სიმართლე გითხრათ, ადრეული რენესანსისა ბევრი არაფერი გამეგება, არა მგონია, რომ...

— დიახ, მჯერა, მჯერა. ალბათ, ასეა, თქვენი განათლება არ არის სრულყოფილი. აი, შეისწავლეთ, გამოიკვლიეთ, თუნდაც ჭოტო, მაზაჩო, განსაკუთრებით ფილიპო ლიპი. ვფიქრობ, მოგეწონებათ.

ჯიბეში ხელი მოვიფათურე, ცხვირსახოცი მოვძებნე. ვაი თუ ჭუჭყიანი იყოს-მეთქი, გავიფიქრე, მაგრამ რას ვიზამდი, კვლავ გამოიფლიანდა შუბლი. ცხვირსახოცს სიგარეტი „ჩესტერფილდი“ მოჰყვა.

— „ჩესტერფილდი“! მაპატიეთ, შეგიძლიათ მაჩუქოთ? იცით, დიდი ხანია ვაგროვებ. რა ჭურის სიგარეტი გინდათ, რომ არ ნახოთ ჩემს კოლექციაში. ჩემის მხრივ უცნაური ინტერესია, არა?

რა უნდა მექნა, ვაჩუქე.

— ალბათ, ინგლისიდან ჩამოიტანეთ, ამ ცოტა ხნის წინათ ხომ ინგლისში იმყოფებოდით, კარგია შორეული მოგზაურობა.

დავიძაბე: ერთხელ ვილაცამ მითხრა, მწერლები სახელმწიფოდან სახელმწიფოში იმიტომ მოგზაურობენ, რომ შემდგომ მოიბოდიშონ, აქაოდა წერისათვის დრო არ გვრჩებაო. ზოგიერთ მწერალს საგანგებოდ უქმნიანო ასეთ შეღავათებს. კაბუციის მზერაში სარკაზმის ნასახიც ვერ შევნიშნე.

— დიახ, თქვენს ლექსებს ცხადლოვ ატყვია ადრეული რენესანსის ნიშნები, — განაგრძო მან. — რალაც უწმინდეს წყურვილს შეუწყრიხართ, ფაქიზ სურვილებს გაუტაცინხართ თითქოს, მერედა, ეს ისეთი ლამაზი, ბავშვური სურვილებია, რომ... თქვენს „ლამის სურათებში“ სამიკიტნოს სევდა თარეშობს. ღამეებიც ისეთია, რომ გრძნობ... მაპატიეთ და, სანაგვე ურნების, ბადრიჯნისა და პამიდურის ნაფტკვენების სიახლოვეს, შეიძლება ფეხიც დაგიცდეს... და ყოველივეს სათუთ და კვირვალ იდეალთა ბურუსი ახვევია... დიახ, სწორედ ადრეული რენესანსის მხატვრებს შეეძლოთ ასე ნაზად გამოესახათ მაღალი სურვილი. თა-

ნამედროვე მხატვრებიდან მსგავსი რამ სარაპუს* შემოქმედებას თუ მიესადაგება.

კონიაკი მოვსვი. გვერდით მაგიდას თვალებმომხატული გოგონები უსხდნენ. ცნობისმოყვარე მზერას არ აცილებდნენ ჩემს თანამოსაუბრეს. ის კი ყურადღებას არავის აქცევდა. ამ : კოლს ვერც რამეში დავეთანხმები და ვერც რამეში შევედავებოდი. ეს კი ჰეგონა, თითქოს ვილაყამ სულხორციანად გამაშიშვლა-მეთქი.

— თუ თქვენ მართალი ხართ, მაშინ რა გამოდის, ასევე უნდა განვაგრძო წერა? — ისე ვკითხე, ახალგაზრდა პოეტი რომ ჰკითხავდა გამოცდილ კონსულტანტს.

— ყველამ თავად უნდა აირჩიოს გზა და მიმართულება. ჩემის აზრით, გზა, რომელსაც თქვენ მიჰყვებით, სულ მალე დასრულდება, ისლა დაგრჩენიათ, რომელიმე მომიჭნავე მიმართულებას მიემხროთ, — სწორედ ამას ვშიშობდი, არ ეთქვა და აკი მითხრა.

— პო. მართლა, თქვენ გეორგოს სეფერიისის პოეზიას თუ იცნობთ? 1963 წლიდან ნობელის პრემიის ლაურეატია, — მკითხა.

— არა, არ ვიცნობ.

— სასურველია გაეცნოთ, მგონი, თან უნდა მქონდეს მისი რამდენიმე ლექსი. — პორტფელი გახსნა; განძთსაცაე ყუთსა ჰგავდა ახლა ის პორტფელი.

— აი, თუნდაც ეს ლექსი — „ცისტერნა“ — შეგიძლიათ წაიკითხოთ.

როგორც შევნიშე, რამდენიმე ეგზემპლარი ჰქონდა.

— იცით რა, აქ ნუ წაიკითხავთ. თუ შეიძლება, ერთი ეგზემპლარი მაჩუქეთ, აი. თუნდაც „ჩესტერფილდის“ სანაცვლოდ.

გამეცინა. ყმაწვილს კიდევ მოეწონა ჩემი წინადადება. მით უმეტეს, როცა გაიგო. შინ ბლომად მქონდა ინგლისური სიგარეტები და, ამრიგად, გაცვლის პერსპექტივა წარმოიღვინა.

— პატივცემული რუბენ, ყველაზე მეტად თქვენი ცხოვრების ის მონაკვეთი მაინტერესებს, 1948 — 1951 წლებით რომ იფარგლება. ჩემს კარტოთეკაში ეს ძალზე საკოქმანო წლებადაა მონიშნული.

— როგორ გითხრათ... მძიმე დრო იყო, — უზომოდ აფფორიაქდი.

— როგორც გენებოთ, — საათს დახედა, — დღეს ისედაც ბევრი დრო დაგაკარვინეთ. თუ გნებავთ, დამირეკეთ, — ეს მითხრა და ტელეფონის ნომერი გამომიწოდა — 27522, ინდრეკ ლეპისი.

— კი, აუცილებლად დაგირეკავთ.

ყმაწვილი წამოდგა, მეგობრულად დამიკრა თავი და გასასვლელისაკენ გაემართა.

ისევ მარტო დავრჩი. ორკესტრანტების შესვენება დამთავრებულიყო. რალაც დაუკრეს. ის ხმაჩახლეჩილი მომღერალი ახლა ლურჯ ჩიტებზე მღეროდა. წყვილები საცეკვაოდ მიიჩქაროდნენ. ვილაც მთვრალი კაცი თვალებში ისე ჩაშტერებოდა თავის მეწყვილეს, ვარდისფერკაბიან ხანშესულ ქალს, თითქოს ის მართლაც ლურჯი ფრინველი ყოფილიყო — თუმცა ვინ იცის, იქნებ ასეცაა, ლურჯი ჩიტებიც ხომ ბერდებიან. ახლა კი ქალებს უნდა გამოეხმობთ მამაკაცები. ერთი თვალბემომხატული ქერთამიანი გოგონა წამოდგა და საცეკვაოდ გამიწვია. რა-

* ლ ე მ ბ ი ტ ს ა რ ა პ უ — ესტონელი მხატვარი-პეიზაჟისტი. დაიბ. 1930 წ.

ტომაც არა? მართალია, ახალგაზრდა არა ვარ, მაგრამ გულისამრევ შთაბეჭდილებასაც არ უნდა ვტოვებდე. ამათთვის, რაც არ უნდა იყოს, უცხო ხილი ვარ. საცეკვაო მოედნისაკენ გავემართეთ. გოგონას ბავშვური იერი დაჰკრავდა, რაღაც უცნაური საღებავით გადაეღება წამწამები. წამით მის მიმართ უჩვეულო სინაზე ვიგრძენი. ვინ იცის, მისი მცირე ხელფასი ამ საღებავებს, კოსმეტიკასა და საკაბეებს მიაქვს-მეთქი. ალბათ, ცხოვრებაშიც არაერთი უსიამოვნება შეხვედრია... და ახლა ცდილობს ნამდვილი, ღირსეული და ერთგული მამაკაცი იპოვნოს... ეჰ, გოგონებო, გოგონებო! ღმერთმაც ქნას, ყველაფერი კარგად და ლამაზად აღსრულდეს!

— ოჰ, თქვენ თურმე შესანიშნავი მოცეკვავე ყოფილხართ, — ყასიდად მითხრა მან.

— ნუთუ? სამწუხაროა...

— რატომ?

— თქვენის აზრით, ვინაა ცუდი მოცეკვავე? ის კაცი, ვისაც გოგონასათვის ხელის მოხვევა ვერ გაუბედნია, ხომ? სწორედ ასეთი კაცია ყველაზე ლამაზი და ღირსეული. სანაქებოა მისი ცეკვა.

— ამით ის გინდათ, მითხრათ, გამოცდილი კაცი ვარო? — მრავალმნიშვნელოვნად გამიღიმა ქალიშვილმა. გადავწყვიტე მაგიდასთან მიმეწვია, მაგრამ მაშინვე გადავიფიქრე და, ცეკვა დამთავრდა თუ არა, ქალიშვილი თავის მაგიდამდე მივააცილე.

მომტანს ანგარიში გავუსწორე და წამოვდექი. „კოქტილის დარბაზი“ უნდა გამეგლო. იქ რამდენიმე კაცი იჯდა. კიბეზე დავეშვი. ხალიჩა ახშობდა ნაბიჯების ხმას. ყოველთვის, როცა ამ კიბეზე ჩამოვდივარ, რაღაც უცნაური გრძნობა მეუფლება. ამბობენ, როცა კაცი მორევში იხრჩობა, სიკვდილის წინ გონებაში მთელი წარსული გაურბენსო. ასეთივე მორევად მოჩანს ეს კიბე. ამ კიბეზე რომ ჩამოვდივარ, თითქოს საკუთარი სხეულიდან გამოვდიოდე და გვერდით მიმავალ რამდენიმე რუბენ ჰილიმეეს ვხედავდე ცხადლივ.

...თხრილის კიდეზე გაწოლილ ბიჭს თვალები ოდნავ მოუჭუტავს და ლილისფერ ცას გაჰყურებს. ზუზუნებენ კრაზანები, ირგვლივ საოცარი ფერებია, ხავსმოძებულ, ქვითკირის ღობეს ნესტიანი, ძლივს საგრძნობი სუნი აულის. ბიჭი კი მაინც უბედურად გრძნობს თავს — ხუმრობა ხომ არაა, მის თანატოლებს ყველას ამოუვიდა ფეხებზე თმა, მას კი არა! ბანჯგვლიანი ფეხები ხომ დავაჟაკეების ნიშანია. გოგონებს ალბათ ბანჯგვლიანი ფეხები მოსწონთ (არადა ბიჭის გულში „გოგონები“ კარგახანია „ქალებად“ ჟღერს...). არა უშავს, მალე მისი ფეხებიც გაიბანჯგვლება! არავითარი ცხვირის ჩამოშვება! ის კი არა, შეუძლია იამაყოს კიდეც — მას ხომ ბევრი რამ გაეგება ცისა და ფუტკრის... მას შეუძლია ფუტკრის შრომას თვალი ადევნოს მისივე სკიდან... მის თანატოლებს შეუძლიათ ეს? არა, არ შეუძლიათ, ე. ი. ადრე თუ გვიან ის დაწერს წიგნებს... წვეს ბიჭი თხრილის კიდეზე... ო, რა ამაყი ბიჭი!

...აგერ მეორე რუბენი მოაბიჯებს, თვითდაჯერებული და ამაყი რუბენი... გიმნაზიის გამოსათხოვარი საღამო...

...აი, კენიგსბერგში მორკინალი რუბენი, დაჰრილი რუბენი, ფრჩხილებით მიწას რომ ჩაჰფრენია. მარჯვენა მხარეში ჩამჭდარი ტყვია ისე გტეხავს, თითქოს თევზის ძვალი გაგჩხეროდეს ყელში. გრძნობა და ფიქრი, რომ საცაა მოკვდები...

...აგერ მარიას მამის წინაშე წარმდგარი, შშიშარა და მორცხვი რუბენი.
...და ისევე ვხედავ დალლილ რუბენს, ჩემ გვერდით რომ მოუყვება საფეხურებს, საკუთარი თავიც მობეზრებია, საყვარელი და თან საზოხლად სენტრემენტალური რუბენ პილიმეესი.

როცა ამ კიბეზე ჩამოვდივარ, არ იქნება, ერთი სეველიანი მოგონება არ მომეძალოს. ეს მოხდა ჩვიდმეტი წლის წინ, აქ „Du Nord“-ში, აი აქ, ამ კიბეზე

— რუბენს გაუმარჯოს! — ალექსანდრე (ახლა შევიცრობით რომ ირჩენს თავს) სწრაფად წამოდგა, სკამი მომაწოდა და მთხოვა, მასთან დამეჭდარიყვი.

— შენ რა? დღეს რაღაც უჩვეულოდ თავაზიანი ხარ.

ალექსანდრემ ნათქვამს ყურადღება არ მიაქცია და ჟურნალ „ლომინგის“ ახალი ნომერი გამომიწოდა.

— ყოჩაღ, რუბენ! — იშვიათად ვწითლდები ხოლმე. ახლა კი ნამდვილად ავილევწე.

— ნუ გეწყინება, რესტორანში რომ კვითხულობ, ძალიან დამაინტერესა და...

„ლომინგის“ ახალი ნომრის გამოჩენას 1940 წლიდან მოყოლებული მუდამ მოუთმენლად ველოდი ხოლმე. ამ ჟურნალში გამოქვეყნდა ჩემი პირველი ლექსები. იმ ხანად მარიას მამა, დოქტორი კარიკი, დაატარებდა ჩემს ლექსებს რედაქციაში, იქ მისვლა მერიდებოდა.

ჩემი ლექსი როგორც კი დაიბეჭდებოდა, ჟურნალის ათ-თხუთმეტ ეგზემპლარს ვიყიდდი, მაგიდაზე დავიწყობდი, ყველას ერთად გადავშლიდი და ვთვრებოდი საღებავის სურნელით. ახლა კი...

— არ მეგონა „ლომინგს“ თუ კითხულობდი.

— როგორ თუ არ კვითხულობ, ომის დროს ხომ მეც ვწერდი.

გამახსენდა, საფრონტო ვაზეთში ალექსანდრემ მართლაც დაბეჭდა ორ-სამჯერ რაღაც-რაღაცები.

ახლა უფრო იმას ვფიქრობდი, აგრე რამ აღაფრთოვანა ეს კაცი, ასე რამ გაახარა-მეთქი დღეს. ჩემი ლექსები ხომ ხშირად იბეჭდებოდა... მგონი, ალექსანდრეს ლიტერატურულ პოლიტიკოსად მივაჩნივარ.

აქ დარჩენას სულაც არ ვაპირებდი, მაგრამ ალექსანდრემ მომტანი მოიხმომო. ჩემთვის ჰქია მოატანინა და რაღაც მოყვითალო სასმელით შემივსო. ოჰ, სმა!.. სმა კი მინდოდა.

— ყოჩაღ, რუბენ! — გაიმეორა ალექსანდრემ, მერე ჟურნალი გადაფურცლა და ჩემს სტატიაზე მიმანიშნა. „რუბენ ილიმე ლიტერატურული კოსმოპოლიტიზმის წინააღმდეგ“...

შეეძლოთ უკეთესი ქალაღი შეერჩიათ...

ჰქია გამოვცალე. ალექსანდრემ კვლავ შემივსო.

— იცი რა, რუბენ? შენთან ერთი სათხოვარი მაქვს. ომის დღეებზე ორი პატარა მოგონება დავწერე, იქნებ წაგვეკითხა და რამე გერჩია.

— სიამოვნებით, რატომაც არა, — ვთქვი და ერთიც გადავკარი. ჟურნალის ნომერი დღეს ალბათ მარიას მამის საფოსტო ყუთში დევს. მალე მარია ოთახში შეიტანს და... დოქტორი კარიკი ჟურნალს გადაშლის, დიდი ინტერესით ჩაიკითხავს. თუ რას ფიქრობს რუბენ ილიმე ლიტერატურულ კოსმოპოლიტიზმზე... და აქაც საკუთარ გვარს წააწყდება. ახლავე პიკის ქუჩაზე რომ გავიქცე, დერე-7. ენ ვეტებაა

ფანში შევირბინო და დოქტორ კარიკის საფოსტო ყუთიდან ჟურნალი მოვიპარო?

ალექსანდრე რაღაცას ლაპარაკობს. კიდევ გამოვცალე ჭიქა. ჩვენს მაგიდას ვილაც ახალაგზრდა ქალი მოუახლოვდა. ალექსანდრემ მამინევე გამაცნო. ამ ქალს უზომოდ მოუშიშვლებია მკერდი. საცეკვაოდ გავიწვიე. ფაშფაშა, თბილი და ვნებიანი ქალია. ვცეკვავთ. როცა კი ქალი დეკოლტეს შიგნით წაიღებს ხელს ბიუსტ-ჰალტერის სალტეების გასასწორებლად, ჩვენი ხელები ერთმანეთს სცილდება. შემდეგ ისევ ერთდება და ასე მეორდება მრავალჯონი. ჰოი, ეს მისტიური სალტეები! სხვადასხვა ფერისა.

— თქვენი მიუღწევე ილუზიონისტია? — კითხე ქალს. მან გაიღიმა და... ღმერთო, მიწველე, კვლავ დასცილდა ერთუროს ჩვენი ხელები.

ცეკვას რომ მოვჩჩით, მე და ალექსანდრე ტუალეტში შევედით. იქაც ლიტერატურაზე მელაყებებოდა, მე კი უნიტაზს მიეჩერებოდი და ვგრძნობდი, საცა იყო გამომათხიზლებდა ბრაზი.

— სწორედ ამგვარი სტატიით უნდა დამკვიდრდეს ლიტერატურაში კაცი, რუბენ! ამით უნდა დაიწყოს.. შენსავით რომ მესმოდეს ლიტერატურა!.. დიდი მარაგი გაქვს, რუბენ. სხვა თუ არაფერი... კარიკის პირადად იცნობდი, მისი მოწაფე იყავი...

ტუალეტის კედელზე ვილაცას მიუფხაქნია „LOLL“, იქვე კი ფანქრით მიუწერიათ „Sam durak!“.

— ამგვარი სტატია, დასაწყისი კი არა. აღსასრულია პოეტისა, ჩემო ალექსანდრე.

— ესეც სწორია, ნამდვილად. — მომიგო მან და მიეხვდი, ამჭერადაც ვერაფერი გაიგო.

დარბაზში დავბრუნდიო. მაგიდას მიუჭყქით, ისევ თვალი დავადგი „ლოომინგს“, დასანახავადაც აღარ მინდოდა. მით უმეტეს, ზედ „ბენედიქტინი“ დაღვრილა. ხელში ავიღე, გავშალე და გადავხიე.

— ე, ე! რას აკეთებ! საკუთარ სტატიას ხევ? — ბავშვური გულუბრყვილობით შემომძახა აღმფოთებულმა ალექსანდრემ. კითხვის ნიშანსა ჰგავდა მისი კეხიანი ცხვირი და მოკუმული ტუჩები.

— სჯობს გვიან, ვიდრე არასდროს!

— რა გემართებათ? რაშია საქმე? — შეწუხდა ახალგაცნობილი ქალიც და მაჯაზე ხელი წამავლო.

— იცით, რას გეტყვით? უკეთესია, თქვენს სალტეებს მოუაროთ.

— მთვრალი ხარ, რუბენ. ეს მართლაც მაგარი, ნაღდი სტატიაა, ჩემმა მზემ.

— კარიკის ნკა თითი მეტი პატივისცემის ღირსია, ვიდრე ჩვენ, ორივენი!

— რუბენ, კედლებსაც ყური ასხიათო, ხომ გაგიგონია!

მივიხედ-მოვიხედე, ყველა ჩვენ მოგჩერებოდა.

— არა, სიმართლე გითხრა, კარიკი წმინდა წყლის კოსმოპოლიტია. ამის დამადასტურებელი საბუთი გვაქვს. უცნაურ რამეებს ჰყვებოდა ხოლმე, და საერთოდ...

— და საერთოდ, შტერი ხარ. ალექსანდრე!

— უმანკო კრავი არ გეგონოს, ერთ ღროს გერმანელებსაც ელიქნებოდა, —

ხმას აუწია ალექსანდრემ, — მისი ნაწერები აქი ბერლინში დაიბეჭდა...

— მერე რა, ის ლესინგის კომენტარები იყო, შენ ამისი რა გაგეგება?

— მაგნაირი ლესინგებიც ვიცით.

— არაფერიც არ იცი.

— რომელი ანგელოზი ეგა მყავს? ხომ ხედავ. ტვინი აგირია... ისეთი კაცი გამოგიყვანა, რომ..

— მაინც, მაინც როგორი? — მოთმინებიდან გამოვდიოდი, წამოვდექი თუ არა, ალექსანდრემ ხელი გადამხვია. იფიქრა, მთვრალია და ეს თავაზიანობად ჩამეთვლებოდა.

— ხელი გამიშვი, უშენოდაც კარგად გავივლი! — კიბეზე შევედექით. ალექსანდრემ ისე ახლო მომიტანა ცხვირ-პირი, ცხადლივ ამოვიკითხე მასზე აღბეჭდილი ბოროტებაცა და დაბნეული ლიმილიც. ასე ილიმებიან ცირკის არენაზე ძალით წაქცეული ნიკიერი კლოუნები. არა, არა! თავს შევიკავებ, არ დაეარტყამ! ესლა გავიფიქრე და მთელი ძალით ვთხლიშე. მისი დანახვა აღარ შემეძლო. ხელი კეხიანი ცხვირის ძვალზე მომიხვდა, მაგრამ ალექსანდრე რისი ალექსანდრეა, თუ დაიბნა. ჩემი ხელი უმალ ბეჭებზე მოიქცია და... საშინელი ტყვილი... წონასწორობა დაეკარგეთ, კიბეზე ბურთივით დავეგორდით. გრძელი კიბეა. ალბათ ნეკნები ჩამემტვრეოდა. იღბალი, რომ ორნი ვართ, ადვილად გადავარჩი. ალექსანდრე წამოდგა.

— ინანებ! კაცი არ ვიყო თუ არ განანე კარიკის ფეხისგულების ლოკვა!..

ცხვირიდან სისხლი სდიოდა. მოულოდნელად ვილაცამ მხარზე ხელი დამადო. მოვბრუნდი, სკოლის ამხანაგი — არვო დაეინახე. ჰმ! არვო! დღემდე ვერ გამიგია, როგორ გახდა ექიმი, თანაც ნევროპათოლოგი.

— ახლავე ჩემთან წამოხვალ, რუბენ! — ხმადაბლა მიბრძანა მან, — ნუ შემესიტყვები, ხომ ხედავ, კაპიკია შენი ნერვების ფასი, — არვოს მშვიდმა მზე-რამ თანდათან გამომაფხიზლა და გაუგებრად წავიბუტბუტე:

— გამადლობთ, არვო... არა, დღეს ვერ წამოვალ შენთან... არა, არვო.

დიახ, არც მეორე დღეს წავსულვარ კლინიკაში. მეორე დღეს ალექსანდრესთან მივედი, ზარი დავრეკე.

— მაპატიე, გუშინ ის შენი გოგო მომეწონა და გამოვტვრედი... სულ იმის ბრალია... ხდება ხოლმე, უნდა მაპატიო, — ვუთხარი.

ალექსანდრეს ცხვირი გალურჯებოდა. სარკეში ჩაეხედე. ოჰ, რა საზიზღლად გამოვიყურებოდი! პირუტყვის სახე მქონდა, იმ პირუტყვისა, ოთხივე ფეხით ხატანგში რომ გაბმულა და მოახლოებული მონადირის ნაბიჯები ჩაესმის. შესასვლელში უწესრიგობა მეცა თვალთ. აგერ, კართან ხის სოკო გლია, ზედ ძირ-გამოხეული წინდა წამოგებული. იქვე მიუყრიათ ტალახიანი ფეხსაცმელები. რამდენიმე წუთის შემდეგ სასაუზმეში ვისხედით და ვსვამდით.

მიხაროდა, სტატია ბოლომდე რომ არ წამიკითხავს. რედაქტირებული ძლივსლა ვიცანი.

აი, რა მაგონდება ყოველთვის აქ, „Du Nord“-ის კიბეზე ჩამავალს.

— კეთილი, მაშინ ეს ნამცხვარი მომაწოდეთ!

ძალიან მეცნობა ეს მოხუცი, „Du Nord“-ის ბუფეტში ნამცხვარს რომ ყიდულობს.

— ო, ო... როგორც იტყვიან, კვლავ შევხვდით ერთმანეთს! — ეს მოხუცი ხომ კაფე „პარიუში“ გავიცანი.

— ყმაწვილო, თქვენ რა, მთელი საღამო რესტორნებში დახეტიალობთ? სამწუხაროა... ჩემს ნათქვამზე არ გიფიქრიათ? აი, ნიჟარაზე გეუბნებით, პა? მაშ, არ გიფიქრიათ. სამწუხაროა... ნიჟარის ფილოსოფია პირველ კურსზე უნდა შეგესწავლათ. მეორე კურსზე კარუსელის ფილოსოფიაა... თუმცა ეს თქვენთვის ნაადრევია. — მოხუცმა თავისებურად ჩაიხიბხითა და პირისახეზე დაფენილმა ღიმილმა ნაოკები მიმოფანტა.

მსწრაფლ გავეცალე.

ქუჩაში სიწყნარეა. ქარი ჩამდგარა, არ წვიმს. ღამეა... არა უკუნი, არამედ ჰაეროვანი. პირბაღე ჩამოპბურვია ქალაქს. ვარსკვლავები... ვარსკვლავები. სიგარეტს მოვუვიდე. აგერ სიცილ-კისკისით ჩამიარა წყვილმა. როგორ ეტყობათ, ახალგაზრდები რომ არიან. საშინელია სიბერე. მალე ორმოცდაათისა გავხდები. მე ასე ველარასოდეს გავიციებ. ადამიანებს სიბერე ისე არა ჰკლავს, როგორც შური ახალგაზრდობისადმი. დიდი ხანია ამ აზრისა ვარ, დიდი ხანია, მდოგვისფერი შურით ვივსები, როცა გავყურებ პიკის ქუჩაზე მიმავალ გოგონებს. მესმის სიბერის დაქანცული ნაბიჯები... მას გაცვეთილი კალწები აცვია... ხელში ნამცხვარი უჭირავს...

რესტორანში დავბრუნდი, მოხუცი წასულა. ბუფეტში ერთი ბოთლი „რისლინგი“ ვიყიდე, მებუფეტემ ბოთლს იარლიყი შემოაცალა; აქედან გატანა ხომ აკრძალულია. ისევ ქუჩაში ამოვყავი თავი. ინდრეკი გამახსენდა. ვფიქრობდი მის ახალგაზრდობაზე, სიგარეტის კოლექციასზე. ფერთა უცნაურ თეორიებზე. ოპ, როგორ მშურდა მისი, მშურდა...

1948 წელი. პე! აი, თურმე რა გაინტერესებთ, ყმაწვილო. კარგად მცნობია ეს სიმპათიური, კვიანნი, დედის ნებიერა ბიჭები, სტუდენტურ კაფეებში რომ სხედან. სიგარეტს აბოლებენ, სეფერისსა და კაფკას კითხულობენ, კამათობენ... ხან 1948 წელი აინტერესებთ, ხან კიდევ რომელი... სულ ერთია, ვერაფერს გაიგებენ გარდასული წლებისას, რადგან... რადგან იმ წლებში არ უცხოვრიათ.

კატალოგი... საინტერესოა! ნეტავი კატალოგში როგორ გამოვიყურები, ალბათ იმ კაცსა ვგეგვარ, კრებაზე წუთის წინ გადაწოდებულ ქაღალდს რომ კითხულობ... ანდა იმ ბავშვს, საპაერო ბუშტი რომ გაუსკდა და უნდა უთანაგრძნო...

სინამდვილეში უფრო რთულად იყო საქმე: შიში, რწმენა, იჭვი, სურვილი... ეს ნებიერა ბიჭები კი ყველაფერს ასე ხელაღებით უარყოფენ. ჩემი მარტოობაც არაფერს ნიშნავდა... იყო მანქანა, უცნაური. მომართული მანქანა. იყო ბორბალი, სამუშაოებს თუ არ შეასრულებდა, ავტომატურად შეეცვლიდნენ. ჩემს ადგილზე იქნებ სხვა უარესი მოხვედრილიყო, მაგრამ არავის გამტყუნება არ შეიძლება... არავის!

კაცმა თუ ქვრზე თავი ჩამოიკონწიალა, ხელი უნდა გაამტყუნო — თოკი რად ვადმოჰკიდიაო? თვალის დაადანაშაულო — ლურსმანს რად მიაგნოო და ტანიც — თოკი რად დაქიმაო? ყველა ერთადაა დამნაშავე, ცალ-ცალკე კი — არც ერთი... ასე რომ, ხალხიც ერთიანადაა დამნაშავე...

მინც კარგები არიან ახალგაზრდები. გვიან დაბადებას უნდა უმადლოდნენ მხოლოდ... (ჭერჭერობით ასეა.) ზოგჯერ კი მაბრაზებენ. მაგრამ მინც მახარებენ და უცნაურია, ხშირად მერიდება კიდეც მათი. თავად არ ვიცი. რა მიზეზით. მაგრამ მერიდება კია.

არა, რატომ არ უნდა წავიდე მარიასთან? მით უმეტეს. სამი კვირაა არ მიხახავს. თვალწინ დამიდგა სამზარეულო. აი, შევდივარ: იგი მებუტება. მინც და მინც სამზარეულოში უნდა დალიოო?! არ ვუსმენ, ბოლოს მეთანხმება და ჩვეულებისამებრ მოაქვს ბროლის მალაყელიანი წყვილი ქიქა, სამზარეულოში შემოდის და გვერდით მიჭდება. ჭერ გაზქურას ვანთებ (ვაზის შიშინი მიყვარს ძალიან), მერე ჭალს ვაქრობ და მაგიდაზე დადგმულ ღამის ნათურას ვრთავ...

აი, მარიას სახლიც. რამდენჯერ დამსიზმრებია: თითქოს დერეფანში დავიყარე და ქუჩაში გასასვლელი ვერ მიპოვნია. ეამდაკარგული სახლია. დერეფანში საყვარელი სუნი ტრიალებს. ჩემს ფერხთით კატამ დაიკნაულა. ვერ ვიტან კატებს. ის კი არა, მეზიზღება! რატომღაც მჭერა, მათაც ვეზიზღებით ჩვენ, ადამიანები. აი, ორი ათასი წელია ჩვენს ქერქვეშ უღვეთ ბინა, ტყიდან გამოექცნენ შიმშილს. კი, ნამდვილად ვეზიზღებით კატებს. მათ თვალში გოლიათები ვართ, უბალნო, როხროხა, მდიდარი გოლიათები. განა არ ხედავენ მუდამ რომ ვეზიდებით საიდანღაც თევზს, რძეს, ხორცს... ამბობენ, კატას ჩვეულებად აქვს, მკვლარ პატრონს თუ მიაკვლია, ცხვირი წააქამოსო. ამბობენ, ნაფერები და ნაპატივები კატებიც ასე იქცევიანო!

ზარი დავერეკე. არავინ გამილო კარი. ასეთი რამ იშვიათია. სამი წუთი ვიდექი და ვრეკავდი. გვიანდა მომივიდა აზრად, აბა ყოველთვის შინ ხომ არ იქნება-მეთქი. უკან გამოვბრუნდი. მარიას საფოსტო ყუთში ქალაღი შეენიშნე. წერილი ყოფილა. ჩემთვის დაეტოვებინა:

„რუბენ!

ორი დღით სოფელში წავედი. გასაღები № 3 ბინაში მოიკითხე. ჩამოვალ ხუთშაბათს, დღის მატარებლით. კონსერვის გასახსნელი კარადის ყუთშია“.

ამ ოთახში მარტოს ჭერ ღამე არ გამითევია. არა, ჯობია, შინ წავიდე. მტყიცედ გადავწყვიტე, მაგრამ ჩემდა გასაკვირად № 3 ბინაში ზარი მინც დავერეკე.

— ვინ არის? — ნახევრად მძინარე კაცის ხმა შემომესმა.

№ 4 ბინის გასაღები ვთხოვე.

მოკლე ჭაჭვის სიგანეზე გაიღო ყავისფრად შეღებილი კარი. ხანშესულმა კაცმა გამოიჭყიტა.

— მგონი, ბატონი ილიმე ბრძანდებით.

— დიახ, — ვუპასუხე და ვიგრძენი, თავიდან ფეხებამდის რომ შემათვალისწინებდა.

— ძალიან კარგი, ძალიან კარგი.

ჰმ, ვერ გამიგია, მინც რა არის „ძალიან კარგი“.

— იცით, ადრეც მინახიხართ. კვირა საღამოს ტელევიზორში გამოხვედით... მე და ჩემი მეუღლე გისმენდით... დიახ... მაშ, გასაღები გნებავთ?

— დახ.

— ძალიან კარგი, ახლავე, ახლავე გადმოგცემთ, დღით თუ წაბრძანდებით, აქვე დატოვებთ.

მგონი რალაც ვუპასუხე, მაგრამ შეწუხებისათვის ბოლიში რომ არ მომიხ-

დია, ეს კარგად ვიცი. ალბათ, ამასაც ელოდა. მოვბრუნდი, ვიგრძენი — მითვალთვალებდა. სურდა გაეგო, მარტო ვიყავი თუ არა. ოთახში შევედი. ახლა ის კაცი ზეწარში გაეხვევა თავის სქელ ცოლთან ერთად (ნამდვილად სქელი ცოლი ეყოლება, ასეთ გამხდარ კაცებს ყოველთვის სქელი ცოლები ჰყავთ, ბუნებას აქაც სჩვევია წონასწორობა), ჩემსა და მარიას გაურკვეველ დამოკიდებულებაზე უკრაობას მოჰყვებიან.

შუქი ჩავრთე და წარვდექი იმ კაცის წინაშე, რომელსაც ძველი მოსასხაბი ეცვა. ავადმყოფური პირისახე, წამობერილი ქუთუთოები... ეს მე ვჩანდი სარკეში. კარი ჩავკეტე. ძველებური ჰალი ისე ტყაცუნებდა, თითქო აკვარიუმის კედლებს მინის ჯოხს უკაცუნებდნენ. საოცრად ნაცნობი იყო ეს ხმაური! ღმერთო ჩემო, ზუსტად ასევე ჩამესმოდა ოდესღაც...

ამ სახლში ბევრჯერ ვყოფილვარ. პირველად, დიდი ხნის წინათ, გულის კანკალით მოვადექი ამ სახლს. პორტფელში ახალთახალი ლექსები მეწყო... გამარჯობა, მარია, მამა შინ არის? იქნებ მოიცალოს ჩემთვის. მარია კარებში იდგა, სევდიანი მორჩილებით შემომბქეროდა, მერე მსუბუქად ამოიხვნეშა და მისალები ოთახისკენ წამიძღვა... ასე ხდებოდა ხშირად, ძალიან ხშირად, მარიას მამის გარდაცვალების შემდეგ კი, მხოლოდ და მხოლოდ რესტორნიდან მიხდებოდა აქეთ გამოვლა.

სამზარეულოში შევედი, გაზქურა ავანთე. რატომღაც ხელები მიკანკალებდა. ღვინო დავისხი, ოთახში შესვლა გადაწყვეტიე, მაგრამ სანამ კარებს შევადლებდი, ჩვეულებისამებრ შევისწორე ჰალსტუხი. ოთახში ციოდა. ახლა უფრო დიდი მეჩვენა ოთახი. მარიას მამის სიკვდილის შემდგომ ამ ოთახში არაფერი შეცვლილა: კედელზე ისევ ის შინდისფერი ხალიჩა ჰკიდია. ისევ ის ოქროსფერჩარჩოებიანი სურათები. შავი ავეჯი... საშინელი სიცარიელე და მარტოობა შემომაწვა. ამ სიცარიელეს თურმე მარიას ღუმილი ავსებდა დროდადრო.. წიგნის კარადა, საწერი მაგიდა, ტყავგადაკრული სავარძელი. აი აქ, ამ სავარძელში იჯდა მუდამ მარიას მამა, დოქტორი კარიკი. არ მახსოვს, სხვაგან მჭდარიყოს, მარიამ პირველად აქ მომიყვანა და წარმადგინა, როგორც ახალგაზრდა პოეტი (ეს იყო 1940 წლის იანვარში. წვიმიანი დღეები იდგა). დოქტორმა კარიკმა დიდი შთაბეჭდილება მოახდინა. სწორედ რომ ასეთი უნდა ყოფილიყო ლიტერატურის ჰემ-მარიტი ქურუმი. მკრთალი, მაღალი შუბლი წიგნების ფონზე. ლამის პედანტი კაცის სუფთა თითები. ნაცრისფერი თვალები, ცივი და ჰკვიანი. მახსოვს, მუდამ კრძალვითა და შიშით შევეყურებდი მის მაღალ შუბლს, რომლის მიღმა მამალურიყო ალკეონისა და ჟან კოქტოს ლექსები, ფილოსოფიური ტრაქტატები, ესთეტიკის თეორიები, დანტეს კვლევითი შრომები, ჭერაც დაუწერელ თხზულებათა შტრიხები, ლათინური სიტყვები: fero, tuli, latum და ა. შ. და ა. შ., რაც გიმნაზიაში არაფრით მამახსოვრდებოდა. აი, ბუტაფორიაც: საწერ მაგიდაზე წამოსკუპებული ლომი, ხახაში მინის კვერცხი რომ სჩრია და დოქტორ კარიკს მელანს სთავაზობს. ორი ფიალა: ერთი ყავისა, მეორე კი ხილის წვენი, უცნაური კია, პირველი შეხვედრისას, უწინარეს ადამიანისა, დეტალებს ვამჩნევ ხალმე. პო, როცა ის გავიციანი, ვიდექი და ვცდილობდი არაფერი გამეკვირებოდა: „მე ვარ პოეტი, დიახ, პოეტი! ერთ მშვენიერ დღეს მეც ხომ ასევე სახელიანი და ღირსეული შევიქმნები... მე აქ არაფერიც არ მაოცებს!

თავსაც შვენივრად ვგრძნობ! არაფერი მალეღვებს!" თვითშეგონებამ, რა თქმა უნდა, ვერ მიშველა — ტყვე ვიყავ თითოეული დეტალისა და წიგნების ფონზე გამოკვეთილი იმ მაღალი შუბლისა. რამდენიმე თვის შემდეგ კი უნდოდ ვუთვალთვალებდი დოქტორ კარიკს. ნაკლსა და შეცდომასაც ვუძებნიდი. მაგრამ ეს წარმოუდგენლად ძნელი ყოფილა: მას ყოველთვის სუფთად ეცვა, არ იზორებდა საშინაო კოსტუმს, მუდამ გაუთოებული ჰალსტუხი ეცთა. პედანტურად მოწყობილი საწერი მაგიდა. ფინჯანი ყავა, ხილის წვენი და ჩვენი გაკვეთილები. დანიშნულ დროზე ვეწვეოდი ხოლმე ჩემი ლექსებით. ზუსტად დანიშნულ დროზე, არც ერთი წუთი ადრე. არც ერთი წუთი გვიან. გაკვეთილები მუდამ ერთნაირად ტარდებოდა. ეს ექსპოზიციურ სპექტაკლებს უფრო ჰგავდა — სპექტაკლებს დასაწყისით, კულმინაციითა და დასასრულით. გაკვეთილი ისე არ დამთავრდებოდა, რაიმეთი არ გავეოცებინე მასწავლებელს, ბიბლიოგრაფიული იშვიათობა იქნებოდა ეს, თუ მის სახელზე მიღებული საზღვარგარეთელ მოღვაწეთა ნაწარმოებები, შრომები თუ უცხოურ ჟურნალებში დაბეჭდილი მისი სტატიები, ანდა, უბრალოდ, მისი აზრის მოულოდნელი გამოშუქება, ასე და ამგვარად, თითქოს გულგრილად და სხვათაშორის ეციდებოდა ყოველივეს და გაკვეთილებიც მთავრდებოდა.

ღმერთო ჩემო! ვერავითარ ნაკლს, შეცდომას, სისუსტეს, გადახვევას ვერ უპოვნიდი. მაოცებდა მისი ყოველმხრივი სიზუსტე. იმდენად არამიწიერად მიმაჩნდა, ვერაფრით წარმომედგინა. სხეებივით თუ ჰქამდა, ან კბილებს თუ იხეხავდა, ანდა ეძინა (მით უმეტეს, თუ ხვრინავდა). ნეტავ კიდევ თუ იყო ვინმე მისი მსგავსი. ალბათ არავინ. მე იგი მსახიობად შევრაცხე, არც შევმცდარვარ. ზოგიერთ რამეში მართლაც რომ მსახიობი იყო.

ეს მოხდა ერთ შაბათ საღამოს. ჩვეულებრივზე ნახევარი საათით ადრე მივედი. კარი თავად დოქტორმა კარიკმა გამიღო (ყოველთვის მარია აღებდა ხოლმე). თმა დაუფარცხნელი ჰქონდა. დაკმუქნული ხალათი ეცვა, ტუჩის კუთხეში თოხლო კვერცხის ცილა მიკვროდა. ლიობიდან ოთახს თვალი შეევაღლე. მის საწერ მაგიდაზე ტრადიციული ფინჯანები აღარ ელაგა. იქვე, მაგიდასთან წინდები ეყარა. მერე ბარე ოცი წუთი მალოდინა მოსაცდელში, ხოლო როცა შევედი, რა თქმა უნდა, ტყავის სავარძელში იჯდა და ოთახიც ძველებურადვე გამოიყურებოდა. გულში ვზვიომბდი გამარჯვებას. თითქოს გავაშიშვლე იგი. ჩემი სიხარული ხანმოკლე აღმოჩნდა: იმ დღეს ძალზე მკაცრი იყო, ჩემმა ახალმა ლექსებმაც საშინელი კრიტიკა დაიმსახურა.

დღეს, რასაკვირველია, ყველაფერს ამას სხვაფრივ ვიგონებ. მისი თამაში იქნებ სულაც არ იყო „ხელოვნება — ხელოვნებისათვის“. დოქტორ კარიკის მეუღლე კარგა ხნის გარდაცვლილი გახლდათ, მარტოხელა იყო დოქტორი კარიკი. მარიას არაფერი გაეგებოდა მამის საქმიანობისა. მამა ხომ დიდი ხანია ლექსებს აღარ წერდა, ხოლო მის თეორიულ შრომებს ერთეულები თუ ჩაწვდებოდნენ. შრომების უმრავლესობას საზღვარგარეთის სპეციალურ გამომცემლობებს უგზავნიდა. აღიარება და პოპულარობა ხომ არ აკლდა, მაგრამ მაინც მარტო იყო დოქტორი კარიკი. ახლოვდებოდა მისი ცხოვრების მიმწუხრი... მეცნაურებოდა მისი მარტოობა: წიგნის თაროები, გაქიანურებული საღამოები, წერა, ფიქრი და მუხუთმისებური მოწყენილობა. დიახ! ფანჯრებიდან აღწევდა

ქუჩის ხმაური და იმ სისხლქარბი ცხოვრების ხმები, სწორედ ისეთი, წიგნებიდან მხოლოდ შორეულ ექოდ რომ გამოისმის. მუზეუმისებური მოწყენილობა! წიგნები, წიგნები, წიგნები! სულ უფრო ნათელი ხდება კეშმარიტება. რომ ვერასოდეს მივალწვეთ იმას, რასაც ასე ძალუმად ვესწრაფვით ყოველ ცისმარე. და, რასაკვირველია, მას სჭირდება თავშესაქცევი. მოსწავლე, გარემოება, სადაც იგი გადამცეში იქნებოდა, ხოლო მოსწავლე — მიძღვნი... სწორედ ამის გამო უნდა მოეხდინა ჩემზე ძლიერი შთაბეჭდილება. ამიტომაც თამაშობდა ერთგვარად.

სიგარეტს მოუყიდე. ერთხანს ჰერისაკენ წასული ლურჯი კვამლის ცქერამ შემიქცია. ჩვენი მოყვასი დიურერი ოქროსფერ ჩარჩოდან ისე შემომცქეროდა, თითქოს ნამგალივით მორკალული მარცხენა წარბი საცაა უნდა დამიღიროსო...

ჰო, მართლა, ღვინო! სულ გადამავეიწყდა. ჰიქა ავიღე, ბოლომდე არ დამიცილია, ორი ყლუპი მოესვი და... მოიცა, მოიცა... რაშია საქმე! ასე ხომ არასოდეს დამილევი... ვინ სევამდა ასე? როდის... აჰ! გამახსენდა, ვინ და — მარიას მამა. სწორედ ასე არ სევამდა იმ საღამოსაც?! ახლა ისიც გამახსენდა, მაშინაც სწორედ ასე ტყაცუნობდა ჰალი.

დერეფანში ვდგავარ. ეს წუთია, რაც კარი მიიხურა და ოთახში შევიდა. ვგრძნობ, რაღაც დასრულდა. რაღაც დავკარგე. დერეფანში ბნელა. სიჩუმეა. მოულოდნელად წვიმამ წამოუშინა, ვდგავარ და ვისმენ წვიმის ხმაურს, რა თქმა უნდა, ეს ჩვენი უკანასკნელი საღამო იყო.

ერთხელ, ნასადილევს (მწერალთა კავშირში ჩემი საბედისწერო გამოსვლიდან ასე, ერთი კვირა იქნებოდა გასული) დოქტორმა კარიკმა რედაქციაში დამირეკა და მთხოვა, აუცილებლად შემომიარეო. პირობა მივეცი, სამუშაოს შემდეგ შემოვივლი-მეთქი. განწყობილება? — რა თქმა უნდა, ცუდ გუნებაზე დავდექი. ნამდვილად იმ კრების გამო უნდა მელაპარაკოს!

დოქტორი კარიკი მოსაცდელშივე შემომეგება. ძალზე დაღლილი ვარ და გადავწყვიტე, ცოტა გავისეირნო, თუ საწინააღმდეგო არაფერი გაქვს, წამომყევიო.

სანაპიროსაკენ გავემართეთ. მას ძველებური ქუდი ეხურა. ყელზე თეთრი შალის შარფი ჰქონდა მოხვეული. ვდუმდით. შიშით ველოდი, როდის მეტყოდა რამეს. მშვიდი საღამო იყო. ზღვაზე იწვა ჩამავალი მზის წითელი ზოლი. თანდათან აუტანელი ხდებოდა ღუმელი.

— თქვენ გამოგრიცხეს... და... — თავი ვერ შევიკავე და ღუმელი ისევ მე დავარღვიე.

— ვიცი! — შემაწყვეტინა მან. — დღეს მწერალთა კავშირის წევრობა არც ისე დიდი პატივია. — ისევ ღუმელი.

— რუბენ! მინდა სერიოზულად მოგელაპარაკოთ. არა ვარ თქვენით კმაყოფილი! დღეიდან ჩვენს ერთად მუშაობასაც არ ექნება აზრი, — გულჭიბუში ხელი ჩაიყო და გაზეთი „რავა ჰელი“ ამოიღო. მაშინვე მიხვდები, რომელი ნომერიც იქნებოდა.

— ეს ხომ საზიზღრობაა!

ეტოლებიან ოქროსფერი ცას მწვერვალები
და მალლა-მალლა მიირხევა ჩვენი ალმები.

ეს ციტატა წარმოთქვა ალევებულმა და განაგრძო: — ათი წელია ლექსს წერთ, ათი წელია! და დღეს, აჰა, თქვენი რითმები: „მწვერვალები — ალმები“. ქვემოთ კი თქვენი გვარი. შემადრწუნებელია!

— მაპატიეთ, — წამოვიწყე, — რასაკვირველია, ეს ლექსი საუკეთესოდ არც მიმაჩნია, მაგრამ თქვენ ვერ გაიგეთ...

— გავიგე! სამწუხაროდ, კარგადაც გავიგე. — ხმა დაუწერილდა. — გასაგებია: ომი, სისხლისღვრა, შიმშილი... მაშინ მეომრების გულს იქნებ მართლაც ესალბუნებოდა ოქროსფერი მწვერვალები, ახლა კი ასეთი ლექსის წერა, უბრალოდ, და-უშ-ვე-ბე-ლი-ა! რუბენ! ესტონური ლიტერატურა ჭერაც არ მოსწრებია ისეთ უბადრუკ ხანას, როგორც სულ მალე დადგება. თქვენ კი ყველაფერს აგრერივად ამსუბუქებთ. თქვენ, ვისაც ხელეწიფება უკეთესად და სულ სხვაგვარად წერა. ეს გამცემლობაა, გამ-ცემ-ლო-ბა!

როგორ ღელავდა, ხელჯოხსაც ისე აქნევდა, თითქო ვიდაცას იგერიებდა.

— ომი ჭერ კიდევ არ დამთავრებულა, — შევაწყვეტინე მე.

— ჩემთვის უკვე დასრულდა. თქვენთვისაც უნდა დასრულდეს, თუკი გსურთ, იყოთ ნამდვილი პოეტი.

— და ვწერო ისეთი ლექსები, ყველა რომ გაიგებს...

— ასეთი ლექსები არ არსებობს და კიდევ რომ არსებობდეს, კაპიკი იქნებოდა მისი ფასი.

— ოჰო!

— რა, ოჰო?! ომამდე თქვენ, ასე თუ ისე, ასატანად წერდით. ომი, დიახ, ომმა გაგაფუჭათ თქვენ, ომ-მა! — ბოლო სიტყვა კი არ მითხრა, მესროლა თითქოს. აქამდე მჯეროდა, გაუვლის-მეთქი, მაგრამ არა... აი, „მწვერვალები — ალმები“. ხელოვნება გართობა არ გახლავთ და საერთოდ.. თქვენ პარტიული ხართ? პარტიის საწინააღმდეგო არაფერი მაქვს, მაგრამ განა ეს მეტ პასუხისმგებლობას არ უნდა გაკისრებდეთ? პოეტი, უპირველეს ყოვლისა, პოეტი უნდა იყოს! თქვენ იმხელა ნიჭი როდი გაქვთ, ასე დაუდევრად ფანტოთ. ბოლოს და ბოლოს, შეიგნეთ, თქვენგან მიაიკოვსკი არ გამოვა, და თუ საერთოდ რამე გამოვა — მხოლოდ ლირიკოსი.

დოქტორ კარიკის სიბრაზემ გაუარა. მოიწყინა, ქული და შარფი გაისწორა.

ნუთუ მხოლოდ ამ ლექსის გამო დამიბარა? ნუთუ კრების შესახებ არაფერს მეტყვის? დუმდა. მომავალში ჩვენ ერთად მართლაც ვერ ვიქნებოდით. ჩვენს შორის დრო და ცხოვრება ჩამდგარიყო. მე უკვე, ასე თუ ისე, ცნობილი პოეტი, ჟურნალისტი, პარტიის წევრი... ყოველ კვირა დღეს დოქტორ კარიკთან სიარული, სონეტები, სტილისტური სავარჯიშოები... არა, დღეიდან ერთად მუშაობა შეუძლებელია. პატარა ბიჭი კი აღარა ვარ. ეს უნებლიე, მაგრამ აუცილებელი გზათგასაყარია.

სანაპირო ჩამობნელდა, პორტი გემების ნათურებით გადაბრდღვივლებულიყო. საბედისწერო გზათა განმგებელსა ჰგავდა ქალთევზას სილუეტი.

— ძნელი დრო დადგა. — თქვა მან. ალბათ იმასვე ფიქრობდა, რასაც მე.

გზატყეცილზე გამოვედით. უცებ გვერდით „მოსკვიჩი“ დაამუხრუქეს. ვილა-
ცამ ჭიქურ გამოალო კარი. რაული დავლანდე.

— Terre ôdangust! თუ გინდათ, ქალაქამდე გაგიყვანთ.

დოქტორ კარიკს გადავხედე. მან თავი დამიკრა და მანქანაში ჩავსხედით.

— პიკის ქუჩაზე.

რაულმა მანქანა ზედ დოქტორ კარიკის კბივებთან შეაყენა, ზუსტად იმ ფარ-
ნის ქვეშ, ახლა ფანჯარას რომ ანათებს.

მანქანიდან გადმოვედით. რაული დაგვემშვიდობა. ისევ მარტო დავრჩით.

— შემოდით ცოტა ხნით.

უცნაურია, მის ხმაში თანაგრძნობა ისმოდა. ოთახში რომ შევედით, თითქოს
გამოცოცხლდა, საშხარეულოში ყავა მოადუნა, ლვინოც გამოიტანა, ყოველმხ-
რით ცდილობდა მღელვარების დაფარვას, თავი უხერხულად რომ არ ეგრძნო.
ასეთი იგი პირველად ვნახე. უცნაური სალამო იყო. ჩვენს შორის და ჩვენს ირგვ-
ლივ თითქოს უხილავი რამ ფლუიდეები დაფარფატებდა. დოქტორმა კარიკმა ჰად-
რაკის თამაში შემომთავაზა. ძველებური ჰადრაკი გამოიტანა, ფიგურები სპილოს
ძვლისაგან იყო ნათალი. წითელი და თეთრი ფიგურები. ორი ხელი წავითამაშეთ.
ორივეჭერე 15-20 სელაში მომიგო. მერე ჩემი შეცდომები გააანალიზა, თან ლვი-
ნოს ვსვამდით. მაშინ იყო, პო, სწორედ მაშინ მოსვა ისე, ახლახან მე რომ მოვს-
ვი. ჰალიც ასევე ტყაცუნობდა.

იმ სალამოს უნიკალური წიგნები მაჩვენა. შუა საუკუნეების თეოლოგიური
ტრაქტატები, ძველი, ოქროსფერ ყდაში ჩასმული ლექსთა კრებულები, გაფერ-
მკრთალებული ილუსტრაციები... ნაღვლიანად დავეკეროდი ყოველივე ამას.
ეჰა, ვინ იცის, კიდევ რამდენი რამის ნახვა შემეძლო აჰ... ვიცოდი, დიდხანს
დიდხანს ველარ მოვიდოდი აჰ. პოლიტიკაზე სიტყვა არ დაგვიძრავს.

ლამის 12 საათი იქნებოდა, წასვლის დროა-მეთქი, ვიფიქრე, დოქტორმა კა-
რიკმა კარამდე მიმაცილა და ცხოვრებაში პირველად გამომიწოდა ხელი გამოსამ-
შვიდობებლად (და როგორც გამოირკვა, უკანასკნელად).

აი, სწორედ მაშინ იყო, მისი სახლის დერეფანში რომ ვიდექი, წვიმამ წა-
მოუშინა.—დიდხანს ვუსმენდი წვიმას. ჭიბეში ხელნაწერი მოვიქექე და დე-
რეფნის ფანჯარასთან მივედი, საიდანაც სინათლე შემოდოდა.

ეურნალ „ლოომინგმა“ დამიკვეთა სტატია ესტონეთის ლიტერატურულ
ცხოვრებაში დამკვიდრებულ კოსმოპოლიტიზმზე, მთავარი ადგილი მწერალთა
კავშირში წარმოთქმულ ჩემს სიტყვას უნდა დათმობოდა. ხელნაწერს დავხე-
დე.

აი, გულუბრყვილოდ გამოყვანილი დიდი Q, მარჯვნივ პატარა ხაზი, მომ-
დევნო ასოსთან გადასაბმელი, სკოლაში რომ გვასწავლიდნენ. იგი ახლა ყუნ-
წიანად მოწყვეტილ მომცრო ვაშლსა ჰგავდა.

აი, ამპარტავნულად კი არა, უხეშად ხელეგაფარჩხული K.

i — თავზე წერტილის ნაცვლად მუდამ პატარა ნულს ვუხატავდი ზოლზე მო-
წაფეობაში.

აგერ ლამაზად ამოყვანილი — Z, R, f და ასე შემდეგ. ისეთი გრძნობა დამეუფ-
ლა, თითქოს მალულად გადაღებულ დოკუმენტურ ფილმში ვხედავდე საკუ-
თარ თავს.

თითქოს სუფთა წერის გაკვეთილი იყოს. ქათქათა ქალაღზე მელანი გადა-
მესხა და გულგახეთქილი ვფიქრობ — აი, ახლა მოუახლოვდება მასწავლებე-
ლი ჩემს მერხს, აი ახლა...

ხელნაწერი დავხიე, დაკვამუქენ და მოსასხამის ჯიბეში ჩავიდე. არა. არავითარ
სტატიას არ დავწერ. არა და არა! ეს გავიფიქრე თუ არა, შემეშინდა. უშველებე-
ლი მავთულმხვევი კოჭი გამახსენდა... ნელ-ნელა ბრუნავს საშინელი კბილა-
ნა, ჩემს მოსასხამს იხვევს, მექაჩება საღდაც შორს, შორს...

დაე, მექაჩოს!

ნომერი ავკრიფე. გადაწყდა! უარს ვეუბნები და მორჩა.

— პალოო! გისმენთ!

— რუბენ ილიმე გაწუხებთ. იცით რა, არ შემიძლია... სტატიას ვერ დავ-
წერ...

— არ შეგიძლიათ? რატომ? არა უშავს, ამაზე ხვალ მოგელაპარაკებით. ეს
მითხარით, პრეფერანსს თუ თამაშობთ?

— ?

— თუმცა სულ ერთია, თამაშობთ თუ არა, ახლავე მოდით, აქ, ჩვენთან. ორი
მოსკოველი ამხანაგია. გელოდებით.

ყურმილი დავკიდე. საშინელი კბილანა!

წამოვდექი. მკავე მომიხდა, თუმცა „რისლინგიც“ მკავეა, მაგრამ ფსკე-
რამდეა დასული. სამხარეთლოში ლიმონი მოვძებნე. მარიას მუდამ შემონა-
ხული აქვს (ალბათ ჩემთვის). როგორც იყო, ვიპოვე. ყვითელი ლიმონი. გავ-
თაღე, სურნელება, ლიმონის სურნელება.

დაზამთრდა. მწერალთა კავშირში სიარულს თავს ვარიდებდი. შინ ბევრს ვმუ-
შაობდი. თანდათან დავეუფლე ფრანგულ ენასაც, რომლის შესწავლას დოქ-
ტორი კარიკი აგრერიგად მიჩვედა. ვერლენის თარგმნა გავბედე. თარგმანის
ნიშუში დოქტორ კარიკისთვის მიხლოდა გამერბენინებინა. ვერლენი ხომ მისი
საყვარელი პოეტია. რას გაიხარებდა! ვინ იცის, იქნებ ჩვენი ურთიერთობაც
გამოკეთებულიყო, იმ კრებისა და სტატიის მიუხედავად.

ერთხელ, საახალწლოდ, გვიან საღამოს ქალაქში დავეხეტებოდი. სწორედ
იმ ხანებში ერთი თარგმანი დავამთავრე. მგონი ურიგო არ გამომივიდა. თოვდა.
კარიკის სახლს მივუახლოვდი. ფანჯრებში შუქი შეენიშნე. გამიკვირდა, 12 საა-
თი იქნებოდა, კარიკი ხომ ჩვეულებისამებრ 10 საათზე იძინებდა, დილის ექვსზე
კი თავის საწერ მაგიდას უჯდა და მუშაობდა. რაშია საქმე? კიბეები ავირბინე.
შესასვლელი კარი ღია დამხვდა. წამიც და დოქტორ კარიკის ოთახში ვიყავი.

— სდექ! — სანამ გონზე მოვიდოდი, ხელები ზურგზე ამომიტრიალეს. გავიბრ-
ძოლე. მაშინვე ხელები გამიკრეს, ტკივილი სულაც არ მიგრძენია, იმიტომ რომ...
იმიტომ რომ, აქ ყველაფერს უჩვეულო იერი დაჰკრავდა. ძალზე უცნაური!

როგორც ყოველთვის, დოქტორი კარიკი ტყავის სავარძელში იჯდა. რაღაც
მეუცხოვა იგი. უღონოდ გადაეგდო თავი. მარცხენა ფეხი ამაზრუნენად, არა-
ბუნებრივად გაეწვართა. შარვლის ტოტი აჰკეცოდა და თეთრი, გამხდარი წვი-
ვი დაეუნახე, ტკივილივით დამიარა — ეს ხომ გარდაცვლილის ფეხი იყო... მკვდა-
რი ფეხი!

— შენა ხარ? — რაული?!

ლიახ, რაული იყო. წიგნების თაროსთან იდგა ფერდაკარგული და ვერ მივხვდი, ტიროდა თუ თვალებს ახამხამებდა.

— გაუშეით, ჩვენი ნაცნობია...

ხელები შემიხსნეს, მაგრამ რა ბედენაა, რა უნდა მექნა? მივხვდი, რომ ყველაფერი დამთავრდა. კარიკის სავარძელთან იატაკზე გუბე დამდგარიყო.

— ეს სისხლია?

— შარდი... — მიპასუხა ზურგს უკან მდგომმა.

— აპოპლექსია. — ჩამესმა რაულის ხმა.

ყველანი დუმდნენ. დოქტორი კარიკი უცნაურად დაიკიმა, მერე ფეხები ხმაურით დაუტურდა იატაკზე, და გაქვავდა კიდევ. სამარისებური სიჩუმე ჩამოვარდა.

— გამოძიება? მერედა, რისთვის?

— გადით ყველანი! — ბრძანა სახეგამოჩორკნილმა კაცმა.

ღილით დოქტორ კარიკის ბინა დაეკტილი დამხვდა. სავადმყოფოში დავერეკე, სადაც მარია მედიცინის დად მსახურობდა. მიპასუხეს, მარია არ გახლავთ, ღამით იყო, მაგრამ მამა გარდაეცვალა და გაათავისუფლეს.

სამსახურში წავედი. იქ ყველაფერი ძველებურად დამხვდა: ფანჯრის რაფაზე ჩაიდანი შიშინებდა, მღივანი ქალი ფრჩხილებს იღებავდა, კაცები ანეკდოტებს ჰყვებოდნენ... გამიკვრიდა, კარიკის გარდაცვალება, ალბათ, ჭერაც არ გაუგიათ-მეთქი, გავიფიქრე. თუმცა კიდევ რომ გავგოთ, არა მგონია, ამით რამე შეცვლილიყო. ცოტა სმენიათ ანალოგიური შემთხვევა? ჰოდა, უცებ შევძრწუნდი მათ მაგიერ...

თავი მტკივა და შინ უნდა დავბრუნდე-მეთქი, განვაცხადე. მღივანი ქალის სახეზე აღბეჭდილმა თანაგრძნობამ ხომ სულ გამაგიჟა, ღმერთო ჩემო, რაოდენ მგრძნობიარენი ვართ ადამიანები, როცა წვრილმან სატკივარზე მიდგება ჭერი... რას იზამ, ხალხი ბუნებით კეთილია.

რასაკვირველია, შინ არ წავსულვარ. მეშინოდა, სადმე მარიას არ გადავყაროდი, მით უმეტეს, ხომ ვიცოდი, როგორ დამეძებდა ახლა.

როგორც იქნა, ნება დამრთეს. პროზექტორიუმში შევედი თუ არა, ერთბაშად მეცა მედიკამენტების სუნი. ქული მოვიხადე. დარაჯმა ზეწარი გადახადა მიცვალებულს. დოქტორ კარიკისათვის ნიკაპქვეშ პატარა ბალიში ამოედოთ, ალბათ ასეთი წესია. ისე შმვიდად იწვა, თითქოს ისვენებსო. ნიკაპქვეშ ამოდებულ ბალიშს შევყურებდი და ვფიქრობდი, საპირეს მეორე მხრიდან უთუოდ მიბეჭდილი ექნება-მეთქი სათანადო შრიფტი და ინვენტარის ნომერი... სადღაც რეგისტრირებულია: „ნიკაპის დასაქერი ბალიში, ნაცრისფერი ტილოსი, 25 ცალი...“ ნეტავ ამ ბალიშებს თუ რეცხავენ? და თუ რეცხავენ, ალბათ მხოლოდ იმიტომ, რომ აქაც დაიცვან ჰიგიენის წესი...

გამიკვირდა, ასეთ რამეებზე ფიქრი რომ შემეძლო.

— გული... — მეუბნება დარაჯი, -- პროფესორები ყოველთვის გულით ან ტვინში სისხლის ჩაქცევით კვდებიან.

არც იცი, რა მართალს ამბობ-მეთქი, გავიფიქრე.

— ხვალ, ოთხ საათზე ასაფლავებენ. იცით ალბათ.

არა, დასაფლავებას არ დავესწრები. იქ მარია იქნება.

პროზექტორიუმიდან გამოვედი.

ზამთრის ძალმიხდელი შზე, ლურჯ, გასახვევ კალალღზე დაღვრილ ზეთის ლაქასა ჰგავდა.

მეუცნაურა ჩემი სიმშვიდე, ღმერთო ჩემო! თითქოს არაფერიც არ მომხდარიყო.

დამნაშავე ვარ... უნებლიე დამნაშავე! ცხოვრება წინ მიდის, ყველაფერი გაივლის უცილობლივ! ყველაფერს ავიტან!

საავადმყოფოს დათოვლილი ბალი. დახურხლულ ტოტებზე ბელურები ფრთხილდებიან. სიმშვიდე მეტისმეტი, განუსაზღვრელი...

ქუჩაში გამოველ თუ არა, მივხვდი: არაფერი არ გაივლის. ყოველ შემთხვევაში, ჩემთვის — არასოდეს!..

ოჰ, ტირილი რომ შემეძლოს! მაშინ იქნებ მართლაც ჩამთავრებულყო ყველაფერი. რომ ვერ ვტირი? რომ არ შემიძლია? არანორმალურად შვეიდი ვარ. წარმოუდგენელია ასეთი სიმშვიდე!.. ნიკაპქვეშ ამოდებულ ბალიშსაც რომ კარგად დავაკვირდი, თან რა გულგრილად...

და იმ დღეს პირველად გავიფიქრე (კარგად მახსოვს):

„ცა ლურჯია დღეს, ლურჯზე ლურჯი, მხოლოდ ვერ გამიგია, რადაა ასე დაღლილი.“

ბოთლში ჩარჩენილი ღვინო დავისხი, კიქა თითქმის შეავსო. კარგი კუჭის პატრონი ვარ! ყველაფერს ვინელებ: რომს, კონიაკს, ღვინოსა და... ხვალ დილასისხამზე ისევ ლუდი, ლუდი ხომ წამალია ნაბახუსევზე.

ერთი სკოლის ამხანაგი, არაყზე რომ გასცვალა ყველაფერი, ასე იმართლებს ხოლმე თავს: რაო, რატომ არ უნდა დავლიო? ვინ უნდა დამიშალოს? როცა მთვრალი ვარ, ეს უკუღმართი ქვეყანაც ისეთი მგჩვენება, როგორიც უნდა იყოს და რა ვქნაო.

ერთხელ რომელიღაც წიგნზე ვკითხე. არ წაგიკითხავს-მეთქი? (ალარ მახსოვს წიგნის სათაური). იმიტომ დავინტერესდი, რომ ერთი ფრაზა თითქოს სწორედ ამ წიგნიდან ჰქონდა დაზეპირებული. რა ხანია, არაფერი წამიკითხავსო, — ასე მომიგო. მგონი, ამით ამაყობდა კიდევ.

საკუთარ თავზე ხშირად ვფიქრობ ხოლმე: აი, ორი ხელი — ერთი ლექსსა წერს. აი, თავი, ლექსს რომ იგონებს, ორი ფეხი, რესტორანში რომ დამატარებს. კუჭი! ამათ გარეშე ხომ არაფერი ვარ და მაინც დაუჭერებელია, ნუთუ ყველაფერი ეს მე ვარ... არ ვიცი, რამდენად გასაგებად ვამბობ, მაგრამ ერთი ცხადია: ამაზე ხშირად ვფიქრობ და მერე ვასკენი, — მე ვარ ერთი ბებერი მე, კეთილი მე, ყისმათიანი ძველისძველი მოტორი, რომ თუხთუხებს და თუხთუხებს.

ღვინო მოვსვი. ოთახს კვლავაც სიმკაცრე და მარტოობა დაჰპატრონებოდა. ოთახისთვის სულ ერთია, რას ვფიქრობ. შემაცივა. საზიზღარია სიცარიელე... აგურისფერი ხალიჩა, ოქროსფერჩარჩოებიანი სურათები...

ო, ნეტავ ახლა შინ იყოს მარია!

საძილე ოთახში შევედი. აქაც პედანტური სისუფთავე. რატომღაც მომინდა ინტიმურობის რამ ნაკვალევი აღმომეჩინა, მაგრამ ამაოდ. საშინელი წესრიგის მოყვარულია მარია.

სკამზე არც კაბაა გადაკიდებული, არც წინდები... პროზექტორიუმში იცი და უშფოთველია ოთახი.

ტანსაცმლის კარადა გამოვალე. კაბებმა გაიშრიალა. კაბები კი არა, სხეულის სამოსია. პარფიუმერიის ნაცნობი სურნელი. მარიას სურნელი. ერთ სუნამოსაა შეჩვეული მარია. მისი სურნელება შემომაფრინდა მაშინაც, '1938 წლის გაზაფხულზე, ცეკვის კურსებზე რომ გავიცანი. სუნამოს სახელი მგონი „რეზენდა“ — მეტისმეტად ტყბილსურნელოვანია. ისეთ წითურებს, როგორიც მარიაა, ალბათ მწარე ნუშის სურნელი უფრო შეეფერებოდათ. ჰო, მარია ცეკვის კურსებზე გავიცანი. იმ წელს გიმნაზიას ამთავრებდა. დარწმუნებული ვარ, მაშინ შემეიყვარა. მისი პირველი სიყვარული თუ ვიყავი. მე კი იმ ხანებში ყურადღებას არ ვაქცევდი, ვივისთან დავესიერნობდი ხოლმე. ვივი მარიას დაქალი იყო, შვეთმინი გოგო. ახლა, რა თქმა უნდა, გათხოვილია და წვრილშვილიანია. ხანდახან თუ შევხვდები, რატომღაც მეუბერხულება. მარია და ვივი სულ ერთად იყვნენ, ასე რომ, მარიასაც ხშირად ვხვდებოდი. ჩემი პირველი ლექსები რომ დაიბეჭდა, მარიამ მამასთან წამეყვანა.

მარია... მორცხვი, გულუბრყვილო, მორჩილი, ფერმკრთალი ლედი! ხუმრობით ასეც ეძახდნენ.

დოქტორ კარიკის დასაფლავების დღესაც, საღამოს „რეზენდის“ სურნელი შემომაგება მარიამ.

დასაფლავებას არ დავსწრებივარ. მარიას წვრილი გავუგზავნე, ვერ მოვდივარ, მინდა ცოცხალი დამამახსოვრდეს-მეთქი, ასე და ამნაირად. მან, რა თქმა უნდა, არ იცის, სწორედ ამ ოთახში დოქტორ კარიკის სიკვდილს რომ შევესწარი. არც ის იცის, პროზექტორიუმში რომ ვიყავი.

დასაფლავების შემდეგ, საღამოს 10 საათზე, მარიასთან მივედი. ახლობელი და შორეული ნათესაეები წასულიყვნენ. მარია მარტო იყო. სავარძელში იჭდა. შავი აბრეშუმის კაბა ეცვა. მაგიდაზე ღვინით სავსე ჭიქა იდგა. ისევ „რეზენდას“ სურნელება. ავადმყოფის იერი ჰქონდა მარიას, გაუგებრად ლაპარაკობდა, სათქმელს არ ამთავრებდა.

კარიკის დიდებული გასვენება ჰქონდაო (დიდებული გასვენება! — საზიზღრად ყლერს).

მამა ლამაზი მკვდარი იყოო (!). ეს ყველამ აღიარაო. აი, რამდენი ვარდები მოიტანესო. (ზუსტად იცოდა, ვინ რამდენი თაიგული მოიტანა). დიდძალი ხალხი იყოო... ამის გაგონება არ მინდოდა, რადგან დარწმუნებული ვიყავი, კარიკის მეგობარ მწერალთა უმრავლესობამ დასაფლავებაზე მოსვლა ვერ გაბედო... ამას მარიას სიტყვებიც ამტკიცებდა — ნახე: რამდენი დეპეშა მივიღეთო. წარმოგიდგენია, რა იქნებოდა, ყველა ის ავადმყოფი და საქმიანი ხალხი რომ მოსულიყოო.

დეპეშები მართლაც ბლომად გამოგზავნათ. ახლა მომავალს მისწვდა მარიას ფიქრები: ერთი ოთახის გაქირავება გადაუწყვეტია, ასე ფულს დაევაგროვებო. ოთახის შეკეთებას და ავეჯის გამოცვლასაც აპირებს. ახალი შპალერი უნდა გა-

ვაკრა და ყვითელი ფერისა თუ მოუხდებოდა, — შემეკითხა. სულაც არ მგონია, მამა არ ებრალებოდეს. ეს წვრილმანები უბრალოდ გაახსენდა და აქ სასირცხო არაფერია.

— რუბენ, ჩემი არ უნდა გერიდებოდეს. ხომ მართალია? შენ ხომ მამას იცნობდი, მისი მოწაფე იყავი... მხოლოდ შენ გესმოდა მისი. მამა ხომ საოცრად გულჩახვეული და თან კომპეტენციური კაცი იყო. (ზუსტად ასე თქვა — კომპეტენციური).

ერთის შეხედვით, გეგონებოდა, არაფრად უჩნდა მამის დამარხვა... მაგრამ არა, მარიას ძალიან უყვარდა მამა.

შიშით და თან ცნობისმოყვარეობით ეუსმენდი მას და ვფიქრობდი, ახლა ამ წუთში, როცა მარია რაღაცეებს ლაპარაკობს, ჩემი მასწავლებელი მიწაშია, ჰო, მიწაში... ხის სახლში!.. ეს ყველა ჩვენთაგანის უცნასკნელი სამკვიდროა... ნიკაპქვეშ ბალიში უდევს, ოღონდ ახლა სულ სხვანაირი. ან იქნებ დამარხვისას აცლიან ბალიშს, რა ვიცი. მაშინ კი ვფიქრობდი ბალიშზე და კიდევ იმაზე, რა გულქვანი, საშინელნი ვართ ადამიანები, შეგვიძლია ასეთი რამ გავიფიქროთ და ხმამაღლა ვთქვათ კიდევ! რატომაც არა, თუკი შეგვიძლია... მაგრამ ეს სრულებითაც არ ნიშნავს, თითქოს დოქტორი კარგი ჩვენთვის ძვირფასი და საყვარელი არ ყოფილიყო.

მარია კიდევ დიდხანს ლაპარაკობდა...

უცებ თვალში მომხვდა მისი ლამაზი ფეხები (ცხოვრებაში პირველად!). ლამაზი, თხელი ფეხები. მგლოვიარის შავი წინდები... იმ-დროს შავ წინდებს მოდისთვის არ იცვამდნენ. ვენებამორეული მიეჩერებოდი მარიას ლამაზ წვივებს... ლა ეს ნიშნავდა, რომ მარია ვიგრძენი მთელის სისხავით! მარია, ქალი...

ღმერთო ჩემო, ბოლოს და ბოლოს, ვინ ეშმაკი ვარ? წასვლა დავაპირე! ვშიშობდი. ამ დასაფლავების დღეს, ამ სამგლოვიარო დღეს, რომ... მაგრამ... მარიას ნაზი სხეული, სათუთი კანი, თეთრი... ჩვენ უკვე ერთად ვიწვექით. მარია მკოცნიდა და თან ტიროდა. „უბედური მამა, არც კი იცის, ერთმანეთი რომ გვიყვარს, ის ხომ მკვდარია, მამაჩემი მკვდარია...“

ტირილი არ შემეძლო. მრცხვენოდა და თან გული მტკიოდა... რატომ, რატომ მოხდა ასე? რატომ მაინცდამაინც დღეს? ნუთუ ესაა თანაგრძნობა?

ეს იყო ჩვენი პირველი ლამე. მერე გავიდა დრო. შვილი არ გვეყოლა. მარია ხშირად ტიროდა, უშვილობას საშინლად განიცდიდა. ბოლოს დაასკვნა: ჩვენმა სიყვარულმა იმიტომაც ვერ იხეირა, რომ ის პირველი ლამე ცოდვისა იყო, გლოვა ვერ შევძელით და ღმერთმაც მიტომ დაგვსაჭაო.

ყოველდღე ვსვამდი. მეშინოდა საკუთარი თავისა და ყველასი... და ვსვამდი, ვსვამდი, ვსვამდი... ვინ იცის, რა შემემთხვეოდა, ერთხელ არყო რომ არ გამხსენებოდა. ნევროპათოლოგი არყო: შევლა ვთხოვე, მოკლედ — ფსიქიატრიულ საავადმყოფოში მოვხვდი, იქ მთელი ერთი თვე გავატარე. ოჰ, რა დაუსრულებელი და უსაშველო იყო ის თვე. მახსოვს, დროგამოშვებით რაღაც ნემსს მიშხაპუნებდნენ. მედიცინის დას თავაზიანად ვუღიმოდი. ვიცოდი, ყველაფერი ჩემზე იყო დამოკიდებული, თავი რომ არ დამეპირა, საერთოდ იქ დამტოვებდნენ. ექიმს ვარწმუნებდი უკვე კარგად ვარ. ყველაფერი რიგზეა, თავს შესანიშნავად ვგრძნობმეთქი. ჰოი, რა მოსაწყენი დღეები იყო. საავადმყოფოს ეზო კატებით იყო სავსე. ავადმყოფები ჭერ პურის ნატეხებით უმასპინძლებოდნენ კატებს, მერე კი ქვებს უშენდნენ და ხარხარებდნენ.

ერთ შაბათ დღეს მარიამ მომაკითხა. მომვლელმა ქალმა ყვავილები გადმო-
ცა და მახარა, ნება დაგრთეს, გახვიდეთ და ყვავილების მომტანი ნახოთო. არ
შემიძლია-მეთქი, ვუპასუხე. თავის ტყვილი მოვიმიზებე. მომვლელი ნაწყენი
დამირჩა. თვინიერ პაციენტს გაეახარებო, იფიქრა და პირიქით კი გამოუვიდა.
მარიას პატარა ბარათი მივწერე. ვთხოვდი, მეორედ ნუ შეწუხდები, უკვე კარ-
გად ვარ და რამდენიმე დღეში გამომწერენ-მეთქი. მერე ფანჯრიდან ხელი დავუქ-
ნიე. ესეც კი გამიძნელდა.

მარიას შავი ბეწვის ქული ეხურა. მაღალყელიანი ბოტები ეცვა. მკლავზე შა-
ვი ბაფთა ეკეთა, მხრებზე ჩამოშლილი თმა თოვლის ფანტელებით გადაპენტო-
და. ფანჯრისკენ რომ მოიწევდა, მუხლამდე თოვლში ჩავარდა. იდგა მარტოსული,
საცოდავი. რა მექნა, ახლა მასზე ვფიქრობდი, როგორც რაიმე საგანზე: პალ-
ტოს ქვეშ კაბა, კაბის ქვეშ მაქმანიანი პერანგი, მერე თოვლივით ქათქათა
მკერდი... და თუ ამ მკერდს ხშირად ვეფერები, ესეც ალბათ უცნაური მოვალე-
ობის ბრალია. მარიამ გამიღიმა, შიშველი ხელი დამიქნია და წავიდა.

წამოვწეკი და ზეწარში გავეხვიე: სუპის ქვეყანა... სანაგვე ურნებში მო-
ფუთფუთე კატების საძეარო!.. ღმერთო, რა უაზრობაა; ჩემი მასწავლებელი,
მარიას მამა, რა უაზროდ გარდაიცვალა... იმ დღიდან ხომ ჩემშიაც ჩაკვდა რაღაც.
უაზრობა იყო ისიც, რაც ჩემსა და მარიას შორის მოხდა. აი, ახლა აქ ვწევარ,
მარია კი ნამტირალევი თვალებით თავის ცარიელ ოთახებში დააბიჯებს, როგორც
ფერმკრთალი მოჩვენება, როგორც ლანდი...

ლოქტორი კარიკი, პატივცემული ესთეტი კუბოში იხრწნება. იხრწნება ყველა
ბიოქიმიური კანონის თანახმად. ესეც უაზრობაა? არა! ამაში იქნებ მართლაც
იყოს აზრი, რამეთუ აზრი სიკვდილისა ხრწნა მხოლოდ და მხოლოდ.

სააუადმყოფოდან გამოვედი, მაგრამ — უკვე სხვა კაცი. ჩემთვის ახლა სულ
ერთი იყო, კატებს ჭერ პურს ესროდნენ თუ ქვას. უკანასკნელ დღეებში ლამის
ქოთანსაც არ ვთაკილობდი.

წვეთი ღვინო არ დარჩა. სარკეში ჩავიხედე. ვინ არის ეს კაცი? ჰო, ეს ხომ
მე ვარ. მაინც ვინ არის ეს რუბენ პილიმეისი? რატომ სწორედ მე ვარ იგი?
პილიმეისი! ხომ ლამაზი გვარია? ალბათ ჩემმა შორეულმა წინაპარმა გადმო-
მილოცა სახელი. მუსიკოსი თუ იყო. ნათლად ვკვრეტ: მზე ჩადის, ეზოში მთიბავე-
ბი შეკრებილან და საკრავის სმენა ატკობთ. ბალახის სურნელება... მიწის სურნე-
ლება. ხელმარჯვე პაპაჩემი საკრავს აკვნესებს. კაცებს თავი დაუხრიათ, ჩაფიქ-
რებულან. ქალებს ცრემლები მოსდგომიათ თვალებზე... პაპაჩემი უკრავს დაუსა-
ბამოდ, დრო კი მიდის და მიდის. იბადებიან და კვლებიან ადამიანები. და აი,
ჩემი ცხოვრების ჭერიც მომდგარა. გავჩნდი და ვცოცხლობ კიდევ ერთი პილი-
მეისი. მელანქოლიკი და ქვეყნის განაპირას თავისი სევდის ანაბარა ჩამუხლუ-
ლი პილიმეისი. ოცნება კარტოფილის კანისფერი, ქლოროფილი რომ დაჰკლე-
ბია (ასე არ თქვა იმ ყმაწვილმა?).

ახლა ყველაფერს ძილი აჯობებს, მაგრამ არა, არ ძალმიძს. აქ მარტო ვერ და-
ვიძინებ. ზეწარი ალბათ ყინულივითაა. არა, უკეთესია, სამზარეულოში გავიდე
და რუბენ პილიმეისი. დავანაყრო.

ოჰო! ჭერ 11 საათია? შუალამე გადასული მეგონა.

ახლა აქ რომ ლინდა მყავდეს, ჰა? „ფაუსტს“ წავუკითხავდი. აჰ, ლინდასთან

ერთად! ეს იქნებოდა საშინელი კონტრასტი. როგორც კი სინათლეს ჩავაქრობდი, იგი აღგზნებული მოჰყვებოდა, როგორ უყვარს ზღვა... გოეთე, დოქტორ კარკის ოთახი და ლინდა! არა, ეს ხომ საღიზმია. არც ასეთი ცხოველი ვარ, ეს ხომ საძაგელი თამაში იქნებოდა. გაზის მოცახცაზე ლურჯ ალს შევეყურებდი და უფაქიზესი სენტიმენტალობით ვივსებოდი. სენტიმენტალობა წინათ მეთაკილებოდა, ახლა არა. რისი უნდა მრცხვენოდეს, მე ხომ მელანქოლიკი დავიბადე. ჩიბიდან სეფერისის ლექსი ამოვიღე. ვკითხულობ და განვიცდი ჩემივე ხელმოცარულობას.

ცისტერნა

იდუმალ წყლების თავშესაფარ ფესვთა კრებული,
ანუ ცისტერნა, ჩვენს ნაბიჯთა ექოს გამოსცემს,
ველარ შეაღწევს მის სიღრმეში სხივი ვარსკვლავთა,
ვერც მირიადი დღენათელი, ყოველცისმარე
რომ გარდამოვა, იხანგრძლივებს და დასრულდება.

მალა, უღმობელ ცადაქნილზე, მარად მოძრავი
ჩინობს ვარაში ცვალებადი წუთისოფლისა —
სხვა ბედისწერის მოტყარციალე სხივის თანხლებით.
გაბრწყინდებიან სახეები წამით, რომ კვლავაც
გვალმუხების შავ ჩრდილებში გაუჩინარდნენ.

ტრემოს გამოელის სიყვარული სამაგიეროდ...
აგრე სულივით დაქენებიან თეთრი ვარდები.
ტოკავს ბუნების მწვანე გული ცვირთან ბალახზე...
მიახლოვდება ჩემი მწუხრი მოარულივით,
აი, დაიწყო დიდი ღამეც და სასაფლაო.

იქ კი, მიწაში ფესვგამდგარი თბილი ცისტერნა,
თბილი ცისტერნა, იდუმალი თავშესაფარი...
იქ, გამჭოლ ქარში ბინა უდევს ყოველთა ოხვრას...
არის მარადი გაბრძოლების ჟამთა წინარე,
იქ ვერ შეაღწევს ვარსკვლავთა სხივი და დღეთა სრბოლა.

რკინიგზის სადგურთან რამდენიმე ცარიელი ტაქსი იდგა. მძღოლები თვლემდნენ. მენანებოდა ამ ულაზათო და ძველთაძველი სადგურის შეცვლა მოდერნისტული შენობით. გულს მეფონებოდა კიდევ მისი ულაზათობა. ახლა საცაა დაანგრევენ. საღამოობით რამდენჯერ შემირბენია ყავის დასალევად. მოსაცდელ დარბაზში შევედი. ისევე, როგორც ყველა სადგურში, აქაც ერთადაა შერწყმული თვლემა და ფუსფუსი. კართან მდგარმა მილიციელმა ჯერ კი ორჭოფულად გადმომხედა, მაგრამ უმალ დამშვიდდა, ალბათ არც თუ ისე საეჭვო ტიპი ვჩანდი, მილიციელის ზურგსუკან ღრმად ჩაფიქრებული ბრინჯაოს ლენინი იდგა. სადგურში ლენინთან შეხვედრა რალაცნაირად უხერხულიც კია. მის გვერდით სოფლელი ბებრუხანა იდგა. ბებრუხანას ფეხებთან ძველებური კალათა შეენიშნე, რომლიდანაც ცნობისმოყვარე ბატს ჰქონდა თავი ამოყოფილი. ყავაზე გრძელი რიგი იდგა. საათს დავხედე. ღამის მატარებლის გასვლას 15 წუთიდა აკლდა. დაც-
8. ენ ვებტმაა

და გადავწყვიტე. ჩემს წინ. ძელსკამზე ჭარისკაცებს ეძინათ. ერთი ჭარისკაცი ფხიზლობდა. რალაცას კითხულობდა. ილიმებოდა, ალბათ წერილი მიიღო. რა ლამაზად ილიმება ადამიანი, როცა მარტოა და თავისთვის ილიმება.

ჩემი ყურადღება მიიპყრო ახალმა ავტომატმა. ამ ავტომატით მატარებელთა განრიგის გაგება შეიძლებოდა. თვალდახუჭულმა თითი დავაჭირე რომელიღაც ლილას, თან გავიფიქრე. ახლა ამას ენა რომ მისცა, ადგებოდა და მეტყუოდა, ტყუილუბრალოდ რას მაწვალებო. მაგრამ ავტომატს ტვინი და ენა არცა ჰქონია და არც არასოდეს ექნება.

ამრიალდა რკინის ფურცლები. კალინინგრადი. საით? — კალინინგრადი... კენიგსბერგი! ეს ნამდვილია. გარდასული დღეებითლა ცვხოვრობ. ჩემი ფიქრი წარსულს უბრუნდება.

ყელში გაჩხერილი თევზის ძვალი. აგურით ნაშენი სასახლე. ფანჯრიდან ავტომატს გვიშენენ გერმანელები. ფრჩხილებით მიწას ფეხოვნი, სუნთქვა მიჭირს. გონების სიღრმეში ბავშვობის სურათები აფერადდა: ჩვენი ეზო. აგერ, ბოსტანში მიგდებული ვეებერთელა ყვითელი გოგრა. პატარა თეთრი გომია, თავის კუდს რომ დასდევს...

წითური, გაოფლილი პირისახე. რაული ხარ? — წავიჭურჩულებ და გონს ვკარგავ. თვალი გავახილე. რაული ზურგით მიმათრევდა. მეზიზღები... — ვამბობ და კვლავ ვკარგავ ცნობას. ჰო, რაული იყო, რაული სამალკოპსი. სანიტრებისკენ მიმათრევდა. მსუბუქად ვიყავი დაჭრილი. მხარში, და არა ფილტვებში. ეს გულის წასვლაც სიკვდილის შიში იყო და სხვა არაფერი. სიკვდილი ხომ ჩვენზე ეშმაკია, სანამ ქეჩოში არ გწვდება. ვერას მიხვდები.

ყველაზე დიდი უგუნურობა ის იყო, რომ ჩემს თრევაში რაული მიმედ დაიჭრა და ჰოსპიტალში მე თუ ათი დღე ვიწეკი. მის გამოჩანსალებას კარგა ორი თვე დასჭირდა.

ღიას. ასეთი გმირობა ჩაიღინა ჩემმა სკოლის ამხანაგმა, ჩასუქებულმა რაულ სამალკოპსმა (თუმცთა სრულიად ამაოდ). სიკვდილამდე მისი მადლიერი უნდა ყოფილიყავი. ფსიქიატრები ალბათ შეეცდებოდნენ დაემტკიცებინათ, სწორედ ამის გამო შეზიზღდაო რაული.

ვინ იცის, იქნებ ასეც იყოს.

რიგი შეთხელდა, ყავა და ფუნთუშა შეევუკეთე. ცხელმა ყავამ სხეულში სასიამოდ დამიარა.

უცებ ძია იაკობი გამახსენდა და მასთან წასვლა გადავწყვიტე. მამაჩემის კარგი მეგობარი იყო. ახლა მშენებლობაზე საწყობის დარაჯად მსახურობს. ბევრჯერ შემეჩქევი (ან პირიქით, მას შევეუქცევივარ). ხშირად ვსტუმრებივარ, გვისვამს ცხელი ჩაი, იაკობის შვილიშვილს თერმოსით რომ შემოაქონდა, და თბილ ლუმელთან საუბარში დაგვთენებია.

იაკობთან შეხვედრა ყოველთვის მამშვიდებს და სიმხნეს მმატებს. კი, ახლავე წავალ.

ლამის მატარებლით მიმავალი ხალხი აფუსფუსდა. ბაქნისკენ მიიჩქაროდნენ. ერთი ნაცნობი შემეფეთა...

თითქმის ერთი ხნისანი ვართ. თუმცა ის უფრო ახალგაზრდად გამოიყურება. მხარბეჭიანი. წარმოსადეგი, ხელში დიდი ჩემოდანი უჭირავს (ალბათ მძიმე იქნება). თავაზიანი ღიმილით წინ გაატარა თანამგზავრი. ახალგაზრდა ქალი. მაშინ იყო. ერთმანეთს რომ შეხვდნენ ჩვენი თვალები. მზერა ამარიდა. ვითომც ვერ შეამჩნია. ლამაზ თანამგზავრს გაუღიმა. იმან კიდევ რაღაც გადაულაპარაკა და ორივენი ბრბოს შეერივნენ.

ახლა ერთი საუბარი გამახსენდა.

— გეყოფა, რუბენ! სწორედ შენ. შენ და არა სხვამ!.. დოქტორ კარიკის უახლოესი კაცი იყავი. მისი ესეების თავმოყრა და შედგენაც შენ უნდა ითავო. აბა როგორ!

რა თქმა უნდა. ღიმილს მგერის ეს სიტყვები.

„სწორედ შენ და არა სხვამ! დოქტორ კარიკის უახლოესი კაცი იყავი“, — გამოვაჯავრე მე. თან მისი ხმის სრულ იმიტაციას შევეცადე. — ტიტი, კი. მაგრამ შენ არ იყავი, „ლომინგისათვის“ სტატია რომ დამიკეთეთ... კოსმოპოლიტიზმი ესტონურ ლიტერატურაში. ჰა?

— კი. მე ვიყავი, მერე? ახლა რა ვქნათ? მით უმეტეს, ამ საკითხზე ჯერ კიდევ მწერალთა კავშირში გამოხვედი...

— მართალი ხარ.

— მეც ასე ვფიქრობ. ჰოდა, შენი შეცდომა შენვე უნდა გამოასწორო!

გზა გავაგრძელე. მან ციყვის ბეწვისაგან შეეკრილი ქუდი გაისწორა. ძალზე შეენოდა ეს ქუდი. ან იქნებ არც შეენოდა... ჩვენ ხომ ადამიანები მუდამ ისეთები გვეჩვენებიან, როგორიც გვინდა, რომ იყვნენ.

ტიტი — ეს ფაქიზი და სოლიდური კაცი, ტიტი, ყოველთვის ყველაფერს რომ მიხვდება. ტიტი, რომელიც არასდროს ცდება, ხოლო თუ შეცდა. ამ შეცდომას დროულადვე გამოასწორებს.

— შენი თაოსნობით ახლახან, მგონი, მემორიალი გაიხსნა. თუ არ ვცდები, კომელის, არა?

— ჰო, კომელის. მისი სახლის ფასაღზე მარმარილოს მემორიალური დაფა დაკვიდეთ. შენ ხომ იცი, რუბენ, ამ დაფის გაკვრით რა ტვირთი მოვიცილეთ? მერე რამდენ ხანს ვათრიე ეს ტვირთი...

— ახლა გათავისუფლდი? კიდევ კარგი.

— ჰო, ჩვენი შეცდომები ჩვენვე უნდა გამოვასწოროთ. მეტი წილი შეცდომებისა გამოვისყიდე. ის ხალხი, ოდესღაც რომ... ახლა ისევ მწერალთა კავშირის წევრებად ითვლებიან. პენსიას იღებენ...

— როგორ გგონია. ტუგლასს დიდად ეამებოდა, ჯერ რომ გარიცხეთ, ახლა კი ისევ მიიღეთ კავშირში...

— აი, ასეთი მომხამული ენა გაქვს, რუბენ! შენი აზრით, რა? შეცდომის გასწორებას არ უნდა ცდილობდე, თუ როგორ? არა, თუ შეგიძლია რაიმე გვირჩიო, — გვირჩიე.

— არ შემიძლია... მართლა არ შემიძლია.

რა მონდომებული ლაპარაკობს, რას ცდილობს! სწორედ იმ მასწავლებელსა ჰგავს, ბავშვთა გამომასწორებელ კოლონიაში ჰკუის დამრიგებლად რომ არის გამწესებული.

— კარიკზე ადრეც მილაპარაკებია. ჰო, მწერალთა კავშირში. მე დავიწყე, შენ კი გააგრძელე: „რაკი მოსწავლეებიც მის წინააღმდეგ გამოდიან, განა ყველაფერი ნათელი არ უნდა იყოს?..“ ასე არ იყო?

— რუბენ, შენთან საუბარი პირდაპირ აუტანელია.

— გეთანხმები.

— ნუთუ სხეანაირად არ შეგიძლია?

— არა, და იცი, რატომ? ტრიბუნაზე ასვლა აქედანვე გულს მირევს, იქნება ტირილიც მომიდეს. არსებობს გამოუსწორებელი შეცდომები. კარიკი მკვდარია, მკვდარი. გესმის? ვინ არის დამნაშავე? შეიძლება კი ამ შეცდომის გამოსწორება? — ხმა ამიკანკალდა, გული არ ამრევია, მაგრამ საცა იყო ავტირდებოდი.

— იცი, რა იქნებოდა უდიდესი საშინელება? ცოცხალი რომ იყოს, ალბათ, საიუბილეო მაგიდასთან მის გვერდით ჯდომა მომიწევდა, თანაც მისგან ხელმარჯვნივ.

— დამშვიდდი, რუბენ! — ტიტმა მხარზე ხელი დამადო. მოთმინება გამიწყდა. იმიტომ კი არა, რომ იგი ჩემზე მაღალია, უფრო იმიტომ, რომ ტიტი ზოგიერთ რამეში ნამდვილად მართალია. იგი მუდამ ერთ რალაცაშია ხოლმე მართალი.

კვლავ მივაბიჯებდით. ტიტის ხელი ჭერაც მხარზე მედო... ჩემს მორჩილებაში იყო რალაც მანოქისტური, დამამკირებელი და სასიამოვნოც.

— რატომ არ გინდა, იმკურნალო, რუბენ? ბევრსა სვამ... თანაც, ისე გიმკურნალებენ. კაცი ვერ გაიგებს.

ვგრძნობდი, აღარ შემეძლო დუმილი, მზად ვიყავი, ბინძურად, უხეშად, ვულგარულად მეპასუხა... ოღონდაც მისი საოცარი სიმშვიდე და წონასწორობა დამერღვია.

— ტიტი!

— გისმენ, რუბენ! — მის ხმაში თანაგრძნობა ჰქვიოდა. ახლა კი მოვიცილე მხარზე ჩამოდებული ხელი. ფული კი მქონდა, მაგრამ მაინც ღვარძლიანად მივუგდე სიტყვა:

— შენ, იცი, რას გეტყვი, ძმობილო. ამ ლაყობას ისა სჯობს, ხუთმანეთიანი გადმომიგდო, წარსულის მოსაგონარს მაინც დავლევდი.

ახლა ტიტი ლამაზ თანამგზავრთან ერთად მივაბიჯებს მოხდენილად. ყოჩაღ! ამ ქალს კარგი გემოვნება ჰქონია! აბა, ჩემგან რა ხეირს უნდა მოელოდეს. მაინც რა ეშმაკი მემართება? ნუთუ სხვაზე მეტად ცოდვილი ვარ? მარტო მე რად უნდა ვიცრემლებოდე, სხვები კი?..

რაული, — ჰმ!, ეს ინფანტილური არსება! გულის ტყვილი რაა, არ იცის. ის ისეთი მირონცხებულია. რომელსაც სწამს, რომ საზიარებო სეფისკვერი ჰემარტიად ნაწილია უფლისა, მაგრამ თუ უბრძანეს, თვალებდაუხამხამებლად გადასანსლავს.

ალექსანდრე ხომ ზნედაცემულია. მაგრამ განათლება არა აქვს. და რა ქნას? კარისკაცები კარგ ფულს აკეთებენ!

ცოტა ღვარძლიანად და მოშურნედ მიტომ მიყურებს. რომ ლიტერატურაში ფეხი ვერ შედგა.

ტიტი? — ტიტი მალლა-მალლა მიიწევს, ჰკვიანი კაცია, შეცდომებს ასწორებს. დამთმენიცაა შეძლებისდაგვარად, ალბათ, უკვე მემუარებსაც წერს. დარწმუნებული ვარ, კარგადაც დაწერს.

მე? — შესაძლებელია ლოთი ვარ და სხვა არაფერი. პარდონ! მხოლოდ ისეთი, ლოთობის ინტელექტუალურ მიზეზს რომ ჩაეძიება. შესაძლებელია, მხოლოდ...

მშენებლობის უბნის ეზოში ბნელა. ფიცრები და ქვებია დახორბებული. საწყობის კარი შევალე. მეორე საგდული ოდნავ მოლიავებულოყო, სინათლის შუქი გამოკრთოდა. ძია იაკობი არ ჩანდა. ღუმელთან მარტოკა იჯდა მისი შვილიშვილი ლეა. უკან გამობრუნება დავაპირე, მაგრამ მიმიზიდა შუქმა და სითბომ. მიმიზიდა და შემაჩერა. გვერდით ყუთები შევნიშნე და ჩამოვკეჭი. ცივი ღამეა. ქუჩაში გასვლა არ მინდა. ვზივარ და ლეას შევცქერი. მგონი, გაკვეთილებს ამზადებს. ლამაზი გოგონაა. შევთბი. ლეა წამოდგა, წიგნი გადადო და კარისაკენ გაემართა, მერე უკანვე გამობრუნდა და დაიწყო:

— „გული. გულის აგებულება. გული მდებარეობს გულ-მკერდის ღრუში. მარცხენა მხარეს; გული კონუსური ფორმისაა, გარედან შემოსილია ქსოვილოვანი, მტკიცე გულის პერანგით...“ შევეყურებ მის მკერდზე ფეხებს, დაძველებულ ფეხსაცმელებს და ვფიქრობ, ლეასაც ხომ გული აქვს, კონუსისებური გული. ნეტავ, რატომ არ ამბობენ, გული გულსა ჰგავსო. ალბათ, არ შეიძლება. ყველას გვაქვს გული... ჩვენი გულები თავ-თავიანთ საქმეს აკეთებენ ცალ-ცალკე. მერე მოვა ვილაყ ბიჭი, ისიც კონუსური გულის პატრონი, შენს გულს რომ შეიყვარებს, ლეა, და დაგიკოცნის მაგ ტუჩებს, სიცივიდან მოსულ ხანდაზმულ კაცს გულის თაობაზე რომ ეტიტინება...

მეც მაქვს გული, ხნიერი გული! მისი ქსოვილოვანი პერანგი ისე შესქელებულია, ბევრი რამ ველარც შეაღწევს. ალაგ-ალაგ კი, პირიქით. ისეა გაცრეცილი, რომ გულის კარს უღებს ათასნაირ ზედმეტობას. ისევე გავთბი და დაემშვიდდი, ძილიც მომერია, მეჩვენა, თითქოს ლეა საწყობს კი არა, მე მდარაჯობს. კარგია, თუ იცი, რომ გდარაჯობენ.

გული... გული გვაცოცხლებს, იგი ჩვენთვის მუშაობს. არც თვალები აქვს. არც გონება, არც უწყისი, ვინაა მისი მფლობელი... ერთთავად ფეთქავს, ღლენიდაც ტუმბავს სისხლსა და, როგორც მოეპრიანება, ისე დაარბენინებს ჩვენს სისხლძარღვებში...

გულს არც სინდისი გააჩნია.

გული უგულოა!

ლეა ისევე გაემართა კარისკენ.

— „პულსი. იქ, სადაც მსხვილი არტერიები სხეულის ზედაპირს ერწყმის, მაგალითად, მაჯის შიდა მხარეს, საფეთქლებთან, კისრის ორთავ მხარეს. პულსის ბიძგები მოისინჯება. პულსის ტალღა არტერიებში ვრცელდება წაშში ათი მეტრის სიჩქარით... მოძებნეთ პულსი მაჯასა და საფეთქელზე“.

ლეა ჭერ მაჯაზე ეძებს პულსს. ჩემდაუნებურად მეც ვბაძავ. ორი ადამიან-

ნი. ორივე გულს უსმენს. ჩვენ ვცოცხლობთ! მე შენზე ადრე წავალ, ლეა. შენ კიდევ დიდხანს უნდა იცოცხლო, კიდევ ბევრი კონუსისებური პატარა გული უნდა შობო, ლეა! აამეტყველო ახალი და ახალი სახეები კაცისა, რადგან...

გაბრწყინდებიან სახეები წამით, რომ კვლავაც
ეკალმუხების შავ ჩრდილებში გაუჩინარდნენ.

ახლა მე და ლეა საფეთქელზე ვეძებთ პულსს. გასაკვირიც არაა, თუ მასზე ჩქარა ვპოულობ, მე ხომ ხშირად, ძალიან ხშირად ვეჭდარვარ ხელისგულებში თავჩარგული...

ლეამ ანატომიის სახელმძღვანელო დახურა. ახლა კი იცის გულის ასავალ-დასავალი. საკმარისად, რამდენადაც მოეთხოვება. ყუთზე მოვკალათდი და კედელს მივეყრდენი.

დილის შვიდ საათზე გამეღვიძა. ლეას მაგიდასთან ჩასძინებია. იატაკზე გდია სახელმძღვანელო. შიგ რომ ამდენი რამ წერია გულზე.

უჩუმრად გავედი გარეთ, ღრუბლიანი ამინდია, ქარია. ისევ ცრის, სუსხიანი დილაა. მაღაზიასთან რძის ყვითელი მანქანა ჩერდება. კიდევ ერთი საათი მომიწევს ლოდინი. ლუდი მხოლოდ რვა საათზე იქნება.

საიდანლაც რეპროდუქტორის ხმა ისმის. ომისდროინდელი, ნაცნობი სიმღერაა:

„მომაგონდება ჩემი ქალაქის
ზაფხულის ღამე და სიყვარული...“

ზაფხულის ღამეა. წაბლის ყვავილობა, თივის სურნელი, თეთრი კაბების შრიალი... კიდევ ნახევარი საათი. საზიზღარი ვარ, საზიზღარია ქალაქიც... თქვენ არ იცით, როგორ მიყვარს იგი, ჩემი ქალაქი... რატუმის მოედანი, კულასეპის ქუჩა. „ქიმწმენდის“ სახელოსნოსთან ნაცნობი ახალგაზრდა წამომეწია. ხელში უშველებელი პორტფელი ეჭირა. ინდრეკ ლეჰისი? მგონი შევკრთი. ნეტავი თუ დაძინახა? ალბათ, არა. იქვე შეეუხვიე. ნუთუ მართლა მეშინია მისი?

დავიღალე. შესაძლოა კი, ამ დალილობისაგან რომ განვიკურნო? არ ვიცი. მხოლოდ ეს ვიცი, საცაა ლუდის ბარი გაიღება. რიგში ჩავდგები და შიშნარევი ხმით ვეტყვი ჩასუქებულ ლუდის გამყიდველს:

— ორი ლუდი...



კვერცხები ჩინურად

1.
„ღღეს კარგი ღღე იყო...“ — ჩაწერე ჩემს ყავისფერყდიან საერთო რვეულში.

ღღეს კარგი ღღე იყო. ჩემს სანახავად არაფერი არ მოსულა... აგნესის სამშობიაროში წაყვანა ნასადილევს შემატყობინეს. თუმცა რაღა შეტყობინება მინდოდა, რაკი სანახავად არ მოვიდა, მიზეზიც ეგ უნდა ყოფილიყო. მშობიარობა უმძიმესი რამაა!.. ამიტომ ორ კვირაზე ადრე ცოლის ნახვა აღბათ არ მომიწევს.

გასულ სამშაბათს აგნესმა თითქმის სამი საათი დაჰყო ჩემთან. ძალიან დიდი მუცელი ჰქონდა. მძიმედ სუნთქავდა. წამდაუწუმ ოფლიანდებოდა. მისი მშვენიერი მუქი თმა, რომელშიც სულ რაღაც სამი მეოთხედი წლის წინ ვნებიანად დავაცურებდი თითებს, ახლა ცხიმოვანული და გაუხეშებული მეჩვენებოდა. პარკში ვისხედით. სწორედ იმ ვერხვის ძირში. რომელიც რაღაცნაირ მომწარო სურნელს აფრქვევდა და ყოველ წუთს ჩემს კბილს მახსენებდა. ერთთავად საზარდულის ქავილიც რომ ამიტყდა! არადა. მოსეირნე ხალხის თვალწინ ხომ არ დავიწყებდი ქექვას! ყველაზე ძნელი კი მაინც ის იყო, რომ ენაგუჩერებლად უნდა მელაქლაქა და ისეთი სახეც მქონოდა, აგნესს რომ მოუვიდოდა თვალში.

ბოლო ღღეებში აგნესს პირდაპირ დასკდომაზე ჰქონდა ძუძუები. რაც გაოფლილ და დავიწროებულ კოფთაში კიდევ უფრო თვალშისაცემი ხდებოდა, როგორც კი მზერა დაიჭირა, თავი მორცხვად დახარა და ხელის ოდნავი მოკერისთანავე მოთეთრო სითხე გადმომდისო, მიჩურჩულა.

— ბიკის საკმელი უკვე მზადაა! — ამაყად წარმოთქვა აგნესმა და ახლა იმის გაგებას ლამობდა, რამდენად ნასიამოვნები დავრჩი მე ამ განცხადებით...

უხერხულად შევიმბუშნე. რადგან სწორედ ამ დროს იანნიკამ ჩაგვიარა და ჩვენცენ მოიხედა. ძალიან კარგია-მეთქი. ნირწამხდარი ავლულულული. რამხელა ბედნიერებაა, რაღაცას მაინც რომ დატოვებ ამ ქვეყანაზე-მეთქი, ესეც დავუმატე. აგნესს ჩემი პასუხი თითქოს მოეწონა. თუმცა იქვე შეეცადა და-

ვერწმუნებინე, რომ სიკვდილზე ფიქრის უფლება საერთოდ არა მაქვს, რომ დღითიდღე უკეთ გამოვიყურები და ა. შ.

მალე შენს სანახავად ორივე ერთად მოვალთო, შემომღიმა აგნესმა მცირე ხნის შემდეგ. უსაზღვრო ბედნიერების მოლოდინი გამოსკვიოდა მის თვალებში. განსაკუთრებით „ორივეს“ წარმოთქმისას გადაურბინა სახეზე ღვთაებრივმა ნათელმა... და სწორედ მაშინ იყო, გარიყულად რომ წარმოვიდგინე თავი. არადა, როცა ქალები მსგავს სიტყვებს წარმოთქვამენ და თანაც აი ასე შემოგცქერიან, სხვა რაღა დაგრაჩენია კაცს. თუ არა ის, რომ თავი მიუსაფრად და ეულად წარმოიდგინო. მართლაცდა, რას უნდა წარმოადგენდეს საბრალო კაცი მადონას თვალთა წინარე! იქნებ ამიტომაცაა, რომ ანტიკვარულ სურათებში მადონას მზერა ყოველთვის შორეულ სივრცეშია მიქცეული... სადღაც იქით, სადაც პარალელური ხაზებიც კი გადაკვეთენ ერთმანეთს... ხოლო მის მწყურალ სახეს მამაკაცის მიმართ გულგრილი უთანაზიარობის ისეთი ბეჭედი აზის, რომ სულწმინდისაგან დაორსულების შესაძლებლობასაც ადვილად ირწმუნებ კაცი. აგნესიც ასეთი თვალებით შემომცქეროდა, უფრო სწორად, საღლაც შორს, ჩემს თავზემით იყურებოდა და ამის გამო იყო, რომ ტანში ცივი ქრუანტელი მივიღე.

დღეს ნამდვილად შესანიშნავი დღე იყო. მხოლოდ ერთხელ მქონდა გულსრევა... საღამო ხანს კი სასიეროდაც განვეწყვე და პარკის ბოლომდე. ანუ საბოსტნე კვლებამდე ჩავედი. აჰ, სასუქის გროვანზე წამოკოტრიალებული უზარმაზარი გოგრა მეგულებოდა...

ლურსმნების ძველ ყუთზე ვიჭეკი და პარკში ჩამოწოლილ დუმილს ვაყურადებდი. მსუყედ და ნოტიოდ ჩამავებულ სასუქს ისეთი ტკბილ-მწარე ოხშივარი ასდიოდა, რომელიც არათუ მალიზიანებდა — პირიქით, სასიამოვნოდაც კი მაბრუებდა. მიწის სურნელი დალოცოს ღმერთმა! კი, რა თქმა უნდა, არიან ისეთებიც, კრემაციას რომ ირჩევენ, მაგრამ მე იმათ რიცხვს არ ვეკუთვნი... ჭერ ერთი, დათანხმდე დაგწვან, ეს იმას ნიშნავს, გვერდი აუარო რაღაც მთავარს!.. ესეც არ იყოს, განა შეურაცხყოფელი არაა, როდესაც იცი, რომ ფერფლის სრული ინდიფერენტობა შემწვარ-მოხბრაკულის ყველა სტადიის გავლით მიიღწევა!

ლურსმნების ყუთზე ჯდომისას თავში ფრიად საინტერესო აზრები მომდიოდა. მაგალითად, სასუქზე მხარეთქობზე წამოწოლილ გოგრის თვალთვალში აღმოვაჩინე, რომ გოგრაშიც შეიძლება იყოს მადონასეული ნეტარი სიმშვიდე. ეს დარბაისლურად მოყვითალო და სტოიკური გოგრაც ხომ მთლიანად საკუთარ თავშია დანთქმული... იქვე, სასუქის გროვანზე ბაიას ბუჩქიც იზრდებოდა. მაგრამ ასეთ ნოყიერ ნიადაგზე, რატომღაც მთლიანად დაჩიავებულიყო. ნამდვილად ვირთხების ბრალი იქნებოდა, გემრიელი სასუსნავის ძებნაში თუ გამოუთხარეს ფესვები საბრალო ბაიას! მართალია, მისი ყვავილები გოგრაზე უფრო ყვითლად ღალანებდნენ, მაგრამ უცნაურიც სწორედ ის იყო, რომ გოგრას უფრო თავდაჭერებულად ყვითელი ფერი ჰქონდა. ბაიას წყალწყალა — ყვითელი ყვავილები კი ნაძალადევად თავსმოხვეულს ჰგავდნენ... და მე რა ულიად მოულოდნელად გამახსენდა იმბი! ჩემი ბავშვობის მეგობარი, მოუქნელი, თხუპნია, წვირიანი იმბი, ფრჩხილებს რომ ერთთავად კბილებით იკვნეტდა... საბრალო იმბი ხომ ყოველ კლასში ორჯერ რჩებოდა, ხოლო სასკოლო

ცაკეებზე სულ მუდამ კედელზე იყო აწებებული... სამაგიეროდ, თხუთმეტი წლისაც არ იყო. ლუდხანების ახლომახლო რომ დაიწყო წაწნალი... ახლა მგონი იმასაც მივხვდი, რატომ უკავშირებენ ყვითელ ფერს უზნეობას!..

ამ მოულოდნელმა აღმოჩენამ დიდი სიამოვნება მომგვარა... ღმერთო ჩემო, საავადმყოფოში მოხვედრამდე ამისთანა რამეებზე არასოდეს მიფიქრია!

აი, ასე ვიჯექი ლურსმნების ძველ ყუთზე და ბაიას ბიწიერ შეფერილობაზე ვფიქრობდი. ახლა იმასაც ვხვდებოდი, რომ ყველაფერი ეს: ბაია, გოგრა, სასუქი და სხვ. მთლიანობაში ქმნიან ერთ ფერად კომპოზიციას... -- სხვათაშორის, ამ მხატვრულ კომპოზიციაში მშვენიერად იკითხებოდა მძღვრად-წითელი ჩამავალი მზეც, რომელიც ეს წუთია მკრთალად ელაციცებოდა ჩამავებული სასუქის გროვას... ყველაფერში სიცოცხლის ცხოველმყოფელი ძალა იგრძნობოდა.

მაგრამ, აი მზე ჩაესვენა და ბაიამაც მორცხვად დახარა თავი. შორეულმა ხმებმა უფრო გამოკვეთილად შემოაღწიეს ფიცრულ ღობეში. მეგარმონე რომელიღაც რუსულ მელიოდის აკვლოპინებდა. ეს, რა თქმა უნდა, რკინიგზის მიწაყრილთან მოკალათებული კაცები იყვნენ, რომლებიც საღამოობით ლუდის საწრუპავად იკრიბებოდნენ აქ. საიდანღაც ბურთის ტყაპატყუპი და მოსახვევში ტრამვაის ღრქიალი მოისმოდა. ახლა ჯაბახანა ტრამვაი და ჩემი თანამოქალაქენიც წარმოვიდგინე. აი, ისინი თავიანთი სახლებისაკენ მიიჩქარიან... ხელჩანთებში რძის ბოთლები და ფარშიანი ხორცი უწყვიათ... საღამოს გაზეთებში თავჩარგულნი მოსახვევში აღრქიალებულ ტრამვაიაში სხედან და მსოფლიოში მომხდარ ამბებს ეცნობიან.

საგრძნობლად აცივდა.

წამოვდექი და საავადმყოფოსაკენ მიმავალ ბილიცს დავადექი. ბილიცი მუხლამდე წამოხიზინებულ კინჭარში გადიოდა, ამიტომ ფრთხილად უნდა მეკლო. სხვებთან შედარებით, კინჭარი ყოველთვის მეტისმეტად ცივ მცენარედ მეჩვენებოდა. არადა, რომ გეკითხათ, რატომო — ვერაფერს გიპასუხებდით. ახლა მხოლოდ იმასლა ვცდილობდი, ფეხები არ დამესუსხა. რატომღაც დარწმუნებული ვიყავი, რომ ეს საზიზღარი კინჭარი საავადმყოფოს თხელ შარვალშიც გაატანდა.

წამით შევჩერდი. ხეინის ბოლოში უზარმაზარი, თეთრი სვეტებით დამშვენებული ჩვენი საავადმყოფოს შენობა ჩანდა. რამდენიმე პალატაში უკვე აენთოთ შუქი. სამზარეულოდან ქურქლის წყარუნი ისმოდა. ჩვენი საავადმყოფო დღეს უფრო შთამბეჭდავად გამოიყურებოდა. სწორედ რომ სიზმარში ნანახ ზღაპრულ ნაგებობას ჰგავდა. უკანასკნელ გაჩერებასაც მაგონებდა რაღაცით... დიდხანს ვიდექი და თეთრსვეტებიან საავადმყოფოს შიშნარევი გულაჩუყებით მივჩერებოდი... ეს ვეებერთელა ნაგებობა ახლა ჩემი სახლი იყო.

ჰ.

საავადმყოფოს კიბეზე სწორედ ის კაცი შემეჩეხა, რომელსაც დღემდე ვერ გამიგია, ლეო ჰქვია თუ ლეოპოლდი, თუმცა ჩემთვის, გუნებაში კარგა ხანია ლეოპოლდად მყავს მონათლული. ლეოპოლდს ცალ ხელში სახატავი ქალღლები, ხოლო მეორეში საღებავების კოლოფი და ცარიელი ქილა ეჭირა.

ლეოპოლდი თვითნასწავლი მხატვარია (რა სულელური გამოთქმაა, არა?) მთელ დღეებს აკვარელით ხატვაში ატარებს. ახლაც ხატვისაგან არაქათგამოცლილი ჩანდა. რაიმე ახალ მოტივს მიაგენით თუ ისევ ძველ ადგილზე ვარჯიშობთ-მეთქი, კვითხე ლეოპოლდს. ამ კითხვით იმიტომ მივმართე, რათა მის მიერ აკვიატებული საცხედრის ნაცვლად როგორმე სასუქის გროვით დამეინტერესებინა. ხატვის ნიჭი არ დამყვა. თორემ მე თვითონ დავხატავდი... ისევ იქ და იმასვე ვხატავდიო. უმეაყოფილოდ ჩაიბურტყუნა სიტყვა „ვარჯიშით“ აშკარად გაღიზიანებულმა ლეოპოლდმა.

საავადმყოფოში, რა თქმა უნდა. ყველამ ვიცით, რომ არავითარი კიბო ლეოპოლდს არა აქვს. თვითონ კი, მაინც პირიქითაა დარწმუნებული და ალბათ ვერც ვერაინ გადაარწმუნებს. ექიმებს. მაგალითად. ვერ წარმოუდგენიათ. რომ მათი ავადმყოფები ოპერაციაზე გაყვანის წინ საათს ინიშნავენ. ვთქვათ, ოპერაციამ გასტანა ერთ, ორ ანდა სულაც სამ საათს, ეს იმას ნიშნავს, რომ ექიმებმა რაღაც გააკეთეს: ე. ი. გამოჩანმრთელების იმედი უნდა ვიქონიოთ. ლეოპოლდის ოპერაცია ორმოცდახუთ წუთზე დიდხანს არ გაგრძელდება. ჩვენ. რასაკვირველია, ვიცით, რომ ასე სწრაფად მხოლოდ იმ შემთხვევაში მთავრდება ოპერაცია, როცა კიბოს ამოკვეთა პრაქტიკულად შეუძლებელია... ანდა მაშინ. როცა საერთოდ არაა მისი ნასახი ორგანიზმში. სამწუხაროდ. მეორე ვარიანტი თითქმის გამორიცხებულია, რადგან ათიდან ცხრა შემთხვევაში ნაირ-ნაირი გასტრო-ცისტო-სკოპიები საკმაოდ ზუსტ პასუხს იძლევიან. მართალია, ლეოპოლდს ბედმა გაუღიმა და უმნიშვნელო შეხორცებების მეტი არაფერი აღმოაჩნდა. თავისაზე მაინც ჭიუტად დგას და საიქიოში წამსვლელთა ნომერ პირველ კანდიდატად წარმოუდგენია თავი.

ის, რომ ლეოპოლდი ყოველდღე საცხედრეს ხატავს, ავადმყოფთა უმრავლესობას კარგა ხანია ბავშვურ ახირებად მიაჩნია და ჩუმჩუმად ქირქილებენ კიდევ ისე, კაცმა რომ თქვას, საინტერესო კია, მართლა რომ გაწყრომოდა ღმერთი და მუცელში კიბო აღმოჩენოდა. ეს ახირება ვითომ ნაკლებ ბალღური იქნებოდა? აგერ, თუნდაც პეეტერის სრულიად საწინააღმდეგო. დამოკიდებულება ავიღოთ საკუთარი სიკვდილის მიმართ — რით აჯობებდა ვითომ სხვებისას! პეეტერი. რომელსაც მე აქ დავუახლოვდი, ერთი თვის წინ გარდაიცვალა. მასზე სხვა დროს მოგიყვებით.

ლეოპოლდის გაბრაზება. რა თქმა უნდა, სულ არ მიფიქრია, ამიტომ ავდექი და. შენს რომელიმე ნამუშევარს ხომ ვერ მაჩუქებდი-მეთქი, კვითხე. არაო -- ცივად მომიგო. ჩემი ნამუშევრები მე თვითონ მჭირდებაო, ღმერთია მოწამე, ლეოპოლდის მტრობა გულში არა მქონია! მისი ნაცოდვილარი კი გახვრეთლი გრომდაც არ მიღირდა, ამიტომ ყველა უფლება მქონდა ამქერად მე თვითონ გავნაწყენებულიყავი. გადავწყვიტე მეტი არაფერი მეკითხა და ნაბიჯს ავუჩქარე. დერეფნის ბოლოში რომ გავედი. ვერ მოითმინა და დამიძახა. შეეჩერდი. აღუკვებელი ლეოპოლდი მომიახლოვდა და ბავშვებით დარცხენილმა განმიცხადა. თუკი მართლა მოგწონს ჩემი მხატვრობა, სიამოვნებით გაჩუქებ რომელიც გინდა ნამუშევარსო...

— ვიცი როგორ გიყვართ და გესმით ხელოვნება. — მითხრა მან და მთხრავა მეორე დილითვე ვწვეოდი, რათა ჩემი გემოვნებით შემერჩია ნებისმიერი

ნახატი. ლეოპოლდი ფეხიდან ფეხზე ირწეოდა და თავის შემუშუებულ. უწყამ-
წამო თვალებს ახამხამებდა. აუცილებლად გაახლებით-მეთქი, დაჰპარდა.

3.

სამი თვეა ამ საავადმყოფოში ვწევარ. რვეულში ჩაწერა კი სულ ახლახან
დავიწყე. ხომ არიან ადამიანები, სამოგზაურო ჩანაწერებზე რომ მუშაობენ
მთელი გატაცებით. ბოლოს და ბოლოს. არც ჩემი მოგზაურობა ჩამოუვარდ-
და რომელიღაც შვეიცარიაში, ახლო აღმოსავლეთში თუ ცეცხლოვან მიწაზე
მოგზაურობას. ეს მოსაზრება ცოტა არ იყოს ბაქიაობას კი ჰკავს. მაგრამ ჩემი
ღრმა რწმენით. არც კვებარიტებისაგან უნდა იდგეს მეტისმეტად შორს.

აი, ახლაც ვზივარ და ჩემს დღიურებს ვათვალიერებ. ჩემდა უნებურად
რვეულს შუა გვერდებზე ვწლი და იმის გამოცნობას ვცდილობ. რომელი მათ-
განის შევსება მომიწევს უკანასკნელად! ერთ მშვენიერ დღეს. როცა დღიუ-
რების წერის თავი არ მექნება (ასეთი დღე კი აუცილებლად დადგება!), ავდ-
გები და ყველა ჩანაწერს თავიდან ბოლომდე გადავიკითხავ. წინასწარ ვგრძნობ.
რა საინტერესოც იქნება! მაშ ასე. — გავიფიქრებ მაშინ მე. — თავიდან (ე. ი.
ახლა) არც კი მეგონა, თუ სწორედ ამ გვერდამდე ვიცოცხლებდი, თუ სწორედ
ამ გზას გავივლიდი... მექნებოდა აი ეს შეგრძნებები და ა. შ. კვებარიტად
დიდი ბედნიერებაა იმ საქმის დაწყება. რომლის დამთავრებაც აუცილებელი
არ არის! თუმცა საკუთარ თავს თუ გამოუვტყულები, გარკვეული დასასრული
ალბათ მაინც მოხდება ჩემს ცხოვრებაში...

ჩანაწერების იდეა ყავისფერი რვეულიდან იღებდა სათავეს.

კვირაში ერთხელ. ჩვენს მთავარ დერეფანში სახელდახელო პატარა ჩიხუ-
რი მუშაობს ხოლმე. აქ ძირითადად საკანცელარო ნივთებსა და წიგნებს ყი-
დულობენ ავადმყოფები. წიგნები, რა თქმა უნდა. მე არ მაინტერესებს. რად-
გან საკუთარიც ბლომდა მაქვს. მაგრამ ის ყავისფერყდიანი საერთო რვეული,
რაც მართალია მართალია. თავიდანვე ძალიან მომივიდა თვალში. მეც სწორედ
იმ რვეულის ყიდვა გადავწყვიტე. მაგრამ დეიდა ვიქტორიამ მის ნაცკლად მა-
ინცდამაინც ლურჯყდიანი გამომიწოდა.

— არა, არა... ეგ არ მინდა! — კატეგორიული უარი განვუცხადე მე და
თაროზე შემოდებულ იმ ბრინჯაოსფერსა თუ მოყავისფრო რვეულს დავწვდი,
რომელიც ამ წუთას ჩემს მაგიდაზე დევს. ადისონის ავადმყოფობას ზოგჯერ
ბრინჯაოს ავადმყოფობასაც უწოდებენ. ეს რვეულის ყდა და ჩემი ხელისგუ-
ლები თითქმის ერთი ფერისაა. ნუთუ მართლა ვერ ამჩნევთ. ყავისფერი უფრო
რომ მესადაგება-მეთქი, კვითხე. რვეულების შერჩევისას დეიდა ვიქტორიას.
ჩემს გადაკრულ ნათქვამს აბა ის რას ჩასწვდებოდა. ამიტომ იძულებული გა-
ხდი პირდაპირი მნიშვნელობით განმემარტა დეიდა ვიქტორიასათვის ფერების
საიდუმლო... ჩაბეირდა, მაგრამ რა ჩაბეირდა ვიქტორია! უფრო სწორად, მისი
დიდრონი, წითლად მოღაჟღაჟე ლოყები იცინოდნენ. ლურჯი თვალები და ზო-
მაზე მეტად მოკუმული ვარდისფერი ტუჩების პაწაწინა ელიფსი ბუნჩულა.
გორაკებივით ამოზიდულ ლოყებს შორის ყვინთაობდნენ! ვიქტორია გულია-
ნად ხითხითებდა. და მე ვიგრძენი. რა გასაკვირიც ადგათ ამ თონთლოდ დაბე-
რილ სახეზე მის თვალებს. ცოტაც და, თითქოს ეს ორი. ნახევრად დამშრალი
ცისფერი ტბა მოძაგდავე ლოყებში უკვალოდ უნდა ჩაქეუელიყო.

აი, ასე ხმამალა, ასე აშკარად დამცინოდა დეიდა ვიქტორია და საავად-
მყოფოს ეთიკის მიხედვით, თქმა არ უნდა, საეჭირო პერსონალის უმჯაცრეს
სასჯელს იმსახურებდა. მე კი, თქვენ წარმოიდგინეთ, ერთგვარ სიამოვნებასაც
კი მგვრიდა მისი სიცილი... დეიდა ვიქტორია ხომ ჩემს ავადმყოფობას დასცი-
ნოდა! უფრო მეტი! სინამდვილეში იგი აღისონის ავადმყოფობის ყავისფერ
მუნდირს შეურაცხყოფდა. კიდევ რამდენიმე თვეც და, როგორც კი ჩემს
საბოლოო სამყოფელში, ანუ ლეოპოლდის მუზის ობიექტად ქცეულ აგურით
ნაშენებ დაბალ სახლში გადამიტანენ და რამდენიმე ხნით დეიდა ვიქტორიას
განკარგულებაში დამტოვებენ (სხვათა შორის, აგნესს სამიდან ხუთ მანეთამდე
დაუჭდება ეს სიამოვნება!) იგი უსათუოდ გაიხსენებს ჩემს ენაკვიმატობას...
თანაც, მე ხომ ვიცი, რომ იმ დროისათვის, როცა მის წინაშე თუთიის მაგიდა-
ზე დედიშობილას შემომდებენ, ბევრად უფრო გაყავისფერებული ვიქნები...

„დიდი ხუმარა ვინმე კი იყო!“ — აუცილებლად აღმოხდება დეიდა ვიქ-
ტორიას, თუ, რასაკვირველია, ჩემს მაზოხისტურ გამოხტომებს გაიხსენებს და
თავისი ზორბა, ქონმორეული ხელებით ჩემს გაპატიოსნებას შეუდგება! „დიდი
ხუმარა!“ — აი, ერთადერთი წოდება, რომელიც უთუოდ გარკვეულ უპირატე-
სობას მომანიჭებს თუთიის მაგიდაზე შემოწყობილ ჩემს უტყვე მუზობელთა
შორის.

საავადმყოფოს მუშაებს ჰგონიათ, თითქოს ჩვენ წარმოდგენაც არა გვაქვს
დეიდა ვიქტორიას ძირითადი თანამდებობის შესახებ... ავადმყოფებმა, რა
თქმა უნდა, ყველაფერი ვიცით და არც არაფერი გვაქვს საწინააღმდეგო მისი
საქმიანობის მიმართ. ამიტომ საკანცელარიო საქონელსაც დიდი სიამოვნებით
უყსალებთ.

4.

პაწაწინა, საკმაოდ ნაპატივებ კუსმაგვარ ხოჭოებს მუქი სპილენძისფერი
ელთ. ფორმით ისინი საპაერო ბალიშებზე აწყობილ ავტომობილებსაც ჰგავ-
დნენ. აი, ისეთებს, უცხოურ ეურნალებში რომ შეხედებით ხოლმე. ხოჭოები
ბალღინჯოსავით ზანტად დაბობლავენ და ყველაზე მეტად ქარხლის ძირებს
ეტანებოდნენ.

ჩვენც ავდექით და ახალი ქიმიური შენაერთით გაყენთილი ბამბისა და
დოლბანდის ნაჭრები საგანგებო კონუსურ კოლბებში ჩავტენეთ, მერე ეს კოლ-
ბები კვლებსა და კვლებს შორის სანახევროდ დაეფალით და მათში ჩამონტა-
ეებული პაწაწინა ნათურები დენის მომწოდებელ მთავარ ბატარეიას მივუ-
ერთეთ.

ო. რა სანახავი იყო ქარხლის კვლებში აციმციმებული ნათურები ღამით!
მართლაც რომ გაბოროტებული კატის თვალებივით ელავდნენ! ჩვენი საც-
დელი ნაკვეთი ქვესკნელში გაჩახჩახებული დარბაზის ალაგ-ალაგ დახვრეტილ,
გამჭვირვალე ქერსა ჰგავდა.

ქარხლის კვლებში ვიდექით და იმის შიშით, რომ ხოჭოები არ დაგვეფრ-
თხო, ხმას არ ვილებდით, მერე კი, როცა დავრწმუნდით, ხოჭოების ქარავანს
არაფერი აკავებდა, გულზე მოგვეშვა. ისინი ურიცხვ, უწყვეტ კოლონებად მო-
ემართებოდნენ. კვლებსა და კვლებს შორის ჩამარხულ კოლბებში მიძვრებოდ-

ნენ და, რაც მთავარია. ამ საბედისწერო გზაზე წამითაც არ ყოვნიდებოდნენ. ჩემმა თანამშრომლებმა ექსპერიმენტის წარმატებით დამთავრება მომილოცეს და წავიდნენ. მე კი მთელი დამე საცდელ ნაკვეთზე გავატარე..

დილით თეთრი კოლბა ამოვთხარე და სათბურის ლაბორატორიაში წავიღე. კოლბის ფსკერზე ხსნარი დალექილიყო. ხსნარი ისე გვეკონდა შეზავებული, რომ მკვეთრი სუნით კი არ დაგვეფრთხო. პირიქით. მოგვეზიდა კიდევ ხოკოები. მართალია. მარილმჟავა არც ისე ძვირია. მაგრამ მის ეკონომიურ ხარჯვას მაინც თავიდანვე ვითვალისწინებდით: ჩვენ მიერ გამოგონებული ფერომონის დაგვემღლ მასშტაბებში გამოყენება საკმაოდ მნიშვნელოვან კაპიტალდაზღვევებს მოითხოვდა.

მაცივარში გადანახული მენზურიდან წყალში გახსნილი ცოტაოდენი სპირტი ჩამოვისხი და გადავკარი. საცდელ კოლბაზე დაკვირვებამ კიდევ ერთხელ დამარწმუნა, რომ მარილმჟავას კონცენტრატი სწორი დოზით მქონდა შერჩეული: კოლბაში სულ პირველად მოხვედრილი ხოკოები უკვე მწვანე მასად ქცეულიყო, დანარჩენები კი კოლბის კედლებზე დაბობლავდნენ და მარილმჟავას ორთქლით თავბრუდარსებულნი ერთმანეთის მიყოლებით იხოცებოდნენ.

მაშინ, მაშინ იყო ჩემის გაგრძელების ინსტინქტზე რომ დავეფიქრდი. იმ უძლიერეს ინსტინქტზე, რომელიც სპილენძისფერ ხოკოებს ამ კოლბისაკენ მოერეებოდა. დიახ!, მაშინ დავრწმუნდი, რომ გამრავლების ინსტინქტი ქემშარიტად ბრმა და ყოვლისშემძლეა... ვინ იცის. ეს ხოკოები იქნებ მარილმჟავას მომაკვდინებელ ცხარე სუნს კი გრძნობდნენ. მაგრამ რა ექნათ. თუ განსხვავებული, უცხო სუნის ძახილი იმდენად ძლიერი იყო, რომ თავშეკავება აღარ შეეძლოთ! აკი სწორედ ეს მძაფრი სუნი იყო. ბრმად რომ აყენებდა მათ საბედისწერო მწკრივში. მაშ, გამოდის, რომ მთელი ეს წელიწად-ნახევარი ჩვენი ლაბორატორია ამაოდ არ გარჯილა — ხოკოების სასქესო გამაღიზიანებლის სტრუქტურული ფორმულა აღმოჩენილია!

დახოცილი ხოკოების თვალთვალში მოულოდნელად იმასაც ჩაეხვდი, რომ ამ *Cassida nebulos*-ების გაგებით მე ნამდვილი ბოროტი სული ვიყავი. ვაითუ განკითხვის დღესაც ასევე მოიყარონ თავი ატრაქტანტის საამო სურნელით კოლბაში შეტყუებულმა ხოკოებმა და შურისძიების ნიშნად ქარხლის ფესვებივით გამოიხრან!.. ამ აზრმა ერთგვარი ხალისიც კი მომგვარა. მენზურაში დარჩენილი სპირტი გადავკარი და მკვდარი ხოკოებით სავსე კოლბას ონკანში მოშვებული წყალი გამოვავლე. დანარჩენი კოლბები ქარხლის კვლებშია დაფლული!..

წყალში გახსნილი მარილმჟავა ხელსაბანის რკინის სალტებზე აშიშინდა და იმოდენა ბუმტულეები მოიყენა, იძულებული გახვდი ცოტაოდენი სოდა მომეპნია, მერე ხელები დავიბანე და სინათლე გამოვრთე.

უკვე თენდებოდა. მომწვანო ცას მკრთალი ნათელი გადაჰკრავდა. პირველი საგარეუბნო მატარებლის ჩამოსვლას წუთებიდა აკლდა.

კოლბებში დატანებული პაწაწინა ნათურები გამოვრთე და ისეთი გრძობა დამეუფლა, თითქოს ქვესკნელში გაჩახჩახებული დარბაზის ალაგ-ალაგ დახკრეტილი ჰერიც ჩაქრა... ცვარნამით დათქორილმა ქარხლის ყლორტებმა წინდები დამისველა.

ასე და ამრიგად. შეიძლება თამამად ითქვას, რომ ჩვენმა ექსპერიმენტმა იმედები გავვიმართლა.

ღღეს დილით გავიგე, რომ ჩენი განყოფილების ახალ გამგეს რეგისტრატურაში პერფოკარტის სისტემა შემოუღია. მოწყალების დებს ეს სიახლე სულაც არ ეკმარებოდა. რადგან ახალი წესების თანახმად ჩენი სამედიცინო მონაცემები ყოველდღიურად უნდა გადაეტანათ პერფოკარტებზე! ეს მოსაბეზრებელი საქმიანობა კი ძირითადად იმათ კისერზე გადავიდოდა, ვისაც ღამით უნდა ემორიგევა. წინათ, მორიგეობის საათებში, ღამის ქოთნების ჩამოტარებისა და ნემსების გაკეთების შემდეგ მუშაობა გადაკრულ ტახტზე წამოწოლილი მოწყალების დები ცოტა ჩნით მანაც ახერხებდნენ თვალის მოტყუებას. განა ყოველ ღამე ჰყავდათ მომაკვდავები! ესეც არ იყო, უიმედოების მოვლა ჩვეულებრივად მარგიტს ევალებოდა.

პერფოკარტის სისტემა რომ გამაცნეს, წამით ისეთი გრძნობა დამეუფლა. თითქოს კაკანათივით პირდაღებულ კართოტეკის ყუთში შემეკუქეს. აი, ახლა ეს ყუთი საღდაც თავისთვის დევს და მასში უამრავი ციფრობრივი მონაცემებით გამოთვლილი ჩემი პერსონაა გამომწყვდეული. ეს ის კაკანათია, რომელსაც ვერცერთი ჩვენთაგანი თავს ვერ დააღწევს. აქ ყველანი, ასე ვთქვათ, ერთ ჩხირზე ვართ ჩამოცმულნი.

წინათ ამგვარ რამეებზე არასოდეს არ მიფიქრია, ახლა კი იმდენი დრო მაქვს, საამისოდაც კი მოვიცალე. ვცდილობ, რაც შეიძლება გულგრილი დამოკიდებულება გამოვიმუშავო ყოველგვარი მიწიერი ამბების მიმართ. მართალია, ხანდახან გაზეთებს ვათვალისწინებ, მაგრამ რა — გუშინ, მაგალითად, სრულიად არ აუღელვებებია რომელიღაც ქვეყნის პატრიოტების დახვერტის ცნობას, არადა, წინათ სულ სხვანაირი ვიყავი, გუშინდელ დღესავით მახსოვს ბერძენი პატრიოტების დასაცავად გამართულ მიტინგზე რომ გამოვიდოდით. მე პირადად, მაღლა-მაღლა წვევისაგან დაბუეებულ ხელში, თუ არ ვცდები, მანოლის გლეზოსის პორტრეტი მეჭირა, საშინლად ცხელი დღე იყო, შხისაგან თავი მისკდებოდა. ოფლად ეიღვრებოდი და თვალეში მოთეთრო ლაქები მიხტოდნენ. მიტინგზე გამომსვლელთა გრძელსა და მოსაწყენ სიტყვებს ბოლო არ უჩანდა, მე კი, მიუხედავად ამისა, გაწამებული ბერძენი პატრიოტები მართლა გულით მეცოდებოდნენ და მაღლა შემართულ ჩემს გლეზოსს არავის ვუთმობდი. ახლა კი, ახლა ოდნავდაც არ შემოიძლია ვუთანაგრძნო იმ განრისხებულ ახალგაზრდებს, რომლებსაც ზურგსუკან ხელებს უგრახენ და ვირის აბანოში მიერეკებიან. ახლა მე ფუნთუშეულის პუდინგით მიმასპინძლებიან და თუ მოვისურვებ, ღამის ქოთანზეც დამასკუბენ. ერთი სიტყვით, ყველაფრის უფლება მაქვს... გარდა საკუთარი ბედის ამორჩევისა. ხომ შეიძლება ახლა რომელიმე სიკვდილმისჯილი პატრიოტი დახვერტის მოლოდინში იყოს, მაგრამ მშვენივრად იცოდეს თუ რისთვის კვდება, რა მიზანს სწირავს თავს... და მე მშურს მისი, რამეთუ ჩემი სიკვდილი, მარტოდენ უაზრობის დასასრულია ამიტომაცაა, მიწიერ ფიქრებს რომ გავუბრძვიარ. განა ამ ყოველად უსარგებლო ტვინის ქყელტას თავშესაქცევ პერფოკარტებზე ან საკუთარ თავზე ფიქრი არ ჯობია?!

პერფოკარტის ჩხირებზე ჩენი სამედიცინო მონაცემების ჩამოცმა განა მართლმე მგვრიდა ზიზღს. დღისით შეზღონებში ჩამსხდარი სხვა ავადმყოფე-

ბიც სწორედ ამ ახალ სისტემაზე კამათით ირთობდნენ თავს. ყველაზე მეტად ერთი აწოწილი ახალგაზრდა აქტიურობდა. მე მისი სახელიც არ ვიცი, მაგრამ, თუ არ ვცდები, ფილტვების კაზი უნდა ჰქონდეს. მიუხედავად ამისა, ეს ფრჩხილებგადაღებილი ტიპი ყოველდღე პეპელასებური ბავთითაა ყელდანსეკრებული.

— იქნებ აწი არც ჰქონდეს აზრი ამ აბების ყლაპვას. ქალბატონო დაიკო? — შეეკითხა იგი ერთხელ მარგიტს და აბრეშუმის ფერად ცხვირსახოცში ჩააფურთხა. — სულერთია, ჩვენი ხსნა მხოლოდ ყოველისშემძლე სადგისშია. მთავარია, კარგად შეგვირკოთ.

მას ავადმყოფურად შეფეაკლული ლოყები ჰქონდა. ყველაფერზე ეტყობოდა, რომ სადგისის იდეა დიდ საიმოვნებას ჰგვრიდა. რატომღაც სულ მეჩვენებოდა, რომ მამათმავალი უნდა ყოფილიყო.

მარგიტი ყოველდღე იმის მტკიცებაში იყო, რომ ჩხირებზე ჩამოცმულ ამ ბარათებს მხოლოდ სარგებლობა მოაქვთ ავადმყოფებისათვის. ერთხელ სხვადასხვა გვუფებად დაყოფილ კართოტეკაზეც გვიამბო რაღაც-რაღაცები, რომელიც თურმე დიდ დახმარებას უწევს ექიმებს, მაშინ იყო პერფორაციის ყუთთან მოფუსფუსე ჩვენი ექიმები რომ წარმოვიდგინე. ერთი!!! — და ჯადოსნური კოლოფიდან ერთად შეკრულ რამდენიმე ავადმყოფს მარცხენა თირკმლით დაითრევენ. ორი!!! — და მაგიდაზე ჩამწკრივდება ქლექიანების მთელი ფრაქცია. ამ რკინის ყუთიდან წარმოუდგენლად მრვალფეროვანი დაჯგუფებების გამოხზობა შეიძლება. თანაც ელვისებური სისწრაფით. სულ და გულო, რაც კი მოგეპირიანება... გამოხრული კბილების მიხედვით გინდათ? ინეზიო, ბატონო! შარდში ცილების რაოდენობის მიხედვით? ახლავე, ბატონო! ასე რომ, ადვილი შესაძლებელია, მეც იმ ჩხირზე წამომავონ, რომელზეც ლეოპოლდი. ან ეს საეჭვოდ მინახებული ბიჭი და. ღმერთო დამიფარე, ის აუტანელი ი. ანდრესკოოკია № 2 პალატიდან. დიახ. ამ რკინის ყუთში ყველა მათგანს შეუძლია შენ მეზობლად აღმოჩნდეს... და იქნები მერე დღე და ღამე მათ შორის ჩაჭედილი. თუ ყუთში მეზობლობა ასე გარდუვალაია, მაშინ მე ჩემდა თავად იაანკას გვერდით ყოფნას ვირჩევდი... სხვათა შორის, აგნესსა და იაანკას შორის არჩევანის უფლება რომ მოეცათ, მაშინაც კი!

აგნესზე საკმაოდ ხშირად ვფიქრობ. ყოველ შემთხვევაში იმაზე უფრო ხშირად, ვიდრე მინდა... ამ ბოლო ხანებში რატომღაც ისეთი სიტუაციები და საოცრად უმნიშვნელო წვრალმანებიც მახსენდება. კარგა ხნის დავიწყებული რომ მეგონა.

6.

დილით ლეოპოლდს ვესტუმრე. იგი იმ იეორელ მოხუცთან ერთად ცხოვრობს, რომელიც ყოველდღე სიკვდილს ელოდება. ვინ მოთვლის, ამ უთვისტომო კაცს რამდენჯერ დაუპირეს საავადმყოფოდან გაწერა და მარტოხელა მოხუცთა სახლში გადაყვანა, მაგრამ რა! ყოველთვის ისეთ ალიაქოთს ასტეხს, ვერაფერს უბედავენ. თანაც ერთთავად თავისი მოსკოველი ძმისშვილით, ანუ „დიდი კაცით“ ემუქრება ყველას. „ის თქვენ გიჩვენებთ სეირსო“, სულ ეს აყერია პირზე. მოსკოველი ძმისშვილი ნამდვილია თუ გამოგონებული, კაცი-

შვილმა არ იცის, მაგრამ მთელი უბედურება იმაშია, რომ ყოველი აყალმაყალის შემდეგ მოხუცს სიცხე უწევს და სისხლს ახველებინებს. ჰოდა, მაშინ აბა ვინ გაბედავს მის გაწერას. სხვა მხრივ, ლეოპოლდის თქმით, საკმაოდ უწყინარი მოხუცია და არავის არაფერს უშავებს. მხოლოდ ერთხელ, შუალამისას წამოუწყვია ხმადაბალი სიმღერა რუსულ-ფინურ კილოზე. ლეოპოლდს უფიქრია, ახლა კი მიაქვს წერილიო, მაგრამ, შენც არ მომიკვდე, მეორე დილით საღსალამათი წამომდგარა.

როგორც შევამჩნიე, ლეოპოლდს დროულად დაეჭირა თადარიგი. ჯერ იყო და პალატაში ჩაით სავსე პატარა ქვაბი მოაცუქცუქა, მერე კი კვლიავის მარილიანი ნამცხვრითაც გამიმასპინძლდა, ნამცხვარს ოდეკოლონის გემო დაჰკარავდა. მთელ პალატაში ლეოპოლდის ნახატები და აკვარელი იყო გამოფენილი — სკამებზე, საწოლზე, ფანჯრის რაფაზე, იატაკზეც კი მისი ნამუშევრები ეწყო. მხოლოდ ერთი სკამი იყო ცარიელი, ალბათ ჩემთვის.

— რომ შევაგვიანდათ. ვიფიქრე, აწი არ მოვა, ალბათ დაავიწყდა-მეთქი. — შემომღიმა ჩემი ტუმრობით აშკარად გახარებულმა ლეოპოლდმა.

რა უნდა მეთქვა. წუხელის ცუდად მეძინა და ნასაუზმევს ცოტა დავისვენე-მეთქი, ვიცრუე მე. მეც ცუდად მეძინაო, შემომჩივლა თავის მხრივ ლეოპოლდმა. გუშინ მოხუცი ბაღში მოპარული ალუბლით გასკდა და მთელი ღამე ხენეშოდაო.

— იმდენი ალუბალი ჩახეთქა, მთელი ღამე არ დამაძინა, მოვიდეს ერთი მთავარი ექიმი! — გაყვითლებული საჩვენებელი თითით დაემუქრა ლეოპოლდი მოხუცს. მერე ჩემკენ გადმოიხარა და დელიკატურად მიჩურჩულა, ალუბლით გამძღარ მოხუცს მთელი ღამე გაზები აწუხებდაო.

იეორელს წარბიც არ შეუხრია. იწვა თავისთვის და ეშმაკურად ილიმებოდა. ცოტა ხნის შემდეგ ისიც შევამჩნიე როგორ დაეცა თეთრ ზეწარზე მისი მოკუმული ტურებიდან გამოპურქყებული ალუბლის წითელი კურკა. მოხუცი ისევ ეშმაკურად ილიმებოდა.

ლეოპოლდის ნამუშევრებს წელზე ხელებდაწყობილი ვათვალიერებდი და ვიწრო პალატაში ისე დავაბიჯებდი, თითქოს ნამდვილ გალერეაში ვყოფილიყავი. ეს იყო ალბათ გამოფენა, რომელსაც მე უჯანსაღად ვათვალიერებდი!

სანამ ნახატებს ვაკვირდებოდი, ლეოპოლდი ერთადერთ ცარიელ სკამზე იჯდა და ისეთი მედიდური გამომეტყველება ჰქონდა, თითქოს სურათის გადასაღებად ემზადებო.

ყველაზე მეტად იმან გამაოცა, რომ ლეოპოლდის სურათები გაქრილი ვაშლივით ჰგავდნენ ერთმანეთს: თანაც ყველა ერთი წერტილიდან იყო დახატული... ეს იყო საცხედრე, უფრო სწორად, საცხედრის ფასადი. ყოველ შემთხვევაში, დანარჩენი კედლები არც ერთ ნახატში არ ჩანდა. ამის გამო თუ იყო, რომ მისი ნამუშევრების უმრავლესობა ბავშვის დახატულ სახლებს ჰგავდა. ოღონდ საკვამურები აკლდა, ეს იყო და ეს. სხვათა შორის, მინდოდა კიდევ ამის აღნიშვნა, მაგრამ ლეოპოლდი ისეთ პოზაში იჯდა, მისი შეწუხება ნამდვილად საცოდნობა იყო. თუმცა არა, კაცმა რომ თქვას, ყველა ნახატი მაინც არ ჰგავდა ერთმანეთს. შავლითადაც, ცა ყველგან სხვადასხვანაირად იყო გამოსახული. ერთ ნახატში თუ საცხედრის თავზე შავი ღრუბლები გადადიოდნენ. მეორეში ლურჯი ცა კამკამებდა. მე, რატომღაც მოწმენდილციანი ნახატები

უფრო მომწონდა. განსაკუთრებით აი, ის, რომელზედაც წარმოსახვითი საკვამურის ადგილზე ლიმონისფერი მზე იყო მიღლაბნილი. სწორედ ამ ნამუშევრის წინ შევჩერდი ყველაზე დიდხანს. ლეოპოლდმაც არ დააყოვნა და უმაღლესი დახვეწილი მხატვრული გემოვნება შემეპიჯა.

— მიხარია, რომ ხელოვნებისადმი მარტივი დამოკიდებულება არ გქონიათ, — მითხრა მან, — სხვა, თქვენს ადგილზე, მაინცდამაინც შავი ღრუბლებით შესულარულ საცხედრეს ამოირჩევდა.

რა გაეწეობოდა. ავდექი და სწორედ ის უღრუბლო ნახატი ამოვირჩიე საჩუქრად. ლეოპოლდიც, რასაკვირველია, დიდი სიამოვნებით დამთანხმდა.

— ხედავთ? აი, აქ, ხის ტოტზე ჩიტი ზის, — ისევ შემომღიმა ლეოპოლდმა. დავაკვირდი. ერთ-ერთ ტოტზე მართლაც კარგა მოზრდილი ყვითელი ფრინველი წამოსკუპულიყო.

— ეს, ასე ვთქვათ, მხატვრული გამონაგონია. სხვათა შორის, ეს ნამუშევარი მეც ძალიან მომწონს, — გაიბადრა ლეოპოლდი, — მაგრამ თქვენ დიდი სიამოვნებით გაჩუქებთ.

ლეოპოლდმა ჩემ მიერ მოწონებული ნახატი აიღო და იეორელი მოხუცის მუცელზე გადაფარებულ ნაცრისფერ საბანზე დადო.

— ცივ ფონზე უკეთ ჩანს, არა?

თანხმობის ნიშნად თავი დავექნიე. ამასობაში, მგონი, იეორელმა მოხუცმაც კი გამოავლინა ცნობისმოყვარეობის ნიშნები, მაგრამ საკუთარ მუცელზე დადებული ნახატი რომ შეათვალიერა, გულგრილობის ნიშნად მხარი იცვალა და ჭერისაკენ თვალმიქცეულმა თეთრ ზეწარზე ისევ ალუბლის წითელი კურკა გადმოაპურკჳა. მერე მხრის შემუხნვეელი მოძრაობით შეეცადა კურკა მუცელზე დადებული ახატისაკენ დაეცურებია, მაგრამ არაფერი გამოუვიდა, რადგან კურკა საბნის ნაკეციში გაეჩხირა. ამ დროს კედელსა და საწოლს შორის მოხუცის მიერ პარკით გადამალული ალუბალი შევნიშნე. პარკის ფსკერზე ალუბლის წითელი წვენი ჩაწერტილიყო.

ლეოპოლდმა თავისი ნახატი აიღო და „მე შენ გიჩვენებ სეირსო!“ ისევ დაემუქრა მოხუცს. იეორელი კი ამ მუქარასაც დუმილით შეხვდა. თუმცა ამჯერად არც გაღიმებია. გულჩათხრობილი და ბრაზიანი გამომეტყველება ჰქონდა. ეტყობა, არც ერთი კბილი არ შერჩენოდა, ამიტომ ალუბლის წვენი შეწითლებული პირის კრილი თითქმის ცხვირამდე აღწევდა, რის გამოც ძალზე სასაცილოდ გამოიყურებოდა.

ლეოპოლდს დიდი მადლობა გადაეუხადე საჩუქრისათვის, რის შემდეგაც ორ-ორი ფინჯანი ჩაი დაველიეთ.

წამოვდექი. წასასვლელად მოვემზადე. ლეოპოლდიც წამოდგა და ხელი ჩამომართვა, მაგრამ სწორედ ამ დროს ჩემი მხრის გასწვრივ რაღაც მნიშვნელოვანს მოჰკრა თვალი და მაშინვე ფანჯარას მიაწყდა.

— ერთი ამ საიქიოდან მობრუნებულს დამიხედეთ! — აღშფოთებით წამოიძახა მან, — ოპერაციას ძლივს გადაურჩა და აჰა, უკვე ბუჩქებში დაწანწალებს!

ფანჯრიდან რომ გადავიხედე, თვდაპირველად საცხედრისა და იასამნის ბუჩქების მეტი ვერაფერი დავინახე. მერე კარგად დავაკვირდი და ბუჩქებიდან ფრთხილად გამომძვრალი იანთიკა შევნიშნე. ქერათმიანი, ჩასუქებული,

9. ენ ვეტემაა

ბავშვურად პირმრგვალი იაანიკა საავადმყოფოსაკენ მოლასლასებდა და თავისი ფლოსტებით წერილი სილით მოკირწყულულ ბილიკზე მსუბუქ ნაკვალევს ტოვებდა.

— არა, ნეტავ რას დაწანწალებენ! — ბოროტად გამოსცრა ლეოპოლდმა და ვიგრძენი, როგორ აღიზიანებდნენ მას საცხედრის ახლომახლო მოსიერნე ადამიანები. — დაუყოვნებლივ უნდა აიკრძალოს... ესეც რომ სხვებს აპყოლია!..

ოტა ხნის შემდეგ იასამნის ბუჩქებიდან ი. ანდრესკოოკი გამოძვრა და ისიც საავადმყოფოსაკენ გაეშურა. ხელში განუყრელი ხელჯოხი ეკირა, რომლითაც ჩვეულებისამებრ ბაბუაწვერებს აწყვეტდა თავებს. ო, როგორ ვერ ვიტან ამ ანდრესკოოკს, ვერ ვიტან მის ხელჯოხს, მის ცრუ მნათეს სიფათს, მის წითლად აღაელაყებულ ლოყებს!

ამასობაში ლეოპოლდმა კიდევ ერთხელ ჩამომართვა ხელი და დაეინებით მთხოვა ხშირ-ხშირად ვწვეოდი.

— მეწვიეთ, როცა გაგიხარდებათ! მობრძანდით და ვისაუბროთ ხელოვნებაზე...

ამ დღეებში აუცილებლად შემოგივლით-მეთქი. მერე მის ზურგს უკან ვავაპარე თვალი და კარგად დაეინახე, როგორ მოახვედრა პირიდან გამოსროლილი ალუბლის კურკა ლეოპოლდის ერთ-ერთ ნახატს საწოლიდან ჩუმად წამომდგარმა იყორელმა მოხუცმა.

7.

ლამდება. საღამოს დასალევ პრედნიზოლონის აბებს ერთმანეთის მიყოლებით ვყლაპავ და პალატის განიავების შემდეგ ისევ იმ წიგნებს ვფურცლავ. რომელთა მიმართაც ჭერაც არ დამიკარგავს ინტერესი. ესენია: ანატომიური ატლასები, სამედიცინო ენციკლოპედიები, სახელმძღვანელოები ფიზიოლოგიაში... მართალია, გამოჩანმრთელების იმედით დიდი ხანია უკვე არ ვიტყუებ თავს, მაგრამ არც ისე სულელურად მინდა მოვკვდე, რომ ადამიანის არსებობის შესახებ ელემენტარული წარმოდგენაც არ მქონდეს.

ოთახი ღამის ჰაერით ივსება. დღეს თითქოს განსაკუთრებით სუფთაა ჰაერი.

ჩენი სართულის ამ პატარა პალატაში, მე ჭერ კიდევ მარტო ვცხოვრობ. ე. ი. ჩემს პატარა ფანჯარასაც. როცა მინდა მაშინ ვალებ და ვკეტავ, თითქოს სასტუმროში ვიყო! შემიძლია მთელი ღამე ვიკითხო, ანდა სულაც დღიურები ვწერო. ექიმებს, რა თქმა უნდა, მაინცდამაინც არ ეხატებათ გულზე, მე რომ სამედიცინო ლიტერატურას ჩაკვირკიტებ. მაგრამ რას იზამ. მე პირადად, მიუხედავად იმისა, რომ ქიმიურ მეცნიერებათა კანდიდატი ვახლავართ, სრულებით არაფერი მაქვს საწინააღმდეგო, თუკი ვილაც-ვილაცები ჩემი პროფესიის საცნობარო ლიტერატურით დაინტერესდებიან. ექიმები საერთოდ თავისებური ხალხია. როგორც ცნობილია, მედიცინას თავის დროზე მონასტრებში ჩაეყარა საფუძველი. იქნებ ამიტომაცაა, რომ ექიმებს რამდენადმე ბერმონაზონთა ახირებულობანი ახასიათებთ... საქმე იქამდე მივიდა, ერთი პირობა წიგნების ჩამორთმევეც კი დამიპირეს, მაგრამ ეს „მშვილი“ პაციენტი ისეთი ყვირილითა და უწმანური გინებით დავუხვდი, ბოლოს და ბოლოს თავი დამა-

ნებს. ახლა, თირკმელზედა ჯირკვლის შესახებ. იქ, სადაც ჩემი კიბოა შეს-
გადგმული, მე თითქმის ყველაფერი ვიცი. ყოველ შემთხვევაში დღეს: უკვე
ოთხმოცდაცხრამეტი მთელი და ოთხმოცდაცხრამეტი მეასედი პროცენტითა
ვარ დარწმუნებული, რომ ადისონის ავადმყოფობა თირკმლის კიბოსაგან ავი-
კიდე. სხვათა შორის, საკმარისია, ზუსტად გამოიცნო, რომელი ავადმყოფობა
გლავს და ერთბაშად გულზეც მოგეშვება. ეტყობა, ჩემი კიბოს მეტასტაზები
თირკმელზედა ჯირკვალსაც გასცდა, თორემ მარცხენა ჯირკვალის ამოკვეთაზეც
არ შეიკავებდნენ თავს. მაშასადამე, გამოდის, რომ ოპერაცია დაგვიანებულა!

სამედიცინო ლიტერატურის კითხვისას რას არ გადააწყდები კაცი! ასე მა-
გალითად, ვინმე შიშვენიერი თავის ერთ-ერთ სტატიასი თავს ესხმის თირკმელ-
ზედა ჯირკვლის საყოველთაოდ მიღებულ ლათინურ სახელწოდებას და თავკა-
ჭრებით აცხადებს, რომ მას glandulae suprarenales-ი კი არა, glandulae adre-
nales-ი უნდა ერქვას. მის მიერ შემოთავაზებული ლათინური გამოთქმის ს-
ხედვით ჯირკვალი თირკმლის თავზე კი არა, მის გვერდითაა მოთავსებული.
სხვათა შორის, ეს მართლაც ასეა. მხოლოდ ადამიანებსა და ადამიანის მსგავს
მაიმუნებს აქვთ იგი თირკმლის თავზე და ისიც იმ უბრალო მიზეზის გამო,
რომ ევოლუციური განვითარების ერთ მშვენიერ დღეს მათ ნება იბოძეს და უკანა
ფეხებზე წამოდგნენ. ყოველ შემთხვევაში, დანარჩენ primat-ებს, რომლებიც
პორიზონტალურ მდგომარეობაშიც მშვენიერად ახერხებენ გადაადგილებას,
ჯირკვალი თირკმლის გვერდით აქვთ მოთავსებული, ისევე როგორც ჩვენ,
ოთხზე რომ დავმდგარიყავით. მაგრამ, როდესაც შენ დაავადებული ჯირკვალი
გლავს და არა მისი ლათინური სახელწოდება, ალბათ დამეთანხმებით,
მსგავსი სტატიები ბრაზისა და ღიმილის მომგვრელია ერთდროულად. თუ კარგია,
თვითონ შიშვენიერმა სცადოს ოთხზე დაშვება! ვინ იცის, იქნებ მხიარულ გუნება-
ზეც კი დადგეს — ავი მას სწორედ ასეთ პოზაში ექნება glandulae adrenales-ი...
მსგავსი ემოციები გეუფლება მაშინაც, როდესაც გაიგებ, რომ თირკმელზედა
ჯირკვლების ფილოგენეზის კლასიკურ გამოკვლევებში საცდელ ობიექტებად
თურმე ნიანგები და სტვენები ჰყოლიათ!.. მაგრამ, რაც არ უნდა იყოს, ასეთი
სტატიები ერთგვარი ინტერესით იკითხება. შეიძლება შიშვენიერის შრომებიც კი
მოეწონოს კაცს... და თუნდაც იმიტომ, რომ სწორედ ამგვარი სტატიების
კითხვისას შეიძლება დაგეუფლოს ოლიმპიური გულგრილობა ადამიანის ხორ-
ციელი ტყვილების მიმართ. მე სულაც არ მინდა პეეტერისნაირად მოვკვდე!
იგი თოჯინების მხატვარი იყო. თოჯინების მხატვრადვე დარჩა პირდაპირი და
გადატანითი მნიშვნელობით.

მე და პეეტერი, ასე ვთქვათ, ერთმანეთის შეტოქენი ვიყავით. სამწუხაროდ,
ახლაც ვერ გეტყვით, ვინ დარჩა გამარჯვებული ჩვენ შორის. მართალია, ფიხიმ-
თან მან მიმასწრო, მაგრამ მე რომ მასზე დიდხანს ვაძველი?...ეს თავსატეხი
ჯანმრთელ კაცს უსათუოდ კამათის გუნებაზე დააყენებდა — საკითხის ფილოსო-
ფიურ ასპექტში გადაწყვეტას მოანდომებინებდა... მით უმეტეს, დანიის
პრინცზე თუ წაუკითხავს რამე, იმ ყოველმხრივ ჯანმრთელ პრინცზე, რომე-
ლიც დალაგებული ნერვული სისტემით მაინცდამაინც ვერ დაიკვებინდა. რი-
ტორიკული შეკითხვები, როგორც ცნობილია, ჯანმრთელთაგან უფროა მოსა-
ლოდნელი, თორემ თირკმელში კიბოგამჭდარებს ნეტა რა ერიტორიკებათ! ჩემი
აზრით, სიკვდილში არავითარი ფილოსოფია არ არსებობს. სიკვდილი ყველა-

ზე საშინელი უსამართლობაა მზისქვეშეთში. დიახ, ეს ის საძაგლობაა, რომელსაც თავისი გარდაუვალობაც კი ვერ ამართლებს!

პეეტერი ცდილობდა, რაღაც არ უნდა დაჭლოდა, საკუთარი სიკვდილი ოდნავ მაინც შეელამაზებინა. უფრო მეტიც — ყველაფერს აკეთებდა, რათა თავისი განსაცვიფრებელი თავდაპირილობით სიკვდილი გმირობის დონეზეც კი აეყვანა. ასეა თუ ისე, მიუხედავად ამ ილიოტური მცდელობისა, ბოლოს და ბოლოს მაინც შემაყვარა თავი. პეეტერს მოკლე ხელები, ინტელიგენტურად ფაფუკი თითები, ხვეული ქერა ომა. ლურჯი თვალები და სწორნაწლავის კიბო ჰქონდა. იგი, როგორც ადრე გითხარით, თოჯინების თეატრში მუშაობდა მხატვრად. ჩვენს თოჯინების თეატრში კი, მოგეხსენებათ, ისეთ ამაღლებულ რაღაც-რაღაცებს დგამენ, როგორცაა, მაგალითად, ანდერსენის „თავგადასაყვანილი კალის მამაცი ჯარისკაცისა.“

ან კი რა საპირობა სიკვდილის შელამაზება! სუნამოს თუ მოასხამ კიდევ ჰო, არა უშავს რა. თუმცა სულერთია, რაც არ უნდა ეცადო, კიბოიანი ავადმყოფის ოთახში მაინც ისეთი სუნი დადგება, როგორიც წესით და კანონით უნდა იდგეს. მორჩა და გათავდა! — ვერაუთარი სუნამო საქმეს ვერ უშველის და ამ დროს არც ისე ძნელი წარმოსადგენი უნდა იყოს, რა დამამკირებელი იქნებოდა სიკვდილის წინაშე პეეტერის თვალთმაქცობა. არადა, ის ხომ ძალასა და ღონეს არ იშურებდა იმის დასამტკიცებლად, თითქოს ხელოვნებით, პოლიტიკითა და ჰადრაკით სიკოცხლის უკანასკნელ წუთამდე დარჩებოდა გატაცებული... ვის-ვის და, მე ხომ ნამდვილად არ მესწავლებოდა მისი ახირებანი. ვინ მოთვლის რამდენი პარტია გეითამაშია ჰადრაკში და სულ იმას ვითოთობა-ზობდი, თითქოს ერთობ ღირსეულ მოწინააღმდეგედ მიმაჩნდა და ეს არც ისე იოლი საქმე გახლდათ. პეეტერი ხომ წარმოუდგენლად სუსტად თამაშობდა. ჩემი ღრმა რწმენით, ალბათ არც საავადმყოფოში მოხვედრამდე იქნებოდა დიდი ბედოვლათი. ისევე როგორც ცხოვრებაში. იგი ჰადრაკშიც ერთთავად მეფის გამბიტსა და შეწირვებს მიმართავდა. თანაც ისეთ მედიდურსა და უაზრო შეწირვებს ეტანებოდა, რომლებიც უკანასკნელ სვლებზე კიდევ უფრო გრანდიოზულად გამოიყურებოდნენ. აი, ასე უმიზნოდ ხარჯავდა იგი მთელ თავის ძალასა და ღონეს! სიკვდილი საზიზღრობაა! სიკვდილი თითოეული ჩვენთაგანის წაგებული ენდშპილია!.. და რატომ უნდა ითვალთმაქცო, თითქოს შენ მასზე მაღლა დგახარ, თითქოს ფეხებზე გყიდა! სიკვდილზე მაღლა ჟერაც არავინ დამდგარა. სიკვდილი გაცნობიერებული გარდაუვალობაა. რა ვუყოთ მერე, თავისუფლებასაც თუ ზუსტად იგივე სიტყვებით განსაზღვრავენ!

გმირობანას თამაში არავის არ უხდება. ასეთების მიმართ დიდი-დიდი ადამიანური თანაგრძნობით ვანწყყო... ხოლო ის, ვინც საიქიოსაყენ მიმავალ გზას დაუფარავი, ყოვლად უწმაწური გინებით დაადგება, ცოცხალთა შორის უმაღლეს ბუნებრივ ზიზღს გამოიწვევს. რაკი სიკვდილი საზიზღრობაა, მომაკვდავიც საზიზღარი უნდა იყოს! ანტიმათიური მომაკვდავი უფრო ბუნებრივია, რამეთუ პირველ რიგში სწორედ ის ამძაფრებს ჩვენს მარადიულ სიძულვილს სიკოცხლის საპირისპირო ცნებისადმი. აი, ნახავთ, როგორც კი ჩემი ფეხების გაკიმვის დრო დადგება, ზუსტად იმდენ ხანს ვიღრიალებ, რამდენსაც ჩავთვლი საპირობდ... სიკვდილთან პოზიორობა არ გამიგია მე!

პეეტერი მაისის პირველ კვირას გარდაიცვალა. გაზაფხულის არაჩვეულებრივად თბილსა და ნათელ დღეს. უნდა ითქვას, რომ ინსცენირების ეს ნაწილი პეეტერს მართლაც დიდებულად გამოუვიდა! მახსოვს, იმ დღეს აგნესმა გაზაფხულის ყვავილები მომიტანა. ჭერ კიდევ მიმზიდველად გამოიყურებოდა აგნესი. ყველაფერი უხდებოდა: კობტად შემრგვალებული მუცელი, თხლად გადაღებილი ტუჩები, ლამაზად დავარცხნილი თმა... პარკში ვსვირნობდით. კოცნიდი, ვეხვეოდი, ვეაღერებოდი. ჯანმრთელი კაცის სურვილები მეძალეობდა. დილა იყო და აგნესის თმასაც კვირა დღის სურნელი ასდიოდა. ჩემი ავადმყოფობის შესახებ ჭერ კიდევ არ ვიცოდით ყველაფერი. ჩემს თირკმელში კი, რა თქმა უნდა, იმ დღიდანვე კიბო ცოცხლობდა. ოღონდ მაშინ ჭერ კიდევ მქონდა ცოტაოდენი შანსი ამ უბედურებისათვის ექვის თვალით შემეხედა.

პარკის ბილიკზე დახაზულ „კლასობანას“ სათამაშო უჯრებში დავაბიჯებდით. აგნესმა ბავშვების დატოვებულ ბრტყელ ქვას ფეხსაცმლის წვერი წამოაკრა და „კლასებზე“ ასკინკლით გადაარბენა მოისურვია, მაგრამ იქვე შედგა, „ო, ახლა ჩემთვის ალბათ არ შეიძლება!“ — წამოიძახა შეცბუნებულმა და ლოყებზე სიწითლემ გადაჰკრა. ვინ იცის, მაშინ იქნება მართლაც მაისის პლაკატივით დაშაქრულსა ჰგავდა ყველაფერი (მე, რა თქმა უნდა, ლურჯად გამჟვირვალე გაზაფხულის კამკამა ცა და მწვანედ ხასხასა ფოთლები მაქვს მხედველობაში), მაგრამ აგნესის მოულოდნელი შეცბუნება მაინც ამაღლებულად და გულის ამაჩუყებლად გამოიყურებოდა. აი, სწორედ ამ დროს იყო, მარგიტმა რომ მოიბრინა და მითხრა, პეეტერი სასწრაფოდ ჰადრაკის სათამაშოდ გიხმობსო, ეს „სასწრაფო“ გამოძახება, რასაკვირველია, ავის მომასწავებლად მენიშნა და დაუყოვნებლივ მისკენ გავეშურე.

ჩემი აჩქარებით ოდნავ განაწყენებული აგნესი პარკში დავტოვე და ეთხოვე საღამოს ისევ მოსულიყო. „იცი, აქ ერთი მძიმი ავადმყოფი გვეყავს... ნერვიული...“ — ავლულლულდი მე, მაგრამ სანამ სათქმელს თავს მოვუყრიდი, აგნესი წავიდა. წავიდა კვირა დღის ქალაქში, ჯანმრთელ ხალხთან, კაცებთან, რომლებიც უკვე სახელოდაკაპიწებულ თეთრ ხალათებში დასეირნობენ, უპიჯაკოდ...

პეეტერის სასთუმალთან პუშკინის ლექსების კრებული იღო.

— ლეთაებრივი ლექსებია! ეს წუთია გადავიკითხე, — მიჩურჩულა პეეტერმა. წიგნი მართლაც ერთ-ერთ გვერდზე იყო გადაშლილი, მაგრამ მაინც ვიგრძენი რომ ცრუობდა.

...გავფრინდეთ ზღვისკენ და ლაქვარდის ფერებთან,
სად მე და ნიავი ვსეირნობთ ერთად...*

დიახ, ეს იყო სტრიქონები პუშკინის „ტუსალიდან“... და ჩემს ხსოვნაში მოულოდნელად ბავშვობისდროინდელი მოგონება ამოტივტივდა: ჩაბნელებული აივანი, ტანვარჯიშის ბინძური ლეიბების ტკბილ-მწარე სუნის და ცრემლუ-

* თარგმანი პაოლო იაშვილისა.

ბის გემო. თუმცა დღეს ამას არავითარი მნიშვნელობა არ ჰქონდა.

— ხედავ, რა ყოჩაღად მიკირავს თავი?. ახლა ნემსს გამოიკეთებენ და მერე ქადრასაც ვითამაშებთ... — ტკივილებისაგან გაწამებული პეეტერი მარცხენა ხელისგულს ფრჩხილებით ჩაფრენოდა და თითქოს დასასტვენად ემზადებო, ნახევრად მოკუმული ტუჩებით ჰაერის შესუნთქვას ცდილობდა.

მარგიტმა შპრიცი მოიმარჯვა და იმ უკანასკნელი მოწყალებით გაავსო, რომლითაც ერთ აღამიანს შეუძლია შვება მოუტანოს მეორეს. მოულოდნელად შევეამჩნიე, რომ მოწყალების დას პანტოპონის ნაცვლად ხელში მორფის ამ-პულა ეჭირა.

— ეს ვიტამინების ხსნარია, — ისევ მიჩურჩულა პეეტერმა. დაყინებულ მზერას არ მუცოლებდა. ნახევრად მოკუმული ტუჩებით ჰაერს ხარბად ისრუტავდა და მუხლების კრუნჩხვაგარეული მოძრაობით ზეწარს ისე ქაჩავდა, თითქოს ფრთხილობდა, ისიც სადმე არ გაუჩინარებულებოდა. პეეტერი ტკივილებისაგან იკლავებოდა... და მე კიდევ ერთხელ მივხვდი, რა საძაგლობაა სიკვდილი. დიახ. სიკვდილი ისეთი საძაგლობაა, რომელიც საბრალო პეეტერმაც კი ვერ შენიღბა.

— ვიტამინი ც, ბ... გლუკოზა... — ბუტბუტებდა პეეტერი.

მახსოვს. თავიდან როგორი წინააღმდეგი იყო ნარკოტიკების მიღებისა. ამასაც, რასაკვირველია, საკუთარი თავის გმირად წარმოსაჩენად სჩადიოდა. არადა, დარწმუნებული ვარ, თვითონაც მშვენიერად იცოდა, რომ ამ ბოლო ხანებში სწორედ ნარკოტიკების წყალობით ედგა სული, მაგრამ საკუთარი თავისადმი ერთგულებას მაინც ბოლომდე ინარჩუნებდა. დიახ, პეეტერი შეიძლება მართლაც გმირი იყო, ოღონდ ისიც უნდა ითქვას, რომ სწორედ მისი ლამაზი სიკვდილი გახლდათ ყველაზე უშნო და ამაზრზენი იმ სიკვდილთა შორის, რასაც მე შევსწრებივარ.

სამხაპეში შევედი. სიბნელეში დანესტიანებულ ძელსკამს მივაგენი და ჩუმად ჩამოვჯექი. ცხვირში ქლორის მძაფრი სუნი მილიტინებდა. მოშლილი ონკანიდან წყალი მოწვეთავდა.

პეეტერი მეორე დღეს გარდაიცვალა.

8.

ის, რაც გუშინწინ ჩავწერე, სრული სიმართლეა. ბოლო ხანებში აგნესთან დაკავშირებით მართლა ისეთი უმნიშვნელო წერილმანები მაგონდება, დიდი ხნის დავიწყებული რომ მეგონა.

აი, ახლაც, ლეოპოლდის ნახატს რომ ვათვალიერებ (იმ აკვარელს ვგულისხმობ, რაზეც მხატვრული გამონაგონის ნიშნად ყვითელი ჩიტია ტოტზე წამოსკუპული) მაინცაღამაინც ის მაგონდება, თუ როგორ იზუთხავდა აგნესი შუალამისას ხელოვნების ისტორიას ლოგინში...

მართალია, ჩვენ ცალ-ცალკეც საკმაოდ ხშირად ვწოლილვართ, მაგრამ ისიც უნდა ითქვას, რომ გამოცდების წინა ღამეს ერთად წოლა, აგნესისათვის უფრო სასარგებლო იყო. მე მას უცხოური სახელების წარმოთქმაში ვეხმარებოდი. ღამის ნათურა დილაღამე კი ენთო, მაგრამ აგნესის მონოტონური ბუტბუტი „შანგანწირვის“ გრძნობას მიმძაფრებდა და, რაც მთავარია, ივენანასავით ჩა-

მესმოდა, მით უმეტეს, დარწმუნებული ვიყავი, რომ ეს ჩემი „თავგანწირვა“ აგნესს ძალზედ სიამოვნებდა.

იმ ღამეს სამ საათზე გამეღვიძა და ვერაფრით ვერ დავიძინე. ხან ღამის ნათურა მიჰკეცებდა თვალებში, ხანაც აგნესის ბუტბუტი მიშლიდა ნერვებს. ახლა უკვე ისიც მალიზიანებდა, ეს გათხოვილი ქალი ასევე გადაღვივლ მასალას გამოცდებით დაფეთებულ მოსწავლესავით რომ იზუთხავდა.

— „...სიცოცხლის უკანასკნელიწლებივინსენტვანგოგამამარლისახლოსგაატარა“ — ხმადაბლა ბუტბუტებდა ჩემი ბეჭითი ცოლი, — მისშემოქმედებაში სამუდამოდ დამკვიდრდაათასრვაასოთხმოცდაექვსწელსპარიზშიარჩეულიხატვის-მანერარაკისახაკიდემციმსმრავალრიცხოვანპეიზაჟებსადანტიურმორტებში-სულუფრონერვიულიდაძაბულიხდებავინსტვანგოგისმონასშირაცთავისმხრივ-ვარავითარიკავშირშიარუნდიყოსმისფსიქიურდაავადებასთანრისგანაცათას-რვასა...“

გადახდილი ზეწრიდან აგნესს მარცხენა ფეხის თითები მოუჩანს. მეორე თითი ოღნავ მოღრეცილია. ვიწრო ფეხსაცმელმა იცის ასე...

— დაგრეხილი ფეხებიც იმავე წელს გაუსწორდა?

— შენ რა, არ გძინავს? დაგრეხილი ფეხები ვან-გოგს კი არა, ტულუზ-ლოტრეცს ჰქონდა, რომელიც... რომელიც (აგნესი რალაცას იხსენებდა), რომელიც ჯერ კიდევ ყმაწვილკაცობაში დაეცა სასახლეში და სამუდამოდ დაიზიანა ხერხემალი, — მოსწავლესავით ჩამოკაცდა აგნესმა.

— აბა თუ მეტყვი, სად იყო ეს სასახლე? — გამომცდელად კვითხე მე.

— სასახლე. სასახლე... ახლავე ვნახავ...

— როგორ თუ ნახავ? ეს ხომ ყველა ნორმალურმა ადამიანმა უნდა იცოდეს!

— ალბათ ძალიან გიშლი ხელს, არა? — მზრუნველ დედასავით მკითხა აგნესმა.

— რა ერქვა იმ ფეხმორღვეულ კაცს, სასახლეში რომ დაეცა? — მკაცრად კვითხე მე.

— არაფერიც! სანამ დაეცემოდა სრულიად სწორი ფეხები ჰქონდა. ყველაფერი წაქცევის შემდეგ მოხდა, — ალერსიანად განმიმარტა აგნესმა, — ეტყობა, გეძინება და ამიტოს აურიე ყველაფერი.

— რა ერქვა-მეთქი იმ კაცს! მიპასუხე, რომ გეკითხები!

— რა ერქვა და, რა თქმა უნდა, იმ კაცს ერქვა, იმ კაცს ერქვა ანრი დე ტულუზ-ლოტრეკი.

— მერე განა მისი სახელი არ გეუბნება სადაურიც უნდა ყოფილიყო? შენისთანა სტუდენტს არასოდეს ნიშანს არ ვაღირსებდი.

— შენ თუ ასე შემოშალე ხელი, მეტს არც უნდა ველოდე.

განაწყენებულმა აგნესმა ისევ თავის კონსპექტებში დაიწყო ქექვა. მე არ ვეშვებოდი. გვართ უნდა გამოგეცნო-მეთქი, ჩაეჭიჩინებდი. ეს ხომ ყველაზე ჩამორჩენილმა ინტელიგენტმა იცის-მეთქი... — როგორ გეკადრებათო, ტულუზში კი არა, ზემო-გარონის მახლობლად დაიბადაო, ხაზგასმული თავაზიანობით მიხსნიდა აგნესი.

— ასე რომ, შენ მე ვერ ჩამკრი! — შესძახა ბოლოს თავდაჭერებით.

— კარგი. აბა იმას თუ მეტყვი, რატომ მოაჭრა ანრიმ ყური თავის მეგო-

ბარ გოგენს? — ვკითხე მე, თუმცა ვიცოდი რომ ვტყუორდი.

— ე, რას ამბობ, ყური ხომ თვითონ ვან-გოგმა მოათალა...

— რაო, რაო?! ე. ი. ვან-გოგმა მოათალა ყური ლოტრეკს? გადასარევია! მეტისმეტად მოსაწონი საქციელია, ღმერთმანი. ეს ადგილი ისე უნდა დაიზუთხო, ძილშიც რომ გკითხონ, არ უნდა შეგეშალოს, — თანდათან გავმზიარულდი მე.

— არა, ლოტრეკს კი არა... ვან-გოგი რა შუაშია... თუმცა ვან-გოგი იმ შუაშია, რომ ლოტრეკს კი არ მოაქრა, თვითონ მოითალა საკუთარი ყური...

— ოო, ახლა უკვე არა უშავს. და საერთოდ, რომ იცოდე, როგორ მიხარია, ჩემი ცოლი რომ ასეთ საინტერესო რამე-რუმეებს სწავლობს.

აქ კი მართლა ძალიან გაცეცხლდა აგნესი. ბალიშებზე წამოჯდა. მეორე საწოლზე გადაწვებიო, დამემუქრა. ყოჩაღ-მეთქი შევაქე, შენ რომ არ დაგესწრო, მე თვითონ უნდა გადაწვოლიყავი-მეთქი. თუმცა მაშინვე შემეცოდა. იაპონურ ღამის პერანგში გამოწყობილი ქალი რომ მხოლოდ იმისთვის გაიტეხავს ძილს, რაც შეიძლება კარგად დაიზუთხოს, ვის და რატომ მოუნდა საკუთარი ყურის ჩამოთლა, სასაცილოა აბა რა! საბრალო ვინსენტ ვან-გოგს რასაკვირველია, აზრადაც არ მოუვიდოდა, მის ყურთან დაკავშირებულ ამბავს ოთხმოცი წლის შემდეგ ცოლქმრულ საწოლში თუ განსჯიდნენ... მაგალითად, როგორ მიაართვა მან პაპიროსის ქალაღღში გახვეული ყური თავის საყვარელს საროსკიპოში და ა. შ.

კითხვისა და უძილობისაგან აგნესს თვალები ჩასწითლებოდა. თმაში ჩაწნული წვრილი ბაფთებით სწორედ რომ მძინარე გოგონას მაგონებდა.

— გეყოფა, აგნეს. ხომ ხედავ, ისედაც ყველაფერი იცი, დავიძინოთ -- დანაშაულის გამოსყიდვა ვცადე მე.

— წავალ, დივანზე გადაწვები! მერე რა, რომ გაციებული ვარ! მერე რა, რომ იქ ბნელა!.. — ტანკის ქვეშ შემხტომი კაცის შეუპოვრობით განმიცხადა მან.

წუთიც და ის უკვე ოთახის მეორე კუთხეში იწვა. ღამის ნათურიდან მოლუ სინათლე იღვრებოდა. აგნესმა ფეხები ფოსტლებში წაჰყო და ის იყო ჩაის მოსადუღებლად სამზარეულოსაკენ უნდა წასულიყო, რომ სწორედ ამ მომენტში, დეგას რომელიღაც ბაღერინა გამახსენდა. გასაკვირიც. არაა, გამოცდების პერიოდში ხომ მთელი ოთახი მხატვრული ფოტოებით იყო აქრელებული.

— კარგი რა, აგნეს! თუ ასეა, ამიერიდან კბილს კბილზე დავაქერ და საერთოდ ხმას არ ამოვიღებ... მოიცა, მოიცა, აბა თუ მიხვდები, ახლა ვის მაგონებ? აი, ახლა, ასე რომ დგახარ... — ათასი ბოდიშის მომხდელი ხმით ვკითხე მე.

მართალია, აგნესი დიდი მონღომებით კი ღუმდა, მაგრამ გვარიანად შეცივებული რომ ჩემთან დაბრუნებას აპირებდა, არც ეს იყო ძნელი მისახვედრი.

— კეთილი, მე თვითონ გაგახსენებ. იცი, დეგას აქვს ერთი ასეთი... ო, ო, ახლა უკვე არა! აი, ზურგით რომ იდექი, იმ პოზაზე გეუბნები, აბა თუ გაიხსენებ, რა ჰქვია იმ ნახატს? კი, კი შენ ეს იცი...

აგნესი ჩაფიქრდა. ახლა მას მართლაც ბავშვური სახე ჰქონდა.

— მერე ის განა დეგასია! იქ ხომ აყვავებული ალუბალიცაა, მარცხნივ...
აი, აგერ არ არის! გოგენი — „ტაიტელი ქალები ზღვის სანაპიროზე“. დეგა და
გოგენი აგერია, ჩემო კარგო, ერთმანეთში...

ამის თქმა და ჩემს ზეწარქვეშ აგნესის შემოცურება ერთი იყო. დიახ, აგ-
ნესმა ტაიტელ ქალებთან მსგავსება არჩია და ამით კიდევ ერთხელ დამიმტკი-
ცა, რომ იგი საკუთარ თავს ჩემგან განსხვავებულად აღიქვამდა. მართალია,
აგნესსაც გრძელი და მუქი თმა აქვს, მაგრამ მის სახის კანს არაფრით ყვითელი
არ ეთქმის!..

— „...სულუფრონერვიულიდადაძაბულისდებავინსტენვანგოგისმონასში-
რატავისმხრივარავითარაკვეშირშიარუნდაიყოსმისფსიქიურადლადაუღებასთან-
რისგანაცათასრევას...“

საოცრად მსუბუქ სიზმარში ვიძირებოდი. ჩაბნელებულ ქუჩაზე ნიკადაგ-
რძელებული კაცი გადადიოდა... ხელში ვარდისფერი მარციპანის უზარმაზარი
ყური ეჭირა. ბოლოს ის კაცი ცაში აფრინდა.

9.

ისევ საღამოა. მე ისევ სასუქის გროვასთან მიგდებული ლუქსმენების ცა-
რიელ ყუთზე ვზივარ. ახლაც რკინიგზის მიწაყრილთან შეჭაფუფული კაცების
სიმღერა და მოსახვევში აღრქვილებული ტრამვაის ხმა მოისმის ყოველ შვიდ
წუთში. ყველაფერი ჩვეულებრივად ირგვლივ...

აგნესი კი მწერდა, აწი ყველაფერი შეიცვლებაო... უკვე მამა გახდით...

სხვათა შორის, „უკვე მამა გახდი“ მეტისმეტად მაღალფარდოვნად ჟღერს!

მე უფრო უბრალოდ ვიტყოდი. თუნდაც აი ასე — „მე შემეძინა ბიჭი.“ ამ ორ
გამოთქმას შორის კი, რა თქმა უნდა, დიდი სხვაობაა. ვინ უნდა გაეხდეს ამიერი-
დან მე?! აწი მე არავენაც არ გაეხდები! მხოლოდ და მხოლოდ იმად ვიქცევი,
რასაც ყოველდღე ვუახლოვდები...

დიახ, ბიჭი შემეძინა! ბიჭი და მერე როგორი ბიჭი! პერანგში, ბატონო,
პერანგში! როგორც მთავარმა ექიმმა ამიხსნა, ეს თურმე მედიცინის ენაზე ნა-
ყოფის გარსთან ერთად დაბადებას ნიშნავს. აი, ხალხში რომ ქუდბედიანს ეძა-
ხიან. ერთხელ კვიციის დაბადებას შევესწარი, ასე რომ, ამისთანა რალაცეებზე
ცოტაოდენი წარმოდგენა მეცა მაქვს.

აგნესმა ისიც კი მომწერა, მოხუცი ბებიქალი „პერანგის“ გაშრობას და
შენახვას დამპირდაო... სწორედ ეს „პერანგი“ მოუტანს ჩვენს შვილს დიდ
ბედნიერებასო... ჩვენი ბიჭის ყველაზე დიდი ბედნიერება კი მამიკოს ჭანმრ-
თელობა იქნებაო და ა. შ. მისი წერილიდან გამომდინარე დღეიდანვე ჩემი ბი-
ქის მადლიერი უნდა ვყოფილიყავი.

ღმერთო ჩემო, როგორ დამიჩლუნგდა ალტაცების გრძნობა! იმის მაგივ-
რად, რომ სიხარულით ცას ეწვიო, თავი შევბნელი აზრებით მევსება... ამის გამო
თუა, რომ ოდნავ შესამჩნევი შიში მეუფლება ხოლმე. ეს არის და ეს. არადა,
სწორედ ეს „ოდნავაა“ რომ მაწუხებს... და კიდევ ის, წარამარა კვიციის და-
ბადება რომ მახსენდება.

შვილის გამოსაყვანად მიმავალი მამების უმრავლესობა გადაკრულშია. ბიკის მამას ყვავილებთან ერთად ლურჯი საბანი უჭირავს ხელში, გოგოს მამას — ვარდისფერი. წესი წესია. სამშობიაროს წინ მანქანა დგას. შედარებით კეთილშობილი ტაქსის მძღოლები ანტენის წვეკრზე თეთრი აბრეშუმის ბაფთას აბნევენ.

ლურსმნების ცარიელ ყუთზე ვზივარ, საცაა მოსახვევში ტრამვაი აღრქიალდება.

ისევ ჰინკრებს შორის მივაბიჯებ. ისევ ცივად მეჩვენება ეს მსუსხავი მცენარე... საავადმყოფოს ყველა ფანჯარა გაჩახჩახებულია და მე ვიცი, რომ ერთ-ერთ პალატაში ახლა კვდება ბიკი! აი, ის, ფრჩხილებგადაღებილი, მე რომ სულ მამათმავალი მეგონა. ჯახკურად ულვაშებგადაგრეხილმა ჩვენმა მეეზოვემ ამ დღით მის პალატაში ჟანგბადის რამდენიმე ბალონი შეაგორა და, ნეტავ კიდევ რამდენი დაგვეკირდებაო, ჰკითხა მარგიტს. მარგიტმა რალაც უპასუხა, მეეზოვე კირვეულად აბუტბუტდა... მე კი ბიკი შემეძინა! ბიკი და მერე როგორი ბიკი — ქუდბედიანი! ნეტავ აგნესმა რა სახელი შეურჩია?

მომაკვდავი ბიკის პალატის წინ ჟანგბადის ბალონს მტვერს აცლიან... საავადმყოფოში სანიმუშო წესრიგი და სისუფთავე უნდა სუფევდეს. სამშობიაროშიც უსათუოდ ასევე იქნება. ჟანგბადის ბალონები იქაც ექნებათ... ჩვილებისაგან ყველაფერია მოსალოდნელი. სამშობიაროში, რამდენადაც ვიცი, ძირითადად ტრამვები და ანთებითი პროცესებია გახშირებული. იმედია, ჩემს ქუდბედიან ბიკს არაფერს გაუქირვებენ.

ჩანწლებულ ხეივანში კაცის ჰქანება აღარაა. „იმედია, ჩემს ბიკს არაფერი გაუქირდება... ჩემს ქუდბედიან ბიკს არაფერი გაუქირდება...“ — ვბუტბუტებ უკაცრიელ ხეივანში და აგნესზე ფიქრი არ მცილდება. ვინ იცის, ახლა იქნებ მარცხენა ფეხზე ზეწარი დაუცურდა და ვიწრო ფეხსაცმლისაგან მოკაული მეორე თითი გამოუჩნდა!..

ძელსკამზე ვკვდები. მაშ ასე, მე უკვე ბიკი მყავს. ღმერთო ჩემო, რა შორსაა ეს სიახლე ჩემგან! კი, მე თითქოს ყველაფერს ნათლად, ზედმიწევნით ნათლად ვხედავ, ოღონდ... ოღონდ, როგორც უკულმა გადაბრუნებულ საველე დურბინდში...

და სრულიად მოულოდნელად მახსენდება, რომ სამშობიაროში ერთხელაც არ დამირეკავს! ერთხელაც!

ძელსკამს ცივი საზურგე აქვს. ცივი და რალაცნაირად უყარება... რა მოხდა მერე, რკინა რის რკინაა, ცივი თუ არ იქნა-მეთქი, ვიმშვიდებ თავს. სიცივე ხომ თვით რკინის გულშია ჩაბუდებული-მეთქი და ა. შ. ახლა ამ უთავბოლო ფრაზებს ვჭურჩულებ და საავადმყოფოსაკენ მივემართები. მაშ ასე, დღეიდან მე მამა ვარ!..

ფილტვის კიბოთი დაავადებული ბიკის პალატასთან უკვე ცარიელი ბალონი დგას.

ჩემს ოთახში შევდივარ. ჩვეულებისამებრ ფანჯარას ვაღებ, მაგრამ სიცივე მაწუხებს და უმალ კვეტავ. იდაყვებით ფანჯრის რაფას ვეყრდნობი და თვალშეუდგამ სიბნელეს ვაშტერდები.

როგორც იქნა, გამახსენდა! აი, თურმე რატომ მეჩვენება ჰინკარი ცივ მცენარედ!..

მახსოვს, ერთხელ ბავშვობაში მე და ერთი სოფელი ბიჭი კობორჩხალების დასაქერად წავედით. დავანთეთ კოცონი და საქმეს შევეუდექით. ის ღამე სამუდამოდ დამამახსოვრდა... მდინარეს ორთქლი ასდიოდა, წყალში ჩამდგარი ბიჭი სორო-ლრუებიდან კობორჩხალებს ექაჩებოდა... ბოლოს კობორჩხალებიანი ტომარა საბძლის წინ დავდგით და შიგ ახალდაკრეფილი ქინკარი ჩაეტენეთ. თურმე კობორჩხალები ქინკარში გრილადაც არიან. და საქმოდ დიდხანაც ცოცხლობენ, დილით, სათივედან რომ გამოძვერი, გავიხედე და რას ვხედავ -- ამ ჩვენს კობორჩხალებით სახეს ტომარას სულ ხრამბარუში არ გაუდის! მახსოვს, ირგვლივ სქელი ნისლი იწვა. მე საბძლის უკან ღამის შარდისაგან თქრიალ-თქრიალით ვთავისუფლდებოდი და თან იმის წარმოდგენას ვცდილობდი, რა გრილად, რა კარგად, რა გადასარევედ გრძნობდნენ თავს ქინკარში შეხვეული ჩვენი კობორჩხალები. მერე რა, რომ მეორე დღესვე შეეწვით და შევახრამუნეთ, სამაგიეროდ, მთელი ღამე ქორთვა ქინკარში ნებოვრობდნენ.

ისევ ფანჯარასთან ვდგავარ. დიახ, ახლა მეც კობორჩხალებით სახეს ტომარა ვარ... ვინ იცის, იქნებ ცოტ-ცოტას ვხრამუნობ კიდეც... ოღონდ, განა მეც ხვალვე შემწვავენ და შემახრამუნებენ!

ჟინელლავს. ფანჯრის მინას წვიმის წვრილი წვეთები ასხდებიან. ღმერთო ჩემო, რამდენი წელია არ მიტრიაა!.. და ახლა არც კი ვიცი რა ვუწოდო ამ ცრემლებს... ბედნიერების? მწუხარების!.. არადა, დღეს ხომ ჩემი ბიჭი მოველინა ქვეყნიერებას, ჩემი ქულებდიანი ბიჭი!

გულში ვლოცულობ და ვცდილობ მხოლოდ ღმერთზე ვიფიქრო... ღმერთი შორსაა და, ეტყობა, მე მასაც გადაბრუნებული ღურბინდით ვხედავ... მაგრამ, რაც მთავარია, ვხედავ!

ღამეა. წვიმს. ახლა უკვე ფანჯრის მინაზე მსხვილ-მსხვილი წვეთები იღვრება და მე და ფანჯარა ერთად ვკვითინებთ.

10

ორგანულ შენადნობთა სპეციალური ლაბორატორია, რომლის შექმნასაც მთელი ორი წელი მოვანდომე, გასაუქმებლადაა განწირული. მხოლოდ ერთადერთი სექტორი დარჩება და ისიც მეფიქალეთა განმგებლობაში. ეს ამბავი დღეს ჩემმა ყოფილმა მთავარმა ინჟინერმა გენადიმ გამაგებინა. გენადის აღმფოთებას საზღვარი არ ჰქონდა, უესმინე, უესმინე და ისე შემეცოდა, კინალამ წამომცდა, ეს ყველაფერი კარგა ხანია სულ ფეხებზე მკიდია-მეთქი. თუმცა დიდი ყოყმანის შემდეგ, როგორც იქნა, თავს მოვერიე და კრინტი არ დამიძრავს.

საავადმყოფოს პარკში ვისხედით. ის თავისას მიერეკებოდა, მე ჩემს გაცივებულ წვნიანზე ვფიქრობდი. მერედა, რომ იცოდეთ, როგორ არ მიყვარს გაცივებულ რძის წვნიანზე მოყენებული ცხიმი! განა არ ვიცი, რომ ეს ნალები, რძეში არსებული ყოვლად უწყინარი ნივთიერებისაგან, პარაფინისაგან წარმოიშობა, მაგრამ მაინც მეზიზღება და რა ვქნა. გენადისთან, რასაკვირველია, არც ამის გამო დამიძრავს სიტყვა. თვითონ კი თავის რუსულ-ესტონურ ენაზე იმდენი იქაქანა, იმდენი, სანამ მოტვლეპილი თავის კინკრიხოც არ გაუფლვიანდა. სასაცილო სანახავი იყო: დააძრობდა გენადი ჯიბიდან ლურჯ ცხვირსა-

ხოცს, გადაისვამდა ოფლით დაცვარულ თავზე, მაგრამ რად გინდა, ოფლი ისევ და ისევ მოჟონავდა. მეც სხვა რალა დამრჩენოდა, უნებლიეთ ფიზიკის იმ კანონს ვიხსენებდი, რის თანახმადაც თბილ ოთახში გაყვანილი ცივი წყლის მიღებიც გენადის თავივით ნესტიანდება ხოლმე.

გენადის დამოშმინება შეუძლებელი იყო, ამ თავფეკილა ხალხთან ყოფნას სოფელში წასვლა და ჩვენს საწარმოო საამქროში დაბალხელფასიან მუშად მუშაობა მირჩევნიაო, განმიცხადა, მუშად წასვლა რამ გაფიქრებინა-მეთქი, შევეკამათე მე. თუ მაინცდამაინც სოფელში გამგზავრება გაქვს გადაწყვეტილი, იქ ხომ ჩვენს ახალ საწარმოო ბაზას აგებენ და უკეთეს ადგილს გამოიწახვამეთქი. ვაითუ იქაური მშენებლობაც შეწყვიტონო, ეკვი გამოთქვა გენადიმ, აჰ, არამც და არამც ეს არ მოხდება-მეთქი, შევეაგულოიანე მე. იქ ხომ ჰერბიციდების უზარმაზარი კომპლექსის მშენებლობა მიმდინარეობს, რისთვისაც ახლახან დამატებითი სახსრებიც კი გამოიპყვეს და ადვილი შესაძლებელია, იქაც მთავარ ინჟინრობას გამოიპყრა ხელი-მეთქი, რაც შემეძლო დავაიმედე გენადი, მაგრამ ის მაინც თავისაზე იდგა. ქვეყანა რომ დაიქცეს, მაინც უბრალო მუშად წავალ და მაგ უსინდისოებს ასე გადაეუხდი სამაგიეროო...

ვინ იცის, ავად რომ არ გავმხდარიყავი, იქნებ მეც რაიონში წაესულიყავი სამუშაოდ. ქვას გავხეთქავდი და ჩემს ლაბორატორიასაც იქ გადავიტანდი. სხვა თუ არაფერი, ამით ვარგამიავლ ინდრეკს* მაინც მივბაძავდი. ეს კომპლექსი ხომ სწორედ იმ დაბაში შენდება, სადაც მე დავიბადე. რას იზამ, დღეს უკვე ყველაფერი თავდაყირა დადგა. ახლა ჩემს სოფელში, ჩემ მაგივრად გენადი და მისი ცოლი ზოია ჩასახლდებიან თავის სამ შვილთან ერთად. ყველაზე მეტად სწორედ ამ სურათის წარმოდგენა მზარავდა!.. ჩემი სოფელი, ჩემი სკოლა, ჩემი მდინარე, ჩემი ნასახლარი... თფუ! ეშმაკმა დალაზეროს, მაინც რას უგავს კბილები ამ გენადის! ნუთუ ასე ძნელია მათი წესრიგში მოყვანა!

დავიღალე-მეთქი, გამოეუტყდი. ბოლოს და ბოლოს გენადის. თუ საჭიროა, თუ კიდევ გამოვა რამე, -თუ ღირს დავიდარაბად, სამინისტროში მივწერ-მეთქი და ა. შ. გენადი გაოცებით შემომაჩერდა და ერთბაშად მომჩვენარულმა ბოლინიც კი მომიხადა, დიდი დრო წაგართვიო, თან პამიდორებით სავსე ცელოფანის პარკი შემომაჩენა ღიმილით ჩემი ზოიას მოწვეულიაო. ყვითელ-მწვანე პამიდორებმა დიდი ვერაფერი შთაბეჭდილება მოახდინეს ჩემზე. ერთადერთი პამიდორი ჩანდა წითელი და ისიც გაქვლეთილიყო ჩანთაში.

გენადის რომ გამოვემშვიდობე, მართლაც გვარიანად დაღლილი ვიყავი. იგი საავადმყოფოს ჰიშკართან შედგა, უკან მოიხედა, რალაცის თქმაც უნდოდა, მაგრამ გადაიფიქრა და ისე უხერხულად დაიხარა, თითქოს ფეხსაცმლის ზონარს იბნედა.

სალამოს ისევ გამოვედი ეზოში. ისევ ვერხვის ძირში ჩამოვჭექი. გენადის მიმართ გამოჩენილ გულგრილობას ვნანობდი. კარგი იქნებოდა, ცოტა უფრო გულთბილად და ყურადღებით მოვპყრობოდი, მაგრამ ხანდახან ადამიანს ამის თავიც აღარა აქვს...

თავდაპირველად, ჩემი თანამშრომლები სხვადასხვა საფინანსო ანგარიშებსაც კი მიგზავნიდნენ საავადმყოფოში, მაგრამ გამოხდა ხანი და საფინანსო ანგარიშები სამედიცინო ლიტერატურაში აირივნენ... დიახ, მე უკვე „საგარეო

* ესტონელი კლასიკოსის ა. ტამსარეს რომანის („სიმართლე და სამართლიანობა“) პერსონაჟი.

პოლიტიკა“ აღარ მაინტერესებდა! (ამ ბოლო ხანებში „საგარეო პოლიტიკას“ ვეძახი ყველაფერს, რაც ჩემს ავადმყოფობასთან არ არის დაკავშირებული) ახლა, ასე ვთქვათ, მთლიანად „საშინაო პოლიტიკაში“ ვარ ჩაფლული. ჩემს მდგომარეობაში ჩავარდნილი კაცისათვის ეს საკვებით ბუნებრივი მოვლენაა.

საოცარია პირდაპირ! — ჩვენი ლაბორატორიის გაუქმება და სექტორად დაქუცმაცება, მგონი, სასიამოვნოდაც კი მილიტინებს... ნუთუ ეს შეგარძნება სასტიკი იმპერატორის იმ ბოლო სიხარულსა ჰგავს, ბრძანებას რომ გასცემს, ჩემს ქვეშევრდომებს თავები წააწყვიტეთ და საფლავში ჩამატანეთ?! არა მგონია. არც უხამსი ყოყლოჩინობის ბრალი უნდა იყოს — აი, ხომ ხედავთ, უჩემოდ საქმეს თავი ვერ გაართვით, აბა როგორ გეგონათ-მეთქი, ნიშნის-მოგებით რომ მეფიქრა... მაშ, რაღა უნდა ყოფილიყო ამ სასიამოვნო შელიტინების მიზეზი?! დიდი ფიქრისა და თავის მტკრების შემდეგ ასეთ დასკვნამდე მივედი: კი, თავიდან ამ ცულმა ამბავმა, რა თქმა უნდა, მეც დამამწუხრა, მაგრამ ბოლოს იმაშიც დავრწმუნდი, რომ სიცოცხლის მიწურულს თურმე ყველაზე სანუკვარ საქმეებში ხელის მოცარვამაც არ უნდა წაგახდინოს კაცი. მით უმეტეს, სწორედ ამნაირი შთაგონებით ეზიარები მომაცვდავისათვის სასურველ იმ ერთადერთ თავისუფლებას, რომლის წყალობითაც, მგონი, იმ ქვეყანაში გადაბარებაც არ უნდა იყოს მაინცდამაინც შემზარავი. ეს დანამდვილებით ასეა თუ არა, კაციშვილმა არ იცის, მაგრამ ამით არაფერი იცლება...

აქეთ ვერხვის მომწარო სურნელი იფრქვევა, იქით ბუზები ბზუიან... „აქეთ საცხედრე, იქით ვერხვები... ბუზის ბზუილში დაირხვები!“ რა, ცული რითმაა თუ? რითმა იქით იყოს და რაოდენ სასიამოვნოა, რომ ამ აბეზარ ბუზებს გამოფულუროებული, ნახევრად გამხმარი ვერხვი უფრო აინტერესებთ, ვიდრე მე... ჭერჭერობით!

ეჰ, გენადი, გენადი! ჩემო კარგო, ჩვენ უკვე რაღა დაგიმალო და ფეხებზე გვკილია შენი გასაქირი... ჩვენ უკვე თანდათან ვხმებით... ხომ ხედავ, გვერდ-გამომპალ ვერხვს უკვე კანიც ძვრება!

გამოფულუროებული ვერხვის აქა-იქ ახლეჩილ კანქვეშ მწერებისა და ჭიანჭულების საოცარი სიცოცხლე დულს და გადმოდულს. ვაკვირდები და გული მწყდება, რომ მწერების შესახებ ასე ცოტა რამ ვიცი. ჭარხლის ძირების მკამელ ხოჭოებს მე ერთხელ უკვე მოვევლინე საშინელ დემონად. სხვათა შორის, თუ სადმე სამართალია, არც მცენარეთა ტილებმა უნდა მომიგონონ მაინცდამაინც დიდი სიყვარულით. მართალია, ჩვენ მიერ შექმნილმა მათმა გასანადგურებელმა პრეპარატმა იმედები ვერ გავვიმართლა, მაგრამ მაინც, და მიუხედავად ამისა, მწერების საკითხში წმინდაწყლის დილეტანტი ვარ. მწერების წინააღმდეგ ბრძოლა ჩვენს ლაბორატორიაში ორ ბიოლოგს ჰქონდა დავალებული. აბა მაშინ რას წარმოვიდგენდი, რომ ერთ მშვენიერ დღეს იმდენი თავისუფალი დროც დამრჩებოდა, ბუჭყების ცხოვრებაშიც გაეთვითნობიერდებოდი და ისიც აქ, ჩვენი საავადმყოფოს ბაზაზე! რასაკვირველია. ამ ერთ ცი-და, მოუსვენარ მწერსაც თავისი არისტოკრატულ-ლათინური სახელი ექნება. (რომლის შესახებ, იმედი უნდა ვიქონიოთ. საბრალო ბუჭყას წარმოდგენაც არა აქვს), ესეც აუცილებლად რომელიღაც სახეობას, ჭგუფსა და ოჯახს განეკუთვნება. ხოლო მათი კიდევ უფრო უმწეო წინაპრები საღდაც შორს ზღვებისა და ოკეანეების ტალღებში წარმოიშვნენ უსათუოდ. მილიონი წლის წინათ

ალბათ ისინიც ასევე მოუსვენრად დაფარვატებდნენ, თავდაუზოგავად შრომობდნენ, ყოველწამს სარჩოს ეძებდნენ და მათზე ბევრად პაწაწინა ქინქლე-ბით პირს იტყბარუნებდნენ... იმ საბრალო ქინქლებისათვის კი ესენი ალბათ ისეთივე სულთამხუთავი დემონები იყვნენ, როგორც მე ქარხლის ძირიკამია ხოკოებისათვის. სხვათა შორის, მწერი, რომელსაც ახლა ვაკვირდები, დიდი ნერვიული ვინმე ჩანს. გამუდმებით დახტის. ცახცახებს, თავს არ იზოგავს, ერთი სიტყვით, ტიპიური სანგვინიკია. თავისი მოუსვენარი მოძრაობით მართლაც რომ მინიატურულ სირაქლემას ჰგავს. თქვენ წარმოიდგინეთ, ამ პაწაწინა ბუქყასაც თავისი პაწაწინა გული და ტვინი აქვს. ის კი არა, იქნებ თირკემელზედა, ჭირკვლებიც კი ჰქონდეს და თეორიულადაც სულაც არ არის გამო-რიცხული, რომ ეს ჩვენი სანგვინიკური ტემპერამენტის მწერიც სწორედ თირკემელზედა ჭირკვლების მსხვერპლი გახდეს.

ო, რა სიმპათიურია ეს ბუქყა! ჩემს ავადმყოფ „მე“-ს უსათუოდ დიდი სი-ამაყის გრძობა დაეუფლებოდა, თუკი ამგვარი ქინქლების შესახებ ყავის-ფერ ყდაში ჩასმულ სოლიდურ მონოგრაფიას დაწვერდი... თანაც, ყველაზე უფრო ის გამახარებდა, რომ ამ მონოგრაფიას ორ-სამ კაცზე მეტი არ წაიკითხავდა... სხვათა შორის, ამ ბოლო ხანებში სწორედ ისეთი რალაცეებითა ვარ დაინტერესებული, რომელთაც არავითარი პრაქტიკული ღირებულება არ გააჩნიათ. ცდას არ დავაკლებ, რათა ამგვარ მოსაზრებათა განხილვას, რაც შეიძლება მეტი ადგილი დაეთმოს ჩემს დღიურებში.

11.

იმ დღეს მარგიტმა პუშკინის ლექსების კრებული მომიტანა. თურმე, ნუ იტყვით და, ეს კრებული აწ განსვენებულ პეტერს სიკვდილის წინ თავისი მეგობრისათვის, ე. ი. ჩემთვის უანდერძებია. მე ალბათ ამნაირი უკანასკნელი სურვილები არაფრით არ მექნებოდა. ღმერთო, შენ დამიფარე ყოველგვარი უკანასკნელი სურვილისაგან!

მგონი, ზემოთ ვთქვი კიდევ, „ტუსალზე“ გადამოიღმა პუშკინმა ჩაბნე-ლებული დერეფანი. ცრემლების გემო და ტანვარჯიშის ბინძური ლეიბების სუნი გამახსენა-მეთქი. არადა, ახლა, როცა თავზესაყრელი თავისუფალი დრო მაქვს, მოგონებებში ჩაღრმავების მეტი რალა დამრჩენია. მით უმეტეს, ამ დღე-ებში სწორედ იმ მოგონებათა თავის მოყრას შევეუდექი, რომლებიც მხოლოდ და მხოლოდ ჩემთან არიან დაკავშირებული, ერთი სიტყვით, ე. წ. „შიდაპო-ლიტიკური“ მემუარების დაწერა მაქვს განზრახული.

საერთო რვეულის ბოლო გვერდზე უკვე კარგა მოზრდილი ქვესათაურები მაქვს ჩამოწერილი. ეს ქვესათაურები მერე და მერე ჩემი მემუარების მთა-ვარ ორიენტირად იქცევიან. აი ისინიც:

საკუქნაო — ობობა — მთავე რძე — ფროიდის წაკითხვა პირველად.

ლინდა — ვარსკვლავები სხვენის საკემელში — მე ვხდები კაცი — ჩასახვის საწინააღმდეგო საშუალებანი — აზრები საყოველთაო ხოცვა-ჟლე-ტაზე.

ნავსადგური — ალტი რუსული აქცენტით — თევზის პირი — ოთახის დაგვა — ფერდინანდი — საწამლაკი — ნახერეტი წინდის საქუსლეში.

კიდევ ერთხელ კვითხულობ ჩანაწერებს, რომელთა დაფარული აზრი მხო-

ლოდ და მხოლოდ მე მესმის დედამიწის ზურგზე. ამის გამო იქნებ იმ ქვაწვიასაც ვგავდე, რომელიც ყოველგვარ სიხარულს მარტოოდენ დალოცვილ პირად საკუთრებაში ხედავს... და საკმარისია არ გავშიფრო ამ სიტყვებში დაფარული აზრი, რომ მათი საიდუმლოც ჩემთან ერთად დაიმარხოს. დიახ, ვინ მოთვლის, რამდენი სიტყვის საიდუმლოა ახლა ჩემს ხელში!..რა უცნაურადაც არ უნდა მოგეჩვენოთ, ეს ყველაფერი ერთგვარ სიამოვნებასაც კი მგვრის.

ჩვენ შესახებ მხოლოდ ჩვენ თვითონ ვიცით რაღაც-რაღაცები და ისიც საკმაოდ ბუნდოვნად. საკუთარ მოგონებებს არ ეუფრთხილდებით, ყველაფრის დავიწყებას ვეგუებით და იმიტომ!

დღეს საავადმყოფოს პარკში სეირნობისას იანნიკას მოვკარი თვალი. იგი ქვაზე იჯდა და მოხარულ კვერცხს შეეჭეცოდა. მერე რა. რომ ნაქუქებს მიწაში მარხავდა. ამაში თითქოს არც არაფერი იყო განსაკუთრებული, მაგრამ ეს სურათი სავსებით საკმარისი აღმოჩნდა ჩემს არსებაში მინავლული მოგონების შესაფრთხილებლად. კვერცხის ნაქუქები რაღაც შორეულსა და მნიშვნელოვანს უკავშირდებოდა. მაგრამ რას? რას? რას? აი, რის გახსენებას ვცდილობდი მთელი არსებით. რვეულის ბოლო გვერდზე ახალი ჩანაწერი ჩნდება: „იანნიკა — კვერცხის ნაქუქები — მიწა“. ვნახოთ, იქნებ მერე გამახსენდეს...

დღეს კი სულ სხვა მოგონების ჭერია. ვიწერ:

„გეტრები „ტუსალი“ -- მე თქვენ მეზიზღებით! -- „დონა კლარა“ -- ღმერთმა მშვიდობა მოგკეთ!“ მაშ, დავიწყეთ!

ათი წლისა ვარ, სკოლაში საზეიმო საღამოა. დედამ თმა შუაზე გადამიყო და თეთრი პომპონებიანი გეტრების ჩაცმა მიბრძანა. ამჭერად ენის შეუზრუნებლად ვასრულებ ბრძანებას. დედა გაოცებულია. მან მშვენივრად იცის, როგორ მეზიზღება ფეხების ეს თეთრი ფუტლარი... მაგრამ დღეს ხმას არ ვიღებ. ჩემს დღევანდელ მორჩილებას თავისი მკაცრი ლოგოცა აქვს. განა არ ვიცი, რომ თეთრომპონებიანი გეტრები „დელიკოს ბიჭების“ უნიფორმის ძირითადი ატრიბუტია, ვიცი და სხვა დროს არაფრით არ ჩავიცვამდი. მაგრამ დღეს კვირაა! დღეს საზეიმო საღამოა... დაე დღეს ყველას სანიმუშო — სამაგალითო ბავშვად მოვეჩვენო! სამაგიეროდ, კაციშვილმა არ იცის. რა ხდება ჩემს სულში! „შეხედეთ, რა კარგი ბიჭუნაა, რა თავაზიანი, რა ზრდილობიანი!..“ — უაზრო, მამებელური ღიმილით იტყვიან ჩემზე. მე კი ამ დროს კბილებს გავაღრკვილებ და ოთხად მოკეცილი, მოჩვენებითი მოწინებით მივესალმები მათ. აი, რა წესიერი ბიჭუნა ვარ!.. არადა, ამ დროს ჩემზე უკეთ არავინ იცის, რა საცოდავად გამოიყურება ეს თეთრომპონებიანი ბიჭი! ბიჭი კი არა, ტიკინა, უფრო სწორედ, ბიჭის კარიკატურა. განა ადვილია ენის შეუზრუნებლად აპყვე უფროსების ხიროებას... მაგრამ დღეს მე ამას შევძლებ! თუ ძალიან მოვიწოდებ, შევძლებ... ამ დაძაბულ მცდელობას იქნებ გემოც კი ჩავატანო! ცოტაც დამაყადეთ! სულ მალე ისეთი ვილაყა გავხდები, ისეთი, რომ... (მართალია, ამ წუთში დანამდვილებით ვერც მე გეტყვით, რა გავხდები ამისთანა, მაგრამ იმდენს კი მოვახერხებ, გაოცებისაგან ყველას პირი დავაღებინო!) წაიშინონ მერე თავში მუშტები და იკაიანონ. „ამას რას ხედავს ჩვენი თვალები, ნუთუ ეს იმ თეთრომპონებიანმა ბიჭმა ჩაიღინა“. დიახ, რა კაცი გავხდები, ჭერაჭერობით არავინ იცის. მაგრამ პატივისცემით და სიყვარულით რომ მომბეპურობიან, ორი აზრი არ არსებობს. „თქვენო ბრწყინვალეებაე“,

„თქვენო უდიდებულესობავ!“.. აი, დაახლოებით ამ სიტყვებით თუ მოახერხებენ ჩემთან ურთიერთობას, და მიუხედავად ყველაფრისა, მე მათ მოვეპყრობი ბევრად უკეთ, ვიდრე ისინი ამას იმსახურებენ! ვეცდები, ვიყო სულგრძელი და მიმტყვებელი... ნუ გეშინიათ, მე მუდამ თქვენი მწყალობელი ვიქნები!

გუშინდელი დღესავით მახსოვს რა ხდებოდა მაშინ ჩემს არსებაში. უფროსები უბრალოდ ვერც კი ამჩნევენ, რა იმპერატორული ვნებათაღელვანი ბობოქრობენ ბიჭებში მაშინ, როცა ისინი თხემლის ჭოხით ეკლიან ბირკავეებს აწყვეტენ ხოლმე თავებს. თანაც, რაც უფრო გრძელია გეტრები, მით უფრო დაუოკებელია სიმამაგე... სხვათა შორის, ბირკავეს თავებს ისინი არა მარტო უფროსების თავებად წარმოიდგენენ! ხშირ შემთხვევაში ჭოხის ერთი მოქნევით ბილიჯზე სწორედ იმ ღარიბი თანაკლასელის თავს გააგორებენ, რომელიც სულაც არ არის ვალდებული ჩაიცვას გეტრები, გოლფი — შარვალი, მაქმანიანი პერანგი... თანაც იმ უბრალო მიზეზის გამო, რომ ასეთი რამეები მათ საერთოდ არ გააჩნიათ.

დღევანდელ საზეიმო საღამოზე პუშკინის „ტუსალი“ უნდა წავიკითხო. თავდაპირველად ამ ამბავმა წყუელი გეტრების ჩაცმასავით გამაღიზიანა. დიახ, დეკლამატორობაც დამცირობის ერთ-ერთ მეთოდად აღიქვი და საგულდაგულოდ შენიღბული შურისძიების გრძნობებით გულგასივებული ყოველგვარი ხალისის გარეშე ვაპირებდი ამ დავალების შესრულებას, მაგრამ ჩემდა გასაოცრად, როგორც კი სცენაზე გავედი, ყველაფერი შეიცვალა.

„ალექსანდრ სერგისძე პუშკინი — „ტუსალი!“ გამოვაცხადე ჩემი წვრილი ხმით. დარბაზში სიჩუმე ჩამოვარდა. მოზრდილთა უმრავლესობა მოლოდინით აღსავსე თვალებით შემომაჩერდა, ჩვენთვის, ე. ი. მეოთხე კლასის მოსწავლეებისათვის, ვინც მაღალ კლასებში სწავლობს, ყველა მოზრდილია... ჩემკენ მოქცეულ არც თუ ისე სულელურ სახეებს კიდევ ერთხელ მოვავლე თვალი და დავრწმუნდი, რომ ყველანი კეთილგანწყობილი გულისყურით მისმენდნენ. უცებ შევეთრია... რა იქნება, ესენიც ჩემსავით ჩაწვდნენ ამ ლექსის შინაარსს-მეთქი, გამიელვა თავში. ხშირ-ხშირად და ხმამაღლა კითხვისაგან ეს ლექსი ძვალსა და რბილში მქონდა გამჭდარი. ანკი რა გასაკვირია — დილეგში გამომწყვდეული არწივიც ხომ ჩემსავით თავისუფლებისაკენ ისწრაფვის!.. როგორ მინდოდა ამ ლექსის დედააზრი ყველასათვის მიმეწვდინა! მაშინ ხომ ესენიც ბევრად უკეთესნი გახდებოდნენ, უფრო ღრმად ჩაუფიქრდებოდნენ ცხოვრებას... ყველა მე მომჩერებოდა! ყველა სულგანაბული მისმენდა. ტანში ჟრუანტელმა დამიარა. ცოტაც და, მე მათ ახალ სარწმუნოებაზე მოვაქცევ! უნიათო ყოფის ამაოებით შეეპძრწუნებ...

დიახ, დილეგში გამომწყვდეული არწივის საცოდაობამ თავით ფეხამდე შესძრა მთელი დარბაზი! ახლა მე ამას მთელი არსებით ვგრძნობდი. ჩემი შიშაც სულ უფრო და უფრო გამყინავი ხდებოდა... და მაშინ, როცა მთელი დარბაზი შორეული ლაევარდებისაკენ მყავდა თვალმიქცეული, უკიდურესი დაძაბულობისაგან აკანკალებული სოპრანოთი შეეძახე:

გაფფრინდეთ ზღვისკენ და ლაევარდის ფერებთან,
სად მე და ნიავი...

დადგა წამი, როცა ჩემთვის მართლაც არავითარ სიძნელეს არ წარმოადგენდა ამ გულაჩუყებული მსმენელების უსასრულო სივრცეებში გადასროლა. ყველანი მონუსხულებივით მომჩერებოდნენ: წინა რიგში მოკალათებული აბიტურიენტები, მოხუცი კაცი, თავისი ლურჯი ცხვირსახოციტ წარამარა ცრემლებს რომ იწმენდა და თვით ესტონური ლიტერატურის მასწავლებელიც კი, რომელიც ხან თავისი ჰობიოს ტემპრიანი ხმით მაგივებდა და ხან ზედა ტუჩზე ამოზრდილი მეკვკით, მაგრამ მე უკვე საოცარი დიდსულოვნებითა და ყოვლის მიმტევებლური გრძნობებით ვიყავი შეპყრობილი. იმ წუთში ჩემი საზიზღარი გეტრები და შუაზე გადასლებილი თმაც აღარ მალიზიანებდა. სულს ცოდვილო, იმასაც კი ვნატრობდი, ნეტავ ამ ბრბოს სათავეში დამაყენა და ყველანი სადმე შორს, უსასრულოდ შორს წამაყვანინა-მეთქი... „ზღვისკენ და ლაქვარდის ფერებთან, სად მე და ნიაი...“

და ჰოი საოცრებავ! უეცრად მოხდა ის, რასაც არავინ არ მოელოდა. ეს იყო ენით გამოუთქმელი საშინელება, კომპარი... ზუსტად იმ წამს, როცა ხმა იმ განსაცვიფრებელსა და გენიალურ formato-ზე გაიყინა, რომელიც ბოლო სიტყვების („ესეირნობთ ერთად!“) ერთგვარ პროლოგად უნდა ქცეულიყო, კარი გაიღო და ყურადღებადქცეულ დარბაზში შეზარხომებული მეთაველასელი შემობარბაცდა. ამ აყლაყულამ ერთი კი მიიხედ-მოიხედა, მერე თავისუფალი სკამებისაკენ წალასლასდა და სწორედ იმ დროს, როცა ერთ-ერთ თავისუფალ სკამზე უნდა დამჯდარიყო, ფეხი დაუტურდა და იატაკზე გაიშხლართა... მორჩა, ჩემი წინასწარმეტყველური პაუზა ჩაფლავებული იყო! უფრო მეტიც — სწორედ იმ ღვთაებრივი ღუმილით ამაღლებულ, ურწმუნოთა მოსაქცევად გარინდებულ წაშში, როდესაც წარმოსახვაში განთავისუფლებულ არწივს უძირო სილურჩეში უნდა ეფარფატა, ეს აყლაყულა ვირიშვილი, დიახ. დიახ — ეს გაღვმილი ვირიშვილი თავის სკამიანად გადაყირავდა!!! მაგრამ ჭერ თურმე სად ვიყავი. უზომოდ შეურაცხყოფილმა და დაბოღმილმა ფეხქვეშ გათელილი ბოლო სიტყვები („ესეირნობთ ერთად“) ჩუმად წარმოვთქვი და სცენიდან გავვარდი. თუმცა ჩემთვის უკვე არავის სცხელოდა. ეს ტაში და მხიარული შეძახილები, რაღა თქმა უნდა, ამ ნადირალას, მაიმუნსა და აყლაყულას ეკუთვნოდა. მხოლოდ ცრემლმორეულმა მოხუცმა და ესტონური ენის მასწავლებელმა გამომაყოლეს ნალვლიანი მზერა. წინა რიგში გამოჯგიმულ აბიტურიენტებს თავიანთი გამოყეყეჩებული თავებზე უკან მიექციათ და სიცოლისაგან იგუდებოდნენ.

ღმერთო ჩემო, ეს ხომ ნამდვილი ბალაგანია! თავის მოჭრა... მუხანათური ღალატია!

როგორი საქმეა, ჰა? ვდგავარ ავერ მათ წინაშე მე თეთრპომპონებიანი პატარ მესია... ესენი კი ვილაც დოყლაპიას მაიმუნობაზე სიცილისაგან ბეირდებიან! ისე გამოდის, თითქოს ლაწირაკის იატაკზე გაშხლართვა უფრო მნიშვნელოვანი იყოს, ვიდრე ლაქვარდი, ვიდრე ღვთაებრივი ღუმილით ამაღლებული წამი, რომელშიც თავისუფალი არწივი ფარფატებს!.. ვიდრე პუშკინი და მე, ბოლოს და ბოლოს..

სცენიდან კისრისტეხით გავრბივარ, რათა რაც შეიძლება სწრაფად გავეცალო ამ პლებეების თვალებს, საცირკო სანახაობათა მოყვარულ ამ ბრბოს.

სცენის სიღრმეში შეჩვეული ჩემი ამხანაგები თავიანთი გამოსვლის რიგს ელოდებიან და დარწმუნებულნი არიან, რომ ეს ტაში მე დავიმსახურე...

ყავისფრად გალაქულ კარს ვეყრდნობი... ტანში ცივი და ცხელი ჟრუანტელი ერთდროულად მივლის. თითქოს კიდევ რაღაცას ველოდები. მაინც რას? აი, მე მათ მოფიქრებისა და თავიანთი საქციელის აწონ-დაწონვის დროს ვაძლევ. ბოლოს და ბოლოს. ნუთუ ვერ უნდა მიხედნენ, რაც ჩაიღინეს. ალბათ ცოტაც და დარბაზში სამარისებური სიჩუმე ჩამოწვება... მერე პირველი გაუბედავი ტაში... კიდევ ცოტაც და ტაშის გრიალი მატულობს... ოვაციას საზღვარი არა აქვს! ბის! ბის! ბის! გაისმის ყოველი მხრიდან. ყველა მე მიხმობს, ყველა მე მეძახის, მაგრამ, არა, მე უარს ვაცხადებ. ბოლოს შემომესვვიან და ხელში ამიტაცებენ... მათი ბინძური ხელების შეხებას მოთმინებიდან გამოვყავარ და ისევ კულისებისაყენ ვავრბივარ. გახურებულ შუბლს ყავისფრად გალაქულ კარზე ვივრთებ და მოფიქრების ვადას თავიდან ვხსნი. ისევ ველოდები, ველოდები, ველოდები... ბოლოს კი, როცა როიალზე მექსიკური ცეკვის შესავალი აკორდები ავღერდებ, კულისებიდან გამოვდივარ და უკანა კარისაყენ ფეხაკრეფით მივიპარები.

ტულეტში საშინელი ბოლი დგას. ეს ჩვენი აბიტურენტები უკვე იმდენს სვამენ და ეწევიან, არავითარი სიკეთე მაგაფიგან არაა მოსალოდნელი!

თავისუფალ კაბინაში შევდივარ. კარს საგულდაგულოდ ვკეტავ. მერე გამოვდივარ და თვალებს აქეთ-იქით ვაცეცებ, ხომ არავინ დამინახა-მეთქი. არა, არავისაც არ დავუნახივარ. ეს წუთია, კედელზე უზარმაზარი ასოებით გამოვიყვანე: „მე თქვენ მეზიზღებით!“ ეს ის წარწერაა, რომელიც ძალიანაც რომ არ გინდოდეს, მაინც მოგხვდება თვალში.

ხმაურიან დერეფანში მივადივარ. მხატვრული ნაწილი დასასრულს უახლოვდება. წესით უკვე სახლში უნდა მივდიოდე, მით უმეტეს ცეკვებზე დარჩენა მეხუთე კლასამდე აკრძალულია... არადა, იმის შემდეგ, რაც ტულეტის კედელზე ჩემოდენა ასოებით მივაწერე, ერთგვარი სიამაყის გრძნობით აღვსილი უნდა ვეცლებოდე აქაურობას. მაგრამ რა უნდა გააწყო იმ უხილავი ძალის წინააღმდეგ, რომელიც უკან გექაჩება და არ გიშვებს... არა, ნუთუ მართლა იმის იმედი მაქვს სულ მალე მომძებნიან, დამიყვავებენ და ბოდიშს მომიხდიან-მეთქი?! ეს ხომ გამორიცხულია! ამ უფერულ ბრბოს ასე ადვილად რას შეაგნებინებ ჩადენილ დანაშაულს! და მიუხედავად ყველაფრისა, სრულიად მოულოდნელად გადასარეგ გუნებაზე ვდგები. ახლა უკვე ისიც არ მაინტერესებს შეიგნებენ თუ არა ეს ბედოვლათები თავიანთ დანაშაულს... არ შეიგნებენ და მით უკეთესი! — ჩვენ ხომ სწორედ შეგნებით განვსხვავდებით ერთმანეთისაგან. ახლა ისიც კი შემიძლია დავიჭერო, როგორ მიხდება ეს თეთრპომპონებიანი გეტრები. აკი სწორედ მათი წყალობით გამოვიჩრჩევი ამ დოყლაპიებისაგან... დამცინით ხომ? იცინეთ, ბატონო, იცინეთ!.. არც კი იცით საკუთარი თავს რომ დასცინით, თქვე საწყლებო...

აი, საზეიმო სადამოს მხატვრული ნაწილიც დასრულდა. ასხრიალებულ დერეფანში დავეხეტები და ცეკვების მოლოდინში შეჩვეულ მოსწავლეებს ხაზგასმული ქედმაღლობით ვაკვირდები. კედლის სარკესთან მივდივარ. ჭერ შუაზე გადავარცხნილ თმას ვისწორებ, მერე კი გეტრებზე ჩამოკონწიალებულ თეთრ პომპონებს. ხომ ხედავთ, თქვენმა უზრდელობამ ვერც ჩემს შუაზე

გადავარცხნილ ქოჩორს დააკლო ვერაფერი და ვერც ფაფუკ პომპონებს! უფრომ მეტიც — ახლა არც ერთ თქვენგანს არ შეუძლია წარმოიდგინოს, რა ხდება ჩემს სულში!

რაც უფრო მეტი დრო გადის, მით უფრო კარგ გუნებაზე ვდგები.

ცეკვების მოლოდინში აცეტებული უფროსკლასელები ოხუნჯობენ, უშნოდ იგრიბებიან და გოგოების გასაგონად ისეთ რამე-რუმეებს გაიძახიან, რასაც უფროსები ჩვეულებრივად ორაზროვანს უწოდებენ ხოლმე. არადა, კაცმა რომ თქვას, რა შუაშია აქ ორაზროვნება, როდესაც ყოველ მათ შეძახილში ერთადერთი და საკმაოდ ნათელი აზრია ჩაქსოვილი. მაინც რა აზრი? სხვათა შორის, ჩემთვის ესეც ცნობილია.... ჩვენცა გვაქვს სახლში „ჯანმრთელობის ცნობარი“, „ბუნებრივი მკურნალობის მეთოდები“ და სხვ. არა, განა ყველაფერი მესმის, რაც ამ წიგნებში წერია, მაგრამ იმას ხომ ვხედავ, მაინცდამაინც ბიჭების თავშეუჯავებელ შეძახილებზე რომ აუტყდებათ ხოლმე ჩვენს ახუნტრუცებულ გოგოებს ქირჩილი და წინდების სწორება... ო, როგორ მიყვარს ამისთანა თვალთმაქცობა! თანაც ისეთი შეშლილი სახეები აქვთ, თიქოს იმ წიგნებში ამოკითხული მაიმუნობების ჩასადენადაც იყვნენ შზად!.. კი მაგრამ, სად არიან ამ დროს მასწავლებლები! სად იქნებიან? აქვე არიან, ჩვენ გვერდით, ოღონდ მთელი გულისყური მოჩვენებითი წესრიგისაკენ აქვთ მიცული. მერედა, როგორ თვალთმაქცობენ. ისეთი სახეები აქვთ, თითქოს სულაც ვერ ხედებოდნენ, რა ფიქრები უტრიალებთ თავში მათ მოსწავლეებს. ღმერთო ჩემო, ეს ხომ ნამდვილი შეთქმულება! შეთქმულება, რომელშიც მასწავლებლებიც მონაწილეობენ. სადაცაა ცეკვები დაიწყება. აი, მაშინ იქნება, რაც იქნება! მიესევიან ბიჭები ამ ჩვენს გოგოებს და დაუწყებენ უშნოდ ხელების ფათურს. განსაკუთრებით პერანგის შიგნით იღუმალად გადახლართულ წვრილ-წვრილ თასმებს და ღვედებს ეტანებიან ხოლმე. სწორედ იმ თასმებს, რომელზე ხელის შეხებასაც სხვა დროს არცერთი გოგო არცერთ ბიჭს არ დაანებებდა. შეთქმულთა ბანდა! მე სულელი კი მათ ლექსებს ვუკითხავდი!..

უკვე ცხრა საათია, რახანია შინ უნდა ვიყო... და ამ დროს რატომღაც მახსენდება, რომ ჭიბეში აივანზე გასასვლელი საკლასო ოთახის გასაღები მიღვეს. თუმცა რაღა აივანი იმას ეთქმის — რახანია ძველმანი ხარახურის საკუჭნაოდაა ქცეული. მაგრამ მთავარი ისაა, რომ ეს საკუჭნაო ზედ საცეკვაო დარბაზის თავზეა მოთავსებული.... იქიდან კი გაგიხარია, ყველაფერი ხელისგულივით მოჩანს!

ჯერ გასახდელისაკენ მივეშურები: მორიგე მასწავლებელს ვუხევე თვალს, თითქოს შინისაკენ მივიჩქარი, მაგრამ მართლა შინ კი არ მივიღვიარ, არამედ სწორედ საკუჭნაოსკენ მიმავალი კიბისაკენ მივიპარები.

მოულოდნელად, ჩაბნელებულ კიბეზე მაინცდამაინც იმ მოხვეერივით დაბლვერილმა მეთათეკლასელმა ჩამავლო ხელი, რომელიც ჩვენი სკოლის ჩემპიონია კრივში. პირი დაალო თუ არა, მაშინვე მივხვდი, ნაყლაპი იყო. „აი, პატარა ბიჭუკელა... კარგი ბიჭუკელა... ხედავ შენ, გულის ჭიბეში ქათქათა ცხვირისახოცი უღვეს, ცხვირიდან კი გრძელ-გრძელი მაკარონები გადმოსდის...“

„ვითომ ეს რა ლაპარაკია!“ — ბრაზიანად ვეუბნები მე.

„ოოო... არ გამლახო ლა?!“ — უშნოდ იღრიკება ჩემპიონი და, აქაოდა, შიშით აღარა ვარო, პიჯაკზე ხელს მიშვებს. სწორედ ამ დროს ვიღაცამ ალერ-

სიანად გადამისვა თავზე ხელი. გვერდზე მივიხედე. ეს უკვე სახელაწილი უფროსკლასელი გოგო იყო... თავზე ხელის გადასმამ სულ გამაცოფა. გოგოს ხელი უშნოდ მოვიცილე და ზევით მოვკურცხლე.

სადაცაა ცეკვები დაიწყება. საკლასო ოთახში შევდივარ და კარს შიგნიდან კეცავ.

აივანზე ბნელა. აქ ვერაინ დამინახავს, ქვევით კი ყველაფერი მშვენივრად ჩანს. უკეთეს თავშესაფარს ვერ ინატრებ. ტანვარჯიშის ბინძურ ლიბზე ვჯდები და საცეკვაო დარბაზს ვათვალიერებ. ბიჭები საცეკვაოდ ეშხადებიან და გოგოებისაკენ აცეკებენ თვალებს. გოგოები კი კედლის გასწვრივ ჩამწკრივებულ ძელსკამებზე სხედან და ისეთი სახეები აქვთ, თითქოს მთელი ეს საცეკვაო გაწამაწია მათ ოდნავადაც არ ეხებოდეთ.

აივანზე მტკრისა და ნახერხის სუნნი დგას. მგონი, სულაც ამ სუნის გამო მოვიწყინე. აივანზე, რა თქმა უნდა, ყველაზე მალლა ვარ... ეს კი შეიძლება სიმბოლურიც იყოს. მაგრამ აკი სწორედ სხვებზე მალლა დგომაა რაღაც-რაღაცებს რომ გიკრძალავს... იცით რა? თითოეულ თქვენგანზე მალლა დგომა, გაგიხარიათ, ჩემთვის სასიამოვნო იყოს, მაგრამ ვაითუ პატარა-პატარა და აუცილებელმა სიხარულებმა ამ სიმალლეზე ვერც ამოაღწიონ!.. საცეკვაო დარბაზის ერთ კედელზე უზარმაზარი პორტრეტი ჰკიდია. ახლა მე და იოსებ ბესარიონის ძე თითქმის ერთ სიმალლეზე ვიმყოფებით... მთელ ამ საცეკვაო აურზაურს ისიც ჩემსავით ზემოდან დაჰყურებს... ხელში ჩიბუხი უჭირავს, ჩექმები უპრიალებს... ზურგსუკან კრემლის კედლის ალისფერი სილუეტი ბრწყინავს.

წამით არწივის მარტოსულობაზე ვფიქრდები.

უცებ ჩიბუხი ხელი რაღაცაზე მიხვდება. ეს ხომ ოქროსფერ ქალაღმში მხებეული შოკოლადის ნატეხია, დედამ რომ გამომატანა... შოკოლადს ქალაღმს ვაძლი და პირს ვიტყბარუნებ. ახლა იმაზე ვიმტვრევ თავს, რამდენად ესადაგებიან ერთმანეთს ეს შოკოლადი და ჩემი წელანდელი ფიჭვები პორტრეტზე... მაგრამ, თქვენ წარმოიდგინეთ, თავის გასამართლებელი საბუთის პოვნა არც გამპირვებია — მე ხომ ჯერ კიდევ ათი წლისა ვარ!

„ო, დონა კლარა!“ — ღრიალებს ორკესტრის შავსათვლიანი ბარიტონი. ნუთუ მეც უნდა დავკარგო რამე ცხოვრებაში? არამც და არამც! მე ხომ არავინაც არ მპირდება, გარდა საყუთარი თავისა...

პუშკინის მეორე ლექსი მახსენდება. უცნაურსათაურიანი ლამაზი ლექსი — „არიონი“. პირიდან შოკოლადს ვავდებ და ჩურჩულით ვიწყებ:

„...მე — მომღერალი ღონემიხდილი —
ზღვამ გამომავლო ნაპირზე ობლად.
იმავე სიმღერებს კვლავ ვავიძახი,
და სოველ სამოსს, ანთებულ სახით,
მე ვაშრობ მზეზე ტინის მახლობლად“.*

მანც რა საოცრად ეღერს „მე — მომღერალი ღონემიხდილი...“ სხვა ყველაფერთან ერთად, ამ ლექსში, მგონი, უზენაეს სამართლიანობაზეცაა მინიშნებული. მართალია, დღეს მე სამართლიანობის ნასახივ არ მიგრძენია, მაგრამ ეს არაფერს არ ცვლის. სამართლიანობა მანც არსებობს ქვეყანაზე. გარდა

* თარგმანი ვალ. გაფრინდაშვილისა.

ამისა, ამ ლექსში ის აზრიცაა გატარებული, თუ რა ბრძნულად შეუძლიათ გაერკვნენ სტიქიასა და ბედისწერას ცალკეულ პიროვნებებში. თავად განსაჯეთ — ყველა დაიხრჩო, ყველა დაიღუპა... მხოლოდ ერთი გამოიყვანა ტალღამ ნაპირზე! დიახ, როცა უბრალო მოკვდავი ბრძავედებიან, მაშინვე ზებუნებრივი ძალები აიტაცებენ ხოლმე ღირსეულს და კლდის ძირში მშვიდობიანად დასვენენ... ამიტომაც არ ვგვრძნობ თავს უბედურად. დაე, იტლინჯაონ ჩემ ქვემოთ ამ ლაწირაკებმა! გაერთონ, როგორც ენებოთ... მაგრამ მოულოდნელად იმასაც ვგვრძნობ, რომ დაბლა მყოფთა არსებობაც აუცილებელია რალაციისათვის... ჩვენ ხომ ისე ვართ ერთმანეთში შერწყმულნი, ცალ-ცალკე არც ვივარგებთ... მხოლოდ და მხოლოდ ერთად აღებულინი წარმოვადგენთ ერთსა და მთლიანს. ეს მოკუნტრუშე ახალგაზრდები კი საუკუნოდ ჩემი მადლობელნი უნდა იყვნენ! ნეტავ რა ფასი ექნებოდა მათ ტლინჯაობასა და დონაქარობას, თუკი ზემოდან თეთრომპონებიანი ბიჭი არ გადმოიხედავდა! ბიჭი, რომელიც სიბნელეში პუშკინის ლექსებს ჩურჩულებდა...

წამიც და მე უკვე დანამდვილებით ვიცი, ვინაა ამათი არსებობის გამამართლებელი. დიახ, ეს მე ვარ, მე, ამათი მწყალობელი!

ერთ ადგილზე ვერ ვჩერდები. ჩემს სულს უკვე აშკარად აღარ ჰყოფნის წონით ოცდათხუთმეტცილოგრაშიანი და სიგრძით მეტრნახევრიანი სხეული. ახლა მთელი ჩემი წარსული, აწმყო და მომავალი განგებით ნაწინასწარმეტყველებ ჩემივე ბედისწერის ირგვლივ იყრის თავს და მე უკვე არაფრის შიში აღარა მაქვს. ყველას ხელაპყრობით ვლოცავ, ვტირი, ცრემლი ლაპალუპით ჩამომდის... ცრემლს მარილის გემო აქვს... ჰეი, თქვენ, მანდ! ამიერიდან ყველაფერი მიპატიებია, ყველაფერი! ან კი სად გაგონილა, ყრუს ბგერის გაგონება უბრძანონ და უსინათლოს საგნის ხილვა! ყველაფერი მოგიტევეთ! მშვიდობა თქვენდა!

მეტის მოთმენა აღარ შემიძლია. ტანვარჯიშის ლეიბზე პირქვე ვემხობი და ახლა უკვე ენით გამოუთქმელი ბედნიერებისაგან ვტირი. ცრემლით დამბალ ლეიბის ბრეზენტს კი ისეთი მშობლიური, ისეთი მომლაშო-მოტყბო სუნი ასდის, თითქოს თავარა მზით გავარვარებულ უდაბნოს შუაგულში აღმართულ კლდის ქიმზე ღონემიხილი მომღერალი გადმომდგარიყოს და სველ სამოსს აშრობდეს!

12.

დღეს პირდაპირი მნიშვნელობით არ ამიტყდა ენის ქავილი!!! სულ თეთრ-თეთრი ხუწუწები გამომაყარა...

„ენა პირის ღრუში მოთავსებული კუნთოვანი ორგანოა, რომელზეც ლორწოვანი აპკია გადაკრული. ენის ზედაპირი პაწაწინა წანაზარდებითაა დაფარული. წანაზარდები სამი სახისაა: ძაფისებური, სოკოსმაგვარი და ღარისმაგვარი. ამათგან ორ უკანასკნელს გემოვნების ბოლქვებსაც უწოდებენ“, — კკითხულობ ერთ წიგნში.

„ენის ჭირკვლები განსაკუთრებით წყალხმელეთა ცხოველებსა და ფრინველებს აქვთ განვითარებული. ძუძუმწოვრებს კი გარდა ლორწოვანი ჭირკვლებისა, სეროზული სითხეც აქვთ. სეროზული ჭირკვლები თავიანთ სადინარებს აღებენ და ღარისმაგვარ წანაზარდებში მოხვედრილი საკმლის ნამცე-

ეები გემოვნების ბოლქვებს აღიზიანებენ“, — წერია მეორე წიგნში.

„ენის ზედაპირის გაღიზიანება ჭანმრთელ ადამიანებშიც შეინიშნება. მომეტებული გარქოვანების შემთხვევაში თეთრ ხუწუწებს წითელიც ემატება, რის გამოც ენის ზედაპირი გეოგრაფიულ რუკას ემსგავსება ხოლმე. აქედანაა გამოთქმაც გეოგრაფიული ენა. ძლიერი გარქოვანების შემთხვევაში ძაფისებური წანაზარდები სულ უფრო და უფრო იზრდებიან და ისეთი შთაბეჭდილება იქმნება, თითქოს შუა ენაზე თმა იყოს ამოსული. ამდაგვარად სახეცვლილ ენას ბალნიანს ან შავს უწოდებენ. ენის ასეთი სახეცვლილება არავითარ ტკივილს არ იწვევს და არც მკურნალობას საჭიროებს“, — რეგისტრირებულია მესამე ცნობარში.

სარკეში საკუთარ ენას ვათვალიერებ და ვრწმუნდები, რომ ეს ნამდვილი გეოგრაფიული ენაა, ხოლო თეთრ ხუწუწებს კიბოსთან არავითარი კავშირი არა აქვთ... აი, როგორ ვკვირდები, ყოველდღიურად სარკის წინ პირდაღებული ვზივარ და ჩემს გეოგრაფიულ ენას გულდასმით ვსწავლობ.

კარგად მახსოვს იანის ლამის დღესასწაული, მე და აგნესი კოცონს კარგა მანძილზე გავცილდით და გეზი დაცვარული გვიმრალისაკენ ავიღეთ. მაშინ ჭერ კიდეც ახალგაწობილები ვიყავით. აი, სწორედ იმ გვიმრალში იყო, პირველად რომ ვაკოცე... მახსოვს, როგორ დახუჭა თვალები აგნესმა, გრძელი, ლამაზი წამწამები ჰქონდა. ცისკიდურს ჭერ კიდეც ყოლოსფერი გადაჰკრავდა. კოცონის მხრიდან კისკისი და სიმღერები ისმოდა... დიდხანს, ძალიან დიდხანს ვკოცნიდით ერთმანეთს... მაშინ იყო სწორედ, აგნესის ენის აღმგზნები გემო რომ ვიგრძენი მოულოდნელად. ეს, უსათუოდ ენის ზედაპირზე განლაგებული გემოვნების ბოლქვების გემო იყო...

ისევ ჩემს გრძელსა და ხორკლიან ენას ვათვალიერებ. ღმერთო ჩემო, როდემდე უნდა მქონდეს გამომწვევდელი პირში ეს ხუწუწებიანი ორგანო, როდემდე! ნუთუ მთელი ცხოვრება? — დიახ. და სიკვდილის შემდეგაც!

18.

დღესაც მშვენიერი დღეა. შედარებით მშვიდად ვარ. დილიდან შუადღემდე საკარცხულში ვიჭეჭი და მზეს ვეფიცებოდი. სამზარეულოდან ჭამ-ჭურჭლის უღარუნი მოისმოდა. ყავის არომატული სუნიც იქიდან მოდიოდა. ქათქათა ღრუბლის პატარა-პატარა ფთილები ცხვრის ფარასავით გადადიოდნენ მოწმენდილ ცაზე. მარადისობის უსაზღვრო სიმშვიდე იგრძნობოდა ამ სურათში... იქნებ ამიტომაც იყო, რომ სიკვდილი ყველაზე უფრო ბუნებრივ მოვლენად წარმომიღდა... იწვალე, იჯახირებ, შემოუვლი შენს წილ წრეხაზს და გახვალ ამ წუთისოფლიდან! ეს არის და ეს. სიცოცხლე კი გრძელდება. მოვლენ სხვა ბიჭები, წაიკითხავენ ლექსებს, დაიმორცხებენ თეთრპომპონებიანი გეტრების გამო, მიესევინან მეცნიერებას... მერე კი, ისინიც თავიანთ აგნესებზე დაქორწინდებიან, რათა შვილები გააჩინონ და უმემკვიდროდ არ გადაეგონ... სამყაროში ყველაფერს თავისი დასასრული აქვს. ასეა მოწყობილი ეს ცხოვრება. აუტყა დახამდვილებით ვერავინ გეტყვით, რამდენად საბოლოოდ შეიძლება ჩაითვალოს ესა თუ ის დასასრული... მაინც მარადიული გარდაცვალება, ანუ ერთი მდგომარეობიდან მეორეში გადასვლა გინდა ირწმუნო კაცმა. ბაბუაჩემის

საფლავის ქვაზე, მაგალითად, ასეთი სიტყვებია ამოკვეთილი: „მამისეული სახლი უთვალავი ბინადარის საჯანა.“ ვინ იცის იქნებ მართლაც ასეა.

ღიას, ჩემი ტივიც უახლოვდება საბედისწერო ზღვარს! აი, უკვე — მემის წამლევაკვი ტალღის ამპაზრზენი ღრიალი... მალე ხახადაღებული უფსკრულიც გამოჩნდება... ვითომ, მართლა ასე საშინელია ეს მორვეი? პირიქით, მე მგონი. მასშიც უნდა იყოს რაღაც მიშვიდველი, მხსნელი... მდინარე რომ მდინარეა, ისიც კი მშვიდი და აუმღვრეველი ხდება მასთან შეხვედრის წინ... მყუდრო სანაპიროს მზის სხივები ელაციციებიან. ყველაფერი გარინდებული და მომხიბლავია ირგვლივ... შენი უჯანასკნელი მზერაც ამ მშვენიერ სურათს ეაღერსება, იმახსოვრებს, ემშვიდობება... განსაკვიფრებელი იდუმალება უძღვის წინ უსასრულობაში ჩაქცევას! მაგრამ აი, მდინარე თანდათანობით იძაბება, ყალუზე დგება, ღმუის... შენ კი მაინც პირდაპირ მიაქანებ ტივს და მთელი არსებით ცდილობ, ნაპირის ახლომახლო საცოდავად მოფარფატე დანარჩენი ნაგები უჯან მოიტოვო. აი, ყურთასმენას სულ უფრო და უფრო ნათლად წვდება მომნუსხველი ძახილი. ძახილი, რომელიც გიზიდავს, გიტყუებს, თავისკენ გიხმობს. და აი, შენ უკვე მთელი სისწრაფით მიექანები მორვეისაკენ, სახეზე ცივი მხეფები გესხმება. ვინ იცის, იქნებ სწორედ ახლა, ამ უჯანასკნელ წამს, როცა ბობოქარმა ტალღამ შეტორტმანებული ტივი თავის ქაფმორეულ ფაფარზე მოიგდო და ზეატყორცნა, შენ თვალწინ უჯანასკნელად გადაიშალა მომაჭადოებელი სილამაზე შორეული ნაპირისა... უჯანასკნელი წამი უფსკრულის წინაშე! სახეზე მხეფებშემოქცეულმა იქნებ ზღაპრულ ცისარტყელასაც კი ჰკიდე თვალი! მამისეული სახლი უთვალავი ბინადარის საჯანა...

ნაბიჭების ხმაზე თვალი გავახილე. ბილიკზე ჩვენი მოწყალების და მარგითი მოაბიჭებდა. ხელში ასტრების თაიგული ეჭირა. თავაზიანად მომესალმა და გამიღიმა. მარგითის თაფლისფერი თვალები, როგორც ყოველთვის, ახლაც საოცარ სიმშვიდესა და სიკეთეს ასხივებდნენ. ასეთი თვალების პატრონი ალბათ ყველაფერს გაგიგებს. მარგითმა ერთი ყვავილი დამიტოვა და გზა გააგრძელა. თვალი გავაყოლე. ამ ქალიშვილთან შეხვედრა რატომღაც ყოველთვის მაკრთობს, გასაკვირიც არაა — აკი სწორედ მარგითს ევალება იმედგადაწურულ მომაკვდავთა მოვლა... სწორედ ისაა ჩვენი უჯანასკნელი მოგზაურობის სანდომიანი გამცილებელი...

მარგითს ფერფლისფერი თმა აქვს. საოცრად მშვიდი და ზრდილობიანი ქალიშვილია. თუ აუცილებლობამ არ მოითხოვია, მთელი დღე ხმას არ გაიღებს, თუ ჰკითხავ რამეს, თავაზიანად გიპასუხებს, თუ არადა, არის თავისთვის.

მომაკვდავებთან, რა თქმა უნდა, სულ სხვანაირი იქნება. ადვილად წარმომიდგენია, რა დამამშვიდებლად იმოქმედებს მათზე მარგითის გულში ჩამწვდომი, საამო ხმა. იქნებ ვცდებოდე კიდევ, მაგრამ ასე მგონია, მომაკვდავებთან საუბრისას მის ისედაც ტკბილ ხმაში ოდნავ კეკლუცი, შთამაგონებელი, მტრედით ღულუნა ნოტები გამოერევა... მარგითის ხმა ჩაბნელებული სარდაფის კიბიდან ამოძახილსა ჰგავს. იგი შეიძლება წვედიადიდან გამოწვდილ ხელსაც შეეადაროთ, იმ მზრუნველ ხელს, რომელსაც ქვესკნელში ჩამავალ კიბეზე ფრთხილად ჩაჰყავხარ... ყველა მას უხმობს, ყველა მომაკვდავს სურს, რომ მის საწოლთან აუცილებლად მარგითი იდგეს...

ხმაც რომ არ ამოიღოს, თვით მისი არც თუ ისე ლამაზი, მაგრამ ძალზედ

სათნო სახე ამშვიდებს მომაკვდავს. მის მზერაშიც მუდამ თანალმობა გამოს-
კვივის. ხანდახან მეჩვენება, თითქოს მარგიტი აქ მოხვედრამდეც მინახავს.
იქნებ სულაც რომელიმე გამოფენაზე... საექსპოზიციო დარბაზში, ოდნავ და-
ბინდულ კუთხეში მოციმიციმე სახე...

დარწმუნებული ვარ, მარტო მე არ ვფიქრობ ასე მოწიწებით მარგიტზე.
ყოველ შემთხვევაში, ჯერ არ მახსოვს, ჩვენი კაცებიდან ერთს მაინც გაებე-
დოს მასთან ღლაბუცი. არავის, გარდა გამოჩერჩეტებული ი. ანდერსკოოკი-
სა, რომელიც ისე უპრაფავს და უუუუუნებს საწყალ გოგოს თვალებს, თითქოს
მარგიტი მსუბუქი ყოფაქცევის ქალი იყოს... ერთ საღამოს ლოგინში ჩათბუ-
ნებული მეც დიდხანს ვფიქრობდი მარგიტზე, მაგრამ თქვენ წარმოიდგინეთ,
მისი ხმისა და სათნო სახის გარდა არაფერი გამხსენებია. მართალია, მარგიტი
თვალში საცემად ქალური და ნაზია, მაგრამ მიუხედავად ამისა, როგორღაც
მაინც უსქესოს შთაბეჭდილებას ტოვებს. აი, იმ საღამოსაც, მაგალითად, ვინ-
მეს რომ ეკითხა, მაღალი მკერდი აქვს თუ დაბალიო, ვერაფერს ვერ ვუპასუ-
ხებდი. სხვათა შორის, მეორე დღეს ამ კუთხითაც დავაკვირდი და აღმოვაჩინე,
რომ სხეულის აგებულებით მარგიტი აგნესს ჩამოკგავდა. მგონი, მკერდის სი-
მაღლითაც!.. როგორც კი თავი ამდაგვარ ფიქრებსა და შედარებებში დავიჭირე,
უმალ შეეცბი და თვალები ისე მორცხვად დავხარე, თითქოს უნებლიეთ
დედის ან დის ბანაობისათვის შემესწროს თვალი.

აი, ასეთია ჩვენი მარგიტი. ჩვენი სანდომიანი მოწყალების და, რომელიც,
სამწუხაროდ, ხშირად და ახლოს ხედავს ხოლმე სიკვდილს... ე. ი. მისი ხელები
საკმაოდ ხშირად ეხებიან იმ სამშენებლო მასალას, რომელიც ადამიანის
კონსტრუქციის რღვევისთანავე წყალდება... როცა ცუდად გავხდები, მეც მინ-
და, რომ ჩემს სასთუმალთან მარგიტი იდგეს. განსაკუთრებით კი მაშინ, როცა
ჩემი ტივიც თავბრუდამხვევ მორევში აყირავდება... იმ წაშში, როცა წყვილიდ-
ში ჩამავალ კიბეზე მზრუნველი ხელის გარეშე ჩასვლა თავზარდამცემია...
ღრმად ვარ დარწმუნებული, რომ სწორედ მარგიტის სათნოება შეისრუტავს
ჩემი აკივლებული ხორცის საპროტესტო წინააღმდეგობასა და გაფიცებას...
და მაშინ, როცა იმ ქვეყანაში გადასასვლელად საკუთარი ნიჟარიდან ლოკო-
კინასავით დამითრევენ, სწორედ მარგიტი შეძლებს ჩემი უკანასკნელი ტვი-
ვილებისა და გაბრძოლების შთანთქმას! სწორედ მისი მტრედივით ღულუნა
ხმის ტალღა იქნება, თავის ფერფლისფერ ფაფარზე რომ მომიგდებს და სა-
შინელ კოშმარს განმარიდებს!

კი ეს ყველაფერი ახლა იქნებ მაღალფარდოვნად და არაბუნებრივად
ელერდეს, მაგრამ მე ხომ მართლაც ამგვარი ფიქრები მიტრიალებდნენ თავში,
როცა ხელში მარგიტის ნაჩუქარ ყვავილს ვაცოდვილებდი, ხოლო თვალები
უსასრულოდ ლურჯი ცისაქენ მქონდა მიპყრობილი.

14.

არა, განა ვეკვიანობ! (ან კი რა ეკვიანობას შეიძლება ველოდოთ იმ კა-
ცისაგან, რომელიც ღვიძლი შვილის დაბადებასაც ვერ აღიქვამს სრული სერიო-
ზულობით და თავის საყვარელ ცოლსაც კი უცხო კაცის თვალით უყურებს!).

არა, ექვიანობა აქ. რა თქმა უნდა, არაფერ შუაშია. მაგრამ მაინც წონასწორობას მაქარგვინებს ის ფაქტი, რომ იაანიკა და ი. ანდრესკოვი ავტო უკვე სათანახევეარია სწორედ ჩემი ფანჯრების ქვემოთ დაწანწალებენ. არა მგონია, ეს ანდრესკოვი მართო მისი სულელური გვარის გამო შემეძულეზინოს (სახელი არც კი ვიცი. ამიტომ ერთ მშვენიერ დღეს ავდექი და „ი“-დ მოვნათლე). ღმერთო ჩემო, ვერ გამიგია რა უნდა ჰქონდეთ ამდენი ხნის სალაპარაკო ორ სრულყოფილ განსხვავებულ ადამიანს?!

მართალია, მთელი ამ ხნის განმავლობაში ანდრესკოვი ლაქლაქებს, მაგრამ, როგორც ჩანს, ქვაზე შემომჯდარი სქელი იაანიკაც დიდი ყურადღებით უსმენს. თანაც ისეთი გულუბრყვილო სახე აქვს, ხიფათის მოახლოებასაც ვერ იგრძნობს, ისე გაეხვევა ამ ვაეზატონის აბდაუბდით ნაქსოვ აბლაბუდაში.

ი. ანდრესკოვის ბრჭყვიალა პენსნე და საგანგებოდ ნალოლიავეები, მოკლედ შეკრეპილი ქალარა წერი აქვს. იქნებ ზედმიწევნით სუფთა კაციც იყოს, მაგრამ ჩემზე მაინც ტურტლიანისა და უწმინდურის შთაბეჭდილებას ტოვებს... არა, მე მართლაც არაფრით არ შემიძლია იმ ძლიერი ანტიპათიის დასაბუთება, რასაც მის მიმართ განვიციდი. რა დასამალია და, ჩემს წარმოდგენაში იგი ყოვლად საშინელ ცოდვებზე აწერს ხელს! მაშინაც კი, როცა დილდოობით საავადმყოფოს ბაღში დასეირნობს, თავის განუყრელ ხელჯობს უდარდელად მიაქანავებს და ამა თუ იმ ოპერეტიდან ამოჩემებულ არიას უსტვენს, ასე მგონია, მთელი ეს სცენა რაღაც მზაკურული ჩანათქრის შესანიღბავად სჭირდება-მეთქი. ღმერთო შეგცოდე, ხანდახან იმ მნათესაც კი მავონებს, რომელიც მრევლის ფულს ისე დაამღერებს, რომ კაციშვილი ვერ გაუგებს. ბევრიც რომ ამოწმონ, სულერთია, მაინც არაფერი გამოუვათ. იგი ყველას თავისი ბრჭყვიალა პენსნეთი, ლაქლაქა ლოყებით, საგულდაგულოდ დავარცხნილი წვერითა და დაშაქრული ღიმილით დაუხვდება. ერთი სიტყვით, საიდანაც არ უნდა მიუდგეთ, ყოველი მხრიდან დიდად პატივცემულ პიროვნებად მოგაჩვენებთ თავს.

ეტყობა, ეს ჩვენი იაანიკაც ყურებითა ჰყავს დაბმული, თორემ ყოველდღიურად ორ-სამ საათს ვერ იჭუჭკუებდნენ. ერთხელ ვერ მოვითმინე და, მაინც რა საქმის ქალია ეს ჩვენი იაანიკა-მეთქი, კვითხე ი-ს. როგორ თუ რა საქმისაო! ფრანგული ენის ფილოლოგია — და უბრალო ვინმეც არ გეგონოს — საპატენტო სამსახურის მთარგმნელიაო, გაიბღინძა ი. თანაც „ფრანგულითა“ და „საპატენტოთი“ ჩაიტყბარუნა პირი.

მერე თქვენ რა-მეთქი, — მივახალე მე.

არაფერი... თქვენ რას გულისხმობთო, — უშნოდ გაიკრიჭა ი. და უცოდველი კრავის ნიღბით გამცილდა.

ეჰ, იაანიკა, იაანიკა! ჩათქვირებულო და თეთრო იაანიკა. ასე მძინარა და მიამიტი რომ ხარ, ამიტომაც ვაევი მახეში. თუმცა შენისთანა აპათიურმა ტიპებმა შიში არც კი იციან, რა არის. კი, მართალია, დანამდვილებით ვერც მე აგიხსნი რისი უნდა გეშინოდეს, მაგრამ მაინც ფრთხილად იყავი! სიფრთხილეს თავი არ სტყვიავო, ხომ გაგიგონია.

იაანიკას მარცხენა ლოყაზე დიდი, ყავისფერი ხალი აქვს. პაწაწინა თეთრი ბუსუსებით დაფარული ხალი... რაც მართალია, მართალია — ხალები არ მიყვარს! მით უმეტეს, ბუსუსებიაანი, მაგრამ ბუნების ეს კაპრიზი იაანიკას თით-

ქოს უხდება კიდევ, მხოლოდ ასეთ მქრქალსა და ნაზ სახეზეა დასაშვები მსგავსი სამკაულები, როგორც მკია ვალტარი წერს თავის „სინუჟე“-ში, თურმე წინათ ეგვიპტელი ქალები პარიკის ქვეშ ძალზე მოკლე, სულ რაღაც ოროდ მილიმეტრი სიგრძის ლამაზ თმას ატარებდნენ. ვალტარის მტკიცებით ქალები ზოგჯერ პარიკს იხდიდნენ და თავიანთ საყვარლებს საქოჩრებზე მოფერების უფლებას აძლევდნენ, რითაც ეს უკანასკნელნი თურმე ენით აუწერელ ექსტაზში ვარდებოდნენ. ვინ იცის, იქნებ იაანიკა თავის ბუსუსებიან ხალზე მოფერების უფლებას აძლევს ანდრესკოოკს!.. იქნებ ასეთი ფიქრები არც მეკადრებოდეს, მაგრამ თქვენ ვერ წარმოიდგენთ, რა ძალიან მინდა რაღაცები დაქალეწო თავზე ჩემი ფანჯრების ქვეშ განმარტოებულ იაანიკას და ი-ს.

ფანჯარას ვაღებ. ვაყურადებ. ნეტავ რაზე ლაყობენ? მხოლოდ ცალკეული სიტყვები აღწევს ჩემ ყურამდე. ხომ შეიძლება ეს ვაქებატონი ახლა შოპენპაუერის იმ მოსაზრებაზე ყბედობდეს, რომლის თანახმადაც ადამიანისათვის ნაბოძები სიცოცხლე უდიდესი დანაშაულია!.. თვალებმილულული იაანიკა კი მორჩილად უსმენს და ამთქნარებს...

ამ სურათის შემხედვარე კარგ გუნებაზე ხომ არ დავდგებოდი!

15.

ამ ბოლო ხანებში ყველა გამიბრბის. გასულ კვირას გენადი გაიქცა, დღეს აგნესი და ბავშვი... თანაც რა თავქუდმოგლეჩილი გარბიან ეს დალოცვილები! გარბიან და გაიქცნენ! მით უკეთესი!

აგნესი რომ ბავშვს მომიყვანდა, ჭერ კიდევ გუშინ შემატყობინეს. მთელი ღამე არ შეძინა. ისე ებორგავიდი, თითქოს მეორე დღეს რომელიმე დიდმნიშვნელოვანი საკრებულოს წინაშე უნდა წარმდგარიყავი. ისედაც სულ იმის ცდაში ვარ, როგორმე აგნესისათვის სასურველი ოპტიმისტური გარეგნობა შევინარჩუნო და ახლა მით უმეტეს, ორმაგად რთული ამოცანის წინაშე აღმოვჩნდი. ჭერ ერთი, ბავშვის აყვანა მომიწევს ხელში! არც ისაა გამორიცხული, რომ ჩასვრილი საცვლების გამოცვლაში მომიწიოს მონაწილეობის მიღება... და რაც მთავარია, უსაზღვროდ ბედნიერი მამის მადლიერებით აღსავსე ღიმილი უნდა დამთამაშებდეს სახეზე გამუდმებით. ოპტიმისტური ღიმილი...

ბიკს ქარხალივით წითელი სახე ჰქონდა, რატომღაც შუბლშეკმუნხული ჩანდა. მისმა წითლად მოღაქაღაქე ლოყებმა ანდრესკოოკი გამახსენა. ძალღი ახსენე და ჭოხი ხელში დაიკავეო! — სად იყო, სად არა, მოულოდნელად ი-ს არ ამეტუზა წინ!

— ალუ — ალუ — ალუ... — მოიჩლიქა ენა და თავისი მოკაქული ყვირთელი საჩვენებელი თითი ბავშვს ცხვირწინ აუთამაშა. — ზედგამოჭრილი მამამისია! ოო, ამას ისეთი ჰკვიანური ნაოჭები აზის შუბლზე, ნამდვილად მეცნიერი გამოვა, მეცნიერა! — დაასკვნა ბოლოს ი-მ და აგნესს მიუბრუნდა. არც აცია და არც აცხელა, რძე თუ გყოფნითო, ჰკითხა (კინაღამ ჰკუდიან ავიწიე!). არადა, ისე გულითადად იკითხა, ისეთი უცოდველი კრავის სიფათი მიიღო, რომ აგნესს არათუ ჩემი გაღიზიანება არ შეუმჩნევია, მყოფნის კი არა,

იმდენი მაქვს, მეზობლის ბავშვსაც ვაქმევო, ჩაუჯაკლა გულუბრყვილოდ. ოპო-პო-პო, ბევრ რძეს რა სჯობსო, ხელები გაასავსავა ი-მ და ახლა მე გადმოძკრა თვალი ეშმაკურად. მერე კიდევ ერთხელ მოუჩლიქა ბავშვს ენა და გაგვიცოლდა. აი, მიდის ახლა ეს ქვებუდანი და იცის, რომ ჩემს ცოლს ორი ბავშვის სამყოფი რძე აქვს...

როგორც მოსალოდნელი იყო, აგნესმა ლურჯ ზეწარში შეხვეული ბავშვი კალთაში ჩამისვა. უმალ ბედნიერი მამის ღიმილი ალვიბექდ სახეზე. კარგა ხანს ვიჭექი სარგადაყლაპულივით, შორიდან ალბათ ცვილისაგან გაკეთებულ ყავისფერ თოჯინას ვვავდი. უაზროდ კბილებდაკრეპილ თოჯინას! აგნესი გაბრწყინებული თვალებით შემოგვეცქეროდა. მაინც როგორ მოუმატია წონაში! ახლაც ფეხშიმე გეგონება. სახეც რომ მთვარესავით დამრგვალებია... უცებ დაიხარა და ბავშვის კეფაზე ამოდებული ხელი შემისწორა. სწორედ ამ დროს მეცა რძის სუნი...

— ჭერ ყიფლიბანდიც არ გამაგრებია!

— რა, რა?

აგნესმა ფრთხილად მოუშინებლა ბავშვს თავი და პაწაწინა საქორჩეზე მიმითითა. ვერაფრით ვერ მივხვდი, რა უნდა გამაგრებულიყო ამ სათუთ თავზე! აქა-იქ წამოზრდილი თმის ბუსუსები ოფლს დაეცვარა... სრულიად მოულოდნელად გენადის გაოფლილი თავი დამიდგა თვალწინ! მაშინ, მგონი, ფიზიკის რომელიღაც კანონზე და დანესტიანებულ მიღებზე ვფიქრობდი... ბავშვის თავს უფრო ყურადღებით დაეაკვირდი. ამ წარბშეკრული უმწეო არსების სათუთ საქორჩეზე მართლაც ფეთქავდა რალაც.

— ყიფლიბანდი ახალშობილთა თავის ქალაზე მდებარეობს. იგი დაბადებიდან ორი-სამი თვის შემდეგ მაგრდება. ცნობილია დიდი და პატარა ყიფლიბანდი... — აგნესი კიდევ კარგა ხანს მიხსნიდა რალაც-რალაცებს. ესეც წიგნიდან გაზეპირებული ფრაზები იყო, ოღონდ ამჭერად სულ სხვა ინტონაციით... ახლა უფრო თავდაჯერებით და, ცოტა არ იყოს, დამრიგებლური ტონით ლაპარაკობდა. საოცარია პირდაპირ, ამასწინანდელი „კინსენტუანგოვისმონასში...“ თითქმის უკვალოდ გამქრალიყო... და მოულოდნელად ჩემს თავში ამოტივტივდა საკმაოდ სულელური აზრი: „ეჰ, აგნეს, აგნეს! ამიერიდან ხომ შენი სიქალწულეც წარსულს ჩაბარდა!“

ბავშვმა წამოიტირა თუ არა, მაშინვე აგნესს გადავეცი და ცოტაოდენი შეება ვიგრძენი. თქვენ წარმოიდგინეთ, მოუშუშებელი ყიფლიფანდის შიშიც მქონდა... ბიჭი სულ უფრო და უფრო გამყინავი ხმით გაკვიოდა. აგნესი ბავშვს მტრედით დაპლულუნებდა და ხელში სათუთად არწევდა. ღმერთო ჩემო, მაინც როგორ შეცვლილა ჩემი ცოლი! ჩემი ანჩხლი ბიჭი კი ტირილის შეწყვეტას არც აპირებდა. ვუყურებდი და მიკვირდა, ამ თითის სიგრძე არსებას, ამხელა პირი როგორ გამოაქვავ-მეთქი. პატარა იანას გაზები აწუხებს... ასე არაა, ჩემო თვალისჩინო? — დაუყვავა ბავშვს აგნესმა.

იანასო? მაშასადამე, ბიჭისათვის უკვე ჩემი სახელი დაურქმევია... ე. ი. აგნესი საბოლოოდ შერიგებია იმ აზრს, რომ მე... ან კი რა გასაკვირია? კარგი და კეთილი, მაგრამ ამდენ ხანს რად თვალთმაქცობდა?!

აგნესმა ბავშვს ფეხები მოუღუნა და მუცელზე ფრთხილად დააწვა. პაწაწინა, მოწითალო ფეხები კიდევ უფრო პატარა მომჩვენა პირთან შედარებით.

ეს რა მოკაცული ფეხები აქვს-მეთქი, გავიფიქრე ერთი გაფიქრება, მაგრამ მაშინვე გამახსენდა, რომ ახალშობილებს ჩველებრივად ასეთი ფეხები აქვთ. ხუმრობა ხომ არაა, ცხრა თვე საშოში მოკუნტულმა გაატარო!.. სასწაულია პირდაპირ, როგორ უძლებს ასეთი უმწეო არსება ამ პოზაში თვეობით ყოფნას!

მუცელზე დაწოლილი სავარჯიშოების არსს მაშინლა ჩაეწვდი, როცა ზუსტად ისეთი ქუყქუყი შემომესმა, როგორსაც, ჩვეულებრივ, პლუმის სათამაშო დათუნია გამოსცემს ხოლმე.

— მე ჭერ პატარა ვარ... დედიკოსავით და მამიკოსავით კი არ შემძლია გაკინთვა...

ამ საზიზღარმა ფრაზამ გული კინალამ ამირია!

ბავშვმა ერთი-ორჯერ კიდევ დაიკრუსუნა და როცა საბოლოოდ ჩაწყნარდა, აგნესმა ახალთახალ ლურჯ საბავშვო ეტლში ჩააწვინა. მერე მე მომიბრუნდა და როგორ მოგწონს ჩვენი ეტლიო, მკითხა. ახლა ასეთებია მოღაშო... რა უნდა მეთქვა, ძალიან მომწონს-მეთქი, წავილულლულე. ბავშვის ჩაძინების შემდეგ თითქოს უფრო ავაწყვეთ საუბარი. ახლა ბევრად უკეთ გამოიყურებიო, დამიყვავა აგნესმა. ქათინაურებს სხვა დროს მაკლებდა-მეთქი ვერ ვიტყვი, მაგრამ დღეს, მგონი, უფრო ბუნებრივად გამოუვიდა. ეტყობა, ბევრად უარესად ვყავდი წარმოდგენილი!.. სხვათა შორის, ამ ბოლო ხანებში მე თვითონ მიკვირს, ისე კარგად ვარ. თავს ვერ მოვიტყუებ! ვიცი, განა არ ვიცი, რომ ყოველდღიურად ვეშვები მთიდან. — ვეშვები, მაგრამ კისრისტეხით ხომ არ მივექანები!... ვაითუ სწორედ ეს მონაკვეთი იყოს უკანასკნელი დამრეცი!.. რა დავარქვავთ ბიჭსო, სხვათა შორის მკითხა აგნესმა. ეტყობა, არც კი ახსოვდა, სულ რაღაც ორიოდე წუთის წინ ჩემივე თანდასწრებით რომ დაარქვა იანაი. რა ვიცი, ჩემთვის სულერთია-მეთქი, წამომცდა და მაშინვე ენაზე ვიკბინე. არაფრით ასე არ უნდა მეთქვა! ჩემი იღბალი, რომ მთელი ყურადღებით არ მისმენდა. მე, მაგალითად, იანას დავარქმევდიო, გამომიტყდა აგნესი, ოღონდ ჭერჯერობით თავს ვიკავებ... აი, საბოლოოდ რომ გამოიკეთდები, მერეო... ისე არ გამოვიდეს, თითქოს... თითქოს... აი, აქ შეჩერდა. დაუწყო ძებნა შესაფერის სიტყვებს. ან კი რა ჰქონდა აქ საძებარი ერთი სული მქონდა, „ვადაზე აღრე ჩამოწერა“, მეკარნახა, მაგრამ...

— ჰოდა, ამიტომაც არ ვჩქარობ ჭერჯერობით სახელის დაქმევას, — თითქოს ჩემი ფიქრი გამოიცნოო, შემომღიმა აგნესმა. ახლა ის დრო იყო, კიდევ უფრო გულსაკლავი კითხვა-პასუხისაგან დამეძვრინა თავი. სხვა რაღა დამარჩენოდა, დავიხარე და ისედაც კობტად შებნეული ფეხსაცმლის ზონრებს თავიდან დაუწყევი გადაბნევა-გადმობნევა.

ცოტა ხნის შემდეგ ისიც გავიგე, რომ ბავშვის კიბს „ზელიონკით“ წმენდენ... რომ ჩვენს ბიჭს მხოლოდ მეთათე დღეს მოწყდა კიპლარი და ა. შ.

ამ რამდენიმე დღეში აგნესი საოცრად გაუცხოებულყო! ღმერთო ჩემო, ახლა მას სულ სხვა იანაი ჰყავს!... ამაზე დიდი ბედნიერება კი რაღა უნდა იყოს. დიახ, ეს ძალიან დიდი ბედნიერებაა! ძალიან დიდი ბედნიერება! — აი, რა მინდოდა ჩამეგონებინა საკუთარი თავისთვის.

ცოტა ხნის შემდეგ ბიჭი ისევ ატირდა. ასე ხანდახან თუ წამოიტირებს, თორემ საერთოდ იშვიათი ზნის ბავშვიო, დამაშვეიდა აგნესმა და საათზე

დაიხედა. საათის სამაჭურზე კიდევ ერთი ნახვრეტი დაემატებინა!.. ე. ი. ამ ცოტა ხანში მაჭებიც კი დამსხვილებია საგრძნობლად.

— ჭამის დრომ მოუწია და იმიტომ ტირის, — აფუსფუსდა აგნესი და აქეთ-იქით მიმოიხედა. ერთი პირობა საავამყოფოს უკან გადაბარგება დაეპირე, მაგრამ მაშინვე გაცხარებული ლეოპოლდი წარმოვიდგინე და გადავიფიქრე. ო, როგორ ვერ იტანდა საცხედრეს ახლომახლო მოსეირნე ხალხს ლეოპოლდი! ესეც არ იყოს, საცხედრეს გვერდით ძუძუთა ბავშვის დანაყრებაც ვერაა მთლად მიზანშეწონილი.

— მოდი, იქით წავიყვანოთ, პარკის ბოლოს...

აგნესმა სწორედ იქ დააყენა ეტლი, სადაც მუხლამდე წამოსული ჭინჭარი ბიბინებდა. კაბის საკინძე შეიხსნა. მეც იქვე ჩამოვჯექი. ლურსმნების ძველ ყუთზე. ო, რა ხარბად, რა მონდომებით წუწნიდა ჩემი ბიჭი დედის რძეს. ვუყურებდი და მიხაროდა ამქვეყნად არსებულ ათასობით ძუძუთაგან მაინცადამაინც ეს რომ შეეურჩიე ჩემს მემკვიდრეს. მიდი, მიდი, მოქაჩე, ჩემო ბიჭუნა! რძე მაინცა გაქვს თავზესაყრელად! მართალია, ჩემი ბიჭის სახეს ვერ ვხედავდი, მაგრამ უკვე გუმანით ვგრძნობდი, რომ მე და ის ამიერიდან მოკავშირეები თუ რაღაც ამგვარი ვიყავით...

ჩემგან ხელმარჯვნივ უზარმაზარი გოგრა იდო. სწორედ ის გოგრა, რომელიც თავისი იღუმალი შეფერილობით მადონასაც კი მაგონებდა. მარცხენივ აგნესი იჯდა და რალაცნაირი სიამაყით აწოვებდა ბავშვს ძუძუს. გოგრასა და აგნესს შორის მე ვიჯექი.

— შენ რა, ჩუმ-ჩუმად იცინი?

— არაფერი... ისე...

ბიჭი, როგორც იქნა, გაძღა. ახლა მე მომიწია ეტლის გაგორება. რაც შეიძლება ჩქარა მივაგორებდი. თითქოს რალაცის მრცხვენოდა. იქნებ იმისა, საავადმყოფოს ტანსაცმელში რომ ვიყავი გამოწყობილი. ასე იყო თუ ისე, ავადმყოფი კაცის პირობაზე იმდენად ჩქარა ვიარე, რომ როგორც კი შეეჩერდი და ეტლი აგნესს გადაეცი, ბავშვმა მაშინვე ტირილი მორთო.

— ჩვენი მამიკო ძლიერია... დედიკოს ასე ჩქარა არ შეუძლია!

ღმერთო ჩემო, ესეც თუ ქათინაურია და არ ყოფილა საშველი! ჩემი ცოლ-შვილი უკვე წასასვლელად ემზადება. ბიჭი ტირილს უმატებს, აგნესი იძულელებულია რაც შეიძლება ჩქარა იაროს... მათი წასვლა გაქცევას უფრო ჰგავს! მალე ისევ გესტუმრებითო, მიბარებს აგნესი. მარტო მოდი, ბავშვი დედაშენთან დატოვე-მეთქი, სიტყვას ვაწეე მე. მართალია, კიბო გადამდები არ არის, მაგრამ რა გვეშარება, სიფრთხილეს თავი არ სტკივა-მეთქი...

ამ ბოლო ფრაზამ აგნესი ისე დააფრთხო, რომ ტრადიციული შეგონებები სულაც არ გახსენებია: სისულელეებს ნუ ლაპარაკობ, არავითარი კიბო შენ არ გკირსო და ა. შ. ჰო, კარგი, კარგი, რალაცას მოვიფიქრებო, ესლა მომძახა და ნაბიჯს აუჩქარა.

ჩემს ყავისფერყდიან რვეულში ყოველდღე ახალ-ახალ სიტყვა-სიმბოლოებს ვინიშნავ ხოლმე. არადა, ახლა უკვე სრულიად დარწმუნებული ვარ, რომ

ყველა მათგანის გაშიფვრას ვერაფრით ვერ მოვასწრებ. ეს კი მართლაც ფრიად სამწუხაროა. აკი პუშკინის „ტუსალითა“ და აივანზე განცდილის მოგონებებით მთელი ორი საღამო ვირთობდი თავს. კი, ცოტა-ცოტას იქნებ ვაჭარბებდი (უფრო სწორად — ვალამაზებდი) კიდევ, მაგრამ აბა რას წარმოვიდგენდი, რომ საკუთარი თავის მოტყუებას ასეთი სიამოვნების მოტანა შეეძლო. მომავალში, კუმშარიტების ხათრით, რასაკვირველია, სიამოვნებით ჩავასწორებდი ჩემს მოგონებებს. ოღონდ არამც და არამც არ შევამცირებდი... ახლა კი ენით გამოუთქმელ სიამოვნებას მგვრის თუნდაც ის ფაქტი, რომ ჩემს კიბოიან რვეულში ყოვლად უცნაური, სრულიად უკიბოო ჩანაწერებიც არსებობს. და ეს იქნებ თავისებური პროტესტიც იყოს.

დღეს სულ სხვა საფეკრალით ვარ დაკავებული. დიახ, დღეს პატივი მაქვს საკუთარ თავს მოვახსენო, რომ ჩემი ცხოვრების უმთავრეს აზრს მივაგენი.

ვიცი, განა არ ვიცი, რომ ამისთანა რამეების წამოყრანტალება მტკნარი სისულელეა, მაგრამ რას იზამ, თუკი ყველა მოკვდავი სწორედ მას დაეძებს დღენიდაა! მას, ე. ი. ცხოვრების უმთავრეს აზრს. მერედა, რა თავგამოდებით დაეძებენ! — თითქოს ეს წუთია არსებობდა! არსებობდა და თვალდახელშევაჭკრა...

თავდაპირველად მე თვითონ დავცინოდი ჩემს მოსაზრებებს, მაგრამ ახლა რომ ვაკვირდები, რაც უფრო მეტს ვჭირქილებ, მით უფრო სერიოზულად აღვიქვამ ხოლმე საკუთარ იდეებს. ყველაფერს რომ თავი დავანებოთ, ჩემ მიერ აღმოჩენილი იდეა იმითაცაა მომხიბლავი, რომ მისი სრული განხორციელება ძალზედ მარტივად, თითის გაუნძრევლადაც შეიძლება. მე ხომ მთელი ცხოვრება მუხლჩაუხრელ შრომაში გავატარე. არც ცხადში მქონია მოსვენება და არც სიზმარში! ახლა კი აგერ, საავადმყოფოშიც არ ვიშლი ჩემსას... ამ ფიქრებში ისევ კარგ გუნებაზე ვდგები, ისე ვხალისდები, რომ არც კი ვიცი საიდან მივუღდე ჩემს ჩანაწერებს. ჰიქას ვიღებ. წყალს ნელ-ნელა ვწრუპავ... ვდგები. მაგიდას ვცილდები და ოთახში ბოლთას ვცემ. მერე ისევ ვჯდები. ისევ ვსვამ წყალს და ფანქარს წვერს ვუთლი...

ისევ იმ ვერხვის ძირში მოხდა ყველაფერი.

პაწაწინა სანგვინიკი მწერები, რომელთა თირკმელზედა ჯირკვლებზეც მე საკმაოდ დიდხანს მიფიქრია, არსად არ ჩანდნენ. სამაგიეროდ, დღეს ბევრად უფრო დიდი და საშინელი ინდივიდი დასაკუბდა ვერხვზე. უცნაურად ვიწრო, ოდნავ წაგრძელებული, წიოელი ზოლებით აჭრელებული მუცელი ჰქონდა, რითაც ერთობ ავისმომასწავებლად გამოიყურებოდა. ამ შთაბეჭდილებას კიდევ უფრო ამძაფრებდა ცხვირთან გამოიშვრილი პაწაწინა ნემსი, რომელიც თავიდან ნესტარი მეგონა, მაგრამ როგორც გულდასმით დაკვირვების შემდეგ აღმოვაჩინე, ამ ნემსს იგი უფრო ეშმაკურად იყენებდა. ეს უცნაური ინდივიდი ერთთავად აღმა-დაღმა დაცოცავდა და დახეთქილი ვერხვის კანზე თავის ბასრ ნემსს უცაცუნებდა. ზოგჯერ კი მოულოდნელად შეჩერდებოდა, თითქოს რაღაცას უყურებდეს... როგორც გამოვიცა, არიან თურმე აღამიანები, რომელთაც ჯადოსნური წნელის საშუალებით არა მარტო ჰის გასათხრელი ადგილის, არამედ ძვირფასი წიაღისეულის მიგნებაც შეუძლიათ. ესეც ასევე დაეძებს რაღაცას. წამით შეჩერდება, მიაყურადებს, მერე კი, თითქოს კვალს მიავნო,

თავის პაწაწინა ნემსს ააცმაცუნებს და ბურღივით სამუშაოებს იწყებს. საოცარია პირდაპირ, როგორ ახერხებს ამ თმასავით წვრილი ანტენით ხის ქერქში შეღწევას. ან რისი პოვნის იმედი აქვს იქ?

მაგრამ არც ასე ყოფილა საქმე. აი, ქერქიდან ცვილისფერი, კარგად ნაპატივეები მატლი მობობლაჟს. ღმერთო ჩემო, რა შტერია ეს მატლი! დახეთ ერთი როგორ მიიწვევს უცილობელი აღსასრულისაკენ თავისი ნებით!.. საშინელი სანახაობაა, თუმცა თვალს მაინც არ ვაცილებ. საინტერესოა, როგორ დამთავრდება ბოლოს და ბოლოს ეს ყველაფერი.

ცოტაც და ეს ჩვენი ანტენამომარჩევებული ინდივიდი მხედარივით არ მოახტა ცვილისფერ მატლს! ახლა კი იკადრა თავის დამკრენა. მატლმა, ზამბარასავით შეიკუმშა, დაიძაბა, მთელი სხეული ტალღისებურად ამოძრავა... ვერასოდეს ვერ წარმოვიდგენდი, ეს აპათიური არსება თუ ასე ენერგიულად იმოძრავებდა. ახლა მის პაწაწინა თვალებს ვაკვირდები. ორთაბრძოლა გრძელდება: მატლი თავგანწირვით იკლავება და ისე ტალღისებურად მოძრაობს, უნებლიეთ ქარიზხალში აბობოქრებული ზღვა გაგახსენდება. რას არ ცდილობს, მაგრამ ვერაფრით ვერ ახერხებს თავზე წამოსკუპული ამ აწეზარი მეთილქნის გადაყვრავებას. კრაზნანას მაგვარი ინდივიდი ნაპატყვებ მატლს მთელი არსებით ჩაფრენია და თავისი წითელზოლებიანი მუცლითა და ელვარე ფრთებით სწორედ რომ კოსმოსიდან მოვლენილ სუპერმენს ჰგავს. ბურღივით სამუშაოები გრძელდება.

მატლი ქერქს წყდება და ბალახებში ეცემა. არც ეს ეშმაკობა შველის. ის სასტიკი მხედარიც მასთან ერთად ეცემა. არაფერი არ იცვლება. ტრაგედია გრძელდება. ოღონდ ახლა უკვე მწვანე დეკორაციის ფონზე, ნეტავ რატომ აწამებს ეს სადისტი ამ მატლს? არადა, ისეთი პირი უჩანს, შექმასაც არ უნდა უპირებდეს. დროდადრო თავის ნემსს შეურჭობს ხოლმე. ეს არის და ეს. შეურჭობს და გამოაძრობს! შეურჭობს და გამოაძრობს... და არის რალაც უწმაწური მის საქციელში! მართალია გვიან, მაგრამ მაინც მიჩნდება სურვილი ამ მსუქანი მატლის გადარჩენისა. მოულოდნელად რომელიღაც ანატომიურ ატლასში ნანახი სურათი მახსენდება. ღმერთო, როგორ ჰგავს ეს მატლი თავისი ფორმით თირკმელზედა ჯირკვალს, ამიტომაცაა, რომ ამ სადისტის ნემსს მტკივნეულად განვიციდი. აი, უკვე ჩალის ღერს ვიმარჯვებ, რათა მატლის გამამწვარებელი დაეფრთხო, მაგრამ ამაოდ... ის უკვე ჩემი ჩარევის გარეშეც ჰკარგავს ყოველგვარ ინტერესს თავისი მსხვერპლის მიმართ, ფრთებს შლის და რაკეტასავით მიფრინავს. ეს რა ეუნწეო, რა ხელიდან წასული დონ ეუნანი იხილეს ჩემმა თვალებმა!

რა ეშველება ახლა ამ მატლს? თუმცაღა რალა რა ეშველება, სასწაული თუ გინდა სწორედ ეს არის. მხოლოდ ორიოდ წამით გაიჩინდა მელანქოლიურად და ხელად არ გამოკეთდა?! მერე ისევ ვერხვს დაუბრუნდა და ქერქქვეშ შეიყუჟა. მამ რა იყო ეს, რა?!

სწორედ ამ დროს მახსენდება, რომ ოდესღაც, დიდი ხნის წინ, „ბავშვების სინარულში“ ამოვიკითხე რომელიღაც კრაზნანაზე, რომელიც თურმე ცოცხალ მატლებში ყრის თავის კვერცხებს. ე. ი. რა გამოდის? მატლები მატლენში — აი, რა მახსოვს როგორ შემადრწუნა მაშინ ამ უცნაურმა ამბავმა. მამ გამოდის, რომ ის წითელმუცელა ინდივიდი, მამრი კი არა, პირიქით, ქალ-

ბატონი ბრძანებულა და ყველაფერი, რაც ჩაიდინა დედობრივი ზზრუნველობით თუ რაღაც ამგვარი გრძნობებით ჩაუდენია! მართალია, ის მატლი ახლა ვერხვის ქერქის ქვეშაა შეყუყული და თავს მშვენიერად გრძნობს, მაგრამ უკვე კვერცხებითაა გატენილი, იმ კვერცხებით, რომლებსიგანაც აუცილებლად მოკვდება!.. ახლა კი, თითქოს არაფერიც არ მომხდარიყოს, უდარდელად დაბობლავს და ვერხვის ქერქს მადიანად შეუქცევა. პაწაწკინტელა თვალების უკან მოთავსებული მისი ტვინი ჭერ კიდევ ვერ გრძნობს რა უბედურება დაატყდა თავს. მართალია, ერთხანს მინიატურული საწყობივით იქნება გამოყეტილი, მაგრამ ბოლოს ისევ და ისევ საკუთარი გარსი ექცევა კუბოდ. ისევ იმ კვერცხებიდან გამოჩვეილი პაწაწკინტელა მატლები გამოსჭამენ გულ-მუცელს... იმ წამიდან მოკიდებული, როდესაც სადისტმა მხედარმა თავისი ნემსი შეურქო, დრო და უამი მის საწინააღმდეგოდ მოქმედებს. დრო ამწიფებს კვერცხებს... ამწიფებს კვერცხებს... მოიცა, მოიცა!..

აი, თურმე რა გამახსენა იანიკამ მაშინ! როცა კვერცხს შეექცეოდა... ნაკუჭებს რომ მარხავდა მიწაში...

გამახსენდა! მეც რომ დავმარხე ოდესღაც ხუთი კვერცხი!

ძველთაძველი გერმანული წიგნის მოტკბო სურნელი მაგონდება. ეს იყო წიგნი ჩინური სამზარეულოს შესახებ. უძველესი ჩინური გრავიურებით მოხატულ ამ წიგნში მრავალი უცნაური კერძის დამზადების რეცეპტი იყო წარმოდგენილი. მათ შორის დელიკატური კერძები მელუზისაგან, ლოკოკინისაგან და ა. შ. ერთ გრავიურაზე გამოსახული ჩინელები ათასგვარ საშინელებას კმაზავდნენ, ხოლო მეორეზე მზა კერძებით იტკბარუნებდნენ პირს. მკამელებად ძირითადად ის დიდებულები იყვნენ გამოსახულნი, რომელთაც ხელში მომცრო ჯოხები მოემარჯვებინათ და სიამოვნებისაგან თვალებს კუტავდნენ. მახსოვს, როცა ამ წიგნს კვითხულობდი, ისეთი გრძნობა მეუფლებოდა, თითქოს რაღაც მკაცრად აკრძალულს ვაკეთებდი. აი, სწორედ ამ წიგნში ეწერა კვერცხების შესახებ. ერთ-ერთ ბალადაში ისეთი რეცეპტი იყო აღწერილი, რომელსაც მეც საკმაოდ ადვილად მოვამზადებდი.

ხელებში თავჩარგული ვიჭეკი და ფეხები რატომღაც ბუდასავით მქონდა მორთხმული. გრავიურაზე გამოსახული ჩინელი დიდებულებით თვალმოჭუტული ახლა იმ ძველთაძველ წიგნში ჩაწერილ სტრიქონებს ვიხსენებდი.

FÜNF EIER

Fünf Jahre war ich alt —
fünf weisse Eier grub ich ein
in die Erde unter dem Baum.

Zehn Jahre war ich alt —
gern hätt' ich nach ihnen geschaut,
den Eiern unter dem Baum.

Als ich dann fünfzehn war,
da hatt' ich sie vergessen in der Fremde,
die Eier unter dem Baum.

Zwanzig war ich, zurück in der Heimat,
und als ich Hochzeit hielt, gedacht' ich
die Eier unter dem Baum.

Ich zählte fünfundzwanzig,
mein ältester Sohn fünf.
sein Bruder um zwei weniger,
als die Schwester geboren ward...

Da hob ich sie aus der Erde,
die fünf Eier unter dem Baum —
sie hatten sich verwandelt
zu köstlichem Gericht.

Und ich sann nach
über des Eies Verwandlung
und den Wandel des Lebens...

ხუთი კვერცხი*

ვიყავი ოდეს ხუთიოდ წლისა,
ხის ქვეშ დამარხე უთეთრესი
ხუთიოდ კვერცხი.

ხოლო როდესაც გავხდი ათი წლის,
ძალზედ მომინდა დამეხედა
ხის ქვეშ დაფლული კვერცხებისათვის.

და მაშინ, როცა შემისრულდა თხუთმეტი წელი,
მე, გადახვეწილს უცხო მხარეში,
გადამავიწყდა ის კვერცხები ხის ქვეშ დაფლული.

ოცი წლის ისევ დავუბრუნდი მშობელ ქვეყანას
და იმ დღეს, როცა ქორწინების სუფრას ვუჭეჭი,
კვლავ გამახსენდა ის ხუთი კვერცხი.
იმ წელს მე გავხდი ოცდახუთისა,
უფროსი ვაჟი ხუთისა, ხოლო

* თარგმანი ა. კალაძისა

იმის მომდევნო სამიოდ წლისა,
როცა ქვეყანას მოევიდნა იმათი დაი...

მეც სწორედ მაშინ ამოვთხარე
ხის ქვეშ დაფლული ის ხუთი კვერცხი —
აწ დამატებობელ
სასუსნავად გადაქეული.

დავალ მას შემდეგ უსაშველოდ გაოცებული
კვერცხებისა და
წუთისოფლის ცვალებადობით...

თუ არ ვცდები, ეს იყო კვირა დილით. უთენია ავდექი. ექვსი საათიც არ იქნებოდა. ბუდიდან კვერცხები მოვიპარე და უბეში ჩავიწყე. ერთი კვერცხი ჭერ კიდევ თბილი იყო.

მხარზე ბარი გავიდე და მდინარისაკენ მიმავალ ბილიკს დავადექი. ვინმე რომ შემხვედროდა, კიბელების მოსაგროვებლად მივიღივარ-მეთქი, მოვატყუებდი. რაც შეიძლება ფრთხილად მივაბიჯებდი, რადგან არავითარ შემთხვევაში ჩემი წაბორძიება არ შეიძლებოდა...

საოცრად წყნარი დილა იდგა. ახლამოწვერილი მზის სხივები სოფლის ეკლესიის თუნუქის სახურავს ელაციცებოდნენ. მტრედისფერ ცაზე ღრუბლის ერთი ფთილაც არ ჩანდა. უსათუოდ ცხელი დღე იყო მოსალოდნელი. სოფლის მდინარეს მსუბუქი ბოლი ასდიოდა. ხვერდივით რბილი დილა უცნაური იღუმალებით ავსებულყო... ახლაც ვერ გამიგია, რამ ამომიგდო მეხსიერებიდან ის კვერცხები! სამაგიეროდ, მხარზე ბარგადებული ბიკი, ეკლესიის სახურავზე მოციმციმე მზის სხივები და რაღაცის მოლოდინში სულგანებული ის დილა, ახლაც მთელი სიცხადით მიდგას თვალწინ. უფრო მეტიც — ყოველთვის, როცა გრივის „დილას“ ვისმენ, მაინცდამაინც ის სისხამი განთიადი მაგონდება. ახლა, მგონი, იმასაც ვხვდები, რატომ მეჩვენება პასტორალის დასაწყისი ფეხის წვერებზე შეუმჩნეველად მოახლოებულ იღუმალებად... მე ხომ უბეში სათუთი კვერცხები მეწყო და არავითარი უფლება არ მქონდა წაფორხილებისა!

ჩემი არჩევანი ყველასაგან განცალკევებით მდგარ მტირალა არყის ხეზე შეჩერდა. ეს ადგილი ყოველმხრივ ადვილი დასამახსოვრებელი იყო. ასეთ ტანკენარ არყის ხეს ვერსად ვერ ნახავდით ახლომახლო. იდგა თავისთვის და მიწამდე დაშვებულ გრძელ-გრძელ ტოტებს მშვიდად არხევდა. სწორედ მის ძირში, ოთხკუთხად მოჭრილ შავ ორმოში დავმარხე ის კვერცხები. ერთი ისევ თბილი იყო... ბოლოს, ჭიბის დანით ხის ტანზე საგანგებო ნიშანი ამოვჭერი. ამ ნიშნით ყოველთვის ადვილად მივაგნებდი ორმოში დაფლულ კვერცხებს. კვერცხების სამალავი ხიდან თორმეტი ტერფის დაშორებით მდებარეობდა. მეც თორმეტი წლისა ვიყავი. ამიტომაც არ დამავიწყდებოდა არასოდეს ეს დილა.

საქმეს რომ მოვჩიჩი, ირგვლივ მიმოვიხედე. არა, ნამდვილად არავის არ დავუნახივარ. სოფელში ჭერ კიდევ ეძინათ. ირგვლივ მდუმარება გამეფებულყო. მხოლოდ მამლები ყიოდნენ აქა-იქ. მათი ყვილი რატომღაც მრავალ-

მნიშვნელოვნად მეჩვენებოდა. ჩემი ფიქრი ჯერ კიდევ იმ თბილ კვერცხს დას-
ტრიალებდა, კვერცხს, რომლისგანაც აწი არც მამალი გამოიჩეკებოდა და არც
დედალი. ერთი პირობა საკუთარ თავს გულში ცოდვილიც კი ვუწოდე. მაგ-
რამ როგორც კი იმ გრავიურებზე გამოსახული ეშმაკურად მომღიმარი, ვიწრო-
თვალეზიანი ჩინელები წარმოვიდგინე. რატომღაც გულზე მომეშვა. ამიერიდან
მეც მქონდა ჩემი საიდუმლო. საიდუმლო, რომლის შესახებაც არავინ არა-
ფერი არ იცოდა დედამიწის გულზე. დიახ, მე ყველას თვალთაგან უხილავ
ცოდვილი — ღორმუცელა ვიყავი!

მახსოვს, იმ დილით საიდუმლო სამალავს ცკეკ-ცკეკითაც კი შემოვ-
არე... ეს ველური ცკეკა ისე უეცრად მომესურვილა, ჩემმა ხელებმა და ფ-
ხებმაც ისე მოულოდნელად დაიწყეს უცნაური ილეუების გამოყვანა, რ-
თავისუფლად შეგვეძლო ამ ცკეკისათვის ცოდვილ-ღორმუცელათა ცკეკა დაგ-
ვერქმია.

სინათლის ჩართვის დრო მოსულა. თავს დაბლა-დაბლა ვხრი. ჩანა
წერების კითხვა სულ უფრო ჰირს. ჩემს ბიჭზე ვფიქრობ. ჩემს პატარა ბიჭზე
რომელსაც ახლა ალბათ აგნესი გაზებისაგან წამოტყვიებულ მუცელზე აწვივ
(„მე ხომ ჯერ პატარა ვარ... დედისკოვით და მამისკოვით არ შემიძლია გა-
ჰინთვა!...“). ვფიქრობ გენადიზე, ჩემს ლაბორატორიაზე... იმ დღვისმდნობე
ლებმა ალბათ უკვე მოახრიგინეს თავიანთი ჯაბახანები! მოულოდნელად, სულ
რალაც ერთ წამში, გამიელვა თვალწინ მთელმა ჩემმა წარსულმა: სკოლამ
ინსტიტუტმა, ცოლის შერთვამ, თაფლობის თვემ... იმ დღემ და საათმა. როცა
აქ, ამ საავადმყოფოში მომათავსეს და... მორჩა! აქ უნდა შევეწყვიტო!

ცოტა არ იყოს, მეუხერხულება კიდევ, ჩემი ავადმყოფობის პატრონი
კვერცხებზე რომ ვფიქრობ და ვწერ, მაგრამ ზოგჯერ გული იმისთანა რამეებ-
საც მიგრძნობს, ყოველგვარი უხერხულობისაგან ვთავისუფლდები. მართლაც-
და, კაცმა რომ თქვას, კვერცხებთან დაკავშირებული ამბები განა უბრალო თა-
მაშია!.. არა, აქ უფრო მნიშვნელოვანი რამ იგულისხმება. დიახ, სწორედ ამ ვი-
თომ თამაშშია შეკრული გორდიუსის კვანძი. კვანძი, რომელიც მხოლოდ და
მხოლოდ მე უნდა გავხსნა! ბრაზმორეული ვდგები. ჩემს გაშმაგებას საზღვარი
არა აქვს. დიდი მადლობა მომიხსენებია, ბატონებო! ნეტავ რა თავში ვიხლი
ამ ყალბ სიმორცხვესა და თავის მოტყუებას. მე ხომ სრულიად ბრმა, უცაბედ-
მა, სულელურმა შემთხვევითობამ მარგუნა ცოლი, სამსახური, შვილი, ბო-
ლოს და ბოლოს! ახლა კი ასეთივე დაუნდობელი გულგრილობით მართმევს
ყველაფერს, ყველაფერს!.. სწორედ მან შემყარა კიბო! მან დამანეულა! ამ
საავადმყოფოშიც მან მიკრა თავი! სენტიმენტებისაგან ღმერთმა დამიფაროს,
მაგრამ... მისუსტებულმა სულმაც რა უნდა მიშველოს უსულგულობისა და სი-
სასტიკის უკიდევანო ოკეანეში! მე ხომ სწორედ აქ, ამ საავადმყოფოში მი-
ვეჩვიე სისასტიკესა და გულგრილობას... მთელი არსებით ვცდილობდი რაც
შეიძლება გულგრილი გავმხდარიყავი ცოლისადმი. შვილისადმი, მთელი სამყა-
როსადმი! ნეტავ მთელი ცხოვრება მამყოფა იმ როლში, რომელსაც ეს თამაში
ითხოვს! ო, როგორ მინდა ყველა ჩემი საფიქრალი და საზრუნავი იმ ხუთი
კვერცხის იქით არ მიდიოდეს!.. „fünf Eier unter dem Baum“. დიახ, ახლა-

ვე შევსანსლავდი იმ ხუთ კვერცხს, ახლავე და დიდი სიამოვნებით! ოღონდ ეს ოცნება ამასრულებინა და საბედისწერო თამაშს ყაიმით დასრულებულად ჩავთვლიდი. უფრო მეტიც — მაშინ ხომ თვით ყოვლისშემძლე დროსაც ვაგაბამ-პულავებდი იმ დროს, რომელიც თავისი კკუით ჩემზე გამარჯვებას კი ზეიმობდა, მაგრამ ის აღარ უწყოდა, იმავდროულად საკმაოდ პროზაულ სამუშაოს ანუ ჩემი პირადი მზარეულის მოვალეობასაც თუ ასრულებდა! დიახ, ყოველ წამს ჩემთვის ირჩებოდა და დამარხული კვერცხებისაგან ჩინურ სასუსნავს მიმზადებდა! დრო... დრო ყოველთვის ჩვენს საწინააღმდეგოდ მოქმედებს. მის წინაშე ყველანი იმ მატლს ვგავართ, რომელიც ამ წუთას ვერხვის ქერქს შეექცევა და აზრზე არაა, რომ კარგა ხანია სხვისთვის ფაფხურობს. მართალია, დრო და კიბო ამ წუთას მეც ერთად მიღრღნიან თირკმელს. მაგრამ განა იგივე დრო არ მიმზადებს ხის ქვეშ დაფლული კვერცხების კერძსაც? ესაა, რომ მამშვიდებს და მახალისებს. მოდი და ნუ გაოცდები — თურმე მაშინაც კი, როცა ყველაზე დიდ სისულელეებს ჩავდიოდ-დი, დროს მაინც ჩემს სასარგებლოდ დავაქენებდი. ასეა თუ ისე, დაუნდობელი დროც კი მთელი ოცი წლის მანძილზე შესაშური კეთილსინდისიერებით მემსახურებოდა. აჰ, რა თქმა უნდა, ისიც არ უნდა დავივიწყოთ, რომ თორმეტი წლის ბიჭუკელა ოცდათორმეტი წლის კაცად მაქცია! გადაწყდა! ქვას ვაგხეთქავ და იმ კვერცხებს შეეკვამ! რადაც არ უნდა დამიჭდეს, საავადმყოფოდან გაპარვაც რომ დამპირდეს, მაინც შეეკვამ!

დიახ, დიახ. დროსაც ჩემს ჰკუაზე დავაქენებდი! და ეს ძალიან მემამა-ყება...

მაინც რა ჰკვიანი ხალხი ყოფილან ის ჩინელები, მიწაში დაფლულ კვერცხებს რომ შეექცეოდნენ და ისედაც ვიწრო თვალებს სიამოვნებისაგან კიდევ უფრო ჰტუტავდნენ. ისინი ხომ თვით მძლეთამძლე დროით იტყბარუნებდნენ პირს!

ო, რა სიამოვნებით ჩამოვეულიდი ახლა იმ ველურ ცეკვას! გამარჯვებულ-ცოდვილ-ლორმუცელათა ცეკვას! მერე რა, რომ ახლა უკვე დიდი ტომარა ვარ... კიბორჩხალებით გატენილი ტომარა. ტომარა, რომელსაც ხრამხარუმი გაუდის! თამაში გრძელდება.

17.

აი, გადაყრუებული მეფე, რომელიც მოოქროვილ ბალდახინზე დაუსვენებით. ერთგული შინამოსამსახურენი ტებილსურნელოვან სასაკმეველებს ახრჩოლებენ... უკანასკნელი იმედიც გადაწურულიაო, ეჩურჩულება სამეფო კარის ფერმკრთალი დასტაქარი პირველ მინისტრს. უკვე ვეფხის ზურგის ტეინისაგან დამზადებული მალამოებიც მოვსინჯეთ, გზაჯვარედინზე ჩამოხრჩობილი ყაჩაღის თავის ქალას ფხვნილიც, სამკურნალო ბალახები და მაგიური ცხელსაფენებიც, მაგრამ არაფერმა გასკრაო. ისლა დაგვრჩენია, მომაკვდავ მეფეს დღეილის ნახარში დავალევინოთ, ოღონდ მთლად მისი სასწაულმოქმედების იმედიტაც ნუ დავრჩებით. ყოველ შემთხვევისათვის მღვდელმსახურიც მზად გვყავდესო.

მოხუც მეფეს ბალიშქვეშ სასმენი მილი აქვს დამალული და ჩუმ-ჩუმად

ყველაფერს ისმენს. მერე თავს ძალას დაატანს, ბალიშებზე წამოჯდება და სამეფო ბეჭდის მცველს უხმობს. და აი, მომაკვდავი მეფის ოქრო-ვერცხლით მოჭედოლი სარეცელთან წარმოჩინებული მოხელე იხრება. მეფის ნაჩურჩულევს მოწიწებით მოისმენს, მერე კი სწრაფად გადის და წითელი ხის ზარდანხმას შემოარბენინებს.

„გახსენ ზარდანხმა და ამოიღე რუკა იგი!“

დღის სინათლეზე ამოაქეთ გაცრეცილ-გაყვიტლებული პერგამენტი, რომელზეც მრვალრიცხოვანი ისრები, წყვეტილი ხაზები და წითელი წრით აღნიშნული სამალავის ადგილსამყოფელია გამოსახული.

„ახლა კი ჩემი სარეცლის ქვეშ შეძკერი. ოღონდ ფრთხილად, ღამის ქოთანნი არ გადამიბრუნო! მანდ მოოქროვილ ნიჩაბს ნახავ. აიღე იგი. შეარჩიე ორი ერთგული ყმა და წადი! თუ სად და რატომ, შენ უკვე იცი.“

წარჩინებული მოხელე მეფის წინაშე ოთხად იყეცება და წასასკვლელად ეშხალება.

„იცი, გზადაგზა რამე არ გადაყლურწო, თორემ რაც მოგივა, შენს თავს დააბრალებ! ვინ-ვინ და, შენ მაინც მყავხარ იმისი მოწმე, თუ რა კეთილი და გულმოწყალე ვიყავი მთელი ცხოვრების მანძილზე. ვერც „ძალაუფლების ბოროტად გამოყენებას“ დამწამებს ვინმე... მაგრამ, ო. მაგრამ საკმარისია, შენ, ძველო წუწკო, თავი ვერ შეიკავო და პირში რამე გადაიციდინო. რომ ჩემს განრისხებას საზღვარი არ ექნება! იცი, მაშინვე ჩვენი კანონმდებლობის ყველაზე მივიწყებულ მუხლს მოგაყერებს! და, რაც მთავარია, შენი ჰონორა და ფიზიკური სასჯელი არ დაგავიწყდეს, mon ami! ახლა კი გასწი და ვაი შენ, მამლების მესამე ყვილზე თუ არ დაბრუნებულხარ!“

მოხელე მართლაც მამლების მესამე ყვილზე ბრუნდება, მეფესთან შედის და რაღაცას გადასცემს. ეს რაღაცა ხორკლიანია და აყალო მიწითაა გათხერილი.

„მუსიკა, ბატონებო, მუსიკა!“ — გაისმის მეფის ბრძანება.

სამეფო კარის კაპელაც ბრძანებისთანავე იწყებს დაკვრას.

„უფრო ცოცხლად, ბატონებო! უფრო მხიარულად Oboe d'amore ნეტავ რას კნავი ასე საცოდავად! Viola da gamba ეს შენიშვნა შენც გეხება, ძვირფასო! Più mosso! Meno mosso! Allegro molto e giocoso*. ბატონებო!

...და ჰქუხს მუსიკა, სრიალებენ თხემები. oboe d'amor-ის მთელი მონღომებით გამოჰყავს one-step-ი იმ მონადირეებზე, რომლებმაც დათვის ტყავი ნაკუწ-ნაკუწ დაინაწილეს, ხალხის ფული კი დასტა-დასტად.

მომაკვდავი მეფე ზეწრის ბოლოთი კვერცხებს მიწას აცლის. მსახურებს გონდაკარგული კარის დასტაქარი გაჰყავთ...

„ჩემს გამო დამწუხრებულო ძვირფასო მგლოვიარენო! მე ხომ ყველაფრის წარმატებით დასრულება მიყვარდა! ამჯერადაც ასეა... და ეს პირველ რიგში ეხება კვერცხებს! დიახ, კვერცხებს! აი, ამ კვერცხებს!..“

მეფე ხუთივე კვერცხს ერთად იტენის პირში. „Fünf Eier unter dem Baum“... ძლივსგასაგონად ჩურჩულებს და ბოლო ლუკმის ჩაყლაპისთანავე სულს განუტევებს.

* უფრო ცოცხლად! ნაკლებ მხიარულად! უფრო ჩქარა და მხიარულად! (იტალ.).

ოთახს მაგიდის ნათურა მინათებს. კარის საკლიტეც კი საგულდაგულოდ მაქვს დაგმანული, რათა ნახევრად ჩაბნელებულ დერეფანში მთვლემარე მორიგე ექთანებმა ჭუჭრუტანიდან გამოძკრთალი სინათლე არ დალანდონ. ღამის ორი საათია. კაციშვილმა არ იცის, რომ მე ისევ მაგიდას ვუზივარ და ვწერ.

მაგიდაზე სუვენირების მალაზიაში ნაყიდი ორი ასგრამიანი ჭიქა მიდგას. კონიაის საწრუპავად უკეთესს ვერც ინატრებ. მეც იმ მონადირეებზე შეთხზულ პოპულარულ One-Step-ის ვუსტვენ ხმადაბლა. ჩემს ტყავსაც დანაკუწება ელის... ოღონდ ჭერ არაა. ჭერ მეც იმ დამარხულ კვერცხებით უნდა ჩავიტბარუნო პირი! აგნესს ვთხოვ და აუცილებლად მომიტანს... იმ ადგილსაც ისე ზუსტად დავუხატავ, თვალდახუჭულმა რომ მიაგნოს---.

მაშ, ასე. ახლა კი სხვაგვარი ვარიაციის შეთხზვაც შეიძლება...

...იგი გამოუსწორებელი არამზადაა. მთელი ცხოვრება ზრდილობიან მაიმუნობაში გაატარა. ისეთი ფუმფულა თითები აქვს, მაშინვე მიხვდები. თავის დღეში რომ არაფერი გაუთეთრებია. არადა, თვალები აქვს მეოცნებე ბავშვივით სუფთა, ლილილოსფერი... საოცნებოდ კი, გაგიხარიათ. მუდამ თავზე საყრელი დრო ჰქონდა.

ერთ მშვენიერ დღეს ეს ჩვენი მეოცნებე არამზადა მიქელ-გაბრიელის მოახლოებას იგრძნობს და მაშინვე თავის მეგობრებს მოუხმობს, რომლებიც, რა თქმა უნდა, მასავით ჭიბიდან გავარდნილი თითლიბაზები არიან. ამათაც მეოცნებე, ლილილოსფერი თვალები აქვთ და თავიანთი ძვირფასი სიცოცხლე არასოდეს დაუხარჯავთ ისეთ წვრილმანებში, როგორცაა ორმოების თხრა, სახლების შენება, ხენა-თესვა და ამისთანანი... ჭარხლისკამია ხოჭოების მომაკვდინებელ საწამლაკებზე ლაპარაკი ხომ საერთოდ ზედმეტია! აი, ასე უზრუნველად გაატარეს მთელი ცხოვრება— ლუკმაპურის საშოვნელადაც არ უხდებოდნათ შორს წასვლა, იქვე, ახლობლებში ჩამომიათხოვრებდნენ ხოლმე. ზოგჯერ კი არც იმის აწაპენაზე იხევდნენ უკან, რაც თავის ადგილზე არ იდო. მეტწილად: რასაკვირველია, გაზულუქებულ მდიდრებსა და ხარბებს ძარცვავდნენ. ზოგჯერ კი პატარა ნავში მოკალათებულნი დენატურატს ყლურწავდნენ და საიდუმლოებით მოცულ სამყაროზე ფიქრობდნენ.

„ძვირფასო მეგობრებო! დღეს მე ჩემი უმთავრესი ნაღვაწი უნდა წარმოგიდგინოთ!“ — აცხადებს საიქიოს გზაზე დამდგარი თაღლითი მეოცნებე.

„ო, ჩვენ ხომ ისედაც კარგად ვიცით შენი ნამოღვაწარი! ან კი რა დავავიწყებს შენს ქადაგებას ცასა და მიწაზე, სიკვდილ-სიცოცხლეზე... ყვავილებისა და პეპლების სიყვარულიც შენ ჩაგვინერგე! ნუთუ ყველაფერი თავიდან უნდა გვიქადაგო, ჩვენო მოძღვარო? ეს ხომ შეუძლებელია!“ — ერთხმად აბუტბუტდა ოთხივე მეგობარი.

„ჩემო კეთილო მეგობრებო! ათას მადლობას გწირავთ ამ ღამაში სიტყვებისათვის. თქვენი ამაღლებული სულის წარმომჩენი მსჯელობისათვის. ო, რომ იცოდეთ, რა შვებასა და იმედს მგვრით, მეგობრებო! მიხარია, რომ აბსოლუტის შესახებ ჩემს მკვერმეტყველებას უკვალოდ არ ჩაუვლია!.. — პასუხობს საიქიოს გზაზე დამდგარი ჩვენი მეოცნებე. — მაგრამ ახლა ისიც უნდა გაუწყნოთ, რომ უკანასკნელი ოცი წლის მანძილზე მე მხოლოდ თქვენთვის ვირაჟე-

ბოდი. ეს გარჯა კი ჩემგან უციდურეს შეუპოვრობასა და ხასიათის სიმტკიცეს მოითხოვდა... ძმანო და მოყვასნო ჩემნო! ყველას ნადიმზე გეპატიეებით! ნადიმზე, რომლის მსგავსიც ამ ჩვენს შშენიერ ქალაქში ბევრს არ დაესიზმრება მაშ, გავსწიოთ ქალაქგარეთ! ყველამ ჩვენს საყვარელ მდელოზე მოვიყაროთ თავი. ეს ხომ ნამდვილი საიდუმლო სერობა იქნება! დიახ, დიახ, საიდუმლო სერობა! თანაც, ჩვენდა საბედნიეროდ, იუდას გარეშე... აჰა, თქვენ ხუთი ბოთლი ლილისფერი სითხე, რომელსაც ჩვეულებრივი მოკვდავნი ალკოჰოლურ სასმელს ეძახიან. მაშ ნუ ვაყოვნებთ, ძმებო, Carpe diem!*

ქალაქგარეთ, ერთ-ერთი ხის ძირას იგი თავის მეგობრებს დასევამს. თვითონ კი ორმოს თხრას შეუდგება.

„მანდ რას აკეთებ, დიღო მოძღვარო?“ — ერთხმად ეკითხება ოთხივე მეგობარი.

„აკი თქვენც ხედავთ, ძმანო ჩემნო, რასაც ვაკეთებ -- დრომ. ანუ ჩემმა მზარეულმა უერთგულესმა აქ, ამ ორმოში მომიშადა კვერცხების კერძი არცერთ მეფეს რომ არასოდეს არ ელირსება! მაშ ვაღლეგრძელოთ ნახელავი უკვდავებისა და დაეყოლოთ ზედ ხუთი კვერცხი...“

და აი, ყველანი ორმოდან ამოღებულ კვერცხებს შეექცევიან. ყველას ყოვლისშემძლე დროის მიერ შემზადებული თითო ხორკლიანი კვერცხი უჭირავს ხელში. მეოცნებე, ლილილოსფერი თვალები ცისაკენ მიუპყრიათ...

„მე ხომ ყველაფრის წარმატებით დასრულება მიყვარდა!“ — ჩურჩულით წარმოთქვამს ნადიმის თამადა, მერე ხელებს გულზე დაიწყობს, ერთს ამოიხელებს და საიჭიოსაკენ გაეშურება.

18.

თერმომეტრი რომ მომიტანეს, ჯერ კიდევ ძილბურანში ვიყავი. ის იყო დამძიმებული ქუთუთოები წამოვწიე, რომ მაშინვე მორიგე ექთანს კვიდე თვალი. ამ ქალის სახე დღეს რატომღაც თაბაშირისაგან გამოქანდაკებულს ჰგავდა. ნეტავ ეს ცივად გამოთეთრებული სახე არ დამენახა-მეთქი, გავიფიქრე და თვალები დახუჭუქე, მაგრამ არაფერი გამოვიდა — თაბაშირისაგან გამოქანდაკებული სახის ცივი ოფლი ისე მკვეთრად აღმებეჭდა თვალის ბაღურაზე, რომ ქუთუთოების დახურვის შემდეგაც ვერ მოვიცილე. ამასობაში ჩემმა წამწამებმა ერთადერთი, წამიერი მოძრაობით თაბაშირის ნიღაბზე განივად გამკრთალი ვარდისფერი მონასმის, ანუ მოკუმული პირის აღბეჭდვაც მოასწარეს.

ცივი თერმომეტრი ნესტარით მილიტინებდა... ისეთი გრძნობა დამეუფლა, თითქოს წითელმუცლიან ხოჭო-მხედარს ჩემს ილღიაში ვერცხლის ლაპ-

* „წაპალიჩე დღეს!“, ანუ იცხოვრე დღევანდელით, მოასწარ ახლავე! (იტალ.).

ლაპა კვერცხები დაეყაროს... წარმოვიდგინე როგორ გალივდება თესლი ჩემს თბილ ორგანიზმში, როგორ აიყრის ტანს ძაფივით წვრილ კაპილარებში, მერე კი მის სათუთ ღეროებზე პაწაწინა კოკრებიც გაიშლებიან და კვერცხლის ულამაზესი ყვავილები წაშიერი ცივი ნათებით გამობრწყინდებიან. სწორედ ამ თვალისმომკრელ სინათლეში გაკრთება თაბაშირის თეთრი ნიღაბი და ზედ გადასერილი მოვარდისფრო პირის ჭრილი... თვალი გავახილეთ. შემზარავ ხილებს თავი დავაღწიე და რეალურ სამყაროს დავუბრუნდი.

ოთახში ციოდა. ფანჯარასთან მივლასლასდი. მართალია, მოძრაობა ჯერ კიდევ შემეძლო, მაგრამ ისეთი გრძნობა მქონდა, თითქოს ბამბის ფეხებზე ვიდექი და ფრთხილად თუ არ ვივლიდი, ადგილზე ჩავიკმუტუნებოდი.

ირგვლივ ყველაფერი ცივად გამოიყურებოდა და თავისებური კონტრასტული შეფერილობით გადასაცვან სურათებს მაგონებდა. აი, ისეთს, ბავშვებს რომ გადააქვთ ხოლმე რვეულის ყდაზე. წუხელის ქარიც მომძლავრებულა. სახურავზე აგლეჯილი თუნუქის ნაკერი გულისგამაწვრილებლად ღრქიალებდა...

ასეთ საზიზლარ ამინდში გარეთ გასვლა ნამდვილად არ ღირდა.

საცხედრესთან ლურჯკაპოტიანი სატვირთო მანქანა იდგა. მანქანის ირგვლივ შავებში გამოწობილი ხალხი ფუსფუსებდა.

ისევ წამოვწეკი. ექთანმა თერმომეტრი გამომართვა: დაბალი სიცხე გაქვსო, მითხრა. თვლები დავხუჭე. სიბნელესაც კი თავისებური სითბო ახლავსმეთქი, გავიფიქრე და კვლავ ძილბურანში ჩავიძირე. ძილის უძირო ჭაც თბილი და ნოტიო იყო.

კარზე დაკაკუნებამ გამომალღიძა. ხმა არ გამიღია. ისევ დააკაკუნეს. ცოტა ხნის შემდეგ სახელურის ჩხაყუნი შემომესმა და ფრთხილად შემოღებულ კარებში ლეოპოლდის ფართო სახე გამოჩნდა.

— ოჰ, მგონი გაგაღვიძეთ!.. არა, არა ნუ აღგებით გეთაყვა... მე მხოლოდ ერთი წუთით შემოვიარე.

ლეოპოლდი ჩემს პასუხს არც დალოდებია, ოთახში შემოვიდა და სკამზე ჩამოჯდა. ხელში სახატავი ალბომი ეჭირა. „ახალი ნამუშევარი უნდა მაჩუქოს!“ — გამიელვა თავში. რატომღაც იყორელი მოხუცი გამახსენდა... თუმცა, აბა მე სად მქონდა ალუბალი, კურკები რომ გამომეპურკუებინა! წამოდგომა დავაპირე.

— მგონი დიდხანს მეძინა... რომელი საათია? ალბათ უკვე ათი იქნება, არა?

ლოგინზე წამოვჩეკი.

— ათი კი არა. თორმეტის ნახევარია, თორმეტის! — რატომღაც რიხიანად მიპასუხა ლეოპოლდმა და ჩემი ყუვისფერყდიანი რვეული გადაშალა.

— ეჰ, ნეტავ მეც დამყოლოდა წერის ნიჭი! — გულდაწყვეტით ჩაილაპარაკა ლეოპოლდმა და რვეული გვერდზე გადადო, — პოეტურ მუხას ჩემი აკენის სი-ახლოვესაც არ ჩაუვლია... მაგრამ არა უშავს, ამით ქვეყანა კი არ დაქუეულა.

ფეხებში სისუსტე ვიგრძენი. მკერდშიც ისევ ის უცნაური სიცარიელე ამითრთოლდა... ის იყო შიშველი ფეხი საწოლქვეშ შევაცურე, რათა ოთახის

სანდლები მომეძებნა. რომ ავისმომასწავებლად გასივებულ-გაყვითლებულმა საკუთარმა ტერფებმა მიიქციეს ჩემი ყურადღება. ღმერთო ჩემო, ისინი უკვე ჩემგან განცალკევებით არსებობდნენ და თავის პატრონის ნება-სურვილს თითქოს არც ემორჩილებოდნენ... მიუხედავად ამისა, სანდლები მაინც მოვიწიე და გაყვითლებულ ფეხებზე წამოვიციე.

ლეოპოლდი ისევ პოეტური მუზის უქონლობას მისტიროდა, ოღონდ მთელი ყურადღება ჩემი გასივებული ფეხებისაკენ ჰქონდა გადმოტანილი.

— რა ყვითელია, არა? — რალაცნაირ შემწყნარებლურ კილოზე წარმოთქვა ლეოპოლდმა, — იცით, აი ეს ახალი ნამუშევრები მინდოდა თქვენთვის შეჩვენებინა...

ალბომიდან ორი ნახატი ამოიღო და საწოლზე დამიწყო.

— რას იტყვი?

რა უნდა მეთქვა, ახალ ნახატებს მთელი გულისყურით ვათვალიერებდი და ვერაფრით ვერ გამეგო, რითი განსხვავდებოდნენ ისინი ძველისაგან. იგივე საცხედრე, იგივე ხეები, არც ცაზე შეცვლილა რამე... ბოლოს საცხედრის გვერდით ტანაშოლტილი ხეებიც სულ ფოთოლ-ფოთოლ გადაკვექე. იქნებ უცხო ფრინველი მაინც იყოს-მეთქი სადმე შეუუქული, მაგრამ შენც არ მომიკვდე!..

— წინასწარ ვიცოდი რომ მოგეწონებოდათ! — წამოიძახა ლეოპოლდმა, თუმცა ჯერ ერთი სიტყვაც არ მქონდა დაძრული.

— ალბათ თქვენც ამ კარებში ხედავთ ყველაზე დიდ სიახლეს, არა? იქნებ, ერთგვარ ქვეტექსტსაც, როგორც მხატვართა წრეებში იტყვიან ხოლმე...

მოულოდნელად ლეოპოლდი სკამიდან წამოხტა და ფეხის წვერებზე შემდგარი გაემართა კარისაკენ.

— ამ ნახატებს თქვენ გჩუქნით! დიახ, თქვენ...ახლა კი წავედი... არ მინდა მათ აღქმამი შევიშალოთ ხელი...

ლეოპოლდი ფრთხილად გავიდა. კარიც მისთვის ჩვეული მრწინებით გაიხურა. ერთხანს ნაბიჯების ხმა ვერ გავიგონე, ხომ არ მაყურადებს-მეთქი, გავიფიქრე.

აი თურმე რაში ყოფილა საქმე! როგორც იქნა, მივხვდი, რით განსხვავდებიან ეს ახალი ნახატები ძველისაგან! ჩვენს ლეოპოლდს ხომ ამჯერად საცხედრის კარი დაუხატავს ღიად! თუნუქით შეკვდილი საცხედრის კარი შავი ფრინველის ჩამოჭრილ ფრთას მაგონებდა!

19.

თავი ამტკიცდა. ღმერთო ჩემო, რა სისულელეა ყველაფერი ეს: აქეთ ლეოპოლდის საცხედრე, იქით ხუთი კვერცი, ანუ იგივე ხუთი კოზირი, რომლითაც წუხელის საკუთარი ბედისწერის დამარცხებასაც კი ვლამობდი... ეს ხომ ნამდვილი კლოუნადაა და მეტი არაფერი!

თუმცა რა მოხდა მერე, იყოს ბატონო კლოუნადა! მე ხომ ჯერ კიდევ არ დამიყრია ფარ-ხმალი... ისევ ჩემს მაგიდას ვუბრუნდები... ღვთის წყალობით ძალაგამოცლილ ფეხებსაც კიმორჩილებ ჯერჯერობით.

მაშ ასე. თამაში გრძელდება! სხვა გზა არც არის.

გუშინ მე და ჩემი პატივცემული კიბო კონიაცს მივეძაღეთ და კარგა ლაზათიანად გამოვთვევით, არადა, რა ხანია ჩვენს გემოზე არ გვიქვიფია! ერთი ბოთლით ჩემი სადღეგრძელო დავლიეთ, მეორეთი — მისი. სულ ალავერდებს გადავდიოდით ერთმანეთთან!..

„ბატონებო! მაშ წაუწმინდეთ კალამს წვერი და გალექსეთ ვარდი!“ -- თუ არ ვცდები, ასე მიმართავდა პუშკინის სიტყვიერების მასწავლებელი თავის მოწაფეებს ცარსკოე სელოში. ნეტავ მეც შემეძლოს ჩემი კიბოს აღწერა! მით უმეტეს, დღეს აშკარად უქეიფოდ გრძნობს თავს... გასაკვირიც არაა, ის ხომ სრულიად მიუჩვეველია ალკოჰოლურ სასმელებს... აბა მე, პირიქით, ჯერ კიდევ სტუდენტობის წლებში დავამყარე ახლო ურთიერთობა ალკოჰოლთან... ხოლო რაჟი იმ წლებში ჩემი კიბო საერთოდ არ არსებობდა ამ ქვეყანაზე, გამოდის, რომ მას უმაღლესი განათლებაც არ ჰქონია მიღებული! ეს კი, სხვათა შორის, ჩვენს მკვეთრად განსხვავებულ ინტელიგენტურობაშიც ვლინდება, რის გამოც, ღმერთია მოწამე, არასოდეს ცხვირი არ ამიწვევია...

ანატომიურ ატლასში გამოყენებული ფერები რამდენად სარწმუნოა არ ვიცი (ავტორი: ვირტურგელი მედ. მეცნ. დოქტ. ი. სობოტა), მაგრამ ერთობ ლამაზი რომაა, აქ ორი აზრი არ არსებობს. ასე მაგალითად, შუაზე გადახსნილი მუცლის ღრუ ბატონ სობოტას მიერ ისე თვალწარმტაცადაა წარმოდგენილი, რომ ერთი შეხედვით ლამაზად გაფორმებული ტკბილეულის კოლოფი გეგონება. დახედავ ამ ხასხასა, წითელ-ყვითლად გაბრწყინებულ ფერებს და ერთი პირობა იქნებ ტორტის მოსართავ კრემადაც კი ინატრო.

სხვისა სხვამ იცოდეს, მე კი მაინც რაფაელის ყვითელ ფერს ამოვიჩრჩევი და მიუხედავად იმისა, რომ ეს თირკმელზედა ჯირკვლები ანუ glandulae suprarenalis-ები ნახევარმთვარეზე უფრო მეტად დაჩუტულ-დაკუმპუნულ ბუშტებს მოგვაგონებენ, ტილოს ზედა-კუთხეში მაინც ორ ნამგალა მთვარეს მივახატავდი. კი, ვიცი, რომ ამჯერად მხოლოდ ერთი glandula მივარგა, ვიცი და მაინც ორს დავხატავდი. ასე უფრო ლამაზი გამოვიღოდა. ისიც ვიცი, რომ განსაკუთრებული გულმოდგინებით შექჩრდილი უნდა დამემუშავებინა — თირკმელზედა ჯირკვლის ფაქტურა ხომ საკმაოდ ხორკლიანიცაა. ნეტავ ერთი ჯირკვლი კრილშიაც დამახატვინა! ო, ქერქიანი შრის zona reticularis-ი, ანუ ბადისებრი ზონა ხომ მართლაც ვირტუოზული ოსტატობის გამოსავლენადაა ზედგამოჭრილი. ამ მრავალრიცხოვანი ძარღვების, უწვერილესი ნერვებისა და სხვადასხვა ზომის კუნთოვანი ქსოვილების გადმოხატვაც ხომ ძალზედ ეფექტური იქნებოდა... სულ ბოლოს კი, ყველაფერი ეს გეომეტრიულად ზუსტსა და თვალგასახარ ნაქარგს დაემსგავსებოდა.

ჰო, მერე და მერე, ე. ი. რაფინირებული ტონების შემდეგ, საკმაოდ ხარბ, არაორაზროვნად მუქ წითელ ფერებზე გადასვლაც შეიძლება. განსაკუთრებით მაშინაა ეს სასურველი, როცა Substantia medullaris-ის ტვინის შრეებს მიუუახლოვდები... ამ ინტენსიურსა და მყვირალა წითელ ფერს მე პირადად უფრო მეტ ძალმოსილებას, უფრო მეტ მომზიბელელობას მივანიჭებდი. ასე და ამრიგად, უკვე ტვინის შრეებიც არ წარმოადგენს ჩემთვის არავითარ სიძნელეს. სხვათა შორის, არც ეს წითელი ნივთიერებაა დიდი გამოცანა: მასში გამომუშავებული პროდუქტების შექენა ხომ ნებისმიერ აფთიაქშია

შესაძლებელი აღრენალინის სახით... მთავარი კი ისაა, რომ მაშინ, როდესაც წყვილადში ჩასასვლელ კიბეზე მარჯიტის მზრუნველი ხელი წამეხმარება (რის შესახებაც მე ერთხელ უკვე საკმაოდ დამაჭერებლად და ხატოვნად ეწერდი!). ტინის შრეები საერთოდ არაფერ შუაში არ იქნება!

ახლა კი დროა თვით თირკმლებზეც გადავიდეთ. აქ, ჩემი აზრით, ყველაზე უპრიანი მაინც ყავისფერი იქნებოდა. დიახ, ერთი შეხედვით თითქოს უბრალო. მაგრამ საოცრად კეთილსინდისიერი, თანაც ყოველგვარი ზედმეტი მინარევების გარეშე. ასეთი ფერი არა მარტო თირკმლების უშნო ფორმისათვის იქნებოდა ზედგამოჭრილი. არამედ მათი ბუნებრივი დანიშნულებისთვისაც... წარმოიდგინეთ თირკმლის არტერიებში ჩამჭდარი ორი მოგრობო პამიდორი, რომელიც სისხლის გაფილტვრასაც ასწრებს და შარდის წვეთწვეთად გატარებასაც, თანაც მკაცრად განსაზღვრული რაოდენობით... თირკმლების ლალატი და ფეხის გაკიშვა ერთია. და მაინც, მიუხედავად ამისა, თირკმლებს არ გააჩნიათ ის იდუმალება, ის ფლუიდები და ა. შ. რითაც ასე უხვადაა შემკობილი თირკმელზედა ჭირკვლები. თავად განსაჯეთ, საკმარისი იყო თირკმელზედა ჭირკვალს თავისი ფუნქციების შესრულებისას ოდნავ წაეორიგინალებინა, რომ მშვენიერ მონა-ლიხას ნიკაპზე ჩვეულებრივი ბეკეკას წვერი წამოეზრდებოდა.

ახლა კი ამ მოზიემე ფერების თამადასაც, ანუ ჩემს კიბოსაც ხომ უნდა მოენახოს თავისი კუთვნილი ადგილი? კი, მართალია ჩემი კიბო ჩემშივე აღმოცენდა და განვითარდა, უფრო მეტიც, მე და ის სრულიად განუყოფელი ერთარსი ვართ, მაგრამ მიუხედავად ამისა, მე მაინც გარე სამყაროდან მოვლენილ ბოროტ სულად დაეხატავდი მას. სამწუხარო მხოლოდ ისაა, რომ ამ წუთში წარმოდგენაც არა მაქვს, როგორ გამოიყურება გარეგნულად ეს ბოროტი სული. ი. სობოტას ანატომიურ ატლასში ხომ მაინცდამაინც იმათი მუცლებია გამოფატრული, რომელთაც საერთოდ არ ჰქონიათ ისეთი არქიტექტურული ზედმეტობა, როგორიც კიბოა, ე. ი. არც მისი დახატვა ყოფილა აუცილებელი. მით უმეტეს, რაც კი რამ ფატალურია, ერთობ ბანალურადაც გამოიყურება.

წარმოსახვაში, რა თქმა უნდა, ყველაფერი უკეთ გამოიყურება. ჩემს კიბოსაც ამ ჰრელაქტრულა სურათის სიღრმეში დაუდევს ბინა, თუმცა რაღა ბინა — საყურთხვეელი, სადაც ყოველ წამს თავის წარმართულ რიტუალს ასრულებს. დიახ, წარმართულს, რადგან საკუთარი თავის პატვისმცემელი ვერც ერთი რწმენა ვერ ჰგუობს ზედმეტობას... თუმცა ამ შერეკილმა მოგვამა, ეტყობა, უფრო გრანდიოზული მიზნები დაისახა — შეეყუთულა თავის ფარულ თავშესაფარში და ჩემს საბრალო უჭრედებს ყოვლად უაზრო და სასტიკ ბრძანებებს გადასცემს. საერთოდ კი ყველაფერს სჩადის იმისათვის, რათა პანიკაში ჩავარდნილმა უჭრედებმა თავიანთ პირდაპირ დანიშნულებაზე აიღონ ხელი, მერე კი უთავბოლოდ გადიდდნენ, გაიზარდონ, გადაგვარდნენ... მოკლედ, კიბოს ერთი სული აქვს როდის დააჩილდოვებს თავის პატრონს გულზემემოსაყრელი სიდიდეებით... ცდილობს ჩვეულებრივი თირკმელი აქციოს გიგანტურ თირკმლად! ელენთა — ბუმბერაზ ელენთად! სწორი ნაწლავი — ვეებერთელა სწორ ნაწლავად! ოლონდ კი რამე გაამსხვილოს, ოლონდ კი რამე გააფართოვოს... კვლავ გულისგამაწვრილებელ წინააღმდეგობაში ვვარდები: — თუ მე და ჩემი კიბო მართლა ერთი და განუყოფელი ვართ, მამ გარეშე ძალე-

ბიც არაფერ შუაში ყოფილან!.. ჩემი ღრმა რწმენით, არც ბაქტერიებისა და ვირუსების მსუბუქ არტილერიას მიუღია რაიმე მონაწილეობა მათ წარმოქმნაში. ყველაფერი ჩემს არსებაში ხდება, ჩემს არსებაში და ჩემივე თანხმობით... ე. წ. ტვინი და გონება კი სრულიად უძლურნი არიან სხეულის ამა თუ იმ უგუნურ გადაწყვეტილებათა წინააღმდეგ. ბოლოს და ბოლოს, რაში მარგია ეს ტვინი, რაში?! ნუთუ მარტოოდენ დღიურებში დაშიფრული წვრილმანი ცოდვების გასახსენებლად და აღსანუსხავად?!

სწრაფად ვდგები. ვცდილობ გრაფინს მიეწვედ, მაგრამ... ესეც შენ! უკვე ფეხები აღარ მემორჩილება. მუხლები მიცახცახებს... ჭერ ერთ ფეხში მეცლება ძალა, მერე მეორეში... მეტი აღარ შემიძლია. საწოლზე პირქვე ვემხობი და მოულოდნელად ყველაფერი სულერთი ხდება, უკლებლივ ყველაფერი...

არა, ასე არ შეიძლება, ცოტას კიდევ დავისვენებ და წამოვდგები. ძალას მოვიკრებ და, რადაც არ უნდა დამიჯდეს, წამოვდგები... აი, უკვე არა მიშავს, ვდგები. ფანჯარასთან მივდივარ. სუფთა ჰაერი... ჰაერი!

ყველაფერი ტორტმანებს. მგონი, მთელი სამყარო ამოვარდა ფოკუსიდან... სახლის სახურავეები, ხეები და ქუჩები მოყვითალო-მოიისფრო ჩარჩოშია ჩასმული... ჩემს ყელში გაჩხერილი ხორკლიანი ბურთიც მოყვითალოა... თანდათან იზრდება... აი, უკვე ჩემი თავის ხელაა, სადაცაა დამახრჩობს!

გონზე მოვდივარ. ნეტავ რამდენ ხანს ვიყავი ამ ფანჯარასთან რაფაზე მკერდ-მიბჯენილი? ყველაფერს თავისი ფერი უბრუნდება... მოყვითალო-მოიისფრო ყვავილწუნულებიც გაუჩინარდნენ. აი, საავადმყოფოს ბალი. ბილიკზე მარგიტო მოაბიჯებს. წამით ჩერდება, ჩემი ფანჯრისაკენ იცქირება. მართალია, ამ სიშორეზე ჩემს სახეს ვერ დაინახავს, მაგრამ მთავარი ახლა ისაა, რომ იგი ნამდვილად ჩემი ფანჯრისაკენ იხედება. როგორ მინდა ხელი დაუქნო, როგორ მინდა, მაგრამ... ისევ მეცლება ძალა... ღმერთმა დალახვროს!

20.

ნასადილევს შოკში ჩავევარდი.

არასოდეს დამავიწყდება თანაგრძნობით აღსავსე მარგიტის თვალები. მთელი საღამო ლოგინში ვიწეკი და სულგანაბული ველოდებოდი როდის გავიგონებდი მის საამო, გულში ჩამწვდომ ხმას. მარგიტო კი დუმდა, ე. ი. ხელიდან წასულთა სიაში ჭერ კიდევ არ ვეწერე... საინტერესოა, რას ფიქრობენ ამდენ ხანს ჩემი ეჭიმები? ჩამიდგამენ თუ არა, ბოლოს და ბოლოს, ხელოვნურ თირკმელს?... ხელოვნური თირკმელი იქით იყოს და ის, რაც ერთ მშვენიერ დღეს საბრალო პეეტერში აღმოვაჩინე, ამ ბოლო დღეებში მე თვითონ მომეძალა — ღმერთო ჩემო, რა ძნელი ყოფილა სულთან გაყრა! რა თავგამეტებით ვებლაუტები სიცოცხლეს! კბილებით, ტუჩებით, თვალებით... მთელი არსებით! თავის წაწყვეტამდე... თურმე, ნუ იტყვიო და, კეფაზე დასმულ სამედიცინო წურბელებსაც თავები აწყდებათ. ღროზე ადრე თუ მოაცილეს ნუგბარ საწუწნავს.

ეტყობა. ცელმომარჯვებული მიქელ-გაბრიელი ნამეტანი ახლოს დაძვრება ჩემს სახლთან. ვინ იცის, იქნებ ახლაც სადმე აქვე იყოს ჩასაფრებული! აი, თუნდაც იმ ვერხვის ძირში, რომლის ქერქშიაც საბრალო მატლი ცოდვილობს. ადვილი წარმოსადგენია სულაც სასუქის გროვასთან მიგდებული ლურსმნების ძველ ყუთზე იყოს წამოსკუპული! ადრე თუ გვიან იგი ამ პალატაშიც შემოიძურწება... ფეხაკრებით ამოუყვება ღამის ნათურით განათებულ კიდეც... დერეფანში დაგებული მწვანე ხალიჩა მთლიანად შთანთქავს მისი ნაბიჯების ხმას... წამოვა. წამოვა, წამოვა! კაციშვილი ვერ შენიშნავს, ისე უხმოდ ჩაუვლის მთვლემარე ექთანის მაგიდას, მოხერხებულად გასრიალდება ელექტრონის სხივისა და მასტიკის სუნს შორის... ადამიანისაყენ! იმ ადამიანისაყენ, რომელსაც თირკმლის კიბო აქვს!

მორიგე ექთანი თვლემს. ვერაფერს ვერ ამჩნევს. ალბათ, ისევ კედლის საათი თუ იგრძნობს რამეს! ასეთ შემთხვევაში ზოგი საათი თურმე საერთოდ ჩერდება... ადვილი შესაძლებელია ჩაბნელებულ ოთახში ფანჯარაც კი გაილოს თავისით! დიახ, სიკვდილის მოახლოებას მხოლოდ საათი, ფანჯარა და მარგიტი თუ იგრძნობენ... ხმატკბილი მარგიტის გამოსამშვიდობებელი სიმღერა მუდამ თავის დროზე გაისმის მომაკვდავის სასთუმალთან... აბა რისი გეშინიათ — ლულუნებს მისი ხმა. ხმა კი არა, ინტონაცია — ცოტაც და ტკივილი თავისით გაივლის... ცოტაც მოვიტმინოთ, სულ ცოტა...

სიკვდილის წინ ყველა ბავშვივით იქცევა. ვინ იცის, იქნებ მეც წავიფარო თავზე ზეწარი, მუხლები ნიკაპამდე მოვკაკო და ასე სასაცილოდ მოკრუნჩხულმა ვცადო დავემყოფო სიკვდილს... მახსოვს, ბალობაში, როცა რამეს დავაშავებდი. დედაჩემი დამემუქრებოდა, მოვა მამაშენი და ის გიჩვენებს სეირსო... მეც სხვა რაღა დამრჩენოდა, მოსალამოვდებოდა თუ არა, მაშინვე ლოგინში შეეძვრებოდი და თავს მოვიმძინარებდი. არ მახსოვს, მამაჩემს ერთხელ მაინც გავეღვიძებინე.

მაინც რა იყო, რა ოფლი ვღვარე დღეს! ვერ წარმოვიდგენდი ადამიანს თუ ამდენი ოფლის გამოყოფა შეეძლო. ისეთი გრძნობა მქონდა, თითქოს წყლით გაბერილი ბუშტი ვიყავი და საკმარისი იყო ჩემს საწოლთან დახრილ ექიმებს თითი დაეკარებინათ, რომ უმალ შადრევანივით ამოვიფრქვეოდი. ახლა რა მიშავს, კარგად ვარ. ყველაფერმა მშვიდობიანად ჩაიარა. არსად არაფერი არ მტკივა. ღმერთო ჩემო, რამხელა ბედნიერებაა, როცა უზრუნველად წევხარ და არსად არაფერი არ გტკივა! თითქოს მთელი სხეული ზეიმობს... რა დასანანია, რომ წინათ საერთოდ ვერ ვახერხებდი ამ ბედნიერებით ტკობას. არადა, ვინ მოთვლის რამდენი დღე და საათი მქონდა ცხოვრებაში ამის შესაძლებლობა! რა საოცარი შეგრძნება მეუფლება — ცოტა ხნის წინათ ოფლი მასკდებოდა, ახლა მუსიკად ვიღვრები... ღვთაებრივ მუსიკად!.. მაგარი გული გქონიაო, მითხრეს ექიმებმა. მორჩა! ახლა წაძინებაც არ მაწყენს...

ღამის პირველი საათია. მაშასადამე, მთელი ექვსი საათი მძინებია. წამოდგომისთანავე ვგრძნობ, რომ ბევრად უკეთ ვარ. ფეხზედაც მაგრად ვდგავარ. გული ისევ ფანჯრისაყენ მიმიწევს. ეს ფანჯარა პირდაპირ მაგნიტივით მიზიდავს.

ნისლიანი ღამეა. ცივა, ნეონით განათებულ ჩემს ქალაქს ეკლის გვირგვინით ადგას თავზე შარავანდედი... ღმერთო ჩემო, რამდენი რამე არ არსებობს ახლა ჩემთვის ამ დაფიონის ქვეშ! — თეატრები, რესტორნები, კინოთეატრები, კაფეები... არ არსებობს და ნუ არსებობს! სამავიეროდ ვარსებობ მე თვითონ! აი, ახლა ამ წუთში, ამ განუმეორებელ წაშში! რომელშიაც ყველანი ერთად და ერთდროულად ვარსებობთ. ახლა, როცა მარტოდმარტო ვარ და გახურებულ შუბლს ფანჯრის ცივ მინაზე ვიკრილებ. განსაკუთრებით მძაფრად შევიგრძნობ ხოლმე ჩემს ამწამიერ არსებობას მთელ კაცობრიობასთან ერთად... რა საოცარი, რა ამალღებული. რა ბედნიერი განცდაა — მე ვარსებობ! მე ვცოცხლობ! მეც ნაწილი ვარ ყოფიერებისა! რატომღაც ჩვენი სკოლის ის საზეიმო საღამო მახსენდება: აი, მე ისევ ჩაბნელებულ აივანზე ვდგავარ და „დონა კლარას“ პანგებით ვტკბები... მოულოდნელად ენით გამოუთქმელი ალტყინება მეუფლება. ხელებს ვშლი და ძველმოდურ ტანგოზე ატროკებულ უფროსკლასელებს ვლოცავ... მაშინაც ყველასაგან განცალკევებით ვიდექი! ახლაც მარტო ვარ... ახლა! — რა ჭადოქრული ძალაა ამ სიტყვაში! არადა, ის ხომ მხოლოდ ერთ წაშში ინთება და იფერფლება, იფერფლება და გადადის წარსულში, იმ წარსულში, რომელიც, კაცმა რომ თქვას, არც არსებობს. ქრებიან და ინთებიან წამები, იფერფლებიან და ისევ ინთებიან...

საღღაც კი, იქვე საავადმყოფოდან არც თუ ისე შორს, სწორედ ამ წუთში გრიალებენ რესტორნები, ოფლად იღვრებიან არაქათგამოცლილი მოცეკვავეები... თვალეზინაბულ ქალებს ვნებიანად მოქანავე თეძოებზე აბრეშუმის კაბები ეწებებათ... იღვრება შუშხუნა შამპანური... გუგუნებს მუსიკა... რესტორნის უკანა ეზოში კი, ზედ ბათქაშგაცევილ კედელთან მიდგმულ სანაგვე ურნაზე სიცივისაგან გათოშილი კატა მობუზულა... ახლა იქნებ მარტოსული პილიმეისიც კვნესის საღმე... საღღაც ურცხვად შიშვლდება ქალიშვილი, რომელსაც ნაზი, ქოქოსის რძისფერი კანი აქვს... ოპოდელდოკის საცხის სუნით აქოთებულ ოთახში ბარძაყებში ფესვგადგმული რევმატიზმით გულგაწვრილებული დედაბერი კვნესის... ყვითელი კანი აქვს, პაპირუსის ქალაღივით დაქმუქნული... ჩემს ყოფილ ლაბორატორიაში ძველებური კედლის საათი წიკწიკებს, ეღრიალებს. ითვლის წამებს, წუთებს... ბიურეტებიდან მოწვეთავს ხსნარი, კოლბებში დაცულია მუდმივი ტემპერატურა, კაბელებში მიეძინება ელექტრონი... საკანალიზაციო ლიუჯებში ათასგვარი უწმინდურობა გროვდება და მარად მღელვარე ზღვებისაკენ მიბუზუბუყებს... მარადისობა თავისთავად სხვა არაფერია, თუ არა უთვალავი „ახლა“... სხვათა შორის, ერთი ასეთი „ახლა“ სრულიად საკმარისია, რათა რომელიმე შოშიამ პაწაწინა სიზმარი ნახოს... და ყველაფერს ადგას თავზე ცივი ზეცა! ცივი ზეცა და სავარსკვლავეთის მირიადი „ახლა“...

მაინც რა უციდევანოა ეს „ახლა“! თვალმუელდგამი სიდიდე ყოველთვის გაეჭვებს თავის არსებობაში. ანკი როგორღა უნდა არსებობდეს, როცა განუწყვეტილვ ქრება და იშლება... სასიკვდილოდ დაქრილი ჩიტი უსულოდ ენარცხება დედამიწაზე... მორჩა, გათავდა — იგი უკვე აღარ არსებობს. მასთან ერთად ქრება ერთი უზარმაზარი „ახლაც“... და აი, სისხლით მოთხვრილ ბალახებში აწ უკვე მკვდარ ჩიტთან ერთად იბადება ახალი „ახლა“, მაგრამ

ეს უკვე სულ სხვა „ახლა“, სრულიად სხვა! და მოვა წამი უჩემოდ... წამი, რომელშიც მე არ ვიქნები!

საკუთარ სხეულს ვათვალისწინებ. ეს ყველაფერი ჩემი „ახლა“, საკუთარი „ახლა“... მე ვარსებობ. მე ვკოძნობ საკუთარი ოფლის სუნს. ჩემი თირკმელზედა ცეპელინები როგორღაც კიდეც ჩახირობენ და ავად თუ კარგად თავის მოვალეობას დაახლოებით მაინც ასრულებენ. რაც მართალი მართალია, ამ ბოლო ხანებში მეტისმეტად გავხდი! თქმობები რომ თქმობია, ისიც ოპოდელოკის საცხის სუნით აქოთებულ დედაბერივითა მაქვს ჩაყვითლებული... კი ბატონო, ერთი შეხედვით იქნებ მუმიასაც ვგავდე, მაგრამ ნამდვილ მუმიობამდე ჯერ მაინც შორსაა. აჟი ვფიქრობ, ვმოძრაობ. ვაკვირდები საკუთარ თავს, შემოძლია დავძაბო ესა თუ ის კუნთი და... უნებლიეთ ჩემი მზერა სხეულის იმ ნაწილზე ჩერდება, რომლის წყალობითაც ცოტა რამ მგონი მეც მოვახერხებ სამომავლოდ... ხომ მოველინა ქვეყნიერებას ჩემი ქულებდიანი ბიჭი! ერთ ქალს მაინც ხომ ჩაუყუყუნე სამყოფზე მეტი რძე ძუძუებში!..

უსაზღვრო სინანულით ვივსები. გული მწყდება, რომ უფრო მნიშვნელოვან კვალს ვერ ვტოვებ ამ გაუტანელ წუთისოფელში. მერე რა, რომ ყველაფერი წარმავალია! ჩემი აზრით, მართლაც დიდზე-დიდი, კეშმარტივად ბრძნული აზრი უნდა იდოს იმ ცნებაში, რომელიც საყოველთაო გამრავლებისაკენ მოგვიწოდებს. კიდე? კიდე. რა აზრი აქვს? რა და, აი, თუნდაც უთვალავ „ახლათა“ მარადიულობა... სხვა რომ არაფერი, განა ეს საკმარისი არ არის? კი, მართალია, მე არ ვიცი როგორ დაიწყო ეს ყველაფერი... არ ვიცი და არც ? ზღა ვიციოდე! რაც მთავარია, კარუსელი ტრიალებს, მანქანა მომართულია, გაოფლილ თქმობებს აბრეშუმის ქსოვილი ეკვრება... დაცვარულ ბალახში ეცემა ჩიტი, სასუქის გროვებზე მწიფდება გოგრა... კიდე რა? რა და, ადვილი შესაძლებელია ყველაფერი ამის უკან იდუმალი ძალებიც იდგნენ, მაგრამ პრინციპში ეს არაფერსაც არ ცვლის (ხანდახან მე ისიც კი მჯერა, რომ საღდაც შორს, ძალიან შორს, ცხრა ზღვისა და მთის გადაღმა, მართლა დგას პატარა ქოხი, გამტკერილ ფანჯრის რაფაზე დგას ქოთანის, ქოთანში ყვავის გერანი. გერანის ფოთლებში დედაბრის მოწყენილი სახე ილანდება... მისი ყოვლისშემყენარებელი თვალები უსასრულო სივრცეებისკენაა მიქცეული). ამწამიერის ერყოლას ყველანი ერთნაირად განვიციდით... და ეს უსაზღვროდ დიდი ბედნიერებაა!

ისევ ჩემს გაძვალტყავებულ სხეულს ვათვალისწინებ. როგორ ჰგავს იგი ხეზე ჩამოტეხილ ფოთლებზემქანარ ტოტს! დაკუთრებ ხელებს, ფეხებს, მუცელს... მერე ისევ ცივი ქალაქის თავზე გადმომდგარი ვარდისფერი შარავანდელისაკენ გამიბრბის თვალი.

ეჰ, იანნიკა, იანნიკა!... მეც ხომ მჭირდება თანამგზავრი დასაფერვლად განწირულ ამწამიერში. ღმერთო, ნუ გადამრევე. ეს რა მემართება! ნუთუ ისევ ძველებური ძალ-ღონითა და სურვილებით ივსება ჩემი სხეული... იანნიკა!

ხალათს ვიცვამ, ფანჯრიდან მივძვრები და საავადმყოფოს ბაღისაკენ მიმავალ ბილიკზე ვეშვები.

— იანნიკა!

მკრთალად განათებულ ფანჯარაზე წამით თეთრი ოვალი ჩნდება. ეს ხომ მთვარის ცივ ნათელში სხვიმოფენილი იანნიკას სახეა. აი, უკვე ფანჯარაში

ვიკიციტები და ნათლად ვხედავ მის თვალებს, უსაზღვრო გაოცებისაგან გაფართოებულ თვალებს.

-- მე ვარ, იანნიკა, მე...

ფანჯარა ფრთხილად იღება. წამით ფარდებში ვიბლანდები. დაბნეული იანნიკა კარისაკენ ზურგშექცეული დგას და ისე მომჩერებია, თითქოს ეს წუთია მის ფანჯარაში მე კი არა. მოჩვენება გადამძვრალიყოს.

-- როგორ მატყინე!.. — ჩურჩულებს იანნიკა.

იანნიკას ჩამოშლილი თმა სახეზე მელამუნება. იატაკზე ზეწარი აგდია...

— შენ რა, მარტოობის შეგეშინდა?

ხმადაბლა ვსაუბრობთ, გრძელ-გრძელი პაუზებით. ერთი „ახლა“ ქრება, მეორე ინთება, ქრება და ინთება. ქრება და ინთება...

— ჰო, ალბათ მარტო ყოფნაც არ მინდოდა...

— მერე შენ მაინცდამაინც ჩემსკენ გამოგვიწია გულმა, თუ?... — გამომცდელად მეკითხება იანნიკა და, მართალია, ამ სიბნელეში მის სახეს ვერ ვხედავ. მაგრამ ვგრძნობ, როგორ იღიმება.

არაფერს არ ვპასუხობ.

— ეს შიში ჩემთვისაც ნაცნობია... დამერწმუნე, მსგავსი რამ მეც არაერთხელ გამომიციდია...

იანნიკა იატაკზე დაცურებულ ზეწარს იღებს და ტანზე მახურავს.

— შენ მგონი კიდევ ვერ მოითქვი სული... მაინც რა გამხდარი ხარ... ტყივით კი მაინც მატყინე...

ზედმიწვევით სწორად იქცევა იანნიკა სიბნელეში. განსაკუთრებით იმის შემდეგ... პოულობს ზუსტ კილოს, სვამს ბუნებრივ ინტონაციებს... ღმერთმა დამიფაროს და ხომ შეიძლებოდა, მაგალითად, ასეთი ბანალური ფრაზა წამოსცდენოდა: „რას შევები, ჩემო გიჟო, განა ასე უნდა ატყინო შენს იანნიკას...“ ამის თქმა და ყველაფრის გაფუჭება ხომ ერთი იქნებოდა... ამგვარი სიყალბის ფონზე დუმილი რომ დუმილია, ისიც კი არ იქნებოდა სრულფასოვანი. სხვათა შორის, აგნესი ზუსტად ასე იტყოდა! იანნიკა კი სულ სხვა ქალია. ჩემთვისაც ნაცნობია ეს შიშიო, მეც გამომიციდია მსგავსი რამეებიო...

— რა იყო ვითომ წელან ხალზე რომ მეფერებოდი? — მეკითხება იანნიკა, — გიყვარს ხალები? ზოგს სულ არ მოსწონს...

— იცი, ზუსტად ასეთი ხალი ჰქონდა ერთ ქალს... მე მაშინ ჯერ კიდევ პირტიტველა ბიჭი ვიყავი. ის ქალი თევზუელით ვაჭრობდა... — და მე უკიდურესი გულახდილობით ვუყვები იანნიკას, რა ურთიერთობა მქონდა თევზის გამყიდველ ქალთან. „თევზის ბაზარი“ — აი, ამ ორად-ორი სიტყვითაა დაშიფრული ეს ამბავი ჩემს ყავისფერყდიან რვეულში.

იანნიკა ყურადღებით მისმენს და, რა თქმა უნდა, სულაც არ ეკვიანობს, რადგან ეს გრძნობა ახლა ჩვენთვის საერთოდ არ არსებობს. ის, ვინც ასეთ დამეს განიცდის, არასოდეს არ იეკვიანება!

— ეს ჩვენი უკანასკნელი სიგიჟე იყო... აწი ვერასოდეს ვერ შევძლებ... — ეჩურჩულებ მე.

იანნიკა დუმს. მაგრამ ეს უკვე სულ სხვა დუმილია. ეტყობა, რაღაც ვერ ვთქვი სწორად... კიდევ წამი და შიშველ მხარზე იანნიკას ცრემლი მეცემა.

— მერე რა თუ ვერ შეეძლებ... ამით ქვეყანა კი არ დაიქცევა... ყველაზე დიდი დანაშაული ადამიანის გაჩენააო, უთქვამს ერთ ფილოსოფოსს, — გაუბედავად ვდუღუნებ მე. — კარგი რა, ნუ ტირი!

იანიკა სულ უფრო და უფრო იძაბება.

— რალა მე და რალა გამხმარი ჭირკვი! — სლუჯუნებს იანიკა, — მე ხომ ნანგრევი ვარ. ერთი საცოდავი ნანგრევი და მეტი არაფერი! რამ მოგიყვანა ჩემთან, რამ?!

— ჩემი სულელი გოგო! — უკვე ჩემს ხმაშიც ერევა სიყალბე.

იანიკა სწრაფად დგება. ო, რა ქათქათაა მისი სხეული! ქათქათა და ვეება...

— წადი!

— კარგი რა... რა გემართება?

— მომწყდი თავიდან.

ხმას არ ვიღებ. ანკი რა უნდა ვთქვა. იანიკა საწოლიდან მაგდებს. წინააღმდეგობის გაწევა უაზრობაა. არც დაუვაკებით გამოდის რამე.

— გამცილდი, გამცილდი! ახლავე გამცილდი! შენ რა, კიდევ ვერ გაიგე ვინა ვარ მე? ნანგრევი! ჭირკვი! ლეში!

იანიკა მღელვარებისაგან ცახცახებს. მთელი ძალით მანჯღრევს. მისი ფრჩხილები სულ უფრო და უფრო მტკივნეულად მესობიან მხრებში.

— გაეთრიე! გაეთრიე!

ახლა კი ვკადრულობ წამოდგომას. ხალათს ვიცვამ. იანიკა საწოლის კიდეზე ჯდება და სახეზე ხელებს იფარებს. მე უკვე ვერ ვხედავ მის ტუჩებს, რომლებიც სულ უფრო გულსაკლავად ბუტბუტებენ.

— ჩემი სხეული ნანგრევებია... უკანასკნელი ღამე იყო, დაგიჩემებია... მე კი, მე ლეში ვარ! ჭირკვი! ო, როგორ მეზიზღება საკუთარი თავი. როგორ მეზიზღება, როგორ მეზიზღება!

ისევ ჩემი პალატისაკენ მივიძურწები. თენდება. აღმოსავლეთის ცაზე მომწვანო-მოვარდისფრო ფერები ღვებია. ტალინის თავზე გადმომდგარი ნეონის შარავანდელი სულ უფრო მეტად იცრიცება და მკრთალდება.

22.

საბანზე ვწევარ. თვალები კერზე მაქვს მიშტერებული. ჩვენი საავადმყოფო ჯერ კიდევ ღრმა ძილშია. სადაცაა გათენდება. ჩაბნელებულ ფანჯრებს დილის რიჟრაჟი ელაციცება. ახლა აუტანელი ტკივილებით განაწამები კიბოიანთა სხეულებიც კი გრძნობენ განთიადის გარდუვალობას. კომმარულ სიზმრებში ძილგამკრთალი ავადმყოფები ლოგინში წრიალებენ და გაოფლილი ფეხები დაჰმუქნულ ზეწარში ებლანდებათ.

თენდება. დილას ვერავენ დაემალება!

მაგიდის კიდეზე საერთო რვეული დევს. მისი ფერის გარჩევა ჯერჯერობით შეუძლებელია, მაგრამ საკმარისია მზის სხივებმა ჩემი ფანჯარაც მოძებნონ, რომ ამ საერთო რვეულსაც ჩემი სატკივარივით ყავისფერი დაედება.

12. ენ ვეტემა

როცა ამ რვეულს ვეფურცლავ, თვითონ მეცინება ხოლმე საკუთარ თავზე. აქ, საღლაც, ორიოდ სიტყვით, ისიც მაქვს განმარტებული, როგორ არ უყვარს სიკვდილს პოზიორობა. ამას რომ ვწერდი, პირველ რიგში, რა თქმა უნდა, პეეტერი მყავდა მხედველობაში. აბა მაშინ რას წარმოვიდგენდი, ასეთსავე პოზიორობაში საკუთარ თავსაც თუ გამოვიჭერდი. აქეთ ახალმობილის ყიფლიბანდი და ბიას ბიწიერი შეფერილობა, იქით აგნესის ძუძუებში ჩამღვარი რძე და თირკმელზედა ჭირკვლების საკონდიტრო პეიზაჟი... ყველაზე კომიკური კი მაინც „fiinf Eier unter dem Baum“-ია. ეშმაკმა დალახვროს, ყველაფერი ეს ხომ წმინდა წყლის ოინბაზობაა! თანაც ისეთი ოინბაზობა, რომელსაც როგფორული ყველის სუნი უდის... მაგრამ ღმერთია მოწამე, არც ერთი ცოდვა არ ჩამიდენია შეგნებულად! ვინ მოთვლის, რამდენი მომაკვდავი მინახავს. ყველამ თავისებურად განუტევა სული... მხოლოდ ერთ რამეში ჰგავდნენ ერთმანეთს გაჭრილი ვაშლივით — ყველაზე ქედუხრელნიც კი მასხარად გადაიქცნენ უკანასკნელ წამს. სენტიმენტალურად გულაჩუყებულ და ამავე დროს უკიდურესად გაბოროტებულ მასხარად! ღმერთო ჩემო, როგორ ებლაუქებიან მომაკვდავები სიცოცხლეს! რა თავგანწირვით... არა, ეს სანახაობა ნამდვილად ზიზღის მომგვრელია! ჩემი მეგობარი პეეტერი მართლაც რომ მიტოვებული პატარძალივით იქცეოდა. არცერთ ხელსაყრელ შემთხვევას არ გაუშვებდა ისე, თავისი ჭანმრთელობა რომ არ დაეკვებნა. სულ იმის ცდაში იყო, ყველაფრის მიმართ გამოეჩინა გადაქარბებული ყურადღება და ინტერესი. ამის გამო თუ იყო, რომ ზოგჯერ იმ შინაბერას მოვაგონებდათ, რომელიც თავის დანაოქებულ სახეს ათასნაირ ფერუმარილით ინიღბავს და ენაგაუჩერებლად ლაქლაქებს, რათა დაუშრეტელი ენერგისი პატრონად მოგვაჩვენოს თავი. ო, როგორ არ მინდოდა მეც ამგვარი თითლიბაზობისათვის მიმემართა! უფრო ვაყვასურად დაეუხვდები იმ სულთამხუთავს-მეთქი, ვფიქრობდი. გამწირავს წუთისოფელი? მიმუხთლებს? კი ბატონო, მიმუხთლოს! ასეთი გულქვა წუთისოფლისათვის არც მე დავიწყებტ დიდად გულს... აი, ასე საგულდაგულოდ ვემზადებოდი და ბოლოს რა? — რა და, მეც პოზიორობისაკენ გადავიხარე!

ახლა რა ექნა? რა გზას დავადგე: იქნებ ისევ იმის დაჭერება სჯობდეს, რომ სიკვდილი მარადიული სასუფევლისაკენ მიმავალი ერთადერთი გზა, ბუნებრივი დასასრულია. უდრტკინველად მისაღები გარდაუვალობაა და ა. შ. მაგრამ ესეც ხომ წმინდა წყლის ფარსია?! ახლაც თვალწინ მიდგას ის ღღე, როდესაც ბავშვობაში პირველი კატაფალკი ვნახე: შავი ცხენები... კულზე და ფაფარში ჩაწნული შავი ბაფთები... მალალ ბორბლებზე შედგმული შავი კარეტა და კერცხლით მოქედილი თვალსაფარი... ქუდმოხდილი მოქალაქენი... ღმერთო ჩემო, რა სასაცილოდ გამოიყურებოდა ეს ყველაფერი. სასაცილოდ და ფარისეველურად! მოულოდნელად საგანგებოდ მორთულ-მოკაზმულმა ერთმა ცხენმა შავი ბაფთებით გადახვეული კუდი მალლა აპრიხა და სავსებით ბუნებრივ მოთხოვნილებათა მოსტუმრებას შეუდგა. პროცესია შედგა. დამწუხრებულმა ჰირისუფლებმა თავი გვერდზე მიაბარუნეს, მე კი სიცილისაგან კინალამ გავიგუდე. ჩემი უტაქტო საქციელის გამო ნირწამხდარი დედაჩემი, რა თქმა უნდა, უხერხულად შეიმშუშნა და მე უკვე წინასწარ ვიცოდი, რა მწარე წამალიც გამომეწერებოდა შინ. აბა მაშინ საიდან უნდა მცოდნოდა უხერ-

ხულ მდგომარეობაში მოხვედრილი ადამიანები სასაცილო ნიღაბსაც თუ არ თაკილობდნენ. შავ ყუთში იწვა ადამიანი, რომელსაც მიწაში დასამარხავად მიასვენებდნენ. ერთ დროს, ალბათ ისიც ჩვეულებრივი ცხოვრებით ცხოვრობდა. სვამდა, რომავდა ათასგვარ სისულელეს, წვებოდა ფეხდაუბანელი... იქნებ ასანთის კოლოფის ეტიკეტებსაც აგროვებდა და ა. შ. ახლა კი აგერ ამ გრძელ ყუთში ჩასვენებული სრულიად მოულოდნელად იმდენად საპატივცემულო პიროვნებად იქცა, რომ უცნობებიც კი ქუდს იხდიან და მისი თანდასწრებით უადგილო ადგილის მოფხანვისაგანაც კი იკავებენ თავს. ამაზე უფრო ზრდილობიანი პირობითობა გაგონილა? ვინ მოთვლის ყველაფერ ამაზე რამდენი სიმღერა გამოუთქვამთ ზეგარდმო ნიჭით დაჭილდოებულ ბრძენკაცებს! რამდენი ფრიალ სერიოზული შეგონება ჩამოუყალიბებიათ... დიახ, რაკი ვერ ვწვდებით სიცოცხლის არსს, დაე სიკვდილმა შეიმეცნოს იგი! რა, ცუდი პირობითობაა, თუ? მით უმეტეს იმასაც თუ გავითვალისწინებთ, როგორ ეძრწით და კვანკალებთ ყველანი სიკვდილის წინაშე. ერთადერთი ხსნა სიკვდილშია! დავასკვნით ოდესღაც ჩვენ და ამაზე უფრო ნუგეზისმომცემი რაღა უნდა იყოს ამ ქვეყანაზე, კი სიკვდილი იქნებ დიდი ღორობა იყოს, მაგრამ განა მარადიული სიცოცხლე იგივე არ იქნებოდა?

რვეული გვერდზე გადავდე. მასში ქექვამ ახლა რატომღაც უფრო მეტი სიამოვნება მომანიჭა.

საავადყოფოს ეზოში პირველი სატვირთო მანქანა შემოგარუხუნდა. აი, ის უკვე საშხარეულოსთან უხვევს და ჩერდება. ეტყობა, სურსათ-სანოვავე მოიტანეს. მალე სხვა მანქანებიც მოგარუხუნდებიან. მოზიდავენ წამლებს, თეთრეულს, ჟანგბადის ბალონებს. აბა როგორ! — აქ ყველაფერი სამყოფად უნდა იყოს.

მალე ჩვენი პალატები და საპროცედურო კაბინეტები შზის სხივებით აივსებიან. შუშით შემინულ რკინის კარადებში სხვადასხვა ზომის სკალპელები, კათეტერები, ცისტოსკოპები და სტერილიზატორები დაიწყებენ ბზინვას. უხსენებელივით დახვეული რეზინის მილები ჩვენს კუჭში ჩასაშვებ მოწითალო ზონდებად იქცევიან... მთელი ეს უმდიდრესი არსენალი სრულ საბრძოლო მზადყოფნაშია. სიკვდილის მოშიშარმა კაცობრიობამ ხომ ეს ყველაფერი თავისი მეტისმეტად გასათუთებული და ბალანგაცენილი სხეულის დასაცავად გამოიგონა. იმ სწრაფმავალ ნამლევას დასაცავად — რასაც სიცოცხლე ეწოდება! საცხედრეში ჩამწკრივებულ თუთიის მაგიდებს სოდიანი ხსნარით აქათქათებენ. ყველგან წესრიგი და სისუფთავე უნდა იყოს, წესრიგი და სისუფთავე!

დღეს შეიძლება აგნესი მოვიდეს ჩემს სანახავად. არავითარ შემთხვევაში იმ კვერცხებს არ ვახსენებ! დაე დარჩნენ ისინი საუკუნოდ მიწაში... იქ, მტირალა არყის ხის ძირში!

ვაი რომ, ძალა არ შემწვევს და გაბედულებაც მღალატობს. თორემ ახლავე მოუუსვამდი აქედან. ვიცი, ძალიან კარგად ვიცი, რომ ჩემი მხრივ ეს იქნებოდა ყოვლად უსარგებლო ნაბიჯი. უფრო მეტიც — იმ გომბეშოს დავემგვანებოდი, ძალად რომ გაიბერა, ერთიც ვნახოთ, იქნებ ხარისოდენა გავხდეთ.

მაგრამ გვაქვს კი ჩვენ საერთოდ უფრო მეტი ვაქცაობის თავი? ო, რა სიამოვნებით მივიდოდი ახლა იმ შრიალა არყის ხესთან. გულათრთოლებული მოვიგონებდი იმ შორეულ დილას, მამლების ყვირის, ლაევარდით შეფერილ ზეცას... გავიხსენებდი ბიჭუქელას, რომელსაც უბეში კვერცხები უწევია და დაცვარულ მდელოზე ფრთხილად მიაბიჯებს... ო, რა შორსაა ახლა ის ბიჭი! ისე შორს. რომ უკვე ყოველგვარი სენტიმენტალურობის გარეშეც შეიძლება ყველაფრის მოგონება...

und ich sann nach
über des Eies Verwandlung
und den Wandel des Lebens...

23.

- - წინმკლავი! ზემკლავი! განმკლავი! მიმკლავი! ზემკლავი! განმკლავი! მიმკლავი!

ეს ტრანზისტორის ხმაა. იგი ჩემს საწერ მაგიდაზე დევს. ეს წუთია დაიწყო საწარმოო ტანვარჯიში. დიქტორს ძლიერი ხმა აქვს. ძლიერი და დათაფლული.

— წინმკლავი! ზემკლავი! განმკლავი! მიმკლავი!

თვალწინ წარმომიდგება ახალგაზრდა ქალი. რომელსაც მალალ მეკრდზე შემოტმასნილი თხელი სვიტერი აცვია. ამ ხმას უსათუოდ ბიჭურად შეკრეკილი შავი თმა და ზედა ტუჩზე ოდნავ შესამჩნევი ღინღლი მოუხდებოდა.

ფანჯრის მინაზე უზარმაზარი ბუზი ბუზის.

სამზარეულოდან გადამდნარი ქონის სუნი მცემს. ტაფაზე კვერცხები შიშინებენ. აგნესი ერბო-კვერცხს მიშზადებს.

იანიკასთან გატარებული ღამის შემდეგ, რისი დაფარვაც, რა თქმა უნდა, არ მოხერხდა (ი. ანდრესკოიცი!!!), საკმაოდ დელიკატურად განმიცხადეს, რომ ჩემი ოინები უკვე ყელში ამოუვიდათ. რომ მე, პირველ რიგში, ნერვები მაქვს სამკურნალო და ა. შ. ასე რომ, მთელი ორი კვირა პალდისკის ქუჩაზე გამატარებინეს, ფსიქიატრიულში. ბოლოს და ბოლოს, როგორც იქნა, მეც დავრწმუნდები, რომ თირკმლების ბოქკოვან შემაერთებელ ქსოვილში უბრალო fibromyoma renis-ი. ანუ პაწაწკინტელა კეთილთვისებიანი სიმსივნე მქონია და მეტი არაფერი. თუმცა, როგორც შემდეგ გაირკვა. ამგვარი სიმსივნეები თირკმელში მეტად იშვიათი მოვლენა ყოფილა.

მეორე სამკურნალო დაწესებულებაში კიდევ ერთი ახალი დიაგნოზი დამისვეს: ფსიქოსტენია.

სამედიცინო ლიტერატურის ზედმეტი ქექვის გამო აკვიტებული აზრები! მაინც რა საზიზღარი სუნი უდის ამ ქონს! გეგონება, პირის დაკარებისთანავე გულს აგირევსო, მაგრამ ორგანიზმისათვის საჭირო ცილების მცირე ულუფის მიღებისთანავე დარწმუნდები; რომ არც ისე გულისამრევია.

ფსიქიატრიულიდან გამოწერის დღეს მისაღებში დამსვეს და გასაწერი ქალღღების მოლოდინში მთელი დღე მაყურყუტეს. საავადმყოფოს ტანსაც-

მელს მიჩვეულ ტანს პიჯაკი და შარვალი ეხამუშებოდა. განსაკუთრებით ფეხები მექაეებოდა და მიოფლიანდებოდა წარამარა. ჩემს მკურნალ ექიმს კურდღლისებრი ტუჩი საგანგებოდ მოშვებული ულვაშით ჰქონდა შენიღბული. მუშამბაგადაკრულ ტახტზე ვიჯექი და მის სიტყვებს ვაანალიზებდი. მგონი, ყველაფერი მართალი მითხრა. ყოველ შემთხვევაში, მე ასე მინდა დავიჯერო. ამისთანა ჩანაწერების პატრონი ასი წელი იცოცხლებსო, მსუბუქი ფსიქოპათია. ავადმყოფობა კი არა, ნერვული სისტემის ერთ-ერთი ტიპიაო, ასეთი ადამიანები ცოტა უცნაურად იქცევიანო... ასე რომ, ადვილი შესაძლებელია, მეც მოვითხოვო ზამთარში ნესვი! ერთ მშვენიერ დღეს კი ჩემს ერთგულ ცოლს სრულიად უსაფუძვლო ბრალდებები წავეუყენო და იმავე წუთში ახალთახალი პალსტუხი ავიჩემო... ხოლო სიკვდილი... სიკვდილი, რა თქმა უნდა, მოულოდნელად მოვა!

„უკვე საკუთარი სიკვდილიც გავუფასურე!“ — გავიფიქრე მუშამბაგადაკრულ დივანზე ჩამომჯდარმა.

მწვანემუცლიანი ბუზი ფანჯრის ჩარჩოზე მიცოცავს.

მალე ვისაუზმებ.

გადამდნარ ქონში შემწვარი ერბო-კვერცხი. მზრუნველი ცოლი. მალე სამსახურში გავალ და გეგმებს გადაჭარბებით შევასრულებ...

აქეთ მე ვიღიმები, იქით მონიკულულ ჩაიდანზე არეკლილი ჩემი ორეული ილრიკება. ეს სასაცილოდ დაგრძელებული სახე სულაც არ მეხატება გულზე...

ახლა კი ყველაფერი დავიწყოთ თავიდან! — გაჰყვირის ტრანზისტორი.

შ ი ნ ა ა რ ს ი

I. მონუმენტი 9
II. პილიმეესი 76
III. კვერცხები ჩინურად .	. 119

რედაქტორი დ. იუკურიძე

გამომც. რედაქტორები: ნ. ფაველინივილი, ქ. ჭიმშელაძე
მხატვრული რედაქტორი თ. გელაშვილი
ტექნიკური რედაქტორი მ. ასათიანი
უფრ. კორექტორი მ. კებულაძე
კორექტორი ჯ. ცაგურია
გამომშვები ლ. დავითური

ИБ № 3532 Литературно-художественное издание

გადაეცა ასაწყობად 4.02.87. ხელმოწერილია დასაბეჭდად 28.11.88. ქალაქ-
ლის ზომა 60×88^{1/16}. საბეჭდი ქალაქდი ოფსეტის. გარნიტურა ვენაბეჭდვის
ხერხი ოფსეტური. ნაბეჭდი თაბახი 11,5, პირ. ნაბეჭდი თაბახი 11,27. პირ.
საღებავგატარება 11,52. სააღრ.-საგამომც. თაბახი 13,44, ტირაჟი 80.000
შეკვ. № 524

ფახი 1 მან. .

გამომცემლობა „განათლება“, თბილისი, ორჯონიკიძის № 50.
Издательство «Ганатлеба», Тбилиси, ул. Орджоникидзе № 50.

1988

ტექსტი აწყობილია ფოტოწყობის მანქანაზე
Текст набран на фотонаборных машинах

საქართველოს სსრ მინისტრთა საბჭოს გამომცემლობათა, პოლიგრაფიისა და
წიგნის ვაჭრობის სახელმწიფო კომიტეტის თბილისისწიგნის ფაბრიკა, მეგობ-
რობის გამზირი № 7

Тбилисская книжная фабрика Государственного комитета Грузинской
ССР по делам издательства, полиграфии и книжной торговли, пр. Друж-
бы № 7